

春酒堂
遺書

四明張氏約園開雕

春
酉
堂

書

春酒堂遺書序

昔歐陽子以勤一世盡心文字閒爲可悲余意不然人之生也惟文字爲可樂至一世盡心焉而其樂彌甚若書若畫皆文字也一人兼之則其樂更爲何如周鄭山先生生明之季築春酒堂於郡治東七里所謂金峨太白湖上諸峯環而黛色可數貯經史莊騷千餘卷唐宋石刻百餘種墨蹟山水花竹數十軸庭內外花木十餘種迄今覽其記述猶令人低徊焉想見其曠懷遠識矣往余讀鄧山文手不釋卷顧未得其全集及與馮君孟

春酒堂遺書

序

一

四明叢書
約圖刊本

顯交出其所編遺書盡讀之王無功醉鄉記耶陶淵明歸去詞耶李太白之換千金裘耶賀季真之坐林泉耶阜帽青鞋有閒可借春雲秋水惟狂乃真蓋其立志一編旣涕泗於忠孝節義之事而飛蠅滿筆一念不動落魄貧困守此僞冠發爲文章可歌可泣先生與汪茗文書曰咨嗟歎息在筆墨之外者余於先生之詩文亦云雖然可悲者境爲之而可樂者志爲之有隨遇卽安之心而得超世軼塵之意纓被裘馬無足搖惑其眞厚志論曰志固莫量樂亦何厭其在斯乎其在斯乎遺書凡

三曰文存四卷詩存六卷詩話一卷而以外紀一卷附
焉余彙刊之既以見先生一世之勤而孟顓盡其心以
搜先生之書亦豈不以文字爲樂哉民國二十一年四
月後學張壽鏞

春酒堂遺書

序

一

四明叢書
約園刊本

春酒堂遺書總目

文存四卷

詩存六卷

詩話一卷

外紀一卷

鄧山使酒漚中傲物忤俗不容於鄉故杖策浪游
自吳齊北經燕晉西歷洛陽南入閩中車塵馬跡
幾半於中國時當易代俯仰身世寄慨於文字自
謂其詩中見血字外見聲屈原少陵而後鄭所南

春酒堂遺書 總目

一四明叢書

約園刊本

有其性者是也著有春酒堂詩文清乾隆閒列入
禁書目錄藏本蓋寡貞羣搜求累年始獲其詩文
存詩話三種編寫成冊別採傳記同志贈言爲外
紀附於後屏置篋衍十有四年矣辛酉二月約園
來訪遺書爰出鄧山之作趣其付梓且請忻紹如
丈江明審定校正補其佚詩劖劂甫竟爲述如右

壬申天貺節馮貞羣

春酒堂遺書編校所據舊本

文存

范文甫藏鄧山手稿本

盧澹園於焚化故紙爐旁檢拾得之前有全謝山手題跋文存

論一十三首碑八首記一十六首祭文六首偈三首題後一首贊六首銘三十四首今歸范氏裝治時失去跋文

金士甫藏文存傳鈔本

前有鄧山自序乾隆壬申碧雲樓無名氏跋不分卷弟清宣統

元年馮貞羣於鄞城冷灘得之補以謝山集序鄧山墓幢銘時上海國學扶輪社採輯國朝文匯函來乞書乃以此書付郵不數月即以活字板印布且更易次序改名文集冒稱謝山手定者夏同甫藏寫本亦從此出同甫得之於高雲麓雲麓得之於其師翼懷西奪記三篇其宋刻兩漢書記洞霄遊記文猶未完然賴以校正

春酒堂遺書 編校所據本

一四明叢書 約園刊本

十餘處

盧青厓抱經樓藏文存寫本

首列自序存賦五論八碑四序二傳二書五記三祭

文五銘二
十四首

俞熾卿繼述堂藏陳氏校錄本

無卷弟署鄧山同學陳錫絰錫綬校錄以金士

甫本校之脫賦一論一十說一碑一傳七記九序四書五雜著一十四首

陳季衡藏文集寫本

未次卷弟篇同金本與鄧山手稿同處頗多

詩存

盧青厓抱經樓藏詩存寫本

無卷數凡五古二百八十三首七古一百一十二首

五律三百九首五絕一百八首七律七絕兩體均佚

春酒堂詩稿寫本

存各體詩一百五十四首

俞熾卿繼述堂藏詩集刻本

無序跋及刻時歲月蓋出

卷似從全稿刪定者取各本校之增出五古二首七古九首五律十三首七律四十四首五絕三十一首七絕四十三首有赤堇

山人朱文方印

全謝山選續甬上耆舊詩本

有傳鈔本活字板本兩種互有同異選各體詩三百

首有奇中經謝山改刪今擇其善者而從之

周鄭山詩選寫本

凡三十四首選人無考

詩話

任沛齋陋軒藏寫本

以史雪汀李長吉詩注徐椅城四明談助所引校過

春酒堂遺書

編校所據本

二

四明叢書

約園刊本

周鄮山著作目

黃虞稷千頃堂書目集部別集類 宗疏

周容春酒堂選稿 字鄮山 寧波人

王宜望浙江採集遺書總錄 癸集下

春酒堂文集二冊詩集二冊 寫本 右國朝鄮縣周

容撰 案下採雍正寧波府志 傳今編入外紀不重錄

軍機處奏準全燬書目 浙江布政使刻本

春酒堂文鈔 自稱其名曰容不著姓氏

違礙書目 河南布政使 榮柱刻本

春酒堂遺書 著作目

一四明叢書 約圖刊本

春酒堂文鈔 周容著

盧址抱經樓書目集部

春酒堂詩文存 鈔本 周容撰

徐時棟煙嶼樓書目集部別集類

春酒堂文集一卷一本 四明叢集三編本 鈔本 鄮周容

康熙鄞縣志修辭攷

周容著春酒堂詩文定本

雍正寧波府志藝文

周容春酒堂詩文定本

咸豐鄞縣志藝文

周容春酒堂詩集十卷 文集四卷 詩話一卷

翁洲志一卷 全祖望撰墓志

光緒鄞縣志藝文

周容翁州志一卷 續者舊傳 翁州死事諸公傳一卷 續者

舊傳 全祖望曰先生有翁州志一卷翁州死事諸公傳一卷託言焚於火人未得見 明季

綫南天痕 春酒堂文集四卷 續者舊傳 抱經樓

凡例 下原列自序詩 春酒堂詩集十卷 續者舊傳 抱

存 集同今均不錄 詩話一卷 續者舊傳

春酒堂遺書 著作目

二 四明叢書 約圖刊本

序

鄧山先生以詩名甬上甲於同里一時諸遺民董戶部次公謂其詩一畫二書三文四惟先生自序其文亦以爲晨窗燈夕所成之小篇也先生子宛春旣乞予銘阡又屬予論次其文予爲去其十之五而存其有關於名節者數十首次爲二卷足以想見先生之生平焉且文之足傳者亦不在多也往者同里左丈江樵最持標格其論先生尙嫌其未絕酬應遂以酬應而不無委蛇因有商容之謂此亦春秋責備賢者之義然布衣報國自有分限但當就其出處之大者論之必謂當窮餓而死不交一人則持論太過天下無完節矣今觀先生之文如神宗皇帝御書記白尙書古卣記浮光杯記巾子岡記己亥亂後憶記以及髮冢銘十篇幾於每飯不忘故國黍離麥秀之音讀之令人魂斷他如謝氏宋槩漢書記石將軍廟碑睢陽廟碑柳敬亭傳觸目皆桑田之感陸機陸雲鄭虔諸論悲憤尤深其上沈彤菴閣學書江瑤柱賦可謂不負知己者矣祭金孺人文可謂節義刑于妻子者矣吾聞先生之詩其有關名節者多以被焚

不存則今所存亦非其至者有此數十首之文沙汰雖
嚴芒角愈出卽謂有光於其詩焉可矣全祖望

蘇東坡文存

序

二

四明叢書
彩園刊本

自序

憶少時見古人集中有館閣代言諸文及奏疏封事將相大臣碑碣之類輒欣然動色中年以後每一見之愴然以悲感古人之厚幸而能見筆墨之盛事也身旣困約又不免出游借筆墨爲賃春忍氣靦顏習爲急就以承俗譽少選焚棄不自顧惜閒于燈夕晨窗自據輿會積有諸篇大抵皆小篇耳而今又老矣因念古人幸用文章事君輝煌黼黻卽或倥傯軍旅流離貶竄其所爲文猶今後世誦之與日月爭光也不然得閉門十載著書成一家言又無臯伯通孫賓碩其人者遂使奔走勞瘁無所成就嗟乎豈不有數存焉然蛩鳴秋蚓鳴春各因其時莫能自止是以雖愧小篇奚忍并棄後之君子閱諸篇悲我志焉子輿氏曰誦其詩讀其書不知其人可乎是以論其世也鄞山周容識

春酒堂文存目錄

卷一

賦

秋雪賦

池魚賦

視函賦

江瑤柱賦

燈蘭賦

棉車賦

春酒堂文存
目錄

舞鶴賦

庭柏賦

七

七曉

論

儀封人論

晏嬰論

伍子胥論

范增論

魯朱家論

狙擊論

郅都論

李陵論

三國人物論

陸機陸雲論

鄭虔論

孝友論

厚志論

春酒堂文存
目錄

說

更名說

裁衣者說

卷二

碑

董孝子廟碑

三聖廟碑

賀祕監祠碑

賀成廟碑

里中睢陽祠碑

石將軍廟碑

王荆公廟碑

餘杭三賢祠碑

傳

陳御史傳

范孝子傳

陳母傳

海烈婦傳

春酒堂文存

目錄

周介隱先生傳

芋老人傳

鵝籠夫人傳

雜憶七傳

過伯齡

柳敬亭

許龍文

小港渡者

李仲

三四明叢書
約園刊本

淨慈醉僧

素卿

卷三

記

春酒堂記

謁趙康王廟記

神宗皇帝御書記

太子少保工部尙書白惠風先生家藏古印記

巾子岡記

春酒堂文存

目錄

宋刻兩漢書記

己亥亂後憶記

唐晉王畫像記

游破山記

洞霄遊記

石將軍廟雙樟記

陳公祠牡丹記

浮光杯記

七賢過關圖記

四四明叢書
約圖刊本

宜興蠶壺記

宋磁佛記

徐天池畫記

序

槐雨堂詩序

殷伯巖詩序

制義稿自序

俞掌天詩刻序

立志編序

春酒堂文存 目錄

五 四明叢書

約園刊本

王母夫人八十壽詩小序

題後

寫感應篇題後

書

翁洲上沈彤庵先生書

與張詞臣言水利書

復中壘盟書

復汪菴文書

復許有介書

答黃子潤論字學書

與紀伯紫勸葬燭髀杯書

與查聲止書

與張又陶書

卷四

贊

小影自贊

德昌上人調獅圖贊

關公像贊

春酒堂文存

目錄

六

四明叢書
約圖刊本

密雲和尚像贊

達摩渡江圖贊

面壁圖贊

銘

小卮銘三首

杖銘

杖銘贈友

定鑄兄杖銘

爲某人銘杖

柏木界尺銘

小硯銘

古硯銘

銅雀瓦硯銘

子石硯銘二首

鐘硯銘

風字硯銘

書架銘

筆樽銘

春酒室文存

目錄

水注銘

鏡囊銘

藥匱銘

鋤銘

花瓠銘

燭臺銘

毆盆銘

髮冢銘十首

偈

寫金剛經偈二首

寫白衣經偈

祭文

祭彭祖文

弔大慈山墓文

哭俞雲君文

祭先考墓文

祭亡婦金氏文

女病祭金氏婦文

春酒堂文存

目錄

八四明叢書
約園刊本

春酒堂文存卷一

遺書一之一

鄧周容鄧山撰

慈谿馮貞羣孟顓編

賦

秋雪賦 并序

岑參曰胡天八月卽飛雪向讀而疑之丙申歲客寓山
右秋八月十有七日天大雨雪薄暮盈寸越日又雪積
有尺消數日未盡岑又曰秋雪春仍下因作秋雪賦賦
曰

春酒堂文存 卷一

一四明叢書

約園刊本

仰穹昊兮天絳伊乘尊以御卑洵大權之獨運施寒暑
以同規何信令之罔一迺聽地爲轉移茲西金之承王
雖炎火已告輯問同雲其奚來竟六出兮下集初帶雨
而色明後卻雨而聲默樹有葉兮易受庭有草兮易合
旣薄暮而盈寸復終朝而及尺菊不止於傲霜蕉固工
乎畫雪凡事與景靡不以目所未見致疑身所初遇致
詳幽滕六之無紀奸時位以猖狂謂災沴之有徵問晉
人曰其常感疆域之攸分難引例夫故鄉白日澹兮六
月冷黃沙漫兮驚飈長固殺氣之在邊應南風之不揚

憶三春於垂盡時。皚皚兮飄霰。怪粉蝶其不來。代梨花於梁殿。楊柳絮兮何多。迷鄰家之紫燕。才屈指夫百日。先青女而重見。故園歸兮昨夢芙蓉。被於江皋。雁卜信兮。天遠桂落子兮。月高寧上蒼。其版版曾氣候。有殊操。苟此地之未涉。將傳聞其我。詔謂擁鑪而被貉。指作噩於斗杓。忘甲子而失序。誤窮律於大撓。嗟今日其何日。本玄枵兮乘勢。縱夏雪而亦宜。豈在秋而不意。我寄懷夫晨曦。聊無吡而假寐。

池魚賦 并序

春酒堂文存 卷一

二四明叢書
一約園刊本

癸卯十月客寓武林之花隱亭。亭南池方尋丈。中有二鯉。余嘗於午夜聞飛躍聲。因念二鯉晦處。勺水中。不忘萬里波濤之意。可謂魚中瑰逸矣。不禁自悲爲之賦曰。閱吾生之侘傺兮。累跼天而踏地。晨脂轄而靡所騁兮。夕攬衣以失寐。聽清漏之遠闕兮。望舒斂影而雲翳。渴思緘默於叢篠兮。孤鴻驚弋而高戾。彼池魚其何知兮。迺激昂以自舒。豈昧夫飛潛之各有候兮。白龍猶厄於豫。且視西江爲不足兮。較涸轍已有餘。旣獲卸於網罟兮。更幸免於庖廚。其亦可以之心慰兮。尙何感慨之未

除謂風雷之不我及兮怨波濤之莫起恐晏閒而失志
兮引晦冥以爲恥念越王之臥薪兮傷豫州之拊髀蒼
壯心而難平兮慮棄時而莫埃老驥伏櫪而長鳴兮氣
常存乎千里翰音勿以天地之如晦兮時振翅而不已
蝦依藻而竊笑兮鮒蟠泥而見尤問神守能羈服兮夢
龍門而溯流寧受教於禪僧兮報燈下之更籌所羨爾
德之有鄰兮偕一祖而一劉遂使愁客聞而徬徨兮竟
不知身世其何求推孤枕而起坐兮涕汎瀾而莫收亂
曰嗟爾鱗族鯉有神兮變化爲道與時因兮處困而貞
屈用伸兮不自偷惰以勵身兮奮躍中宵良苦辛兮警
彼同夢蚩蚩民兮桃花漲流何日春兮

硯函賦

若夫割片雲於端州分清溪之餘澤能瑱理而瓊文時
生煙於斗室雖方幅之未修乃自然以任質思藏器以
待動期洗心而退密如鄴架書辟蠹有帙如豐城劍韜
光有韜豈琴瑟之在御而囊錦之未飭夜深兮驚蟻升
晨起兮見鼠迹良友我謀巧匠是誡就形審勢因材治
槩勢欲屈而未定形似圓而難周綫梧葉之一影似菱

芟之乍浮工習效兮意慊體安製兮用酬成覆載於上
下覺地天之已收於是色稱烏皮遶遶青玉內剛外順
尙玄守璞養生可銘翔鳳何琢當臨池之既倦或索句
而已屬起徐步以散懷惜墨殘於蠅足瓶花近兮春墜
燈蕊紅兮夜爆自今日其庶幾硯得壽而無辱雖曰同
塵合譽用章雖曰體靜養晦愈光思畜德之在乎閒暇
悟萬物之各有行藏承君意其寓勛勝古鑒於羹牆愧
乏瓊瑤庶自勉力量涵高遠文高典冊願爲大厦兮千
萬間天下人民兮如此石

春酒堂文存 卷一

四四明叢書
約園刊本

江瑤柱賦 并序

三月三日賓客大會於鹿島廚進江瑤瑒草萬子屬酒
容前曰嘉會令辰適薦此物事難相并君其賦以寵之
凡使後人知有今日容因命筆不及構思賦成座爲各
舉大白其詞曰

維爾一介植體江湖非孕珠而受月不耀甲而飾珧承
昔賢之贊慕愧珍錯之徒饒能精白以自將稱斯名而
非衷若夫出必上巳地必奉川旣識時以明信亦守貞
而不遷能彊立於波靡含內美而莫宣惟感知於一薦

遂有生之可捐然識者歎藏身之未託於遠而盛名之
有累其天適春風之肆好領幕府之嘉宴爲情洽乎孔
偕況物貴乎稀見念天地之生成嗟饕餮兮何限聊興
言於短章藉報瑤以芹獻

燈蘭賦

并序

作客暮春朋樽卜夜清歌乍歇燭影猶高有起剔煤心
裁以攬核者吐餞如蘭三四而盡感爲賦之賦曰

客未去兮春先歸人欲醉兮燭愈醒聽檀板之初停聞
更籌兮方永爰有青樓蕩婦章臺麗人擲果誰懷拈核

香酒堂文存

卷一

五四明叢書

約園刊本

在中怨燈花兮不相報問杜宇兮何處春酒借火以爲
土反令火以生木錯五行之定理亂草木之絕續驚高
燄之吐葩移東君於銀燭於是坐客喧笑徵歌賦形或
曰楚畹蕭艾不生或曰謝階玉樹同榮倩護風兮紅袖
防飛蛾之赴明客有謂周子者曰昔湘子丹成明皇鼓
急頰刻花開愧茲熠燿固知盛衰之不必拘時而榮華
之亦可偶襲也周子曰吁爾殆慕燭火之榮而不悟其
旋燼也舍百年之計而迺爭此一瞬也豈遂易幽谷之
性爲趨炎之俊哉夫敷華者必存爾實植本者始繁厥

枝苟託基兮非地豈枯楊而有稊況炙手其可熱寧迴
光而見機縱引膏以自潤終焚身而不知客又曰然而
仁質內守眾口已騰雖近君子之清宴終恐棄擲而莫
矜因烈性之難友著文采以自明吾子獨無意於是乎
周子因淒然悲俯而不能答也重引卮以屬客聊醉眠
兮晏息視萬物兮如此蘭雖百年兮又奚別諸客盡醉
山樽亦傾少姬垂袂微聞歎聲

棉車賦

并序

車以行遠此不離步然兩相權而運不止有車道焉棉
最護子聽之車使金與木齧迺子是吐然後棉可治以

坂人賦曰

問姆訓於女紅資先矩以制器彼剪尺與機杼旣以織
而以刺若木棉之告收需爾車兮首事物相比而過慈
宜割愛以示義於是前樞後衡金齒木骨手旋右而下
應足浮沈而左循御常急而何勒輻自一而何輪遂令
梨花湧月柳絮堆雲蚌含波兮珠吐榴破霜兮子分余
乃因器悟理觸物成頌雖茹柔而吐剛能顯仁而藏用
欲內實而外華因守靜以制動重曰類以明辨虛白將

兮剝以爲復嗣續長兮袍以爲溫禦雪雱兮布以廣用
倍七襄兮維梭維軸藉爾倡兮天孫遺石君平乃章兮
室中運車予爲爾揚兮爾有功於樸素勝縑車與蠶筐
兮

舞鶴賦 并序

庚寅春暮寄跡某氏庭有二鶴天矯翔舞眾共集觀以
爲懽笑予獨感而悲之爲賦曰

維海岱之靈禽領仙姿於化育表明潔以修身振聲聞
以警俗暮緣山兮月橫朝崑閩兮水綠極天地兮逍遙

春酒堂文存 卷一

七四明鼓書

約園刊本

借雲霞兮沐浴何羅網之誤投覺川原之卑蹙於是儔
侶相顧飲啄依人視燕雀之得意隨雞鶩而逡巡愧長
風兮無力羨畫壁兮有神爾乃足蹕交竿翅展旌旆忽
凌虛以往來互低昂而綵繚激日光於簾中蕩竹影於
花外是日也游絲紫絮綠蘚承紅人停觴政管歇歌童
客起驚眩或西或東有謂予者曰異哉節按流縵塵絕
旋娟初進陽阿之奏末留太液之仙使天半而下視如
粉蝶之翩翾是殆喜春庭之暇感主人之賢效所長以
酬一顧兩相和以娛四筵者乎予獨俯焉有所思也夫

物各見才鶴實有志豈其甘耳目之玩雜優伶之次者
哉地雖窮於半畝性自慕夫翱翔恐戀肥而氣抑遂致
誤於稻粱乃習勞而警惰鼓六翮於未忘昔士行之荷
齋運甕越石之客枕聞雞俱練志以徵用厲躬以需時
前史所載鶴亦猶之苟其輕鷹可乘一舉千里謝小苑
之樊籠肆縱橫於山水指丹穴以同歸偕扶搖而其止
君輩將翹首不及拭目而已斯知不受畜者難以意量
而暫羈留者未可褻視也已而飛花旋定林鳥不驚斂
羽危立神肅而矜識支公之有意乃報我以唳聲

春酒堂文存卷一

八四明叢書
約園刊本

庭柏賦

并序

庭柏者予禪友菊公庭前之柏也公初皈佛時植之四
十餘年矣予每訪公將別輒復還步以與柏語行僮私
相謂居士來此不知爲公爲柏一日公以柏意徧索諸
君詩予更爲柏賦之賦曰

歲凜凜以趨暮兮行偃偃而莫之叩禪扉以弛慮兮語
笑款而遲遲顧庭柏之獨秀兮凝積翠於苔墀日月有
與相副兮冰霜豈其我欺荷斯人與左右兮同依歸於
梵宇恐有負夫栽培兮因堅忍以自樹雖近石而處瘠

兮庶傍梅而得侶斂百丈之勢於半檐兮守千歲之
於尺土其輪囷而結韜也如牽律苦身兮攝心密迹其
森肅而靜穆也如少林無言兮九年面壁其枝承而幹
掖也如社集縑素兮雜心自格嗤喬松之薦附兮何物
累之是徇希商邱之散木兮以無用而全真雖不及蜀
祠之黛色兮又奚羨夫漢臺之嶙峋然草木於世何紛
紜兮賢哲相得而不朽相彼柳兮早凋藉泉明而著後
相彼蓮兮汙泥託慧遠而名壽審此柏之繇來兮追往
昔而爲友予於是每一過兮移日對清陰兮逶迤感歲
華之易邁迺援琴而作歌歌曰飲沉澆兮餐日英累億
禩兮薄太清招岱岳兮雲來停天花飛兮鸞鶴經誰立
石兮李陽冰紀當年兮種者名離塵埃兮悟無生似妙
羅兮壯淮城

七

七曉

向讀枚生七發以爲不過駢麗之一技耳及閱後人所
擬諸篇乃復追覽枚作自旦至昏反覆循繹始悟七發
用筆至此參差錯互倏忽閃幻如風得水如絲裊空楚

騷之變也若後人所擬泥於聲偶止得駢麗耳卽陳思亦未免焉乙未夏寓杭之昭化寺寺有陳松梁柏一日僧修神像於胸次得繭紙數葉上書七曉一篇不署姓氏而蠹蝕大半不可以句予爲揣摩錄之其文曰

漢有霍庵子初佗僚善病思自靜攝閉戶占醫大曉山人過之見其神昏氣沈奄焉微息謂曰聞病耳何至是霍庵子曰然也憊已山人曰子方強年病胡爾御今病狀若何意者風邪內攻腠理失衛飲食伏奸乘閒外比遂令心不自君陰陽易位疑癘疑寐中懸如墜眯目若見爲鬼爲魅子得無有是乎曰然也山人曰今又閉戶單子莫用自釋藥餌補瀉胃府爲驛是治病惡病更設一病也霍庵子曰爲之奈何

山人曰問梓澤辟疆合爲一也金明千章閒以扶桑白榆千行雜以青棠安石殊方瓊花仙本移之邗溝分自漢苑上谷之梨簣簞之竹嶺南之荔靡一不植白連朱綴砥室彤軒步欄互突綺井垂蓮俱轉蕙汜蘭風日異天至於通池曲沼自爲洲島芙蓉躍鱗文鴛戲藻虹臥蝀橫鷁飛龍矯而且瑤席徒步障舒棋彈五木蹴踘投

壺勝事未已絲竹徐起香發眾口燭高芳以吳羹趙酒
露梅霜韭易牙所調承意先後蒐淵漁谷取無生有秦
青延年之歌陽阿交竿之舞閭姬傳予之黛俱抑袂授
情留聲送睽此亦天下最侈志適形之樂也君豈忍不
一臨幸乎霍庵子曰僕病未能也

山人曰齊客有淳于生者善滑稽空類隨觸引意緣誤
爲正設眞成僞君能出而聽之乎當其集雋士於雲夢
招稷下之雅宗駘宕之才不及多方之書意中取次發
端及乎淳于往自女媧之煉石而聚蘆軒轅之教虎而

戰驅巫支祁之金目而青驅以及梁父之杲之禪阿房
瑤池之醜旁孽草木禽魚之鳴止屈伸羽流所紀梵志
所載之怪愕而難馴莫不刻形呈態迴風遏雲四座盡
嘿如有鬼神怒者皆角喜者齒斷丁尾規方烏白戌晨
膠翎之迅而有不往不墜之時以待人將使鄧析桓圓
香舌纏而不能引息斯亦傾耳之辨說也子爲何如霍
庵子曰僕病未能也

山人曰吾更爲子聯鄰下之英拔梁園之彥自宋玉景
差以至漢京凡采名剽襲之士不與也相與遊宴從容

林泉散聚楮翦吳江之波毫窮中山之兔脫帽命酒舉
觴還賦沈思待酣因長就譽思既往而若聞機忽來而
如豫問心力其誰驅追指腕以相赴愁鶻起而驥怒或
不知其所之矣於是璫兮璨兮忽兮恍兮猗皇裔兮組
兮錯兮瀆兮濫兮縈窈冥兮斂人爲之起舞天孫爲之
咨嗟晚霞迴翔爲之欲下又何必皇甫士安爲之序而
增其價繼之以濡髮作草解衣畫龍皆塵芥盡卻挈身
在風斯時雖百觚不醉一石亦空斯人生劇俯仰愉快
之事矣子當出而共之霍庵子曰諾病已請事斯言

山人曰鼇柱之外瀕洞無垠何吐何吞日月出沒元氣
昆侖舉九域之山川今古之城市土田置於其中猶虛
半而自存試偕子陟層臺汎遐矚亦足以澣滌二豎灑
蕩神志矣霍庵子曰君曾浮海與海之形乃至是山人
知其中稍動矣乃推而極之曰此言海之形耳未盡其
勢與其情也若夫微波不興千里鏡平固漁父蒹簞之
所集也賈客金錢珠貝之所帆也魚翅映山蝦鬚刺雲
之所雜見而可喜也及夫風霾生蛟虬起峰巒突兀不
知爲水天地欲一爭尺餘咫尺高鐘大鏞礮石崩車之聲

精飾茜帛建牙樹蠹之狀駭耳夾鏡批胷齶電越幽之
勢罔勿閃忽幻惑目不及治已而舫傾艣折僅得礁石
獨立四顧禽聲并絕天澹愈廓境移情出恩讎渙釋富
貴奚卹生死茫然萬慮俱失爰叩石而成歌俟鍾期以
和之歌曰仰次寥兮俯滴泐寂無人兮世何方遺我軀
兮心翱翔君能隨我游乎霍庵子曰僕病未能也然而
幽憂之色揚矣

山人曰是猶一人之情耳未及眾也然則幽并之郊伊
洛之陌草淺林豐背坡面澤選逸足之夜白結悲歌之

輕客服單絞之急裝冠鶡雉之危幘縱短喙送勁翮深
弓遠蕘矢疾麋麋委頓狐兔狼藉悉自駭奔喘伏投體
歸命實非予意之所求獲也頃刻不意虎肥豹瘦熊貔
佐之猩狒在右睽光射人但聞風驟陷爪握土塵挾於
後貪與憤并閉頷而吼山人乃復振袖起坐曰其間忙
暇齊至非予齒舌之所能猝給也勒轡諦審斜鐙取威
廬秘忽縱刺無中疑決弦正滿筈安鏃危或截其脰或
礮其頤或斷其髀若夫志自移耳志脛移腓猶自中忤
不云勝也乃登崇岡別功次等武事睨目橫杪陳俎割

鮮士飽客醉角震鼓闐咆哮在目今安在哉充車溢輪
委野而已此樂也亮子所急起而從事者也霍庵子曰
誠樂矣然如病何

山人曰是猶眾人之情耳未克徧也方今秋夏之交種
稔並奮農夫望穫而輸租鳥雀聲喜而相問而迺旱魃
侵令兩師失紀田既龜坼溪亦塵起桔槔告窮魚鼈莫
徙攷繁露徵皇極閉里市迎蜥蜴雲將族風復轆焉疋
巫病覲擲蝦蟆而倦息矣倏而山氣北起如沸如蔚雲
奔會而擁雷電劃天而追物龍垂髯而可數水上捲而
海沔觀其所傾沃者所解釋者所濡受者所沈汨者所
祓逐者予欲代土膏禾黍言其所喜而未能也其始也
如放臣羈客久託荒裔一夕夢除籍而回故鄉其繼也
如負逋之民閱鞭箠而莫可控告一旦承肆赦以出桁
楊其卒也如白登圍解士呼萬歲馬亦嘶鳴而騰驤螟
膽斂羽蓑笠生光鴉鵲伴鷗鷺以浴稊稗隨稻葉以香
況乎人倫庶類之懽呼歌粵更何如耶是樂也是闔境
萬姓之所同也君獨不起而同之乎霍庵子曰天之所
厚貪吏奪之兵戈奪之樂所同憂所共也

山人曰是已將爲子陳塞垣之事秋風振兮首藉肥韞
星長兮月滿圓捲旌旗兮逐雁飛烽火高兮照鐵衣爰
乃廷赫斯怒命大司馬簡練羽琕司空拂治苑距宰輔
推轂天子受揖賜七屬之犀佩九錡之臘謀臣出自甘
泉議郎亦從韎韐帝命曰師和允克權一斯行爾尙代
子章厥天罰用懋厥成於是魚麗制勝偏師出奇選鋒
啟路中堅受綏匄匄磕磕彭彭央央翩翩駟駟眾勇作
怒從容而有常令嚴以靜闕其無人明月照霜忽霆擊
而鷲發兮誰測夫車騎之塵雖颯脫而伏聽兮反輸誠

而知所穴之魏舍彼日逐直指弓閭風雨飛鏑霹靂杖
枹當是之時曰有神驅或亦然也矜石用命俱成賁育
簷簷聲斷奔降兩蹙暴掠積甃天道不宿至於馬蹄車
輻前後馭駘兵勿及施僥倖糜爛者固已見燐青千里
矣委甲踰阜擲鞍蔽林彌望骷髏士氣未禁誅鴟鴞者
傾巢去荆棘者剗藁也因命相如枚舉之徒倚馬作檄
馳諭屬國凡窮髮務面穿胷黑齒重譯極域莫不匍匐
稽顙請吏而貢職分命陳琳述爲露布奏凱九重用紆
左顧勿事矜矜及戰若覩再命班固傳毅磨崖勒銘歲

時月朔師臣曰某奉天子勅討戮匪類永靖元元皇威
靡屈克燁克焯迺尙爾迷昏倖斬飛蕩莫或克奔嗚呼
惟爾之辜天不並存順逆有殊可不戒諸由是班師振
旅琛球畢會糜金人以獻廟築京觀以昭威宴凌烟以
錫勞爰斯弗損芻粟有儲頒賞賜酺分茅畀旅曰冠曰
裳各奠我居皇帝壽昌郊集騶虞斯近代希覲之盛事
也君必亟起而慶之霍庵子乃推枕而奮曰有是哉山
人曰皇武之世事有嫖姚功稱厥名卒去漢病况區區
臟腑間聽其偃蹇不去哉於是霍庵子蹶然起立霍然
病除遂以霍庵名其居

春酒堂文存 卷一

十六 四明叢書

約園刊本

論

儀封人論

班氏古今人物表多失其次以儀封人偕沮溺輩同列
且下於達巷黨人是不能讀魯論矣魯論及門外所附
見諸賢當以儀封人爲冠封人無他表見止傳其木鐸
一言耳乃一言而竟能盡孔子夫孔子萬世之人也卽
及門能言之徒欲贊孔子猶費援引委曲以相形而見
而封人竟能以一言盡孔子不特以一言盡孔子之當

年而以一言盡孔子之萬世若已見及後之帝王歷世
師事自京國頻水至通都大邑與邊裔荒徼莫不俎豆
鐘鼓釋奠孔子學士大夫章甫縫掖從容講禮於廊廡
下者封人之見何大且遠而所言又何簡且切哉吾特
不知當日從者曾以其一言聞之孔子否使孔子聞之
當必訝然有感其一言之有當也又不知封人既爲封
人豈竟不以姓名爲封人乎且慙慙介從者以見豈不
以姓名通而止以封人通乎或以姓名通而從者之失
於記乎又賓主相見拜跪揖讓之餘豈竟嘿嘿相視彼
此不交一言而別乎亦記者之失於不及記乎乃姓名
不傳其他行事不傳并與孔子相見所言不一傳而僅
傳木鐸一言然止就木鐸一言思之則其相見所言必
皆可傳者可知也其生平行事必皆可傳者可知也神
龍之在水也以靜爲體以變爲用固不可得而見也及
其在天也雲承之霧就之亦不可得而見也或偶見一
鱗一爪而下界黎庶遂以此想像其煜燁之光屈伸之
狀與掣電挾霆呼江吸海之勢如在目也究之何嘗見
龍全體哉余於儀封人亦作是觀矣

晏嬰論

有盜名數千年而至今猶遊焉者何也事有所麗以自
匿心有所恃以自售也蓋君子而誤一事於小人者吾
諒之小人而竟自絕於君子者吾亦諒之諒君子者在
責之之中諒小人者在責之外若夫積慮於小人而
託迹於君子且又致天下後世不得不指之爲君子而
不敢直斥之爲小人其用心也亦太闕矣孟子曰非之
無舉也刺之無刺也同乎流俗合乎汙世居之似忠信
行之似廉潔眾皆悅之德之賊也余每於春秋戰國間
求貌其人而不可得以晏嬰始末觀之殆其人歟嬰仕
齊齊日趨亡矣無能有所匡救依違崔慶倂仰姜田迺
反得顯君名何爲者哉生平大節在枕股一哭耳其言
曰君爲社稷死則死之爲社稷亡則亡之若爲己死而
爲己亡非其私暱誰敢任之斯言也聚過於君以平弑
者之罪也散黨於君以滅人臣之責也杼聞之有不醉
於心乎又何瞋其一哭此卽嬰所藉以自匿自售者也
越石父賢者也御者雖以妻言自礪豈遂能勝石父乃
止聞薦御者不聞石父薦也嬰不能用三士能用石父

乎梁父吟曰一朝被讒言二桃殺三士誰能爲此謀國
相齊晏子武侯意不盡言判之曰讒嬰罪昭然則三士
非不可用者明甚奈何於公室衰危之日付三士於二
桃三士猶可說也曷沮尼谿尼谿之沮與書社同然子
西以豐鎬忌孔子尊孔子也嬰以儒者誚孔子誣孔子
也以儒誚孔子者莊子所載盜跖之言耳莊子意若曰
凡世之誣孔子以誚孔子者皆跖類也至攝相於魯道
幾大行爲之友者宜喜不寐而充嬰尼谿之心則墮下萊
兵城南舞女非二桃故智哉既忌之行齊復忌之行魯
是誠何心孔子曰臧文仲其竊位者歟知柳下惠之賢
而不與立也可以例晏嬰嬰盜名跖盜利

伍子胥論

子胥以諫死爲千古悲獨余不得不爲子胥惜焉惜其
諫失於詞以堅王不聽之心也吳越之事理於吳爲長
勢與越不並殺其父而與之爲鄰種蠱亦難於謀國矣
至退保會稽而種乃卜於天以幸吳成是以句踐試博
爲孤注也種死固不待烏盡弓藏時矣吳警於越誅句
踐而立之君則可存句踐而忘其父則不可援理以斷

直吳不直越也卽觀夫差初立出入必使人呼曰爾忘越王之殺爾父乎棲越會稽此心豈遽忘哉使有人如子胥之諫曰夫越非畏吾甲兵之強也大夫種勇而善謀越王好信以愛民故婉其詞以縱逸王志然後安受吾燼及吾猶可以戰也爲虺勿摧蛇將奈何胥宜曰非也越安能蛇縱爲蛇安能我毒王成越何不可獨恨構李之役先王燬焉先王而在也先王今成越矣今王而成越先王指實痛焉天下將議王之孝無以申名臣何忌越忌齊晉有詞爲先王羞如此則夫差必聽夫差有至性者也有勇而負氣者也好名者也諫可激以怒不可怵以威可觸以先讎不可戒以後患而乃以少康視越以過澆視王擬人不倫矣人有言曰成越不失爲夫差也夫差苟能厲精如初越奈之何雖然越不可不誅也誅之不爲不仁成之足爲不孝襄公復九世之讎春秋韙之以胥之天性沈摯負切身之痛者而爲王言不及此此所以爲天也夫

范增論

蘇子之文之悍也甚矣於其論范增增不受矣何也增

之去善矣不去羽亦必敗蓋羽之敗也敗於義帝也弑
卽敗於義帝也立矣陳勝旣起人各思亂項氏足以自
王何假懷孫且陳勝猶託項燕而項氏反不能張其祖
父勸梁立心增計左矣亦思梁與羽能事帝者乎不特
羽不能事帝而增亦不能爲帝臣趙危旦夕卿子冠軍
置酒高會頓兵不進羽殺之誠是羽之殺冠軍增之謀
也不寧惟是卽其弑義帝亦增之謀也如王關帝約何
漢何楚使羽意中有缺殺沛公而奪關帝惟有棄虛名
避耳其言曰奪項王天下者必沛公也夫天下固帝之

天下項王沛公均守北面乃竟以天下屬項王目中尙
有帝哉故欲殺沛公之心卽欲弑義帝之意而其立義
帝之日已有弑義帝之心夫帝卽不見弑於羽亦必見
弑於漢使帝得保身江南待垓下併楚之後漢能奉之
爲宗主乎韓彭功烈尙不使腹食封土而謂能終事義
帝必無之事也則義帝之弑原楚漢兩相持於先後間
者增稱善謀奈何先之蘇子之言曰弑帝非增之意也
將必力爭而不聽也增果忠於義帝者乎旣曰增之欲
殺沛公人臣之分也而又曰增與羽比肩事帝君臣之

分未定力能誅羽則誅之不又自相矛盾乎曰增之去當於羽殺冠軍時也夫羽殺冠軍正增計行言聽之時奈何言去蓋增之爲人任氣類羽卽使翩然歸漢亦必不能如蕭曹良平委蛇謾罵之前以就功名者故明知沛公有成而卒事羽明知羽必敗而不歸沛迄以疏間不用去去寧死嗚呼增果人傑乎哉增果人傑乎哉

魯朱家論

或曰魯朱家亦以季布嘗漢高耳未必能必漢高也漢高怒布深布出而驅之市是家殺布也韓信醢矣必布

春酒堂文存

卷一

三三四明徵書

約園刊本

全乎縱家能必之而布任氣或如田橫客恥北面帝伏劍死是亦家殺布也雖然帝初得天下胡越未一封齒之心可恃也特亡繇言之耳有滕公則帝可必也帝旣可必卽可必布之不死蓋布之竄匿濮陽濮陽不能終匿且以自剄激之是明引魏齊命布也卒不悟而就柳車則布之靳死不待智者知之家僮之賣固濮陽之陰用朱家亦濮陽之奴視季布也濮陽之不欲以三族徇一靳死之人明甚至家見滕公因緣獲赦拜布郎中布眞倖哉夫與之相刀俎者使北面而奉爲君布尙有恥

心乎自是之後家未嘗與布一見豈矯名歟心鄙之也然則家何以必生布夫生之者賢之也家之生布非賢布也蓋家之不欲以三族徇一斬死之人明矣家以俠名則柳車之來不得不受不受何以全名受之又何以全族故不得不用滕公嗟乎周魯滕三君之相爲用也如此然而家難矣史曰家亦以此名聞當世是家用布乎亦醜矣

狙擊論

博浪之椎古今樂道或曰爲計疏或曰爲謀密子不暇

齊酒堂文存 卷一

王三西明叢書 約園刊本

辨也夫以匹夫而謀帝王計乃出於狙擊且箴中又使虎狼之威大索十日不得事亦奇矣然吾不以之奇張良而以之奇力士力士何名何氏史相傳止曰力士耳夫以荆卿之勇猶藉樊於期頭督亢圖止一見匕首而死乃力士一無所藉爲良報秦狙擊箴中又使虎狼之威大索十日不得其智深勇沈豈僅僅一力士也哉使後出而從事漢廷噲等不足伍也奈何陳涉起後英雄並出力士終泯沒無所見聞良亦不爲之一言於高帝急人之日并不爲表著姓氏使傳之天下後世良負士

歎意者士當日與倉海君同隱俱不屑以姓氏見乎又
焉知十日大索士早毀軀滅跡不致良累乎又焉知非
亡命去終身以不中恥遂灰心遁影於深山大澤閒逍
遙學道先從赤松遊乎總之以匹夫而謀帝王擊幾中
又使大索不可得求之兵法中亦可謂之九天九地處
女脫免者矣此豈一往之士所能爲而或者猶曰狙擊
之役良一往氣盛故圯上老人以進履教之是以卒能
成功予曰非也良縱不遊圯上亦必以功名顯何也倉
海君者圯上老人之輩也故所薦力士亦如此語曰神
龍見首不見尾力士是也張良之辭封辟穀已先受之
力士矣

鄧都論

太史公以鄧都冠酷吏班固因之子甚傷焉攷都生平
抗直引是非爭大體其所謂酷獨不與臨江刀筆一事
然猶使魏其得通則都網亦未甚密也至於矚氏之誅
首惡耳視義縱之掩定襄獄賓客昆弟一日報殺與尹
賞之覆石虎穴并瘞桓東者何如哉而迺連類並觀作
史之筆酷矣及守雁門匈奴爲偶人象都令騎馳射莫

能中威稜震響如此李廣何足多乎都卽酷亦帝用違其才耳不使爲將而使爲吏都卽酷未聞酷於下民也而且能酷於匈奴蒼鷹之號起於貴戚傳云見無禮於君者若鷹鷂之逐鳥雀也蒼鷹之號可以驗忠帝知其忠而斬之非都酷而帝酷矣班氏又云匈奴患之乃中都以漢法太史公原文匈奴患之竇太后乃竟中都以漢法班氏特去竇太后三字夫豈偶然且旣已太后矣而又何稱漢爲予以爲中之者匈奴中之也計爲反間以中之也而所以中之之計不傳然則太史公竇太后三字反屬衍文班氏特據所聞爲之改正嗟乎漢法過密矣而反使匈奴得借以去其所患無怪乎吐蕃欲去馬渾而盟平涼兀朮欲去少保而通秦檜也到都而在吾爲之執鞭所欣慕焉

李陵論

李陵者忠臣也義士也何言之夫漢武與單于戰者數矣以衛霍專閫出數十萬眾僅能勝之覆師衄事者相踵乃委陵五千別將出塞後無繼援是武帝明偏陵於死地也兵法曰置之死地而後生者將可得之於兵而

君不可得之於將武帝不能必陵以死正教陵以降耳
至殺傷過當旃庭震呼使遙得虛聲相應陵功名成矣
而矢盡糧絕徒手叩天帝負陵非陵負帝也其言曰欲
得當以報陛下此言豈誣謬哉夫人言之不足信也固
矣然有所推則可以相信昔伍員遭讒於楚父兄離刑
間關奔吳卒破郢鞭尸以報蓋怨毒之於人甚也武帝
棄陵於敵而復誅其老母雍其妻孥使陵號痛迫切計
無復之將竭其生平之才爲敵謀盡其引弓之羣與漢
鬪智會勇期長驅入塞衛霍雖在亦費周章沉貳師輩

乎而乃揆義抑情沒身飲血刺緒以謝志可哀也夫誅
其老母雍其妻孥而陵卒不爲敵用則知全其老母留
其妻孥而陵卒爲漢用可知也使不特留之全之而且
祿之嗣之遙寵列之陵之感激報漢更何如乎陵言豈
誣謬哉趙破奴居塞外十年猶能挾其太子歸漢曾謂
破奴能之而李陵不能之乎使李陵一旦克踐其言斬
單于首焚老上庭內應漢師敵鉦返國於是見老母白
髮亡恙妻孥帷帳依然聚首悲歡如逢再世豈非千古
創事足爲臣子敗事者之勸迺嚴刑酷誅絕陵南望使

厥言不驗悲夫至後晉有朱序既降苻秦反正淝水功更爛焉是代陵言爲驗者也

三國人物論

士君子不幸生逢衰末予人以可恕何如予人以可思予人以可盡何如予人以可推予人以可疑何如予人以可證三國人物云極盛矣然三數子而外大要皆可疑者也否則可恕者也又否則可盡者也若徐子元直審其心術則令人可思觀其才識則令人可推察其語言則令人可證求詳始末揣勢繫情若可先諸葛而出

齊酒堂文存

卷一

三七四明叢書

約園刊本

祁山者然若可協壯繆而守荊州者然若可下白帝而制陸遜者然何也徐子雖未有所表見而就其紛紜之際獨歸昭烈其議論風采固已巖然足以豎立非可借管寧邴原同日語矣乃母爲曹氏所獲指心辭劉此心固不能一日忘劉者也是用畢身泯默無所表見豈不能有所表見哉不忍爲曹氏表見以自背初心也當陽之奔隨劉者不止一徐而曹獨以獲徐母聞則曹之留心物色也明矣乃以仲達之奸文若之敏不得不爲曹用而徐獨能依隲於時不受羈勒豈徒其智足多歟而

抑其才氣物莫能動澹漠於功名之會夷猶不屑非具
聖賢剛忍之學曷克能此水之蓄於淵也淳泓而善止
則其放而行之也必千里而不匱固不待其千里始知
之也且也昭烈三分之業定於隆中而隆中之顧決於
徐子惟其人能識是人則三分之業固徐子所饒爲之
夫三分之業原諸葛所不屑爲不得已而爲之者則謂
徐子之饒爲之非過論矣天平徐子不去鳳雛不効漢
遂三分也乎哉三國人物固當以徐子爲冠

陸機陸雲論

春酒堂文存 卷一

三八 四明叢書
約園刊本

機雲橫罹讒構門祚慘夷當時皆惜以死非其罪史書
又譏以智不逮言自我觀之機雲者文苑之猩猩而名
教之狼狽也陸氏爲吳宗臣奕葉將相鳳皇天璽間機
已領父兵爲牙門而雲亦應賢良舉矣吳社旣屋二陸
宜念祖父戮力之餘思休戚與共之義雖不能效諸葛
瞻縣竹一戰張子房博浪一椎若靚之不仕終身豈曰
矯情過行結廬九峰垂綸三泖攻筆墨爲勳庸卽家庭
爲朝宁純羹鶴唳良足優游縱使繡壁頻仍州郡敦迫
亦當指鴻自矢筮遯非威使洛下諸公遙望華亭如同

銀漢不特張華王濟迎風寄心更令王導謝安望塵修敬在國爲忠於家則孝眼經懷愍棘薦銅駝笑石火之洛陽慰滄桑於建業林泉見榮著作增重奈何麥秀無悲殷之思白馬急朝周之駕聯鑣北邁競物矜情承勢依權細等蠅蚋雖三張因之價減於祖父得無覩顏盧志曰陸遜陸抗於君近遠豈果殊邦容不相識亦或借譁示譏忘恩昧本將撫膺驚汗涕泗沈瀾悟此行祇足辱先思美名安可服俗遂白怡還吳猶可得半況更有顧榮孫惠却愛勸規將忌三世旣已知之又何待兆折

杯酒堂文存

卷一

壬午四月明叢書
一約園刊本

牙旗夢徵黑幟哉夫忠孝者大廈之基址也功業者棟樑之榱桷也詞賦者塗茨之丹雘也豈有基已陷而慕崇墉址已虛而誇堊塲悖之甚矣然則當時之惜之者與史書之譏之者皆循其末而不原其本掇其華而不詳其實也嗚呼西晉習尚崇浮務虛故其持論止此至唐人作傳又附習聞無能闡隱致使二陸爰書遲至今日吾今爲陸氏誅事仇之忤子爲後世嚴立身之大防

鄭虔論

潼關告敗乘輿蒙塵諸屬從不前反爲賊用者不足責

矣卽受劫汗官不能引決又何可復言然執千古大關以定律君子所以持躬就當時國法以原情君子所以持論如鄭虔者尤可哀也虔爲張通儒所劫因稱風緩求攝市令潛以密章達靈武吾今不知其密章所載何語以意揣之大批序賊安速亡之形申臣虔朝宗之義以視王維凝碧一詩孰重孰輕孰先孰後乃維得用一詩釋中允留官虔不得用密章寬台州竄死何懸絕哉此所謂就當時國法以原情不得不歎唐刑之不平矣且唐而以虔之密章爲漫然也能必賊之亦以密章爲

漫然乎如不能必也則虔亦幸而密章得達耳如不幸而機露跡呈反忠爲逆移海青之白刃先常山而受僇然後信傳靈武相對痛心方歎息其章中所載何語而恨有心者之無其繼也迨收京之日能不優加褒寵錄及子孫者乎夫由反可以考正意外可推意中一彼此相推互見但思虔舉筆修章生死咫尺雞睨鼉呿聊以永日已耳乃馳此心於靈武之廷已半其身於刀鋸之下虔罪可原誠較然矣總之鄭虔視源明不足視王維有餘若曰館設廣文目加三絕九重知遇照耀史編

責備惟賢一死寧過而乃費後人之推求借旁人以此
絮爲昔日之鄭虔已矣爲後世之鄭虔奈何

孝友論

詩書所稱孝友多矣易弟曰友者何也達道惟五序友
而後於兄弟豈非以親疏內外之殊歟夫謂篤於朋友
而曰如兄弟然宜也謂篤於兄弟而曰如朋友然可乎
蓋進疏者而之親是教天下以忠推親者而之疏豈可
示天下以漸詩曰每有良朋況也永歎以言兄弟之勝
於良友也又曰雖有兄弟不如友生以傷兄弟之不如

春酒堂文存 卷一

三十四明叢書

約園刊本

朋友也然則曰孝友者何也夫兄弟同本自幼至長飲
食起居之與處啼笑休戚之與共凡物久相聚則不忍
生焉況天性乎宜乎兄弟無不相好者矣而相好者豈
何哉兄弟未有不相好者其不相好也繇漸其漸皆起
於相恃過信相待易率相期太密而相效最捷也地既
處於無可避時又迫於無可假遂至日積月累趣於大
隙莊子曰室無空虛則婦姑勃讎此之謂也於是聖人
思救其窮乃推而通之於朋友之間非疏之也所以使
之有可避有可假也夫任質者時窒留餘者有容兄弟

易於任質朋友必務留餘以留餘之心處任質之地則天性百年和氣旁及孔子曰朋友數斯疏矣友固有不終友者不終友者不稱友矣不終友者以數是反以兄弟視友而不終友也夫以兄弟視友而不終友以朋友視兄弟而可以終兄弟此亦聖人所以待衰世之意乎故孔子又曰朋友切切偲偲兄弟怡怡蓋切偲於兄弟怡怡於朋友人之常情也以切偲與朋友所以進之以怡怡與兄弟所以通之怡怡者友之謂也

厚志論

養酒堂文存卷一

三十四明叢書

約園刊本

予讀仲長統樂志論始羨之繼而疑之羨之者羨其境遇之足以自娛疑之者疑其境遇之難以自必也何也使必如仲氏所言良田廣宅溝池場圃舟車使令酒肴羔豚則世安得有樂志之人人安得有可樂之志哉善乎顏光祿之誅陶徵士曰薄身厚志夫能薄其身乃可以厚其志矣若仲氏所云是自厚其身矣求厚其身尙得樂其志乎予於是續樂志論而爲厚志論焉厚志乃所以樂志也論曰

夫志固莫量樂亦何厭苟隨遇而卽安卽簞瓢亦不改

然而難已使饘粥有繼田何必良風雨有蔽居何必廣
老親容介子之隱妻孥安鹿門之趣則插棘栽蔬傍簷
蒔竹鄰樹卽我場圃野渚亦我溝池夕陽照水偶爾垂
綸皓魄穿林忽焉命酌旣忘得失於竿下亦聽有無於
甕中烹葵翦韭何必羔豚北社東邨何妨步涉舉籃不
有門生著簞豈無子姓何爭使令乃逸筋骸散髮行披
襟坐花時吟日高臥甘淡泊以養胃止醫藥以順疾隱
著述以避謗簡交遊以忘名門無催租之吏塾有抱帙
之兒閒臨翰墨求歷代所由分頻詠詩書審諸儒所未

養酒堂文存

卷一

三三四明叢書
約園刊本

盡錯綜人物俯仰二儀又何必學吐納於神仙卜吉凶
於季主自可逍遙一世之上睥睨天地之間何況纓袂
之榮裘馬之牽謂足搖惑君子之素志哉古人可作不
易吾言矣

說

更名說

容少時以溶名應試爲弟子員者將十年丙戌夏棄去
不復就學請更名大人曰爾褊中尙氣不能容物吾聞
不物容者物不容今更名容爾其思此名矣他日客有

謂大人者曰離騷云背繩墨以追曲兮競周容以爲度
惡夫苟合而求容也若翁名子之意得毋爲屈大夫所
譏乎大人曰然也否否地有不同行或異軌旨有要歸
言或異用泥乘楫山乘櫂不可執一論矣屈大夫以楚
王同姓仕爲左徒既親而貴矣顧宗國之淪亡悲讒夫
之得志去國不可悟主不能計惟懷沙以死故以惡夫
在位者之苟合而求容也若吾兒者治亂無責於身貧
賤何爭於世讀書事親志免戮辱分也蓋將臧否不形
以期勿爲世之所忌非依違自詭以期得爲世之所憐

春酒堂文存

卷一

三四明叢書

約園刊本

將退而有以自處立於是非之外非進而有以自附立
於脂韋之中武侯曰苟全性命不求聞達周容之謂也
且夫蕙蘭託於深谷而求以松柏之幹則謾矣鷗鳧汎
於波瀾而責以精衛之勤則戾矣以舌之柔也而曰何
不爲齒之剛則狂矣以葛之疏也而曰何不爲腋之密
則詘矣子奈何以屈大夫之義與吾兒相比繫哉客唯
唯而退容因述之爲更名說

裁衣者說

崇禎初京師尚恬熙也其矜體貌有厲成者以裁衣名

著非赫然右職不能得其一日暇然指未嘗拈鍼紉云
每旦攜翦以出羣工隨之至一家必請見主人而後下
翦翦如風生翦已指一工曰若完之出又至一家亦如
是以次畢晚乃收羣工之值半羣工安焉曰非若翦不
適主人體若此十餘年資以裕乃借例參選得司庫冠
帶將就道羣工釀錢是餞酒酣合座起曰衣非翁翦莫
當意是必有道向固不敢請也今翁已就仕版矣敢以
請於是成乃曰予固未嘗爲冗員外僚治衣也治必右
職右職各有體不止修短肥瘠間也須審其資眾曰何

資曰官資眾愕然成曰凡人初登右職其氣盛盛則體
仰衣須前贏於後久之漸平矣又久之心營遷擢思下
人衣乃前殺於後故衣之適體在審官資之淺深資之
淺深卽觀其人之俯仰子能一見而知之也眾皆悅服
獨一年少者起曰近日人情多意外者吾鄉有初登右
職未習也意自下已而得勢遂生驕是與翁言反矣且
人不自爲體矣以所接之人之體爲體今日而接當塗
衣宜前殺後贏明日而接冷曹衣宜前贏後殺或一日
而當塗與冷曹先後接焉衣將奈何或一座而冷曹與

當塗參伍接焉衣又將奈何翁雖神於翦亦將窮矣厲
成大笑曰若言是也予猶是行古之道也予行矣不可
以宜於時矣周子聞之曰厲成善用翦而年少善用尺
不特以度衣也能以度人厲成司庫彼可司銓思二人
言則知當日京師右職求端其躬正其體使裁衣者守
其翦尺而無所短長其間者不一二見也世事安得不
有今日哉於是述之爲裁衣者說

鄞 周 容 鄧山撰

慈谿馮貞羣孟顓編

碑

董孝子廟碑

莫不人父母也指一人以不孝必怫然怒指一人以孝又必歎焉辭豈孝與不孝出入間別有兩持中立之塗可隱芘多人者乎否則堯廷無不孝臣而大舜獨孝名何以處舉夔孔門無不孝士而閔損獨孝名何以處回

春酒堂文存 卷二

一四明叢書

約園刊本

賜然則古之獨以孝名者皆人子不幸者也人子以父母身事父母顏色語笑飲食起居至常也原無可以驚眾動俗惟變當於至難迹處乎莫諱於是天下後世莫不聞風感歎而旌揚之尸祝之非爲孝子慰也欲使聞風感歎者各還顧其身而自幸所處則天下後世當無一非孝子夫以孝名天下後世非孝子初心而使天下後世因之而無一非孝子又孝子至願若漢徵君董公固已幸而無舜與損之不幸者也觀公母頻述公孝行於王寄母則可知其慈矣以徵君而事慈母顏色語笑

飲食起居天倫之樂至於相忘公不自知孝名何義天下後世亦不必用孝名公豈不俯仰裕如快然自足而天故變其事以大公名驚動乎天下後世見舜與損之外有幸遇慈親復不幸而有孝名如此者然公心益不自安矣曰某以顏色語笑飲食起居事母甚常不足使王寄化反致使吾母死某不孝不可與寄其天下然寄固讎又不可以讎寄并讎寄母因俟寄母終而後斬寄則公之於寄猶不欲使爲不孝子者其欲天下後世皆不爲不孝子意甚慤也詩曰孝子不匱永錫爾類公之

謂也公爲吾郡人郡之廟公不止於此而此在郡城通衢往來紛紜瞻仰拜謁者日不翅千百計誰無父兮誰無母兮使各以父母身事父母顏色語笑飲食起居各處其常是公所欣羨冀望而不能得者世人皆優游爲之有餘而有不還願其身以自幸者皆公之王寄也因書之碑而系以詩詩曰

維漢之東明山益崇篤生孝子色笑從容虞閔所羨慈孝兩逢蹇與寄鄰養勿克終仁必有勇赫矣青鋒斬讎報母辭祿避封庶做薄俗以挽淳風遺廟通衢畫棟高

燄煌煌雙詔至今蟠龍歲六月六祀潔且豐俎豆圭璧
笙簧鼓鐘凡百士庶莫敢不恭徵君曰吁各反爾躬子
實不幸以罹鞠凶千秋億禩子愧子恫在室爾姥在堂
爾翁攜妻將子朝飧夕饗其忘孝名孝在其中歸各有
廟我心融融

三聖廟碑

杭城西偏舊有廟祀關壯繆配以火馬二神顏曰三聖
廟從俗也夫壯繆名氏爵位與生平事蹟歷代崇祀昭
昭耳目無庸稱述者矣而火馬二神罔所攷據道書所

春酒堂文存

卷二

二

四明叢書
約園刊本

傳或幾於誕大率二神爲虛署如人間部寺之類凡仕
朝者各得以陞遷而主之然則安知壯繆不嘗主火馬
二神耶夫漢兆赤帝以火德王壯繆矢志炎劉期噓其
燼則主火神也固其樂爲之者矣而馬則上應房宿爲
行軍所重故祭曰禡祭周官於統六師者亦曰司馬壯
繆一生崎嶇兵間卽或主馬神也亦未爲不可然則三
聖固一聖也而曰三聖廟從俗也壯繆廟徧宇內其廟
於此也莫考由來其合二神而廟於此也莫攷何意蓋
里俗之於鬼神忽焉感通如童謠然多不可以常理測

然無非邀神庇以祈免一方之災癘也舊宇湫隘不足
以竦瞻仰而起恭敬於是善信等釀金庀工卑者以蠹
隘者以廓翼以垣墉塗以丹雘高明景融耳目煥若干
秋勿替以禋以粦月日落成屬子記之而系以迎神送
神之詞詞曰

天門闢兮朱旗導赤蚪兮文龜左天駟兮右熒惑中美
髯兮風吹望分明兮來過雲罨靄兮奈何問靈保兮忽
不見日將晚兮湖波右迎神炎笙兮伐鼓明庭燎兮翮舞
神不我拒兮謂尸勞苦性既潔兮酒清卮爲酌兮七舉

春酒堂文存 卷二

四四明叢書
約園刊本

相酬勸兮互主賓神既醉兮語且輦此邦之人兮不戒
火四郊馬血兮成燐嗣今兮爾祐楓葉秋兮杏春比屋
兮爨朝暮歸華陽兮無塵右降神驂駕兮嘶鳴旌連蜷兮
雲生神欲歸兮屢回顧羌後期兮易誤仰縹緲兮龍樓
聚百靈兮咨謀憫九有兮愁苦民生盡兮豺虎操鞭弭
兮驅之肯眷此兮遲遲右送神

賀祕監祠碑

古來翱翔天闕履順蹈亨而鑿分止足投老林泉者自
漢二疏外未有聞也至唐有吾鄉賀公公是時爲太子

賓客祕書監監丞上無鴛羽集樹之憂旁無飄風南北之恐乃一旦致其仕去天子灑宸翰以寵行百官帳青門以祖道莫不咨嗟欣慨謂繼二疏而遂志者其公也耶脫我蟬冕倏爾黃冠卸我紫衣忽焉野服馬首東邁鴻遠天空豈不謂賢哉至考公當年固已年七十餘矣七十而懸車人臣之分也然按唐史柬之七十餘尙爲尉李邕以陳州刺史來朝亦七十餘矣真卿八十爲刑部尙書見唐制忠厚加恩禮下不立引年之例以崇老成之風諸公遂自忘其耄而人亦相與習之歟夫以諸公之才之德雖耄足以樹勳業植名節爲朝廷重而持祿固位者皆依附以自通其陋至朝謁失儀顛踣殿陛猶覩不知愧豈非爲人心風俗大患故公毅然決志無少遲疑於以震聳觀聽砥礪廉隅謂裨益世道豈淺鮮哉公歸未幾奚雍煽燼凝碧之慟有伶官而僞署之免惟司業使公猶未歸必有足爲朝廷重者何也公能遺榮於承平必不蠷名於篡逆也又安知公之歸也非有見於赤狐黑烏而託之鱸魚蕪菜者乎借帝宮之夢遊示北風之雨雪使朝廷因其去而思危推其心而知戒

則公之歸更勝於二疏多多矣公吾郡人也吾郡以公爲重乃郡志列公隱逸傳中舊碑所稱率以清風高節與子陵元亮比恐非公所樂受也古今寧有官祕書年七十而可稱隱逸者公之賢自足爲吾郡重而奚必以隱逸增重哉因拜公祠爲辯之而書於碑用告後來修郡志者祠在郡城月湖西系以詩曰

文采風流兮潤皇唐出處行藏兮光故鄉公之歸兮臣節用章列公隱逸兮公不受臣年七十兮歸已後金魚玉珮兮榮已久公識李白兮千古氣張蹴踏双隸兮天子中璫直斥華清兮禍水昭陽鑑湖清兮機槍午下殿走兮淋鈴雨公之歸兮臣心苦李識郭兮猶公識李唐興復兮由此人生難兮知己我遊湖浹兮日西頽公九原兮不復回庭柏折兮寒鴉來

賀成廟碑

賀成廟者唐太子賓客禮部尙書賀公廟也公實用祕書監丞致仕而尙書爲贈官故鄉俗多稱賀丞焉然則廟宜賀丞矣而曰成訛相傳而題額誤也廟在甬江東南里人章光祺嘗引容謁廟指額示容曰丞之訛爲成

也祺幸託斯里而猶未及改正以至於今容曰公仕唐
固丞也竟遺榮慕道湖山棲老視丞如浮雲然公原不
欲以丞自重則後之人又何假一丞重公春秋之法不
書官貶之也朱子遵其例爲綱目有因賢而備書其官
者若祠廟題額固無取褒貶例也月湖西相傳爲公故
宅今爲廟題曰唐賀祕監祠豈卽所謂千秋觀遺址歟
而此廟之立莫攷奚自意者公少時讀書嘗游止於是
又或致仕歸杖履曾一再憩焉後遂慕想而爲之歟試
偕子出門倚徙四望平疇遠風相接廬舍籬落點染炊
烟雖無畫橋漁艇柳浪閒亭如月湖之勝而塍界水滢
潮汐不及亦吾郡沃壤也冬之時二麥工畢犢健土深
以及於春秧黃秧綠秧插秧老穉餉饁農歌互起公
應樂見之至於夏也桑柘影中桔槔斷續雨淫日酷晚
禾而芸公又惻然見焉凡此皆民之勤生計而期於秋
以有成也幸及於秋穗垂首矣葉有聲矣於焉以鉦以
耒以蹂以確遺滯之利旁惠孀單而乃釀醴割牲叩鉦
擊缶遠近扶攜就公廟以肅享祀者感辛勤之獲報而
賀秋事之有成也公進士登第出入金馬賦詩飲酒超

然廳外歿亦必侍帝香案逍遙紫極寧屑不厭猥瀆
而與田祖伍則農事之成不成公不任受咎亦不任受
賀矣雖然謂逸才之士率文采自喜高意肆志於民事
膜外視之者此鄙夫妄說也公蓋嘗令任城矣流風遺
愛百世祠祀不絕公豈視民事膜外者況此又公桑梓
地乎公其念彫劫餘民宜加存卹勿縱螟螣助彼貪吏
勿聽熯潦滋爾盜心俾歲歲有成以相賀也甫田之卒
章曰農夫之慶報以介福豈非公之大有惠於桑梓地
哉然則廟額之訛丞而成也或亦公所欣然而不致深
責者也夫金銀伏獄固以不學蒙譏漱石枕流未嘗不
以明通資辨亦賀成義也光祺曰然遂作文記之而系
以詩詩曰

春酒堂文存

卷二

八四明叢書

約園刊本

公佩金龜青宮侍讀公乞黃冠優游野服公去千年鑑
湖仍綠今儼在斯鄉音猶熟 前畦後畔左壤右塗公
在其間憫此農夫酌彼雨暘均我黍稌稂莠是穢蝨賊
是屠 歲際豐年家取十千有雞有鶩有縱有豳婦子
以孝兄弟以賢克展禋祀神保無愆 白馬畫輪玄裳
朱繡絳旗繡裳蘭燈樺炬公出行遊導以田祖彷彿歸

來厨幔風舉 薦芷升香傳芑侑觴我蓑我笠我冠我
裳以興嗣歲錫祐無疆勿我鄙夷是公之鄉

里中睢陽祠碑

睢陽古郡治以唐張中丞死守著名今隸河南爲歸德
府去鄴遠程里計者凡幾憶容數歲聽家大人講通鑑
知唐有張中丞守睢陽事間隨行里閭見睢陽祠大人
指示曰此祠卽通鑑所云張中丞者也入拜謁徘徊不
忍去頻索問睢陽何處若恨不得身卽到焉長出遊未
及至睢陽登樓櫓想像公當日指揮忱慨聞笛賦詩如

香酒堂文存 卷二

九四明叢書

約園刊本

猶可見然十餘年間凡遇河南來者每問過睢陽否又
問睢陽形勝何似而張公能守以扼賊史所傳招魂而
葬之處石馬必亡恙也其祠廟崇敞壯麗何似土人必
歲時祭祀如容里中祠獨容里去睢陽旣遠又未經公
仕宦遊歷之地而祠乃巍然於此且題額曰睢陽竟以
睢陽屬之公也夫疆域莫定易世爲名仕宦何常及期
則代然嚴光釣而州尊其姓匡俗廬而山得爲名彼修
潔自好之士且然是則山川城郭咸願得一人以自光
寵者意甚殷所以一及睢陽卽若爲公之諡號似公之

猶在睢陽也以睢陽屬公固宜特何以斯地有公祠則
斯地卽若爲公仕宦遊歷之地令拜其祠者卽若身至
睢陽登樓櫓見公當日指揮忼慨聞笛賦詩者然推於
此里吾不知睢陽何廣治被天下然後知睢陽不在疆
域而在乎人之心也人有不同心則莫異試於遐鄉僻
壤引販夫牧豎而與言公之如何守如何死有不咨嗟
歎息泣下沾襟者乎有不撫膺動色奮臂欲前者乎若
是則睢陽之不僅在睢陽也固時代之所不能改而江
河之所不能域也祠豈獨在吾里云乎哉祠左右皆民
舍煙火雞犬相接舟檣蔽江商賈所聚今戎馬十年化
爲瓦礫而祠宇孤立與江相面迴憶數歲隨家大人行
時恍然別至郊野更有一祠爲睢陽者而非容里中也
容所居亦侵風雨漂搖矣因循不忍遷去實愛公祠在
邇時或索處悲愴步就公祠俯仰獨語江聲夕照亂草
行人誰同我懷默然歸巷未嘗不侍家大人而歎人心
之日移安得起公於九原而保障江淮於今日也祠在
鄞治東三里許治南十許步有協忠廟祀公於睢陽同
事者七人卽鄞之祀公亦不獨容里中云甲午三月爲

之記而系以詩詩曰

維唐中葉篤生異人方叔召虎萃爲一身楊李爲政而
置公令宜爾逆雛妄干天命潼關旣傾千里無城塞馬
南嘶胡笳晝鳴赫彼大僚望塵恐後同是金章同是紫
綬區區眞源登陣誓天百戰摧虜聲撼幽燕食盡援絕
齒尙有舌白日萬年猶照公血以一睢陽保障江淮中
興所係足慰公懷遲鏞三日用成完節誰人不亡安史
旋滅至今睢陽屬公封疆何止睢陽公在蒼蒼江淮以
南皆公所保不見今茲朔風載道歲寒思柏世亂思忠
凡百君子各撫爾躬木末鴉棲沙痕汐起燂燂靈旗乘
蚪至止

石將軍廟碑

石將軍者趙宋開國佐命功臣也莫考其廟於寧所由
始而廟之顯也則繇楊沂中高橋之捷兀朮躡建炎至
寧沂中與戰忽見陰雲中擁石字旗遂獲勝廟前樟葉
悉飄入陣爲蜂蠶至今傳人口如覩夫宋以敗衄奔竄
之餘當縱橫長驅之虜而沂中乃能用偏師取捷使建
炎得從容航海固非神助不能然古人有云國將亡聽

於神所以尊人也故子不語神且神者人歿而後爲神也天下有事內而朝寧外而疆場無非人也而乃歸功於杳冥空虛之神則難乎爲人臣者矣使必歸功於神以爲天下事非神不成則積數百年之幹臣烈士何地無神何神無廟皆能扞外而靖內抑暴而除殘則城郭雖陋可恃也兵甲雖微可仗也士卒雖單羸可用也將相雖庸懦縮胸無不可倚託也何也有神在也爲後世之人何逸哉然而神固多矣卽今名都天塹不及柳樊枉矢射闕門杜自飛絕未聞有助戰如將軍者豈今人

不及古人而古神亦勝於今神歟抑或者神亦俟乎其人而後助之歟故如將軍助戰之事君子每津津樂取而稱述之非欲責望於神也正所以教天下後世爲人臣者也人臣之負君粥國毋論已其循分盡職者太平之臣也及禍變將至不過奉身而退以明詰自幸優游隨俗以潔身自高卽當事不可避乃草草一死曰吾可以謝責矣小臣一死可也若尊位隆名亦止以一死謝吾不知其未死時何所爲乎而世俗猶歎頌之不置不知人臣大義有不足以死盡者昔史魚仕衛死猶尸諫

張巡城陷死猶欲爲厲殺賊周羅暉攻絳州中流矢死
喪歸猶夢其子曰明日我當戰其靈座弓刀無故自動
是日破絳州若是乎人臣之於君國雖旣死而心未釋
也宜乎將軍之助戰兀朮也夫將軍去建炎八世百六
十年有餘其精氣靈爽尙竭蹶爲本朝用則世之尊位
隆名而生無所裨益末猶以一死竊名者乞爲將軍廟
下鬼卒不受也況乎以明詰潔身爲名者哉嗚呼世旣
無其人矣吾終望天下之廟皆如將軍可也系之以詩
曰

漲腥塵兮萬馬疾翠華昏兮天障日孤軍戰兮心怒瞋
忽舉首兮若有人佩雙箠兮指長戟驅風霾兮走沙石
樟用命兮葉爭雄敵回奔兮棄角弓牙旗現兮陰雲中
士稽首兮神之功嗟廟祀兮何地無獨將軍兮誓天弧
世無人兮彗生尾紫微位兮穴蛇虺將誰責兮天奈何
借將軍兮責神鬼嗟神鬼兮奈爾何冠切雲兮曳鳴珂

王荊公廟碑

鄞治東數十步有古廟俗曰寔聖廟辛卯春里人釀金
修之工訖列几筵歌舞以妥侑神予同客過焉父老曰

此吾鄞舊令名王荆公者客驚曰然歟予曰然客曰是固變新法誤宋至亡而廟諸此子曰古來誤天下者必奸邪未有非奸邪而誤天下者有之則公一人公不可謂非誤天下而卒不可謂之奸邪蓋公初爲鄞令民便其政後以鄞治所行行諸天下乃一治而一亂者豈前後之勢有不同抑鄞邑之民獨醇良而天下諸邑之民俱彫敝歟吾以爲公之誤天下非公誤天下而天下誤公又非天下誤公而鄞邑誤公亦鄞邑誤天下也公身爲邑令行其法於所治固已勢近而易周矣而廉不侵民以私明不與吏以奸法於是見其利而罔弊以爲天下之邑俱可若鄞天下之邑之令俱可若己事經身驗尙有不可恃者原必無之理也遂排眾議任怨讎決計行之無所疑竟不知天下之邑之令之不己若也貪君之利復借民以徇君貪民之名或諉君以徇法紛吏互掣法愈窮焉是神宗以天下誤公公以鄞邑自誤呂蔡輩以險阻陰賊之才誤公而元祐諸君子復以矯折鏗切之論激公以誤公遂使公學問經術祇見效一邑而不能見效天下嗟乎使公止爲鄞令豈不令後世想望

之以不得進用爲恨縣鄞令進學士而止又豈不令後世想望之以不得大用爲恨又使進爲丞相初定法以衆議紛紜罷後世亦想望之謂其法必當有效且引鄞治爲證而咨嗟歎恨於當時庶僚之難與謀始也卽進爲丞相定法而從容使元祐諸君子爲鄞令與觀公之成績當必歎息其法信可行而有效不以矯折鏗切之論激公更調劑通變選賢別才公心就平卽呂蔡豈能借公自固天下之邑之令將俱得人俾民咸被利視鄞則天下之民應其尸祝視今日然而天下之邑之令必

不能俱得人一如公於鄞也公遂誤已獨以公秉軸後凡愁苦呻吟之聲皆聚於公豈鄞邑獨否豈後之貽禍不勝其前之感恩豈公所親莅之法與民信而可守兼繼鄞者獨得其人乎夫宋固不以天下易一邑之治而鄞亦不以天下易一邑之心說者謂鄞俗之厚而益以見公法原足利物而公心原期濟時乃牴牾僨壞以至於極此不得不令人感慨事會之難齊而功罪之各有數也父老曰此吾鄞舊令若不知公爲丞相然者公之廟諸此宜也廟當孔道往來瞻仰自公以後五百餘年

登朝秉政者不知凡幾分符守土者不知凡幾使秉政者悟己見之不可執雖事經身驗而猶未可自信也如此守土者知民職之當勤雖名負誤國而猶得血食不絕也如此則公廟之繫於天下豈淺鮮哉客憮然進爾拜禮乃作侑神之歌其詞曰

澗有芷兮江有蘋自公去兮秋復春黃童白叟兮猶公遺民薦豚蹄兮雙鯉華黍潔兮樽酒旨民心告誠兮公無我鄙金陵半山兮逍遙來咫尺兮雲旆飄踏蛟龍兮接晚潮思用鄞兮公未忘於山蒼蒼兮雨水湯湯禾稼登兮風俗良西鄰縣治兮朝伐鼓催科孔亟兮伍伯辛苦操鞭箠兮力如虎天無是非兮各有其時彼何人兮大吏迫之公聞不聞兮心傷悲

餘杭三賢祠碑

天目之山分枝錯節以奔赴郡治路將近則勢愈急而餘杭適昌其間故溪性最悍於是設湖以縱之置塘以緩之而後下流易受此其意不止利餘杭一邑也厥功大矣創於漢陳公澤完於唐歸公珣修於宋楊公時此三賢祠所以著靈塘上千百世而歌舞不絕也陳歸二

公子未審其顛末抑終於是令耶或別有建豎耶正史無所考證至於楊公卽學者所稱龜山先生也史傳其歷三縣皆有惠政聲迹昭著以楊公逆推之而陳歸二公之賢豈若世之山廟里社恂恂杳茫而莫可憑據者乎然自漢以來幾何年矣餘杭固歲不乏令也獨令陳公後至唐又有歸歸公後至宋又有楊宋至今幾何年而竟無繼楊而稱賢者何也豈當日之民忠厚知感近代之民浮薄而遂多忽略歟夫人之常情多昵近而遺遠卽觀今日之愛敬三賢奔走祭祀惟恐後寧有於近

者而反或遺之孔子曰斯民也三代之所以直道而行也特念人心苟非下流不其相遠自宋來凡以令至餘杭者有不躬謁三賢者乎目擊三賢之廟貌巍然碑碣爛然俎豆牲醴凜然父老子弟之謳思頌祝也紛然有不怍然動於心者乎猶是邑也猶是山川也猶是坐廳事而胥吏趨於側出褰帷而伍伯辟於塗也而何以祠於塘上者止此三賢也耶豈餘杭之利止此一塘餘杭之弊止此一水三賢旣已興利除弊無有遺憾遂使繼其任者無復可以自表見耶夫塘以賢而見然賢不必

以塘而見也祠以塘而立亦未嘗不以賢而立也予見天下之令大率有祠則餘杭之三賢祠將不啻三而四而五而百千矣乃不數年而輪奐棊枘輒化爲敗瓦零礫而已是何說耶蓋名最盛則難爲繼此三賢祠之不可得而四也第事有倡則易爲和此三賢祠之未始不可得而四也是邑民所祈禱而願望者也亦三賢所延佇而企慕者也余客餘杭謁廟作文以記之并作詩歌之歌曰

湖泮溪水維湖柔之瀾漫湖水維塘留之三賢勞績永

春酒堂支存

卷一

十八四明叢書

約園刊本

言酬之奕奕庭宇冠冕其俅秩秩階序徒御其騶戒爾清樽潔爾庶羞鞀鼓旣振簫管復悠維神來止畫戟彩旂維神醉止三爵一卣維神歡悅萬壑安流維神行游四野告收漢唐及宋曠世相求胡爲後來歲月已脩民生耕耨誰爲之蠹民生家室誰爲之讎神實監臨莫或爾廋用啟厥衷毋縱乃尤如塘御水億載千秋

傳

陳御史傳

陳御史賓日先生子同邑性端謹與人交訥訥若不能

出諸口家城北隅及既貴城中如不知有其家者以天
工名貢入太學登崇禎辛未榜進士授雲南大理府推
官凡進士聽新除率請託便地爲攜妻子歸財賄計而
大理尤險遠莫肯就先生曰是夷之矣慨然就道五年
入爲御史更名良謨出按四川回視□□甲申三月十
九日都城陷先生正衣冠向闕拜曰小臣不能濟國難
止一死遂自縊時妾時氏娶甫數月先生謂其姻友曰
時氏事子淺子爲歸之命時氏出且曰予無子爾有姪
矣若舉男當還畀我家時氏曰男女不可知卽男成立
不可知不如從公死免取辱遂亦自縊也年十有九李
賊之難吾郡死節者惟二人而時氏又一女子

贊曰列傳自班馬止稱名余於賓曰先生稱官者其殆
遵春秋孔父仇牧之例歟若於死江陰之閻應元而直
稱典史者又非此例所以愧當時之高官而尊爵者也
然閻典史之傳亦已亡矣

范孝子傳

孝子爲容母同曾祖弟則容稱也舅不舅稱稱孝子從
同云孝子爲懷素公冢子與弟星與宿皆用洪序名孝

子夢雷而生因名震字驚百少失恃長傳懷素公醫督
家政伺懷素公色笑娛侍如嬰孺辛巳懷素公病涉旬
餘孝子營治百方不復知匕箸不復知枕席不復知衣
帶與晝夜刺血書疏露禱祈代病亟診者辭去孝子涕
泗叩首求治診者曰胃氣已絕治奚益孝子嗚咽不聽
去診者曰子若不信穢必甘孝子遽取穢嘗之喜曰猶
辛也診者驚異爲下藥越三日病瘳診者遂述其狀於
鄰里姻友間曰胃氣果已絕而獲瘳孝固足以生厥父
也於是遠近莫不目爲范孝子嗣後懷素公又享肥脆
者十有餘載容母謂容曰爾舅失恃時才十二耳哭踊
毀瘠幾不欲生爾外祖已歎息再四呼爲孝童則孝子
名固不待辛巳後定也又嘗謂容曰懷素公父客死虔
南公方總角徒步走數千里僉遺骸足盡跣歸之前夕
家人臥聞履聲由階而堂而戶起視惟見一火熒熒青
色人咸謂孝徵也諺云孝子生孝子滴滴檐頭水小子
識之又謂容曰爾舅有姑適朱氏亡已再逾紀爾舅振
其子若孫不倦曰吾父志也容母之言如此事繼母謹
二弟爭進甘旨相愉樂世不特知范孝子且知范有三

孝子焉時人又爲之語曰兄弟雖離范氏三洪

陳母傳

予嘗觀古史所傳列女節孝尙已至冀妻陶母挽鹿丸熊諸事於夫與子爲最善若能處其夫之兄弟間者絕少概見何哉邇者象新陳翁之言曰吾幸無違言於家庭以不得罪於里黨者恃有孺人也象新郡西郊之隱君子事母孝母節母也中冓廁牖賴孺人者二十年母稱之以儷古列女此足矣翁有弟婦卒誓不再娶一子孺人撫如己出已補弟子員有聲一旦歿孺人亟謂翁

春酒堂文存 卷一

二十四明叢書

約園刊本

曰兄與弟猶臂也安可聽左者痺而自廢蓋是時翁弟已著義夫名年六十矣或進翁曰翁一子以一爲弟後室廬田畮筐篋財賄皆所有也今使娶有嗣則半矣翁不顧顧孺人曰然奈何孺人曰昨日憂之明日商之徒失時耳今惟計如此於是延媒妁厚聘幣筮辰治酒烹羔迎婦於室初不令弟知也至是廣集親友引弟款語驢醢達丙夜送入室閱歲舉一子翁喜曰當勸弟再三不受時微孺人計吾亦窮矣嗟夫乾餼失德箕帚詭諛風俗之偷久矣聞孺人事其亦可感發也夫今孺人

已逝而里黨爭道之不衰予一日訪其子履升履斌登翁堂見垂髫抱帙趨階次者升指示余曰此卽叔氏再娶所生從弟也予歎息久之爲作傳以補古史所少見者孺人予同姓系家郡西南之蕙水予宗遷自慈邑不知與孺人分支幾世矣更聞蕙水又有予同姓在某橋之陽不析箸者百有餘年不知與孺人分支又幾世也

海烈婦傳

烈婦海氏徐州人夫陳友亮食貧婦有姪從戎毘陵謀依之丙午春遂以婦行至則姪已奉調去徬徨旅舍間

春酒堂文存

卷二

三十四明叢書
約園刊本

里中某聞而豔焉來就亮亮時單子得某懼甚婦謂曰某織兒也奈何與昵亮不能聽某至輒嫂呼婦期一見不可得乃爲計曰兄坐困非策不若附漕舟歸徐亮曰如資何曰弟善漕舟某某輕財能書算分其勞於子歸便訪之慨然命登舟舟凡十艘以一艘處婦當刑牲誓三人爲兄弟優戲連日夕不止鄰舟男女笑聲相接綏以蠱婦心婦掩窗治鍼線稱疾不一出已而亮承命往蘇市婦泣曰吾二人就此計益左矣果往蘇則二人永訣在今日亮曰若厚我奈何拂若意且舟中耳耳目

可亡他竟往是夜某穴窗入婦大呼舟人謂盜也互驚起某逸去篙師妻相慰解婦曰吾意已決再來辱矣戶甫闢卽自縊次日某坎米埋婦尸以二十千賂篙師迎亮殺之塗篙師念曰爾昔毆我何若而旣死其婦又欲殺其夫乎蓋三人誓爲兄弟日貯牲血將以畝神篙師偶踉蹌過泛之地受毆故云然遂馳告亮鳴官官驗尸發米顏如生衣上下紉密不可解抵某法并杖斃某葬婦毘陵西郭外立石曰海烈婦墓肖其像祠墓左子入拜之面微俯而側明妝儼然

贊曰嘗過村塾聞讀易者錯其句曰慢藏誨淫冶容誨盜其陳友亮之謂歟使婦嫁得人稍能自振可倡隨以老何至此顧惟嫁不得人爲之死難已嗟乎爲徐州里媪亦必死今毘陵西郭往來如織無不瞻仰烈婦者烈婦不死也

周介隱先生傳

先生名字不可得而傳也予爲私諡之以介隱云先生錢塘人少負至性年十八遭父喪吳俗多乘喪畢姻者先生獨堅執不可讀書該洽爲同人推重至萬曆丙辰

先生忽棄去舉子業結廬父墓之旁請於母曰有弟鄉
舉可養母矣兒將守父墓終其身遂入居廬中外蔽短
垣戶設懸扉慶弔問貽俱絕母念之或月一至他人莫
得見也幅巾草屨自丙辰至癸卯在廬四十七年其間
曾以母喪一入城耳年八十二而歿臨歿吐氣滿室如
煙雲者久之先生嘗喜負牆露坐觀星斗咄咄自語初
入廬猶吟諷成帙一夕露坐歎息至旦急取成帙者付
諸火蓋戊辰春也後不復存一字矣先生次子就明爲
予云然或曰先生少曾偕朋輩讀書湖上有薄暮乘肩
輿過者疾作墜於地僵矣先生命負人救之眾不可先
生曰吾觀此人眉宇無死法卽死豈用罪救者遂毅然
負人竟以甦此則先生之勇於爲義寧甘枯槁終者或
曰先生善天文得祕授知天下將有變故如此不然何
獨於丙辰而忽爲是然丙辰後天下尙恬熙者三十年
豈先生曠懷遠識視此三十年者等一映耶予特不知
其星斗之下咄咄自語者何語吟諷成帙而付火者何
書因念古來畸人獨行必有一二良友相爲發明而先
生無之竟莫能一見其心迹之所寄噫嘻此所謂介隱

也歟或曰先生原名大纈入廬時更名恢恢者心灰也然歟

贊曰四十七年處此斗室非實有見胡能自必星斗爲朋夜譚咄咄誰其聞之皎彼明月我爲作傳勒之短碣欲使後人敬此林樾知先生心識丙辰曆

芋老人傳

芋老人者慈水祝渡人也子傭出獨與嫗居渡口一日有書生避雨檐下衣溼袖單影乃益瘦老人延入坐知從郡城就童子試歸老人略知書與語久命嫗煮芋以進盡一器再進生爲之飽笑曰他日不忘老人芋也雨止別去十餘年書生用甲第爲相國偶命廚者進芋輟箸歎曰何向者祝渡老人之芋之香而甘也使人訪其夫婦載以來丞尉聞之謂老人與相國有舊邀見講鈞禮子不傭矣至京相國慰勞曰不忘老人芋今乃煩爾嫗一煮芋也已而嫗煮芋進相國亦輟箸曰何向者之香而甘也老人前曰猶是芋也而向之香且甘者非調和之有異時位之移人也相公昔自郡城走數十里困於雨不擇食矣今者堂有鍊珍朝分尙食張筵列鼎尙

何芋是甘乎老人猶喜相公之止於芋也老人老矣所聞實多村南有夫婦守貧者織紡井曰佐讀勤苦幸獲名成遂寵妾媵棄其婦致鬱鬱死是芋視乃婦也城東有甲乙同學者一硯一燈一窗一榻晨起不辨衣履乙先得舉登仕路聞甲落魄笑不顧交以絕是芋視乃友也更聞誰氏子讀書時願他日得志廉幹如古人某忠孝如古人某及爲吏以汙賄不飭罷是芋視乃學也是猶可言也老人鄰有西塾聞其師爲弟子說前代事有將相有卿尹有刺史守令或綰黃紆紫或攬轡褰帷一

旦事變中起躄擊外乘輒屈膝叩首迎款惟恐或後竟以宗廟社稷身名君寵無不同於芋焉然則世之以今日而忘其昔日者豈獨一箸間哉老人語未畢相國遽驚謝曰老人知道者厚資而遣之於是芋老人之名大著

贊曰老人能於傾蓋不意作緣相國奇已不知相國何似能不愧老人之言否然就其不忘一芋固已賢夫井老人而芋視之者特怪老人雖知書又何長於言至是豈果知道者歟或傳聞之過實耶嗟夫天下有縉紳士

大夫所不能言而野老鄙夫能言之者往往而然

鵝籠夫人傳

鵝籠夫人者毘陵某氏女也幼時父知女必貴慎卜壻得鵝籠文卽壻之母曰家云何曰吾恃其文爲家也家果貧數年猶不能展一禮妹許某家故豪遽行聘僮僕高帽束條者將百人筐篚互里許媒簪花曳綵默部署次第充庭尻錦綺繡穀珠釧金碧光照屋梁門外雕鞍駿騎起驕嘶聲宗戚壓肩視或且問乃姊家何似矣媼婢共圍其妹歡笑吃吃夫人靜坐治鍼袴無少異容一

香酒堂文存 卷二

二十七 四明叢書

約園刊本

日母出妹所聘幣裁爲妹服忽媼曰爾姊勿復望此也身屬布矣夫人聞之卽屏去絲帛內外惟布再數年鵝籠益落魄夫人妹已繡鴛鴦枕大鼓吹簇鳳輿出閣去夫人靜坐治鍼袴無少異容壬子秋鵝籠歲二十四舉於鄉夫人母謂已出意外卽鵝籠亦急告娶夫人謂母曰總遲矣於是鵝籠愧而赴京中兩榜俱第一人名聞天下南京北聞狀元貧移公帑金代行聘官吏奔走執事宗戚媼婢間視妹時加甚夫人仍靜坐治鍼袴無少異容已而鵝籠奉特恩賜歸以命服娶撫按使者已下

及郡守俱集驛庭候鵝籠親迎自毘陵至鵝籠家絳紗
並兩岸數十里縣令角帶出郊伏道左女子顯榮聞見
未有也十年爲相夫人常以禮規放佚故鵝籠當時猶
用寡過聞壬申夫人卒於京邸朝廷賜祭者七遣官護
喪歸勅有司營葬紼引日公卿勳貴奠幄鱗次東郊如
雪水陸南經二千餘里几筵相接卒時語鵝籠曰地高
墜重公可休矣妾不自知何故以今日死爲幸閱歲鵝
籠告回里久之復資緣再相縱淫恣亂政賜死

贊曰子至燕聞鵝籠小帽青衫死古廟中刑部錦衣諸

官鑰門復命去尸挂三日旨下始殮牛車載柳棺出郭
無一視者未死時京師盛傳十子謠十子者如葉子附
子類葉子戲初起鵝籠篤好之借客關恆通曙直宿內
閣輒攜女子男妝入子友徐心水時爲侍御嘗語子曰
鵝籠善噉附子對客不去口故面如紅玉其賄也厭銀
矣以金金厭矣以珠俗稱金珠俱親之以子故與在十
子餘子子偶忘焉鵝籠再相如此知夫人卒時所言固
已窺其微也嗚呼夫夫之得罪於國也固先得罪於婦
矣

雜憶七傳

涼秋久客懷抱莫伸雜憶無端因作傳七

過伯齡

余向聞錫山過伯齡圍棋稱第一品辛卯晤於京口鬢斑矣無鬚顏色如二十許臨局閒舒無勝心對者再四悔左右指聚局中布算伯齡隨手應無不勝勝常不過一二子斂手淡然凡世所稱第一品者每祕恡好事出金帛待勝者名曰彩彩在側始拂罽布陣伯齡所至輒應竟則與言白以是子得黑以是子失是子以救敗是子以避勝是子易是子敗可得芻問難勿倦象棋品居上中然掌內疊子拍拍見口車追馬面赤矣周子曰古來賢士大夫與世不忘競心者皆其所處未極位也雲霞在庭與人爭座日月同天乃見晦食魏與秦近用兵故多眉與踵遙責動不及故封惠泉過嶺者鬢滿則安稍淺則激而有聲

柳敬亭

敬亭曹氏泰興人少飄鷺不法亡命如皋追捕已及隱柳林獲免遂指爲姓後以滑稽說古人事往來縉紳間

五十年無不愛柳敬亭者兒童見柳髯至皆喜其技傳之華亭莫生生之言曰口技雖小道在坐忘忘己事忘己貌忘坐有貴要忘身在今日并忘己何姓名於是我卽成古笑啼皆一所恨楚莊未見叔敖不能證優孟然史遷班固下逮貫中實甫筆墨爲證如己見之子每歎近世人材衰颯私疑往史多誣未必有如某某其人癸巳值敬亭於虞山聽其說數日見漢壯繆見唐李郭見宋鄂蘄二王劍棘刀架鉦鼓起伏嚮懷模糊跳躑邊座四壁陰風盤旋不已予髮肅然指幾欲下拜不見敬亭

贊曰當敬亭說闔閭兒女粉脂薌澤或米鹽詬誶罔不頤解然子不及論也敬亭於崇禎間客左帥幕下左昵之每以微言乞人死故至今言及左輒泫然白其心跡特以左帥擁數十萬師稱孤三楚傳講廚下皆金紫一燕費牛羊豕畜骨可京觀似此物力且專予不知當日聽敬亭說及壯繆李郭鄂蘄二王時中心有動否也敬亭則可謂無負左帥云

許龍文

宜興磁壺著六十年時大彬爲最今乃得龍文許氏龍

文年少恥盡名然世以壺爭致之辛卯秋遇於荆園謂
子曰僥倖以壺名工耳雖然亦有足言者寧拙嫌毋巧
悅寧耐成毋苟率爲千百年者此一日蓋作者之志氣
仰足以及乎前古俯遂足以及乎其壽非專後人之敬
持寶惜然也余心歎之謂一壺且然矣數旬所成爲漢
方爲商卣爲觶爲罍雲雷饗饗審形就昔不敢自徇要
無過方圓二法龍文曰等土之輕重厚薄爲二一方一
圓而視其所受圓之水必多於方豈非以善容物者能
刑其廉露稜隅者乃隘於中歟周子曰此其言宜於應
世吾思之未能因愧而爲之傳

小港渡者

庚寅冬予自小港欲入蛟川城命小奚以木簡束書從
時西日沈山晚煙縈樹望城二里許因問渡者尙可得
南門開否渡者熟視小奚應曰徐行之尙開也速進則
闔子愠爲戲趣行及半小奚仆東斷書崩啼未卽起理
書就束而前門牡下矣子爽然思渡者言近道天下之
以躁急自敗窮莫而無所歸宿者其猶是也夫其猶是
也夫

李仲

李仲者吾郡東郭人善種植治圃僅畝許花不失候竟歲皆春不暇詳及獨於水仙葉闊而厚高不及尺垂垂花透其上予攜酒乞其法仲曰凡蒔花皆馴其性以歸天地而蒔水仙則人自爲天地焉二月刈其葉存根是不受天矣五月發其根去土又不受地矣漸以澆而暴之日凡再四乃入爨室懸與煙近真之如棄至十月還土以缶爲地便於移也朝暴之日夕無露受一旬而再再而三知其氣已蘊結無復之乃假之露繼雨以水數

春酒室文存

卷二

三三四明叢書
約園刊本

日之內花葉迸發天迫其候葉之力未暇盡而花已起周子曰子讀史所謂日莫途窮倒行逆施者每感於天之待賢士何堅忍也乃仲之待水仙亦甚忍而後發之當其枯槁憔悴視瓦松野稗皆能得色豈復自期表見殊異使人服其榮更忻其潔乎然亦早有以自信也聆仲言如讀子胥淮陰買臣陳湯諸傳因次其言爲李仲傳仲固不止於水仙善也

淨慈醉僧

淨慈僧多不諱酒山門夕昏踉蹌相觸庚寅六月子寓

左廡暑汗難寐起行柏下忽聞鼯聲自草中起兼蚊聲
急引燭照之識爲鄰僧睡方熟蚊圍之如帳不敢一近
因呼其童子至曰初食火酒醉不知其臥此也周子曰
蚊喜乘人睡以肆貪欲固矣豈獨愛是僧歟欲近而卒
不敢者醉之氣大故也夫昔時所命賢豪間者咸能充
大其氣處羣小中人爲之孤危彼且靜若無事不聞搏
擊驅除而呼引朋類者無能嚙齧爲毒固別有所謂酒
者在也僧進我矣

素卿

春酒堂文存 卷二

三五 四明叢書
約園刊本

蕭氏女素卿錢塘人夫貧弱不自持失身青樓善歌舞
併諸小劇嘗前置虛甌右手持箸左掌掠飛蠅投置甌
箸搖其上蠅飛不能去其慧捷如此然愁怨深結似甚
自愛其身又似甚自厭其身者庚寅秋逸人高某以織
造至少俊重金幣聘卿更爲卿報平昔所飲恨而賺之
者皆杖脊械卿門卿遂歸之婢妾數百指稱夫人經歲
高挂議撤回舟至臨清逮騎至卿見高領下銀鐙響持
之一慟躍入水死或以語周子周子曰素卿死高某何
如死貧弱也然亦難已觀其意殆欲留爲知者死然則

素卿其女中之國士耶聞妓小燕年十八善歌歸於游
擊王某王戰死尸還小燕設奠爲曼聲歌歌竟從容服
信石談笑死時戊子冬予正在閩

春酒堂文存

卷二

三西
四明叢書
約園刊本

春酒堂文存卷二

春酒堂文存卷三

遺書一之三

鄞周容鄖山撰

慈谿馮貞羣孟顓編

記

春酒堂記

春酒堂者容於丁酉秋所卜以養老親而名之者也堂在郡治東七里雖無林壑幽邃之勝然面接平塍半枕流水金峨太白偕湖上諸峯黛色參差可數軒不必廣置榻頗安樓不必高啟窗頗遠春耕秋穫牧笛農歌風

春酒堂文存

卷三

一

四明叢書

約園刊本

日陰晴四時各稱籬外買田十許稜歲收秫米爲鍾者五與六及冬醞酒足三十石籬內圃二畝蒔瓜蒔韭蒔之屬爲菹爲豉歲無匱每夕陽未沈漁艇直達北戶下或鯉或鱸或蝦蟹易日互見樓東西貯經史莊騷以下千餘卷唐宋石刻百餘種墨蹟山水花竹數十軸容每應人所乞碑序志銘草就呈家君且琅琅讀或字句稍疑滯其推敲必得當乃已及臨池作行草書家君更喜攜容兒阿長語波磔勢家慈乃呼兩婦出脯醢益酒爲歡笑庭內外花木十餘種花時鄰翁必至至必留留則

隨意雞黍家君飲可二升投瓊臠勝負迭進竟日夕
不言倦也容從兄暨再從子數人久離析矣貧不自振
家君皆招使來歸以衣以食其未及歸者勤周郵率五
日一再至焉於是海內士君子登斯堂者無不以為極
人生天倫之樂無有踰於容者也容嘗索友人作春酒
堂記莫當家君意家君為詠七月之六章曰可以記此
堂矣因命阿長書於堂壁時丁未四月朔日

謁趙康王廟記

癸丑秋容寓彰德一日偶步城南見樞星朱門層榜翠

春酒堂文存

卷三

一一四明叢書
約園刊本

齟疑為故宮猶有存者驚問之曰趙康王廟也以孝祠
容入俯伏叩首起覲神儀垂冕垂裳儼然龍準庭立最
鳳上勒綸音後載千支冠云嘉靖時世宗肅皇帝孝治
天下禮明樂備綱紀畢張而王系桐封懿屬飭行砥躬
如鳳凰翔於雲表景星現於台躔孰不翹首瞻矚歎頌
一聲屈指至今百有餘祀為詢守僧洎彰德父老猶能
述王孝行歷歷如見夫王之孝行醇矣至其勞瘁有士
庶人所矚勉者而王安之王廟於趙固宜容因念趙開
國永樂間是為簡王相承十有二葉天運一統中原無

事藩服優游代出令主當時亭臺苑囿陰映漳流詩人
騷客如謝榛盧杞輩曳裾來止車騎之都飛蓋之盛醉
雪當風之賦舞女歌姬之麗鳴箏蹴鞠射獵登臨之樂
殊勝漢梁願今訪尋昔日遺蹟於黃蒿白黍內惟見斷
瓦猶炫朱碧他無一存者甚者聞諸王隧道亦皆傾圮
矣獨康王廟如故窆石饗殿俱亡嗚呼豈不以孝哉
容以是知人心之尙未盡亡而孝之爲德雖離天地崩
坼日月淪晦其足以感激風俗維繫人心者未始或息
也憶丙申冬過河內望綽楔跨道上署讓國以揚鄭世
星海嗚呼德盛矣哉

神宗皇帝御書記

諸生沈延統故大學士諡文恭一貫之孫也文恭相神
宗皇帝嘗蒙賜御書責難陳善四字一日延統出以示
容牋幅常新龍文煥發容竦然拜伏叩首長跪展玩不
覺感從中來淚數行下謂延統曰人生太平之世者不

知太平之樂也生喪亂之世者亦不知太平之樂也使
生於喪亂者而與之讀古史冊如周成康漢文景唐宋
之貞觀元祐熒燹不驚鞭笞無擾民各安其業士各矜
其名必驚訝歎息謂此時何若是之盛耶豈史冊過張
其詞耶又安能起此時之士民於九原而證之耶惟生
於太平長值喪亂乃回憶平生如同隔世恂悅夢醒是
今日而思神宗皇帝之世也神宗上承鴻緒奕葉栽培
征徭可紓水旱莫告米粟雞豚之養所在豐贍故風俗
淳厚野多期頤容生稍晚然相去不過一二十年非若

古史冊之遠而茫茫也而今遽至於此思其世而不得
見偶見碑碣在墟墓者曰此神宗皇帝之誥勅也爲徠
徊不忍去見器物識萬曆者曰此神宗皇帝之建元也
爲把玩不忍釋見父老之八十九十百歲者曰此神宗
皇帝之遺民也爲肅容加禮不忍別夫於碑碣器物父
老觸類動人且流連慨慕如是況乎得見其御書之翰
墨乎神宗皇帝勤於儒教故雖臨池一藝亦徵聖學波
磔翔翥似有神護爲思殿庭閒旻元老從容鑪煙靜而
墨香飄晝漏遲而女謁遠四字之中引訓古義豈比唐

皇炫能羣臣攬座而文恭舞蹈青蒲不啻受寶玉大弓
天球琬琰恩榮光寵何其盛歟卽容今日一俯仰間恍
然身趨鳳闕簪筆負囊上螭陛之崔巍望斧屐之靜穆
顧金題玉躡錦暉繡褫之輝煌皇帝憑几揮毫天顏咫尺
不可謂非容今日之幸也謹拔淚拜起誠懼誠忭而
爲之記

太子少保工部尙書白惠風先生家藏古卣記

先王之制凡人臣能奮揚武烈式辟疆圉者則賜之卣
卣所以旌勤事也江漢詩曰釐爾圭瓚秬鬯一卣賦周

春酒堂文存 卷三

五四明藏書
約園刊本

宣王使召穆公平淮夷而有此賜也宣王中興大臣撻
伐告寧振旅仰被恩榮何休豫哉詩人又作爲篇章侈
陳盛事使後人誦之若身見拜手稽首之容焉予於詩
聞卣之說遂於圖籍攷卣之形而惜未一見也後世其
制不行至有明喪功令典服賜飛魚錫宴予世官世官
古是同而賜服錫宴以視古秬鬯一卣厚意殆相似歟
太子少保工部尙書延陵白惠風先生於崇禎初巡撫
西陲火落三千騎入寇總戎張某勇而懷出師覆沒公
悉城守步卒不及千乘夜雪邀之阨寇出不意殲焉部

核斬獲過當皇帝璽書宣公錫服宴光祿如令典世錦
衣指揮使夫公用儒臣視邊又得總戎敗信人心恇怯
乃能率單師制勝厥績儼召穆公難易何如耶使嗣後
付公要害俾經營天下事必有可觀者又或留之司馬
俾得後日辦賊亦無不可迺尼之者以司空閒置公且
致不得安其位而歸不數年竟有甲申三月十九日矣
嗟乎萬一公而在朝焉知不以用西陲者用之京師乎
又或者天故留公事外以有待也容向與公嗣君錦衣
山英善壬辰秋謁公延陵里第酒次序述平昔護餉用
兵指畫在日夜深出古銅器見示曰此昔年守彰郡時
得之郡後圃大柳自拔根成坎夜蒸五色光發之得石
函函此容拜視額手曰此卽江漢詩所云貞也或卽召
穆公所受於周宣者未可知也卽不然固是先王旌勤
事之貞也然則公之巡撫報功寵承令典此貞出而早
爲之兆矣然貞也者天子賜之子孫守之祀先祖薦馨
香奕葉永久於靡旣也天旣以貞示公矣其將命公世
領虎賁執劉執戮以奉社稷者也豈遂不一傳而廢絀
歟容以此貞卜公之事業必將有大且遠於西陲者而

冀戴宣王錫山開社以無負此卣也否則柳何故而自
拔光何故而五色哉先生踈踏曰子老矣尙何言及是
容曰夫人少而壯壯而老各有其候世人之老固卽其
人之壽以爲其候也若姜子牙之八十張柬之之七十
趙充國之七十有二皆壯也在世人則已老矣今公之
精神凝然不異古人其聊以老自晦乎受國家懋眷殊
庸邁茲茫茫白草終不得以老自謝也天竦其時此卣
是證異日者容雖固陋尙能摹江漢之什賦詩頌美爲
公歌之是夕也又出示飛魚服緋如新龍角而翅張目
光射燭若天威在前

齋酒堂文存

卷三

七

四明叢書

約園刊本

巾子岡記

西湖之北有岡以石勝曰巾子形乎巾也形乎巾也而
巾之凡世之有其名者舉如此矣按釋名巾者謹也使
人自謹脩於四教也然則古人之用巾也將有所思焉
思所以稱之後人不之思也而徒以爲飾雖廢之可也
而今遂廢之曰凡今之人皆不足以稱此巾所不受者
也於是薄海內盡忘乎所謂巾矣此岡獨岸然湖浚不
勢移不威奪焉豈將存此形於天下以示愧於人而待

世之克稱乎此者乎然山谷之畏威趨勢視世俗爲更甚故時變未成震崩先兆豈此岡獨有異歟春秋所載震崩之類不一似抑日星山嶽於侯伯子男之列刺其不能自主而奔命人事以聽其役豈此岡獨能自主歟予是以徘徊於此岡之下還顧而不覺爽然若失也已而白雲橫湖煙起岡亦知時不見巾子

宋刻兩漢書記

戊戌春張新鄉招錢虞山先生集藩司晉齋出宋刻兩漢書問虞山曰聞是書向屬先生藏弄然否先生曰然

春酒堂文存

卷三

八

四明叢書

約園刊本

也是書原趙吳興物故上存吳興畫像凡十篋王鳳洲司寇粥一莊以得之陸太宰家後歸予絳雲樓中癸未質千金於四明謝氏今竟屬公耶因其展玩果見吳興畫像撮笠而纓纓虞山爲作文題其後版諸佛教欲以忘得失也此如目前事不數年新鄉以文字中孽死塞外不知是書所歸矣嗟乎吳興以前係宋誰氏當吳峯立馬江沙列營其時雖龍樓寶璽祕府圖冊非北蕩爲輦路之塵卽南流爲蜃宮之沫而此獨克保無恙以入於趙閱三百年以及謝氏之數家者運際文明華靡甲

第風流博雅號稱賞鑒緇以斐几牙籤襲於緙函芸笥
豈非書之遭遇哉然吾特不解吳興何意畫像其上其
自以爲面目無愧於漢者而欲附書以不朽耶不然豈
代爲陵律存遺制於漢書耶又或知撮笠縵纓運未有
已故留已之像於漢書以爲之先兆歟不然何以漢書
之中有威儀而非漢官者乎夫天綱解地軸折人當其
時復何聊賴況已見麥之漸漸復見黍之離離乎人固
有幸而壽亦有壽而不幸者乃不意書亦有然也然而
書固已自爲吳興矣虞山絳雲樓書悉宋刻也庚寅之
冬一旦化爲烈燄飛灰而兩漢書獨以出質謝氏獲全
今乃飄零失所以至此極似乎書之不隨絳雲而燼也
皆吳興之像爲之也書之幸歟書之不幸歟嗚呼虞山
往矣使虞山而在予將就虞山焚香設茗作文以奠絳
雲之餘燼而慰之當西臺之如意也

己亥亂後憶記

己亥夏五之亂予家蕩析絲粟靡遺聞之一歎外不復
關懷獨書樓中適情娛目之物不能忍爾家世儒素原
尠長物寡交之人交誼愈切遺懷復集如思故人亂後

撥除塵穢得初冠時束髮巾上小玉環二不勝喜外惟
何雪漁篆刻舊凍石一并兩端石硯耳每自笑物既去
矣以憶追之追之不及徒亂我憶然未免有情誰能遣
此因一一記之舒寫我懷無俾中滯又暇時展讀如重
遇故人嗟乎變亂以來自祕府以及收藏諸家俱水火
散佚況此區區耶貧媪無玉釵珠珥偏戀戀於著簪

祖遺天文圖卷卷長幾二丈星垣分列蠅頭旁注文衡
山書太史公天文志於後末題萬曆庚午春季松石老
人重裝子孫保之十六字係先曾祖手筆祖遺畫無款

誠高八尺闊殺三之二三竹四鵲取義似俗然筆墨用
潔位置留虛二竹挺於左一稍斜而布葉於上雙鵲同
浴激水相助一舉浴梳翎一捉竹而噪高簡似非林良
輩所辦又林良畫四軸容少時先祖嘗笑指畫示曰用
上水田五畝易此不知此中歲可收五石米否四軸中
最佳者敗荷蘆雁雁二一唼荷葉葉垂蘸水葉動頸動
一順波下掌欲出波波動掌動迴頸就掌一目欲眠天
機橫溢竟入神品管夫人竹二枝盈尺耳葉領天風傍
書勁直忠臣節清高烈女心二語下止有子昂印記不

知張雨題後何以指定夫人豈當時熟識其筆意耶絹脫矣未及裝成軸裏以宋錦尺豐考功行草指一規大長五尺寬尺有三文贈老僧者字瘦勁而緊嚴割去前半似雷煥未至延津時或今者往劍合耶戴靜庵滄浪漁笛圖竹修林茂人坐匡牀羽扇禿襟遙聞漁笛半舟蘆外飛鳧自高不知何人書數聲滄浪詩於上字亦道逸唐六如白衣送酒圖闊二尺有四高尺有六泉明葛巾冪冠上把菊籬次抱甕來者果衣白但予見宋人所畫晉時人物如竹林賭墅諸圖其儻從不衣白者何也

予曾題其意於上然輕秀固是六如本色張君度畫卷中分十幅其閉戶松鱗一幅予篤喜之嘗欲割此幅另裝懸壁上以自況而不忍使九幅悵別故止君度宏名毘陵人又毘陵朱先字允先善草蟲其學以草蟲爲師嘗雨中蓑笠屏聲息蹲叢篠間或茂樹上觀草蟲屈伸鳴止收歸腕下筆不盡筆雞羽松鍼皆筆也甲午初冬予過毘陵晤允先於白氏貌質率與語頗洽邀至其家小軒淨几蔬酌已出復壁所藏諸傳記相示不惜爲予畫後多失去獨存一幅長二尺闊一尺畫二蛙一伏草

際欲躍入水一出水半仰慕草頭蚱蜢扇三十餘柄皆可觀其最不能忘者一沈石田漁家樂柳岸四舟六人聚飲文婦孺弱不及焉手足面背各還位置暇故作忙亂愈見理又橋外樵夫荷薪而來如欲就席一王酉室畫危石當江迴瀾下注一舟乘之勢不可止眾篙喧呼觀者失色一閩中許有介名友仿梅道人畫采墨山水展視常溼林異卿臨楷帖七種其右異卿名寵亦閩人時年七十矣周五溪先生亦閩人贈予一律書扇上畫枯木竹石於左蒼勁如其人先生諱之夔乙丑進士贈

扇後三日爲仲連之蹈一張君度畫春江花月夜扇用生紙煙靄扁舟五字俱見一武陵俞企延時篤臨枯樹一餘杭嚴子觀渤臨內景外如魏子一方歐餘吳梅村諸輩書畫不及述矣祖遺龍泉盆徑二尺五艾葉色火氣已盡碎紋如毛哥窰卮二大小不相偶而色款相偶錢虞山見貽白定盆徑二尺二纍黃柑可十二三又短刀尺有七寒芒照人自予知有此刀未嘗上礪石澀花四五點點既不增礪亦不去謂是日本物徐聖思所刻石章五聖思名睿棄舉子爲僧曰近公後同錢刑部起

兵死江上其用刀也如筆刻金玉也如石沈香筆山起
五峯皴理自然人曰石也蝟耳爐榴皮文中錯現榴子
色真宣廟物時壺方而有圓意受水四合許耳望之似
有石許重墨餘三十兩其五十笏然整笏者十不一三
房魯二氏居多中有清謹堂墨三一作覆鐘形一笏初
斲肥甚一藕心錢俱著堂名神廟間孫司禮隆督杭織
造時所製一無款識闊寸長三寸上備九錫猶是老母
匱中物舊琴從閩省兵火中攜歸蛇腹白紋聲清而一
宋物也時閩省被圍久斗米二千錢古器衣飾壓市故

能得此琴時予正學琴於許翁一簪未及三寸骨爲之
作枯枝形而甚澤其予髮二十許年是最難忘也噫

唐晉王畫像記

庚子春寓燕慈仁寺左方丈僧景庵出示畫像一軸云
從某寺借觀展之絹素黯然而精采隱射畫唐帽者側
坐石上手撚隻矢一少年束髮侍立肩下帙首者貌頗
獐急裝行滕倒植銅鎚而睨聽焉相傳坐者太原晉王
也側坐以藏左目侍立者莊宗也獐者當時多其人莫
定爲誰或曰存孝也英雄始事如旭日離波鎔金出冶

史書奪目萬世生銜而晉王時已趨暮矣乃有子如此以視彼內顧氣索憂葬地而出涕者何如也耶夫唐至昭宗魚爛土委人紀漸滅已盡猶有是父是子爲之起色握拳礪齒不忘故君今觀其顧盼間欲不飲全忠之血漆守光之頭而不可得者則此矢也其卽廬陵氏所云俘燕破汴錦囊貯而迎於馬首以告廟之矢也報國仇雪家恥俯仰快心豈非千古不數見之人物哉然此圖猶是夾寨相持時也而其氣已視彼如石徑之草矣去今將千年畫猶完好非此畫之獨能永壽也蓋父子此時之精神足以達之英武之色浮動丹青令人不忍更念及其末路矣因再拜而酌以酒敬收屬景庵歸諸原寺

遊破山記

出餘杭城東北舟行十餘里曰魚山魚山轉破山顯舟中一覽殊不酬意而舍舟分侶或三或兩互分互合各忘東西斷崖虛巖引人難竟仰或見牖俯或得戶靈鷲飛來棧閣左擔尋丈之間相爲彷彿磴只承趾徑無正肩及攀涉已窮隨舟曲折竹色翳天松影布水澄潭遊

鱗以影爲藻如馬遠郭熙取洞庭匡廬之勝而縮之於數尺絹素之內又如姑蘇人就几上盆盎位置樹石高下疏密儼然名勝彼收其大者於小余今乃擴其小者於大不翅徧遊衡華矣石無完苔草不接綠因以破名嗚呼自不周旣崩崇島自仄烈燄鴻濤漂灼大地吾輩舉趾側身破山輒是而今日乃遊破山耶山屋數楹可列樽席姚子治具於是筆硯觥籌俱進座凡十人賓朋暢適風日稱之相與歎節序之易流感良會之難再客子萍蹤天涯聚散古人所以興悲懷於樂事也詩成酒罷題名於壁云甲辰四月十有二日明州周容遊此同遊者仁和張芬邑中孫應龍俞姓趙昕邵中錫宋某董某暨主人姚今人偕從弟某

洞霄遊記

甲辰五月十日同子漸張子海門孫子肩輿出餘杭南門折西繇中塘循溪上五里至石門卽分溪流之南湖道也又五里爲周塘載道皆荷白土出者取自洞霄左右山中人碓之應瓜揚以上米商以飾米憶辛巳年杭大饑村民或坎土得白者取餌之名爲觀音粉或卽此

歟亦卽此報也因念杭爲省會山勢繇天目蜿蜒而去
則洞霄其筋絡也終日受鑿則傷洩地靈子漸曰神廟
間黃貞父先生曾倡議禁止山中失業者聚百許圍先
生輿而鬪之遂罷議予笑曰禁諸山誤也但屬上游憲
司嚴禁米商用此土者米入官商筭而械於市則山中
不禁而自易業矣稍進爲九鎖山兩峯受路以其曲折
爲開闔徐凝詩所謂人行之字也憶向往來巖瀨時憑
舷望山前後俱鎖疑不得路及帆迴棹轉又復迎合數
十里間吞吐屢變今在肩輿忽省前日似陸行巖瀨矣

如是凡九故得山名將及宮門海門指翠蛟亭故址取
坡詩二字門道俱廢止留穹碑兀立文許剝落存數字
耳登無塵殿云殿中無塵山深固自無塵也然殿巍甚
椽瓦已十去七而梁棟無傾圮狀亦異也道士吳凌虛
出肅客折西爲方丈入拜李忠定公朱文公二像二像
奚爲留此二公不爲朝廷重乃反爲道觀重耶置洞天
福地四字係宋理宗書想南宋都杭偏隅矣猶蹈徽宗
亂轍窮極土木承事道教觀其斷碣遺礎至今突兀可
知臺閣廊廡枝峯蔓壑金碧之色錯雜蒼翠中可以意

見也飯罷各攜杖登大滌洞洞卽漢武投龍簡之所高丈餘石色黝黑經白理明炬入頂平兩傍相讓狀類容數十人進數丈稍卑隘偃行地愈下鍾乳滴溼衣仙鼠撲火如阻客也遂出凌虛曰進可通林屋矣尋撫掌泉泉在叢篠中形可貯一石水與人云一撫掌則泉湧余三人安能無故一撫掌乎出行百餘步得龍王井井名何義豈亦以龍簡故乎樵路蕪沒命鎌以導愈陡援藤葛而上予漸不能隨矣凌虛恟恟間與夫遂指有虎迹予與海門奮不顧荆棘冒人石不受踵猿引臂接又數百步得湧翠壁方喘吁汗下時見壁生涼壁湧幾二丈趾斂而上稍俯壁紋變幻如激波雲影中有如鐘紐如獅鼻如鯉見脊如鳥翻翅如火作餓樹結瘦者總失石質又相去三尺許一石對立高及壁半老樹助之根皆成石石氣侵人夏日自冷兩壁中強寬仄徑紆折半里豁焉縱目云卽來賢巖矣足下羣石起伏如白雲捧人萬綠浩然撼谷動地竹木相一欲浮而起宮脊殿吻出沒若輕航也求伏虎巖榛莽縱橫不可得凌虛云游洞霄須正二月間草木讓人巖壑皆獻三人笑曰留未盡

於異日也登輿歸夕陽猶掛城角往返凡四十里

石將軍廟雙樟記

城西石將軍廟左右雙樟陰庇數畝不知年歲應與廟同自來矣敷榮映發相爲賓友交柯俯仰互爲恭敬按廟碑宋時元朮追高宗至寧廟神助楊沂中戰勝之樟葉皆爲兵卒云常風雨夜半燈火斗大紫樹上下棲無鴝鵒時節傳芭薦豆莫不徘徊樟下瞻仰嗟歎歲丙申郡治朦朧山木盡守讓及二樟里人爭之不能得左先受伐是夜守夢甲而髯者斧其項不數日疽裂死右樟

春酒堂文存

卷三

十八

四明叢書

約園刊本

以免然右者亦竟自枯不復生或曰樟亦有命存焉伐者亡而不伐者亦亡豈非命歟予曰命也有性焉夫二樟能爲兵卒以抗金人而不能藉神靈以免斤斧固命歟然卒能殺其人以報有性然而右亦竟自枯者豈非五倫內有相爲死之義二樟其亦有倫道矣雖然凡物至數百年得天已厚精爽所聚不能遽散必復附之人身爲智爲勇以畢昔日之志此亦理之未必無者也或又曰童謠有云打六更樟再生樟且未必竟枯者歟予未能解

陳公祠牡丹記

宣宗章皇帝卽位之五年以蘇瓊吉安諸郡繁劇難治特命部郎況鍾等九人爲知府賜璽書聽便宜行後率厲風迹成名臣況公外最表表者有吾寧陳公本深繇乙榜爲刑部員外郎知吉安府在府一十有八年歸攜牡丹植之祠前歲開花數百枝以至今日公祠去容舍十里容閒當春暮往拜公祠徘徊花側嗟歎而歸蓋歎東漢以後郡守之失職久矣章皇帝復能振之而陳公幸值其時顯名天壤遭際豈不盛哉夫人生出而仕宦

苟不能有所裨益民生卽至公卿非盛也公雖祇守一郡而能用嚴用寬不負朝廷異數則後學謁公祠者見階次碧草蒼苔亦爲生色況牡丹之爛漫若是者乎宣德至於今凡二百七十餘年矣其時景運方隆治化猶洽養名節守廉恥猶吾鄉之俗也生今日而追慕往昔此花其開元父老也歟夫開元父老耳目止百年間而此藉名賢手澤以及數百年外令人對之俯仰流連欲忘其身之在今日矣花之幸歟吾輩之幸也花從吉安來及見公向者治吉安何似吉安之民愛戴公何似至

去吉安之日黃童白叟攀車擁馬而號啼者何似花不能言也而世之人又豈能因花而念及之者卽有攜尊載筆於花下其視花亦與世間開落者等然自宣德以來吾郡公卿輩出豈無華第宅聯田畝鑿池疊山集名花異卉以貽子孫者而業易幾姓墓託何人昔之歌鐘舞袖晃耀亭臺皆任之寒煙夕照而已而此花獨無恙猶人人共指之曰是陳公守吉安歸所攜之花也亦可以知所感發矣

浮光杯記

春酒堂文存

卷三

二十四明叢書

約園刊本

翁帥黃斌卿有浮光杯莫考所從來蓋也高幾二寸面餘一規唇傷半米缺矣而每一注酒則珠光上浮朝紅夜白如沐日浴月焉乙酉夏余曾捧杯敬酌者三戊子春黃帥使人之徐市島爲楚申胥以杯贄島主人卻之雖同袍不賦而餉遺優渥不啻百牢且輸洪武錢千萬以返未幾翁亂黃兵死此杯遂不知何真矣嗚呼藝出於審無情物也亦安所感受而熠燁如此豈其得日月之精華厚歟夫宇宙內人物草木何一不受恩日月者而獨此杯也耶或者晦冥昏濁之運徧於人心特留此

燭火餘明於一器乎用費之意亦示以一器云微不忘
兩曜可卜金鏡未必終虧銀灣未必終蝕也吾特恐翁
亂後或爲愚夫悍卒所得驚其光怪翻疑爲不祥而按
劍者有之然神物之成必有所爲應有山川星斗遙相
呵護故去而復返杯之靈也不欲以中原之祥瑞夷爲
屬國之玩具也異日當出用於世余將設衢樽徧邀世
人而酌之使飲光含輝庶幾曉其晦冥滌其昏濁以還
於化日霽天則此杯也者殆猶銀甕出而榮光見矣因
爲之記至於島主人卻杯厚餉遺不可謂島中無禮若
洪武錢所繇則商於彼者爲予言昔洪武間以錢賜貢
使無所用於其國故貯至今日而來歸凡此皆事之可
記者也

七賢過關圖記

李次公畫冒雪過關圖襲相傳爲七人衣冠車乘若各
得其人之性焉僕夫多於其人之數之四外餘穉子二
雪高鳥絕嘿不相語卷首一人帷車幅巾裏袖開卷似
欲引路以與卷程軻歷茶爐火不受凍黃犢軻急首沈
僕夫高右手竿若恚其車獨後然帷角穉子手招兩僮

輿一積食者將出松林口雪抑低枝步思避笠別有壯者荷櫛而攜以酒榼行滕沒雪左踵見次一人狐帽疊袖岸坐驢背如覓句未就不覺驢不欲前促蹄振鬣與御者抗再進一人擎鞭縱轡舉止春風驢亦喜之不自謂驢欲過前馬前馬緩轡垂銜儼如待後肩高於耳鬚入於袖上此徑路皆以林樹見折使設身其間四人遠近舉睫可呼自下徑路以山阜見折三人各不相接一載車獨輪者適當關口小僮拳身以附推者挽者俯仰其面戍卒二執梃迎道山所障身祇半焉石壁際天松

稍亂擁謂徑已絕矣一牛駕者復轉而出若來然幾可與往者遇蓋不以人騎向背爲政以山路迴互爲政也最前者頂高士倚鹿皮肩輿泛泛溪橋欲下竟不知此七人者何人關何名過何事

宜興簞盃記

今吳中鬪茶者盃必言宜興簞云始萬曆間大朝山老僧傳供春供春者吳氏小史也至時大彬最著僧始止削竹如刃剗山土爲之供春更斲木爲模時悟其法則又棄模而所謂削竹如刃者器類增至今日不啻數十

事用木重首作椎惟鍊土作掌厚一薄一分聽土力
土穉不耐指用木作月阜其背虛緣易運代土左右是
意與終始用鑄長視筆闕視薙次減者二廉首齊尾廉
用割用薙用剔齊用抑用趁用撫用推凡交接深淺置
位高下齊廉互用壺事此獨勤用角闕寸長倍五或圭
或笏俱前薄後勁可以服我屈伸爲輕重用竹木如貝
竅其中納柄凡轉而藏暗者藉是至於中豐兩殺者則
有木如腎補規萬所闕外用竹若釵之股用石如碓爲
荔枝形用金作蝎尾意至器生因窮得變不能爲名土

色五膩密不招客土招則火知之時乃故入以砂鍊土
克諧審其燥溼展之名曰土氈割而登諸月有敘先腹
兩端相見用煤土土溼曰煤次面與足足面先後以制
之豐約定足約則先面否則後之初渾然含虛爲壺先
天次開頸次冒次耳次觜觜後著戒也體成於是侵者
薙之驕者抑之順者撫之限者趁之避者剔之闔者推
之豐者割之內外等時後起數家有徐友泉李茂林父
子甲午春子寓陽羨主人政工於園見甚悉工曰僧草
創供春取華於土發聲光尙已時爲人敦雅壺如之其

次俱因瑕就瑜矣嗟乎似亦感運升降焉

宋磁佛記

客餘杭久孫子海門云晴庵有宋磁佛可瞻禮之遂出東門桑陰中行里許至龍光廟茶座石次翠梧修竹鶻花嫣然竟忘晴庵佛矣海門促起就野塘過庵佛僅盈咫尺身皆作鐵色衣色豈青有裂紋山肩缶脊垂眉挂頰慈悲宛然舒右臂膝上左下託橫臥一足頂吐寶石光如蠅頭爪甲衣同色臂足見筋胸肋見骨雙屨旁置不知何時解脫團坐榭葉葉皆具忽憶三山於許有介草瓢中亦見此不知是一是二

徐天池畫記

辛卯三月子自姚江過山陰有將徐道人水墨畫卷示者筆隨意至天在其下四時之氣備於一卷驟視若易卽文長亦不暇自難展玩往復手目相繫時日屢移頻憶斯卷卷文者二幅凡十爲杏花爲梅花爲榴爲玉簪花爲蘭爲虎鬚蒲爲荷爲菊爲秋海棠其究也爲蘆與蓼及禽蟲之屬爲燕爲蜂爲蝶爲螳螂爲蚱蜢爲蟹其爲蝶也凡再初不知何意忽自杏起杏枝又自何發筆

點亂集無意爲辨偶爾疏密就設心蒂焉一燕來飛尾
勢到翼足意歸眼筆旣可數增減莫得蝶翩然補陪燕
位繼爲梅梅不屈繼杏繼杏尊意也意先後至天不爭
序佐以竹十許葉榴花疏甚臥筆成實墨不到處吐以
榴子至於淡墨染葉潤而有光渴筆挺幹蓋簇花橫者
玉簪也蘭則趙子固石爲光勝自有天地蘭後於石自
有筆墨石後於蘭子觀諸此蘭後石先菖蒲止用剔筆
耳然參差長短信手難於信心栽用海螺房螺凡六用
筆筆俱變荷則花半於葉葉半於紙一房出葉三寸許

枯鬚粉盡蜂誤集其上葉墨勝筆花筆勝墨此又不特
荷然矣菊二枝花俯仰含放凡五有蝶知寒誰敗其翅
感此蕭颯追審杏處予見卷時杏方盛今窗外秋棠爛
焉卷亦有之伴以雜卉葉大小翻覆異蟲蝕其一如戶
螳螂探身蝕處將半蚱蜢躍草間屈伸雙股草枝弱不
任最後蕭蕭西風生蘆葦數片蓼花僅一枝蟹豎目郭
索其下用筆斷續足力愈顯心尙迢遞呀然卷窮迴目
前溯有用筆非筆筆不爲功墨忘爲墨因物呈顏在葉
青綠在花紅紫風卽能動露卽能滴日月能影人聞其

香燕舞蜂吟蟲靈蟹躁各有其聲他人愁眉皺染必不能得卽道人筆停意盡不可再來予爲題十絕句忘之矣

序

槐雨堂詩序

槐雨堂詩三十四首楊猶龍先生司晉臬所作也從出燕始今猶憶出燕時立馬嘶羣斜陽半塔賓從惆悵停罇未發有宿天寧詩曉寒蒸霧著物皆白草木之枝與鬚眉尾鬣一色有曉行詩驛舍疏檣哀角斷續攜燈循

春酒堂文存

卷三

三六

四明叢書
約園刊本

覽其或有古碑碣存焉者乎有和韻詩固關者故故關也聯峯挾嶂上見戍樓人行其下青天爲小有固關詩行十日而進太行土立如壁路深如谷水未能聲冰更助石遙望居民鑿坏而戶洩煙一縷知中有人有山行詩至晉數日輒得除夕是處夕除晉則獨異有同鄴山守歲詩隨有人日諸友小集詩有上元同人宴集詩略不序入晉以來晴卽見風陰卽見雪客警鄉心况逢家信有書至詩祿位浮沈最銷壯志靜念歲月悲歎中來然而激言易移曠言易飾有不寐夜雨卽事獨坐漸能

諸詩祿位原不足以浮沈先生也晉向用武形勢結集樓櫓墉堞極稱雄峙有登樓詩以與地稱矣晉再受亂遂留榛莽山川失故何況臺榭有過某氏園亭與晉宮三詩仰古俯今固不特爲一園一宮而已太原無春及春之來已入五月有邊春詩春半詩存春於晉也縱談侵夜常及昔軍中事軍中人先生指畫成敗慨然而起擘絃作響燈花振落有飲酒詩飲時頻爲某說鳧盟說久情通翩然而至有甲子枉顧詩晉一傅子方抱幅巾俗所驚笑先生獨愛之有贈青主詩伯巖未至已識其

春酒堂文存

卷三

三十四明叢書

一約園刊本

髯蓋先生說伯巖如說鳧盟期先秋仲至乃冬仲期久不至反成意外有伯巖至詩臬雖允職而暗者獨勞廉者得暇有飲金粟詩遲憚含萬詩擬古詩題曰槐雨堂詩自出燕來皆某追隨其間故爲敘述如此

殷伯巖詩序

蚤歲好游止往來吳越間壯游闔海恨未得於名山之五一爲攀陟以識古帝王所以宗斯五者之意乙未秋爲北行曰庶幾於五者之中獲登其一二乎取道濟上輿人遙指霞際青黛曰此卽所謂泰山也問去此幾何

曰將百里爲悵然延眺而已自燕赴晉或謂曰晉入墮
關不遠不可不一登華山且備述華山之勝已而不果
旋至洛與嵩甚近則又將南歸矣乃幸得遇雞澤殷先
生於晉又再遇於洛先生於名山之五已登其三謂予
曰華之勝險耳嵩則樸而最可疑者泰山殊不能滿我
未至時之願以爲快吾疑峨嵋崑崙之間當必有勝於
此者而況其外乎豈山川之得名與否亦有幸不幸耶
又豈名太震則難爲副而境親歷則易爲厭舉如此耶
聞其說者未免驚之然先生嘗官濠梁間一旦棄去野
服騎驢往來巖穴間此豈其中無可恃而能然歟夫富
貴古之所慕也官位古之所幸也隱遯古之所不得已
也吾聞先生既有官位矣富貴從此可慕則是無所不
得已者矣一旦棄去等諸倣屣其視此六合固有夷然
不屑而思放游於六合之外宜乎於古今所尊事而愉
悅者亦不足以當其意歟雖然先生出示詩歌實得於
岱華與嵩之力爲多則又何也

制義稿自序

十歲從家大人學作制義輒能離題而行見者異之家

故多闡墨自洪永以來無不備稍長徧閱誤謂古人無他謬巧惟於題之前後左右取其光影以相激射耳遂效之其於離題而行之意彌樂然貧迫弱冠卽浪游三吳間又性驚外於詩酒書畫之類分工者十之七以是一再戰不勝壬午榜後念親漸老家益困因屏絕一切專攻制義以爲國家不吝科第以招士士苟欲之卽得之矣向者原未嘗欲之也能一其三年之精神以求當此三日無不勝嗟乎又無及矣凡爲弟子員者十年中餼於有司者六年計棄去又九年矣甲午從陽羨歸檢

香酒堂文存

卷三

三九

四明叢書
約園刊本

敗積見制義稿不忍竟付之火爲選錄三十餘首并小試諸牘以存知己之感埃酒後夜闌出而讀之亦以當唾壺一擊云

俞掌天詩刻序

俞子將于役江右刻平日所爲詩挾以行笑謂予曰未免從俗聊復爾爾予曰非從俗也正以救俗也今人固無不稱詩者矣稱詩而止取俗之所稱者以自慰於是人尠不詩今試與觀俞子詩有如俗以勦襲爲規摹者乎以牽綴爲矜奇者乎以疏野爲高脫者乎蓋俞子奉

其尊人雲君遺訓讀書砥行無不求當古人故學有原本不屑隨俗步趨而有以自見乃謬以予非俗之所稱詩者而問序焉予頽放無可表立於世序奚足爲俞子重但聞大江以西山峭水駛其人多情剛不肯苟同於俗惜予遊跡已半天下而獨未至也然嘗與南昌王子于一交所言詩文輒相合今豈無復有如王子于一者乎俞子與之遊而與言詩其必有異乎俗者且又聞大江以西名勝莫過匡廬俞子必躡屐登眺尋問昔賢遺蹤并爲我詢澹歸大師猶棲止其上無他往乎因與之

春酒堂文存

卷三

三四明叢書

約園刊本

言詩必有與予向所言者有合也夫山川之足以助人性情久矣俞子向遊粵東度庾嶺至端江往來所經固已陟江右之境今茲往也濤聲黛色猶舊交然爲留連俯仰所作必更多昔俞子從粵歸而詩一變今又爲茲游章貢二水波瀾增闊香爐五老雲煙益高歸而示我詩又當何如耶

立志編序

此容十二歲至十六歲所錄之書也憶十二歲時家人教讀朱子通鑑綱目輒留連於忠孝節義諸事每至

其可悲可憤輒涕泗橫溢不能自止或中夜燈下嗚咽
聲驚同輩皆笑爲癡不顧隨手節錄數年成帙題曰立
志編一日家大人見之謂曰凡人之以忠孝節義著者
皆人所遇之不幸者也士生太平於國家出處苟稍可
自立幸無過免指摘以沒於邱隴足矣然太平日久士
習多趨柔曼而安肆庶幾借古人事以激厲其志氣亦
不爲非是也蓋家大人教子以中和而又不欲矯拂其
性情也如是時在壬申癸酉間天下無事人爭剽竊八
股爲功名同輩見節錄諸事奚爲又讀之而涕泗橫溢
不特笑爲癡且目爲不祥容亦自疑爲不祥不能自止
也未幾大亂凡於通鑑中所載兵戈盜賊無不證之耳
目焉獨媿身卑賤無以見忠又二親慈愛能安子之貧
無以致孝且奔走飢寒浮沈時俗不能躬耕田畝樂道
而忘勞於節義更難言矣追憶斯編有負涕泗且二十
年內耳目所及如古人之忠孝節義者不少又非容之
所得而編錄也酒後談次涕泗而已嗟乎古人何以得
傳於後世也豈當時所謂忠孝節義固不止此而遷延
湮沒無所編錄如今日者蓋已從來久耶偶檢笥見此

編不忍棄爲攬筆序之時癸卯孟冬日

王母夫人八十壽詩小序

昔毛義捧檄而喜史傳爲美談予讀之而知毛義之母之不能安其子之隱也然則安隱之母之難甚矣今王子有老母而王子處貧二十年朝夕奔走以供菽水常怡然無怨色此非王子之有異於毛義實王子之母之大有過於毛母也今母夫人八十初度王子徧索友人詩以娛親若以爲非詩則無以娛親者王子心亦窮矣友人之詩足勝毛義之檄也歟詩凡若干首某爲之序

春酒堂文存

卷三

三十四明叢書

約園刊本

而仍系之詩詩曰

啟爾北堂鬱鬱者護旣設爾几亦具爾罇母壽八十兒

女笑喧

其一

循爾南陔燁燁者芝旣張我筵爲烹我葵

欲求魴鯉波浪胡爲

其二

笥有舞衣爛兮五色有橘爾

懷有鳧爾弋欲覓山鹿胡爲荆棘

其三

曰兒不孝莫承

母歡東鄰結駟廐進雕盤西鄰豹舄舞奏交竿兒也寂

寞守此儒冠

其四

母曰否否先訓式臨或有珠珥不如

著簪或有大戴不如桑椹爾紫爾金不如允協我之心

其五

題後

寫感應篇題後

今人無不知寫感應篇者矣然不識寫時能一念不動
否又能念念俱動否卽予寫是篇時蠅集於筆旋驅旋
集放筆驅之復集於鼻驅之不能便生瞋恨此念未除
何必復寫予願與同志共證此念能使飛蠅滿筆滿鼻
時一念不動然後能念念俱動矣

書

翁洲上沈彤庵先生書

春酒堂文存 卷三

三三四明鏡齋
約園刊本

某頓首頓首相公閣下丁亥客閩承不棄微賤賜以手
札獎借之辭有逾恆分謂旦夕可得拜瞻座次仰附青
雲乃不意天與人左踉蹌病歸回首揮涕而已茲者驟
聞駐節卽雀躍奮起圖候下風一慰平昔旋念身離摧
辱迹類南冠顧影嫌疑不敢以名刺玷侍史昨晤萬子
旋吉致閣下垂念殷勤歎息再四聞言感激如律回春
竊慮謗議久傳橫加詆讟以爲王修之與北海保安之
與仲翔古人所僅有也而嚴仲進壽於聶母陳平取賂
於諸將又古人所不無也遂恐左右不察謂某重利而

自取刑戮也如此不能久約而易其素節也如此慙妄
不知進退爲交友所賣也如此某更何面目見長者而
抵掌談天下事哉爰伏枕攬筆布其始末幸賜明鑑焉
某生於儒素世乏炯迹又嗜酒傲物少無曲譽落魄貧
困游學自資與徐侍御心水先生向絕姻婭之援乏交
游之助癸未冬忽枉車騎尋訪委巷循覽蓬徑歎息而
去鄰里驚告不知所以已而某往報謝始知於某人几
上見某制藝并雜著把玩擊節驚爲絕代時將赴宴郡
庭乃特迂道郭外蓋不啻眞長覓舡范逵延譽而羊陟
坐車下者矣自是之後遂成周旋然某介性如故未嘗
輕造其門而侍御說項逢人推挹彌甚昔徐穉爲黃太
尉所辟雖不應命感之終身某不爲侍御所辟適未嘗
太尉之任耳穉與某而易世豈不同然烈士死心於一
言義夫傾身於一盼誠以知己不易得而閤物扼默爲
可鄙也及侍御邂逅山莊變起中夜家室夷蕩身被拘
繫一門之害羣起而利之豺豸狼咆咻鼓舞不特不
濟其身并將貽戮及父此時雖行道與嗟況有平日之
遇者乎雖河之廣無羣可杭猶將奮臂而號中流之瓠

況適與當事有一面之識者乎無暇再計褻裳而來當事者果權然延接握手道故因謂侍御非有罪名可摘也非有富名可慕也特乘其山居而取之耳今既已破其家留其身更教人誅其父滅其子與徐何仇於餉無濟徒累義名不如歸之當事既護名復審勢雖諱悔實與哀遂竟歸之麾下皆選鋒不悉委曲謂力而拘暫而免周生乾沒千金巧爲游說隳軍實而灰士心吾輩復何爲哉戟手庭前激怒當事遂以座上之客忽爲露下之俘伍伯齊心桁楊雜下是時已不知天地高下日月

春酒堂文存

卷三

三五四明叢書

約園刊本

照臨同座方公伯呂萬子旋吉其所目擊無不向隅吐舌扼腕痛心聞諸閣下謂何如哉乃某知當事欲以此塞麾下之怒藏不肖之軀然士可殺不可辱古人云太上不辱先其次不辱身其次不辱詞令其次易服受辱其次被箠楚受辱又云恥辱者勇之決也士節不可不勉勵也某辱矣丈夫不受詆讟奚難剖胸以明心絕脰以伸氣而乃俯首屏息委頓狼籍誠念二親隔絕徒死無名遂不能造次引決耳嗟乎嗟乎某自問何如人哉讀書自好且不必言三山之間足取富貴矚然不滓閭

下所知也不取千金於笑談几席之上而取千金於呼
吸刀俎之間固智者所不爲且身雖至微漁夫販夫賤
業也命之赴淵必去輿臺傭隸也命之蹈火必奔馬醫
洒削薄技也命之踐荆棘亦必驚而潰而謂某以其身
易千金爲魚肉有是理乎死固有重於泰山者以伯桃
而野死以陳容而駢戮以孔褒而極刑各有其名耳千
金何名乎此言出於麾下之口有何足怪而自命爲薦
紳者從而和之此朱叔所以論絕交而袁閔所以入土
室也夫不以古人之事爲今人所可爲而必以今人之
心爲古人所可借嗟乎嗟乎某復何道哉今幸有閣下
耳鹽車之馬願伯樂而長鳴是以不避煩瑣不嫌忌諱
進書閣下非敢他有所望也望明府一知之耳病困半
年宛轉牀第家園信斷無異罔圖忿懣羞慚莫施面目
雖自反而縮要已足以貽義士之羞而重爲鄉里小兒
所口實昔司馬子長出一言以別白李陵遂受蠶室之
禍某之今日彷彿類此雖乏子長之才牀第間稍有異
述名曰翁志不敢示人恐以招謗讟而起讒譖稍聞繕
錄以呈想閣下必不隨俗爲耳目也某再頓首

與張詞臣言水利書

某不肖竊從宇內賢士大夫藉聞使君爲人讀使君詩嚮往者久矣今幸臨茲土新政種種毅然以民事自任又不惜枉車騎勲勩以民事垂問某安敢自外謹將近日所急布聞左右幸察採焉從來設官東南上自監司下至邑佐俱有水利專職復命侍御史歲攷成之誠爲民事重也并覽郡志凡歷代名宦祠廟里社血食巫歌芑舞不絕者率由設堰置塘至今享其利故不忘報饗歲久彌彰於今言水利莫亟東崗硤矣東崗利被三縣

只就鄞論利被七鄉苟啟閉得時貯東錢湖水以爲備可歲免凶災第日久民偷百弊叢起上人旣難得如使君者能毅然以民事自任而下之人又不能仰體上入之心因循者半阻撓者半以致礙防日曠歲罹旱魃半月不雨百壑塵生一湖颯枯七鄉仰面蓋旱必放湖水由深注而東崗之流獨深則湖水之放四於田六於江矣夫一湖之水可分滿兩河又半今注江者多則一湖先涸其半矣此因洩之之弊多防之之法懈里胥之推卸以口計大府之駁勘以月計而邑民之荒饑遂以歲

計七鄉之內菜色載道征逋促迫盜賊囹焉今者春雨連縣宜滿四澤乃刻岸記痕日減寸五遑遑農心又愁爲去秋之續但年前亦知東崗是講而卒不能舉行者固因阻撓多端亦在次第無緒也茲有一策莫善設備塘測內水所有餘計外潮所不及設塘扼兩磬之上則磬未修而已修弊不防而自防矣其利有七一省修費河水潮水之力止恃一磬爲障以兩力攻一磬豈不受齧故修磬之工日常不足修磬之費日常不敷設備塘則河力不及磬矣磬得以全力與潮水敵故歲省費或曰多設塘則多費何省爲不知無塘則磬難修易敗是費等不費也有塘則磬易修難敗是一費不再費也一便稽察磬外有田利水洩以自爲幸常歲賄守磬者粟若干築磬上板以示水公而虛磬下板以通水私長吏巡視則輸賄興從必以潮長候至潮長則磬下之私隱矣備塘用土石不用木板木板可伏尾閘土石不可通腸胃也始不以磬外區區田而易磬內如許田矣一省啟閉塘與磬別磬兼司啟而塘止司閉者也磬所以有啟者以防潦而後俱用放舟放一舟可灌田百畝放十

舟則費千畝之水矣以某生來所見并聞諸父老高年東七鄉惟見苦旱不見告潦況洩水之硤所在多有不專東岡是倚若設備塘以定水則水有餘塘不任過水高不爲塘制也水不足塘得任功塘高自能水制也而舟之竊硤下江者計窮矣一息奸漁魚喜水聲水從漁意漁者夜集網放硤水聲無情止愛漁不愛農矣塘設則水不能聲不與漁比水有餘日縱水作聲塘不增峻漁者未嘗不利焉而農利溥矣一抑潮涵東鄉之旱固由奢於洩水亦由易於納潮若水涸而潮不入則河猶

虛其位以待天雨暫逢雨澤便宜桔槔若潮入而涵據河卽雨亦委其澤以爲涵用若非滂霈反害田禾備塘旣設河縱涸猶自爲河雨雖弱猶自爲雨不聽涵爲政也一計緩急備塘之策或有議者曰硤不能久任禦塘獨能久見效乎不知備塘之設非棄硤也醫經有云急則治標此之謂歟備塘爲近計爲初計徐得竭蹶以事硤硤有內恃則體壯有餘地則基呈塘有餘力則用寬有餘時則謀審內外協應可壽歲年一合輿情小民苦於救旱動曰東岡家籌戶算知備塘可行然人有是心

而人不能言之或愚民拙訥無詞以達意或士子迂疏無理以達詞或饑饉征徭無時以達事前二年間有私謀集眾建塘者忱於疑忌而止今有爲之主則鼓舞集力呼邪爭相矣七利如此昭昭耳目而前人莫之行非盡官帑民賦不充也總緣無毅然以民事自任如使君者也今使君毅然某拭目以觀其成不特破七鄉且被二邑寧讓志中諸名宦哉某草野率陳幸諒無他悚息

復申魁盟書

春酒堂文存

卷三

四十四明叢書

約園刊本

十年一晤無可話言別去恩恩又增惆悵昨承書問兼寄詩文讀之釋懷足當晤對誠如來諭所云也因念足下面顏豐澤鬢髮不改良由導養足以勝物若僕雙鬢半霜目光接霧衰颯之意同於六十許人則兀然一老翁矣足下何言之反也至飲劉子齋頭奮臂呼嘯連舉大白此如廉將軍健飯上馬曰我思用趙強顏耳足下以爲興豪傑之屋瓦皆震寧知僕者哉若夫殷懃教督勉以令名則益非所望矣僕少時頗自矜名年來已同灰燼且夫名必恃三立也僕自審使酒禰中傲物忤俗

德已無可稱矣而憂患半百爲失晨之雞功又安所見
之若乃立言彌滋愧慙鹿鹿浮沈資筆墨爲乞食之具
祇務捷給取工俛悅其意先無以自貴常恐久與相習
詞旨膩滑遂終負筆墨行將歸矣村舍水涯車騎罕到
小閣貯有殘書千數卷聽子弟誦讀薄田蠶供十口飽
粥籬內灌蔬四時無欠躬把長鏡董率僮僕夕陽將下
謀一味以待老親小酌話晴雨博笑而已尙何令名是
圖十年前已決此志野老來過漁父及戶斗酒尺鱗頗
謂可白眼肆志乃復造次作依人之遊斯何地也堪爾

春酒堂文存

卷三

四十四明叢書
約園刊本

淹滯裘馬得意如燕舞蝶飛僕用推頹之人崎嶇其間
良可恥可憫是以終歲下楸深避馬通不答簡刺不赴
賓筵不酬篇什此豈急名者之所爲乎初尙有怒詈者
今喜漸已相忘然燭銷酒罷故園心馳人生幾何荒此
日月歸矣歸矣惟三復來諭云此後聚散都不可知則
又勿禁惆悵也足下旣歸聽山談道訓俗雖不足以盡
副平生然以順時而達命有餘矣但恐令名益張其投
羔雁不能終遂林臥耳何如何如攬楮穴蔓足下或亦
咤爲狂奴故態耶某頓首

復汪荅文書

荅文足下承示手書累數百言期僕以規切教誨何足
下好學之至於是也而書旨澹渺善於取姿卽其用微
語以自占地步者亦若欲令人不覺何足下行文之至
於是也爲咨嗟歎息者久之然謂僕用浮詞相推譽則
不敢爲然僕自見大集於劉子公誠所讀之而咨嗟歎
息蓋自爲規切教誨者不暇而非譽於足下也況浮乎
嘗聞嘉隆間名公鉅卿挾居高之勢煽其浮譽轉相炫
耀以要結黨援若僕素性兀異又落拓浪游進旣失元

春酒堂文存

卷三

四十四明叢書

約園刊本

禮之時退又無士安之望言語何足爲足下重而云譽
然所以咨嗟歎息者以自爲規切而教誨也僕自幼好
讀大家之文稍長應制科意欲以幼之所好移諸時藝
然名心互怵未快也及天下亂棄時藝不復事似可併
心於大家之文矣而初則奔走於患難繼則奔走於飢
寒間偶有述皆激楚忿懣之餘且護愛而遲持慕亢而
諱因以故氣滿於詞意盡於腕其忸怩愧悔更甚於足
下所云因念古者大家未嘗不身經患難而發爲文章
每能於激楚忿懣之時澹澹其氣而含茹其意者何也

養以有餘守之至靜也而大家中經患難淺者其文之
含茹滌洄也益密豈文章亦隨境遇遷耶因又念此生
若得數年之暇從容山林間取諸大家之文涵濡反覆
庶幾可以自救其氣滿而意盡而未能也乃忽見足下
之文滌洄含茹多與大家相似中心所藏偶隨目遇遂
不禁咨嗟歎息在筆墨之外側弁墜鼻之人見清潭而
稱其似鏡非譽潭也所以自歎其弁側而鼻墜也僕原
先於足下之文而預設一咨嗟歎息以相待而足下之
文不覺入僕之意中而中之此所以自爲規切教誨者
不暇而并無與於足下也況浮譽乎則僕之咨嗟歎息
也特自爲咨嗟歎息耳乃不意足下聞之僕不知天下
人讀足下文盡如僕之咨嗟歎息否耶又不知後世人
讀足下文盡如僕之咨嗟歎息否耶而止就僕所自爲
規切自爲教誨遂不禁咨嗟歎息耳原不敢謂知足下
也況譽乎至於所引二君僕不知其人何似其文何似
其獎勵於足下者何似其於足下之文或知之而不知
告之而不以誠有所深愛而故覆其短俱不可知語曰
如魚飲水冷暖自知誠未易與外人言也若夫僕雖不

善文而飲酒諧笑反或與文有近足下稱僕飲酒諧笑
事事動人僕又不知足下之所謂動人者以其有近於
文耶抑止以其飲酒諧笑已耶若止以其飲酒諧笑也
則僕誠善譽人者矣率爾筆復不宣某再頓首

復許有介書

僕簡陋自放無所成就重蒙謬推以詩集命爲點定心
慚匪任攬筆復停昨又承諭責以古人直道因思天工
雖大生才不易恆吝其明敏殊尤之資不輕畀世人
間一畀之必多方相誤羈之以小喜而息其遠程是貴

春酒堂文存

卷三

墨四明叢書

約園刊本

交友有力用明爲暗用憎者之妬絮愛者之怨用後人
之目盡今日之言詩曰他山之石可以攻玉又曰誰謂
荼苦其甘如薺恃足下不以苦也而棄不以玉也而護
則僕安敢畏避斧鉞不遵來命足下之詩如清溪竹屋
斜月照霜孤雁一聲小橋獨立豈不令人心閒塵遠以
視世之大哉肥臞冠雉佩玃者大有逕庭矣然何以讀
君一首而輒得數十首以後讀君一過而已如數十過
之餘曷故哉蓋古人著述足以傳久不朽者大約有三
一曰避使龍而日見形於人亦參矣使人而日餐江瑤

柱亦飭矣使方平麻姑日以丹砂示狡獪於世亦習矣故讀數首而不得其所守之字讀數十首而不得其所守之律讀數十百首而不得其所守之體始稱大家所守者謂其昵於胸中滑於腕下者也一首之中情與景變事與意變開與闔變虛與實變濛濛惘惘倏忽莫測雖近體絕句而有千萬言之勢者職此故也不避之故在於不大不大之故在於不親古人而親近人取徑窄而入手易也陸生有言曰數見不鮮可以悟所避矣一曰鈍凡詩而欲輕欲俊者爲下乘人言耳救鄙俗而爽

垢圻也輕則必薄俊則必佻故僕以爲欲鈍鈍者沈其氣抑其力而出之以遲迴慘淡者也鈍則必厚鈍則必老鈍則必重開寶以後詩運日衰者不鈍故也驟讀其集而見甘不見苦者其力不能以達十年連讀其篇而得句不得章者其力不足以卒十首故取橄欖以噉小兒必唾之指商彝以陳市肆必無顧者引灑離以娛賓筵必格格不入耳而思臥矣病源有二古人慎用虛字而今人多率用之古人慎用實眼而今人多濫用之於是遂近宋詞遂鄰元曲夫詩於詞曲猶女子於娼優也

以輕俊流弊至此可不慎哉一日離離者如月在水捉
月於水而不得月如風御香覓香於風而不得香古人
之爲詩也原未嘗豫設一題而彊我意以實之興會所
至隨處見端使讀者各以其情志相遇而合於不覺觀
魯論左傳雜引詩句未始與今所說本旨相類則當日
本旨固不必定在是也夫置身數十仞上一麾而千萬
人畢見者離也置身數十仞上一呼而千萬人畢諾者
離也古人詠物諸詩佳篇率勘大約善離者必佳况非
咏物而俱欲以咏物之體待之乎試取古人之詩大家
小乘前後較勘在離不離間耳離則心尊於腕力尊於
題控御縱送左右適意不離則膠固拘攀以此心爲題
之輿隸勤勞給役以求免於嗔責悲夫此三說者世人
驟聞之未有不駭然足下天賦甚高襟懷甚曠固不可
與世人類觀是以不勝咨嗟愛惜進此狂警以無負足
下謬推諭責之意倘不以劉季緒見哂而思不避不鈍
不離之故反覆於漢魏初盛唐間壽其名於千百世無
徒取悅俗人爲愉快則此三說者不但於詩也文亦然
矣冒昧陳死罪死罪

答黃子潤論字學書

接三月日書不棄朽廢垂問字學詞旨謙挹何過也夫字學有時字學有位今足下妙年駿姿有其時矣雖未奮迹雲上而父兄主政淨窗明几無有冗溷昔賢畫荻種蕉視等霄壤有其位矣幸以楚越之隔咫尺燕市且不棄朽廢時垂存注僕安敢外心知己不以生平甘苦進之足下僕少承家大人指授又時未喪亂故藏晉唐石本長而出遊與金沙于公治江右王于一三山林吳卿許有介諸君互相講發稍悟用筆蓋用筆而不爲筆

春酒堂文存

卷三

四七四明叢書

約園刊本

用也懸一身之力以聚於臂懸一臂之力以聚於指其用管數寸如桓侯矛朱亥椎尉遲粲久之機生臨池得樂然不能耐飢自驅捉刀爲人酬應書牘箋奏扇冊綾楮動輒溢架務取捷給以撥目前傍客裏刺不相痛癢主人狎視出入漠然若曰吾名已成尙奚資是聊用慰答羔雁光澤金幣耳於是每一握筆三念爭集一自恨恨以仲升之儲奪伯鸞之志一自愧愧以文翰之貴效輿僮之役一自倣倣以江淹之故拙爲簡兮之萬舞愧則神縮縮則不能養氣恨則中滿滿則不能小心倣則

意輕輕則不能審勢以此日月相馳心手互滑如王謝子弟失勢雖復自爲矜貴未免頽然放矣嗟乎嗟乎僕尙何言字學哉尋常自念得借一年閒晏退就林圃目遠塵滓靜對古人然後收合魂魄洗滌筆墨勒急於緩酌輕於重庶不負家大人指授耳但此日胡可得乎行就老矣誰可告語茲幸值足下不棄朽廢殷勤垂問且昨見汪友箴頭摹聖母一面甚覺縱橫特嫌結體微涉判押欲去此嫌全在誦讀誦讀久之精神淡漠從此學書浮膩自去來書所云鍼砭在此至云別有祕授則絕無之祇想右軍從獻之背來取筆不得恍然可悟僕朽廢無似并此失之又復慨歎晉唐以來率皆帝王將相華胄高門否亦方外託迹不受物繫罕有隱約單士能以字鳴豈非用物可易則用心可難故曰筆成冢墨成池不是羲之是獻之在足下努力而已龍井帖附去然不可從此入手恐佻耳何如何如月日容頓首

與紀伯紫勸葬觴醴杯書

昨集可謂暢適矣燕市所僅後出觴醴杯爲勸僕辭之且妄有進規得無相忤耶茲敢藉尺素竟其緒於侍史

幸採聽焉夫杯用觴醜不審所自起或曰趙襄子漆智伯之頭以爲飲器杯所自起也然考注飲器溺器也或曰酒具先輩曾駁之曰豈有以凶穢之物列之嘉賓之筵則謂溺器者是也蓋讐同質首痛深刺骨雖至沈族誅種猶未足紓我怨毒乃剔其首而汙辱之使同廁鬼故曰溺器者是也卽以爲酒具者要亦非無故亦必非區區睚眦而至於此將於酒後耳熱直斥其名取快平昔耳昨杯不知先生繇來先生夷曠爲懷與物無競是非先生之仇可知非先生之仇而或知其繇來爲世所

同仇者曰此石敬瑭之觴醜也曰此秦檜之觴醜也曰

此張李二流氓與門戶誤國諸臣之觴醜也於是引滿酌之稍自澆數十年拊膺頓足仰天莫告之氣則僕猶爲觴醜幸曰不用之溺而用之酒俾石秦張李尙得沾醉芳樽親近君子若此觴醜固不知其誰氏也昔楊髡肆惡宋理宗顛骨輪藏燕庫如元人刻以爲杯則竟爲杯矣然則此杯安知非今世之人仇之而爲之者歟則頑民也無辜也俱不可知也歲月幾何離其肢骸百節而不得歸於尺土酷甚矣然不入於輕薄子而入於先

生安知非髑髏有靈特投命仁人冀憫憐而獲所歸乎
夫掩骼埋骼先王遺教也偶相遭於原野瘞沙間猶爲
之施錫運畚而坎安之況借之狎處几席漠然不加惻
且權然以爲樂哉喪亡以來有志之士強半竿首吾輩
視顏幸保髑髏於頸目擊長平之坑咸陽之屠髑髏狼
籍等諸瓦礫不能徧畚鍤而坎安之方愧歎不暇又一
息未死將以髑髏歎髑髏是懼而笑言方治出此勸酬
誠非所望於先生也聞之狐狸戴髑髏而拜月則能化
形爲人是狐狸猶假髑髏之靈始成幻惑則髑髏非無
靈者矣堂宇椽桷先人實式臨之豈可使髑髏附靈游
處其側詳觀葬經及棄骨寒而足脛痛之事髑髏有靈
不可謂誣妄而媚鬼也且飲酒之器亦以助養性情調
和氣體故古者以兕爲觥蓋兕角性清涼能解酒毒用
之爲宜而天靈蓋載於醫經用治尸疰鬼魅諸症不過
借其氣類引攻伏陰然而先輩每注其下戒人輕用今
奈何無尸疰鬼魅之疾而用此尸疰鬼魅之藥於俎豆
哉伏願先生裂尺幅布裹以綿絮同謹愿綱紀夜葬之
於高原是先生以葬千百億萬髑髏之心而聚之此一

黽黽也德無量矣先生留心釋典時時傷悼末劫有超世軌塵之意尋常一言必依慈厚諒不以僕言慙率而吐棄之幸甚不一

與查聲止書

昨者足下見僕近詩指交游莫結故鄉人諸首以爲太傷訐露非風雅意宜刪之存厚僕初謂不然謂風雅不諱訐露若相鼠貝錦幾於戟手唾面今某之陰陽飾智豈非貝錦某之錙銖昧心豈非相鼠其間底裏曲折又陶悉之僕正不必盡言也然忍默不能惡聲不可故附

齋酒堂文存

卷三

至四明叢書

約園刊本

於相鼠貝錦之義作爲十詩聊以導氣舒鬱免使結爲癥瘕助彼餘虐且用示戒使天下後世知鄉人之不可交也知鄉人之不可以文章筆墨交也知士君子雖貧約憔悴且死不可就鄉人飲食作緣也則訐露於風雅無害然再三思之審足下之非愛風雅而愛僕也蓋僕豈可猶以交游視某某哉譬之少年作客旅店寂寥當壚一盼遂成邂逅迨難鳴月落馬首東西矣可云好合乎僕詩猶以交游視某某也自輕彌甚僕早歲輒知鄉人眼細於鍼腸細於線難與浮沈故杖策浪游投吳縞

而贈鄭紵間或言歸巷陌相遭掉頭別去雖造爲詆讟
羣吠同聲不顧也此又陶所悉也已亥以來二親日邁
不敢遠道依人遂爲某某所廢十餘年間假鷓鴣以鳳
毛施丹腹於溷廁教沐猴以冠珮考鐘鼓於卑田未嘗
藉其竿牘借彼齒牙所以支吾內顧者猶鉅鹿楊先生
丙申丁酉所貽也此亦足下與又陶所悉也居恆每以
樂正子孟門高弟何至失足鋪餒孟氏無迺過當以僕
於某某觀之自笑何爲不過鋪餒耳然則孟氏之謂正
子非過也纖兒邀幸乘時弋獲原不解詩文何物交游

春酒堂文存

卷三

辛三四明叢書

約園刊本

何道而僕自鍛六翻下集於埒豈得免其喙距飲啄同
羣夫散飯顛而蹈躡之曰得飢餓報棄書冊而污穢之
曰得窮厄報鬼神惡其反所貴也筆墨者物之至榮比
於瑚璉簠簋不可賤用者也詩文者事之至尊通於日
月星辰不可褻用者也智慧者天之至寶踰於珠璣金
玉木難埤礪不輕以畀人者也當潔躬以持其名特立
以足其氣退藏以遠其程然後可與相副至若傭保也
傭從也百工技作也皆以食爲人役與牛馬例僕生斯
世不克遁蘇鹿二門以謝塵滓而迺取至榮至尊與天

之至寶者爲人役如牛馬反其所貴得報宜何若僕罪如此某某何尤故足下云刪之者誠愛僕深也已遵命削去彙本不存隻字微風掃雲光霽萬里足下所惠多矣謹此報謝

與張又陶書

僕詩集絕未曾以示人亦以知此甚難談此不易也日者良友久別異地相遭聊出詩集用博歡笑不謂竟爾傳錄別存副本塗次悔之幸又陶愛僕勿輕發笥或致妄取雜刻時輩中不啻委諸溷矣僕詩亡宅大約字中

春酒堂文存

卷三

五三四明叢書

約園刊本

見血字外見聲千古來屈原少陵後鄭所南有其性而筆墨鹵莽於大雅無當焉至贊僕擬古渾樸殊不謂然僕所擬古詩祇畧得其明警絕未得其渾樸以明警稱古詩足下得毋訝其悖耶古人讀古詩曰驚心動魄使今人讀古詩而能驚心動魄者誰乎夫驚心動魄於明警近於渾樸遠可與查子取十九首長日詠詠一旦得其驚心動魄之故當恍然於僕言之不誣矣驅背困頓發此狂言大堪一噓足下地居事外心無膠擾當立意讀一部書窮其始末要領勿徒事涉獵以荒日月何如

何如繼回附此餘惟遠道珍重不盡

春酒堂文存

卷三

五

四明叢書

約園刊本

春酒堂文存卷三

春酒堂文存卷四

遺書一之四

鄧周容鄧山撰

慈谿馮貞羣孟頴編

贊

小影自贊

踏徧南北江河閱盡古今陵谷歸來數尺茅檐收得幾
畝脫粟上恃父母優容下共妻子淡泊里胥早畢征徭
兄弟各安耕讀客來白酒黃雞客去白鷗黃犢如此便
是羲皇庶幾相忘榮辱非敢曰未出廬之孔明或者曰
不入吳之梅福

春酒堂文存

卷四

一

四明叢書

初園刊本

德昌上人調獅圖贊

我聞獅子其猛莫御問師何法馴之如兔師也一笑曰
無法故吼不用聲百獸咸懼嗟彼野狐因懼生悟還問
阿師獅在何處

關公像贊

公之名被於黑齒穿胸公之貌熟於里媪村儻又何復
求之紙上丹青畫工蓋欲畫一像於寤寐以心證公先
畫一像於室宇以目治躬此戒慎恐懼君子慎獨之始

功若夫生平大節昭昭耳目者奚煩隨世俗而推崇讀
書侍公高燭分紅

密雲和尚像贊

生來髮豎眼棱一世辛苦作用而今紙上可閒猶受微
風吹動莫道不語不言胸中瓦搬甄弄咄還我面目本
來何處濟宗曹洞唳仰見雁度長空畢竟肥鵝出甕

達摩渡江圖贊

佛法尋常伎倆是業何物胡僧腳跟性急曷不隨眾同
登舟楫而乃捏怪炫人凌風一枝五葉波臣拍掌相笑
卻與魚龍鬪捷竟須拋棄此蘆便與江東岸接分明大
路平平風浪何嘗交涉

面壁圖贊

不見碧眼卷鬚但見擁肩紅髭此間無可與言何不還
歸天末爲尋隻履已亡江上依然浪濤欲問一十九年
石壁枯藤幾活可知禮拜多人願爲大眾說法拜得老
僧回頭攫與慧可衣鉢

銘

小卮銘三首

毋肆爾口以徵爾受以承爾一卣
毋縱爾欲以舒爾數以凝爾百祿
莫謂涓滴濡首則溺君子舉之如鼎如鬲

杖銘

過頭尺二用拄天墜

杖銘贈友

是君扶我是我扶君天道人事俱平分

定鎬兄杖銘

行且止看雲起

春酒堂文存 卷四

爲某人銘杖

慎爾起慎爾止爲鄉黨視

柏木界尺銘 并引

此乃成祖堂所餘木吾父命匠削而成之敬之哉不肖
容百拜爲之銘銘曰

小硯銘

質雖薄而能自守則厚形雖偏而能處安則端用雖小
而能有待則大同爾石友相爲不朽

古硯銘

閱人多矣冷眼苛矣爾筆爾墨奈之何矣

銅雀瓦硯銘

才如七子得用此墨池浪起漳河水

子石硯銘二首

文貴樸莫雕琢舉筆時視諸斯

守貞而用圓含潤而尙玄是以得全其天

鐘硯銘

硯而鐘聲應宮寸管扣之閭闔通隻手推出扶桑紅

春酒堂文存 卷四

四四明叢書

約園刊本

風字硯銘

雲生墨苑遇風則遠

書架銘

書不能讀愧此櫝讀不能化類此架

筆樽銘

慮爾筆之習於縱橫也慮爾筆之妄爲顛倒也藉爾樽之範圍而弗致放佚於道也予將對之以自考也

水注銘

一勺許施霖雨

鏡囊銘

好用明疲屢照退以藏奉易教塵汚人此莫到

藥匱銘

補耶瀉耶醫者誰耶慎之慎之天命爾司

鋤銘

天有雨露惟爾聚之地有栽培惟爾裁之人有筋力惟爾職之君子卽之刑罰則之

花觚銘

與物無心順時而受靜觀榮枯造化是友其殆學至人

春酒堂文存 卷四

五四明叢書
約園刊本

之推移而泊然自守者乎

燭臺銘

能用明而不居其名能養晦而不失其位知時守常晚乃爾章爲詩書光

磬盆銘

勝無爾德負無爾慝誰醉誰醒靜觀自得動而有則君子是式

髮冢銘十首

鄧山周子生值斯世而願爲僧僧者謂滌除煩惱而去

身之累也身之累亦多矣而介介於髮髮之累人獨重
數人之始生彌月始薙髮自此以至總角月必一薙凡
小兒聞薙髮俱逃匿奔避父母以果核餌之猶號泣不
前豈真有所痛苦哉小兒天性未剝戀於其同本而悲
於其將離也予幼時不然見奔匿號泣者輒笑就母懷
案沐受薙無少異容能忍身而割戀有僧道矣丙戌七
月之二十有四日於青雷山薙髮爲僧謀所以安是髮
者安之水乎曰髮分精氣亦能有神苟其流於海外諸
島生禍福以受蠻夷之血食不可曰爲妖蛟靈鼉所得
借爾氣魄以亂風雨不可安之火乎曰兵火互觸鬼滿
於煙苟其馳逐青燐乘怨毒之氣中於草木以害禽獸
不可曰消爲塵灰游漾天地使迴風無知吹集纓袂爲
豪貴者所拂拭不可其瘞之乃卜於青雷之陽依山接
流羣岡趨會風不射寒水不中潰髮其將安於是不封
不樹石而銘之銘曰

莫能相留遂至於此俗固難言僧亦可恥嗟哉爲僧論
則今始

夫髮亦勇矣時能禁之使不長不能禁之使不生然人正恃其勇於生也故輕於薙則髮何不發憤自蓄經一薙者不復與生人必將極其力窮其智以圖保此髮恥終身爲不全形之人眾恥咸聚智力相濟奮乃有成髮其與有功焉不然如手足肢骸之於人加以鋒刃輒與血俱創道莫忍迺思全護何乃如青草於地雖芟刈之而春至復生人於是漫然薙之矣雖然髮甚微眇猶能生長薙後勇於自申則天下之大豈無如是其人丙戌七月薙髮爲僧家慈涕泣交游勸阻似此髮一薙勿復再生然者至冬仲寓華亭西菴不覺髮已寸許薙而瘞諸菴左爲望後二日銘曰

聞昔有人怒能髮指然則真勇原聚於此日薙日生不爲勢止哀哉世人曾莫髮似

其三

丙戌十二月自華亭返武林寓智果寺計西菴薙時未一月也廿七日繇寺後登高岡危石亂擁如髻遠峰如冠問之僧曰卽所云巾子岡者予羨其名爲之記且薙髮瘞諸岡下而銘之銘曰

在僧首辱爾位瘞諸此庶不媿

其四

凡事莫不惜其初相習久視爲固然今髮之薙也將視爲固然歟丁亥十二月望久客三山兵火外集髮長受疑乃薙而瘞之羅山銘曰

計于此薙已六且七矣噫

其五

人之髮也以尺計或有不同然必有所極矣至於薙之也以月薙必將寸以歲薙必將尺未嘗止也則自初歲

以至百年長髮必至尋而丈丈且數矣而長卒有極豈非天之與人各有其分苟不至於其分則雖抑之而必伸以日求其至蓋詘之以爲蓄阻之以爲引者蓄力於有繼引氣於將來也鄧山氏之今日也蓋不知其分然也抑姑以詘之而阻之也自丙戌七月後薙於華亭西菴又杭之巾子岡至閩薙於鼓山於法海分計之各寸有二今寓烏石又薙如可續也將併彼西菴法海者幾及尺矣予向有髮二尺未嘗稍增如不爲僧則今此一尺天將靳之然則人苟不能自蓄其力以引其氣則天

所斬之者亦多矣何獨髮哉戊子中夏某日瘞於烏石山之南麓而銘之銘曰

爾不見辱於鞭箠也雖見削而可喜爾不見尊於簪纓也雖髡形而猶榮嗟後來兮秋霜催兮

其六

喜安而惡擾喜疏縱而惡拘檢者人之性也然而擾則思理拘檢則愈尊吾於髮乎觀之否則毀且棄矣吾性之惡擾而喜疏縱也久矣遂以及髮辛卯正月二十五日復瘞瘞之西圃且謀所殉夫櫛者日以擾髮簪與冠者日以拘檢夫髮是與髮爲行藏焉宜用殉銘曰
昔秦穆殉三良黃鳥興歌今古傷胡不留之事後王

其七

自丙戌瘞爾髮之始祖於青雷山陽自後爾高與曾與爾王父與爾考俱隨予浪游徧瘞四方茲從吳歸又瘞屈指瘞青雷者爲九世孫矣時予省墓東莊望青雷且三十里乃瘞諸南籬籬南予高曾墓左也推爾所出與余同本爾今得所依矣時壬辰正月之二十日銘曰
土有脈河有源松柏葉落歸其根魯雖不得禘豈曰非

周孫

其八

夫人而急欲見長於世也則躁矣不意子髮亦然豈子猶有躁心歟壬辰春初薙髮於東莊屈指今幾何時而髮又及二寸時所禁也嗟乎髮之出處亦各有時苟不能藏晦自抑輕出而受風塵必見折挫焉余將有以懲之是用薙今而後髮其慎所出處矣癸巳二月望瘞於南屏而銘之銘曰

材自微而處高則危時見繼而乘上則摧爲設誓言慎

春酒堂文存

卷四

十四明叢書

約園刊本

守躁心有如斯

其九

夫髮者心之苗也心之苗在首爲髮而在腕則爲文章心有寸血久貯不鮮當頻用之使推陳宿故子好文章頻削稿不倦則髮應亦似之癸巳五月自丹陽過虎邱精舍見僧眾聚沐先後薙畢咸手摩頂迎涼風稱快予欣然雉而瘞諸劍池側虎邱者金氣上騰而得名也明旦與夜當有赤虹上貫三千丈散爲綺霞人見者助其心氣能文章銘曰

山青水碧廕爾後賢予既不作美新君其常守太玄

其十

自丙戌後髮之壽莫長於白峰者壽三百三十有一日
其他或九十日或百餘日甚或三十二十餘日而天夫
壽夭在命而人有疾病輒赴野祠村廟望土木神割牲
鮮焚錢楮長跪乞哀得暫寬其期以爲幸居恆忌寒暑
霜露處突廈帘幕中錦罽織縞蛾曼是御參著在右酥
脯在左珍重頤養以求續壽算然而俱不能自必若吾
之髮天者不聞其有所畏怯壽者不聞其有所保持蕭

香酒室文存

卷四

十二四明叢書

約園刊本

然塵外而順受之近於道也甲午就塾陽羨閉門無往
來至九月十日始薙追計去歲薙時踰白峰者日十有
二是壽獨長銘曰

白峰之年鯨波劍鋌受此困阨得壽故長今在宜興豈
亦有是翻覆人情險阻一類縱逸得天困厄得壽故石
崖之松斧獨後

偈

寫金剛經偈二首

爲張新穎

金剛只四字曰無法可說是經尙不有何況於寫經若

云寫有功所爲莫可量天人一切眾度此筆墨內若云
寫無功臂指與筋節皆是造業具自懺且不暇云何乃
爲功人相與我相皆現一寫內公有如是解爲及一切
眾何必復爲公區區藉筆墨乞公爲我說解此寫經縛

其二

我聞金剛力能成不壞身齊沐書是經爲祈父母壽父
母我所奉與爾筆何與區區勞爾筆寧報罔極恩我今
方浪游此心無可寄庶幾骨作筆血肉爲水墨寫徧恆
河沙萬分中得一慈悲憫我心亦作如是觀

春酒堂文存

卷四

十二

四明叢書
約園刊本

寫白衣經偈

爲谷電飛

是經慈悲持者得嗣佛無誑語歷有徵驗然持是心以
持是經一心兩持便非經旨惟谷居士發愿刊施是愿
世間百千萬億各得有子永無孤獨能持是心凡事如
此此是經旨子卽在是

祭文

祭彭祖文

吾寧歲六月十有二日輒有疾風甚雨敗滅禾稼俗呼
之爲彭祖忌他郡不知也吾寧又獨有稻熟最早適與

之會故農會是稻早又不能不是日慮於是郡人周容
爲文以祭彭祖曰

惟祖爲商大夫見推孔子固儼然大賢也去今將三千
年生也於何月日歿也於何月日爲六月十有二日與
否不可考也生旣爲大賢歿必歸爲星辰將佐上帝調
風雨以豐年而阜物其職也豈有自以爲忌而不恤民
之禾稼肆其凌轢以敗天地之成者祖以壽著壽者必
靜必不以元氣佐其喜怒則疾風甚雨以爲忌豈祖之
所樂爲且忌起於何時祖時寧固斥鹵之地龍蛇與處

春酒堂文存

卷四

十三

四明叢書

約園刊本

山魘木客之所往來也風雨何害今日易爲城郭廬舍
雞犬人煙田疇山林之息人物衣冠之聚視祖時中原
有加焉祖忌卽有於昔亦不宜有於今矣祖又何仇於
寧逼風雨於寧以與寧最早之稻爲難抑知斯稻最早
天之私於寧也久矣尤私於今日之寧也初可無藉此
稻之早今尙猶疑此稻爲遲兵火敲撲民貧日甚春食
夏食麥不接秋幸此種之是接而又慮觸祖之忌然不
得不種此以繫婦子之望焉蓋冀祖之憐而宥之於萬
一也祖而惟風雨是例是天所以私吾寧者祖必奪之

爲寧民仇與天抗矣祖嘗仕商位大夫大夫而不奉天子令以行其私或竊天子令以濟其虐罪在不赦今祖於上帝亦猶大夫於天子也風雨者上帝所令也祖可以忌役風雨而不奉上帝令乎稗史傳祖雉羹後妻諸事向嘗爲祖辨辨祖而有此豈爲孔子所推今此忌而果行於祖也則雉羹後妻諸事其小者矣是當時別有所謂彭而祖者而非孔子之所言老彭也或者風雨原不出於祖乃此鄉之妖蛟狂魃馮依祖名而爲之歟祖有靈祖之羞也以三千年之大賢聽物所馮依而無以自白俾田夫牧豎叉手頓足其指祖而號呼怨讟祖寧不聞之乎祖其赫然震怒馳奏上帝集豐隆屏翳問寧之忌六月十有二日者孰而戮之永勿爲寧病以爲祖累天清稻黃民得秉鉞而趨畝滌甌而待炊祖之賜也寧民誓捐資擇地構棟宇以貌祖歲於六月十有二日牲體歌舞恭承享祀世世不怠以無忘祖賜祖應不鄙我寧民而吐之祖其審諸尙饗

弔大慈山墓文

墓卽宋理宗朝所謂丞相封王名某者在郡東湖山之

厓甲寅仲夏十有四日游大慈寺過焉層砌雕欄窮極
物力翁仲無恙松柏依然因作文弔之弔其人之亦墓
墓之猶祀也嗟夫使人死而無知則華表與荒邱何異
人死而有知則巍其華表而招人之指摘不若相忘於
無言者之鞠爲茂草也是古墓之得全於今豈盡古人
之幸歟文曰

覽湖山之清勝跡古墓於穹碑驚歎後之崇侈悟在生
之施爲致玉津之一廬乘覆轍於易摧似炎歎之布暘
易見德於涼颺憫僞學之晦抑咸賜環於彤墀卽一時

春酒堂文存

卷四

十五四明叢書

約園刊本

之翕然生松楸之光輝雖勢鄰夫熏灼體相道爲宜尊
至旋轉夫當壁難騎虎而兩存固儲君之輕肆寧坐受
夫新恩何人言之紛藉莫通權以致原俾遂情於一往
資僉壬以黨援是才智其有餘膺運數兮奚論思中旨
之未決覺快行之遲遲正心計之已窮爪握血而不知
歎百年其有畔何勞苦之至斯豈移天之勳業爲一隙
之駒馳謂海若而種桑仍乘石之我私茲欄楯之崔巍
終寂寞於山岬念山靈兮自愛亦似人之好名故棲霞
之喜有岳墓冷城之樂得下塋旣曾潤乎苔綠亦加韻

夫鳥鳴傳歌咏於游人其稽首而薦馨幸此鄉爲僻壤
覺弔古之莫經否則華表之雲鴛不若豐草兮隴平問
古人之所藏舉榛莽以縱橫卽驪山之金雁猶飛集於
楚營淺浮屠以壓勝啼杜宇於冬青獨遺邱之克保借
卞岳而崢嶸仰天緯其甚邇分善惡以相形有陽名者
報縮有陰行者報贏意當年之功德多正史所莫徵功
以晦而愈大德以隱而愈誠因邀天之獨厚獲永固於
幽局語世人於後來莫借此以自矜云才智之用可逞
而富貴之力難傾

春酒堂文存

卷四

十六

四明叢書
約園刊本

哭俞雲君文

維戊子七月之十有八日武林俞子雲君歿踰歲其友
周容自閩歸病未能往伸一慟茲少閒乃設位奠茗作
文以哭之曰嗚呼君果歿耶予自丙戌冬自華亭過君
君已病言無聲臂無肉矣而屏藥不治曰余證必死且
時宜死何藥然猶強坐聽談笑閒參問答同飲酌日周
旋也至丁亥二月六日子有閩行過與別抑淚無一語
相視而已自此山川登眺交游杯斝無不念君念君病
無生理然念君心術不死念君意氣不死歸當再見之

今年五月離閩入浙遙望武林屈指可計猶妄覩君病
或已愈矣然每遇武林來者輒若驚悸不忍問似又懼
聞君信然及至錢江余患痺不能入城肩輿走西陵適
遇查四雲佩恩愬作數語別已乃回首遙呼曰雲君去
年歿矣予忘其身之痺也頓足幾墜嗚呼君果歿耶使
余飄泊閩南未歸意中尙有一雲君能強坐聽談笑者
在卽歸不過雲佩意中至今有一雲君能強坐聽談笑
者在是君之歿不歿於病而歿於予之歸與雲佩之遇
也意者予痺甚眼眯塗所遇非查四又意者予失聽而

查四所遙呼者非君耶果爾予他日過武林登君之堂
君儼然杖履出自書室予直前握手敢神鬼疑耶君慷
慨重然諾凡交游有過恆面折不少假使人因君而知
古人朋友之道足貴今君而果歿矣吾恐文章讌會微
逐聲名將使古人朋友之道遂輕君果可歿耶然而君杳
歿耶予他日過武林登君之堂素幃在上殘書在牀孤
子出而應客不得君且尋君葬所枯葦衰楊寒流啼鳥
漚酒一呼而君不出嗚呼君果歿矣嗚呼君果歿耶哀
哉尙饗

祭先考墓文

嗚呼痛哉吾父之歿也既在苒者二春吾父之葬於茲山也復屈指兮十旬兒輩不孝不能學昔賢之廬墓見芝草茁而猛獸馴乃相隔五十餘里望雲嶺兮嶙峋今節屆夫寒食聊陳牲而薦蘋空臨風而一慟旋告歸兮遂巡永夜露冷虛谷無人吾父惟泉聲之是聽而松陰之與鄰嗚呼痛哉尙饗

祭亡婦金氏文

維乙酉年十月二十有八日亡婦金氏之再七刈蔬炊

春酒堂文存

卷四

十八四明叢書

約關刊本

粟作文以哭之曰維爾歸予三年於此定盟之初歲次在癸誰司盟者惟錢公是時聞岳翁私過予里瓦縮椽伸桑枯牆圯貧字沈吟曰文足恃曾未數月岳翁赴窀才益人謗傲益人貧視荒豐穀帘負酒緡遊笈難歸雁幣莫陳齒二十五始引車鹿朝計午炊春質冬服挑燈添線謀舅氏觴舅氏賓來倒匱卸妝我母愛爾動必爾商小廚啣喁甘苦醯漿予多外出妹分爾牀促被加衣推珥解璫予弟就塾總角難束梳輕髮順花紅鬢綠子時多醉悲憤填膺曲譬旁引氣以和平遙聞警欵坐必

起迎三年一日罔或怠承爾素善病謂不宜子今歲之
首嘔酸厭旨予父子母孫男預擬彌月易生荷天福祉
忽聞兒啼得女亦喜豈期七日陣鼓轟雷江湖共沸傳
謂寇來婦竄兒啼鄰里互催舅姑欲避爲爾徘徊爾乃
自經氣逆痰凌婢聞聲異嗔呼莫磨忙施金翦回咽如
蠅獲救雖倖病遂相乘致醫三四參朮勿靈嗚呼哀哉
鬚眉男子宛轉乞生爾因舅姑急棄其形嗚呼哀哉爾
初病時聽女生死今爾聿亡女以男視女留爾影女作
爾子女夜啼飢更長音澀予學哺糜沾鬚惹頰東西乞
乳一杯難及吹火未溫悲來灰溼裂衣取絮女含咽吧
爾魂附絮速女能粒嗚呼哀哉爾母哀憶舊語頻述謀
修佛齋祈脫爾桎予貧無力強與佛詰翦紙作錢無乃
污巖鬼若人貪指我名說古來才士星辰所結知爾與
予良朋乍別誦我輓詩光生幽窆無罪可懺莫畏鬼黠
爾素閑靜中若無人伯叔一家聲莫爾聞故今空房驟
謂未真是予宜天造物所順文筆波濤傲骨嶙峋天媿
顏子遷怒爾身爾今見父問錢公語畢竟文章不勝貧
窶空入丹青釵黃帔古嗚呼哀哉禁哭不能欲哭不可

恐予母聞淚珠偷墮茲作哭文哀詞瑣瑣月落燈昏影
歸一我贖今生因留來生果嗚呼哀哉尙饗

女病祭金氏婦文

嗚呼爾之歿將及周矣爾女能坐且笑笑時吾母與家
人輩無不謂酷似爾者吾母每含飴弄爾女稍解念爾
之悲今秋來爾女忽成疢疾雙眼羞明醫者云證在不
治吾母不得已命祭爾告爾祈陰佑爾女無使女死知
女幼無罪女死必復生爲人兒然爾以生女而死使吾
母因爾女死而復念及爾則爾之死旣死於當日而又
死於今日也是女於當日多此生而將又添一生爾於
當日多此死而今又添一死女得不死爾其猶生用慰
吾母惟爾之靈嗚呼尙饗

余於庚午孟春往謁金先生士甫得是書每於暇時展
玩反覆紬繹而終不能釋然於懷者何也觀其用筆之
變幻吐詞之典麗更運之以鼓盪之氣充之以洋溢之
機助之以悲憤感慨之志發之以委婉真摯之情詞賦
贊記書論序說與夫傳銘種種備具集中深心厚力一
指萬山令人咀嚼無窮余於此老蓋有繾綣不忍置云
乾隆壬申菊月望日□□□書於碧雲樓

四明叢書

四明叢書
約圖刊本

自序

初意竟不存詩愧詩也客燈無事自相勸勉取所藏諸
稿選而錄之隨錄隨焚焚者殆十之七吾未知錄者之
無可焚而焚者之必不可錄歟錄與焚其係於詩之工
拙也抑或不係於詩之工拙歟讀子詩者苟有能咨嗟
婉轉於是則錄者之中即可得焚者之意予始不悔存
詩矣時歲在昭陽赤奮若陽月望日寓湖上題

春酒堂詩存目錄

卷一

五言古詩

擬古十三首

招寶山觀海二首

曹娥廟二首

江山道中

臨劍津而問之

蝴蝶草盛花童子殷勤拂理感牆隅菊苗有作

春酒堂詩存 目錄

一四則 叢書
約園刊本

去蔓救小松因及盆榴

旬日後松傍游蔓復有萌者再加鋤削得詩

所救盆榴經旬有花喜而成詠

古詩二首

斷筍

命豎採當歸菜

過來鵲堂憶俞雲君

雜感三首

山行

雜述二首

西北有高樓

驅車上東門

僧舍

所期

閩行

寓中灑掃得詩二首

過曹子

贈某翁

賢酒堂詩存

目錄

雜興

紀夢

偶然作

示某

嚴子陵釣臺上作三首

登報恩寺塔

陽羨吳園二首

龍異

過友寓

二四明叢書

一約題刊本

苦旱二首

大澗

旅懷二首

述懷二首

岳忠武王墓

答湯世調二首

雞鳴

昨夜

題寓壁

登酒堂詩存

目錄

東莊雜詠十八首

孤磬爲某節婦

吳山絕頂

陌上桑

禾成

哭徐心水侍御

行路難五首

遷寓

渡揚子二首

三四明叢書

約園刊本

經淮水有懷韓侯

拜漂母祠

金龍廟詩二首

德州道中

驢背四首

燕寓

有客

答陳胤倩

抵慶都縣謁堯母陵

春酒堂詩存

目錄

四明叢書

約園刊本

過處義生里

盧溝城

將之晉出燕

井陘

太行二首

宿漳源

且亭署中贈申鳧盟

南關驛

沁州

長子縣

登銅雀臺

荆卿舊居

嵇侍中墓

溫縣

夷門

蔡中郎故里

繇永康鎮至定遠縣五十里

太原贈某

春酒堂詩存 目錄

南歸別楊猶龍先生

新霽

游小白嶺南諸山作十首

育王嶺上作

蘭市詩

賀祕監祠二首

南樓望

蚤起二首

友過

五四明齋書

約園刊本

送章俱上北游

夜歸

偶作

卽事

收罌粟三首

海昌寓

與友人話劉子登

八月十六夜龔芝麓招集慈仁寺松下醉賦

決絕詞

春酒堂詩存 目錄

繇四安至洪林橋三首

寧國南城作

上齊雲閣

醉後作

過蒿里

吳楊猶龍先生三首

獨坐

枯桑詩

寓禹航法喜寺贈張子漸

六四明叢書
約園刊本

讀史二首

過寶論寺汲獅泉試茗三首

禹舫東歸

有寄用原韻

舟行

折尾虎

曉行

集某氏

古風二首

賽酒堂詩存

目錄

冬夜八首

古別離

有懷二首

寄又陶病中二首

發陳留

摘萹八首

櫻拂子

歲晏

友人過草堂

七

四明叢書
約園刊本

過壽昌寺訪于石

斥鷃

某孺人輓詩十首

野鶴

燕中除夕二首

過保定謁楊忠愍公祠二首

君子行

楊妃粉

燕窩種草

春酒堂詩存 目錄

傷草

夏夜

十索詩四首

前溪歌二首

寄孫海門

起早

偶作

行路難

樂城道中

家書至

仲廟

秋日

雨過寶林晤又陶

再登報恩寺塔

酒盡

過族兄村居

先塋種松

寄山曉二首

卷酒堂詩存 目錄

灌庭花

飲酒四首

今夜

夜入天童二首

雪後

詠清雪

送邵壻天來豫遊四首

柴局

夜登報恩寺塔

九四明鏡書

約園刊本

夜坐

王海同五十贈詩四首

飲某人酒賦謝

抱膝

盆花

筆山

有會

壽歸一二首

發順德

春酒堂詩存 目錄

昨宵

不寐得六詩

後不寐六詩

與友人話黃海岸先生死節狀

以下依舊刻本補

獨酌得靖節傳誦之

卷二

七言古詩

題桃源圖

柳一歌

閩市歌

孟蘭會詩

閩詞四首

飲劍津上

行路難三首

漁父詞

樵夫曲

古柏行

覺苑盆魚歌

春酒堂詩存 目錄

江干曲

東渡門

醉芙蓉

君不見

游敬亭歸墮馬

題畫鷹

佩刀歌

巷南歌

葉千戶歌

登聞還珠門

寒夜七歌

風雨

過露筋廟

赤壁圖

桃葉渡歌

金龍廟神絃曲

贈別

翁寓放歌

春酒堂詩存

目錄

十三四明樓書

約園刊本

玉鉤斜

伍相國廟神絃曲

東光道中

三月并州雪

晉陽寄韓聖秋燕中

憩長平驛

覃懷道中

程奕先見貽蒿酒

漢張桓侯故里

口古爲驚百母舅五十

謝貽瓜

贈郁素脩

濟寧甘節婦

園丁

西湖放燈歌

自憎

自武林之餘杭宿凌將軍廟

醉卧宋氏別業

春酒堂詩存目錄

游餘杭破山詩

十三四明鼓書
約園刊本

楊干波過寓樓

董孝子廟

石將軍廟

重作伍相國廟神絃曲

行路難二首

于忠肅公墓前作

鸚鵡詞

客有言楚中江邊義犬豕者爲之歌

送程石門再之滇南

祭竈詞

去僕行

吹燈

李昭武索補六十壽詩戲爲作此

送春詞

題射虎圖

酒次觀劉公敵舞鐵簡歌

織婦愁

春酒堂詩存

目錄

十四

四明叢書

續園刊本

燕歌行

夜飲朝眠曲

神絃

致酒篇

四女樹

義婦豕

題呂錦衣雙鶴圖贈蘇鶴洲

白面將軍祠

渡滹沱

劉孝婦歌

憶昔

易水歌

雪浪石歌

豫讓橋

迴車巷二首

題寓壁

過湯陰謁岳忠武王廟

嬰曰藏孤處

春酒堂詩存 目錄

眼鏡歌酬客

宿州道中

逡巡行

過狄梁公望雲處

歸來

懷章淇上

值舊鄰叟

次壽州望八公山

銅雀瓦硯歌

未央瓦視歌

冒雪過又陶

捉蝨戲得詩

陳公祠看牡丹歌

題墨畫雨中牡丹

題牡丹畫

題鍾進士畫像

老婦行

醜女行

春酒堂詩存目錄

十六四明叢書

約園刊本

與陳康侯

兩不得歌病中作

宣爐詩 以下依舊刻本補

晉陽除夕七歌

田婦

織席詞

織履詞

清明行

卷三

五言律詩

六月十五日雨

昨雨

喜雨

陸純嘏見過

風雨後喜霽

微志

病久

客至

春山堂詩存

目錄

客中謝贈

積雨

黃昏二首

三月

有懷

黔刀

救蛛絲蝶二首

客夜

虎邱

十七

四明叢書
約園刊本

桐園寓

有贈

湖南同俞次寅吳慶伯王備五諸子

友過

獨語

鹿島詩六首

今歸

登南高峯絕頂

金陵寓

春酒堂詩存

目錄

六

四明叢書
約園刊本

早春

李長蘅畫意

早起

破廟三首

登樓

閉門二首

園豎

卽事二首

舟過齊山

病

空囊

值王餘姚二首

野老二首

寄某

入閩雜詩二十三首

下大竿

九牧

揖仙橋避雨

春酒堂詩存

目錄

十九四明叢書

約關本

放船

湯泉

第一樓

荔枝二首

竹廳

烏石山園

歐冶池

扶桑花

法海寺寓

聞笙歌舞

宿友齋

平遠山見戚將軍平倭碑

依舊刻本補二首

辭某題寓壁

友過夜話

訪陳永叔不值

示陳文生

龍眼

遷牡丹詩二首

春酒堂詩存目錄

寄王備五四首

守歲

歸計

春殘

不寐作催雞鳴詩

爲友人臨曹娥碑繼之以詩

平遠臺

構園者新栽松竟枯

爲許有介別鶴二首

蟬

古銅瓶

初見龍眼花

寓中聞迎春鼓樂聲

客久

庭樹

清口謁金龍廟

渡河

學卜二首

春酒堂詩存 目錄

過微山湖望留侯墓

南池

天津丹亥

韓聖秋席上作

戎遜文過寓

獨笑

楊猶龍招飲次韻二首

安肅道中

太原感興二首

晉中得乘六先生書

章洪上書至

遠聞俞次寅丁艱

丁酉一日晉寓

懷申晷盟三首

相逢

晉寓題虎邱春雨卷

聞遷居信二首

呈猶龍

春酒堂詩存 目錄

亳州道上

題揚州旅店

過乘六先生郊居

寄許有介

聞猶龍遷蜀之信有寄四首

過于忠肅公墓

同章洪上劉上峙查梅百聲止昆季俞次寅江

爾慈俞掌天湖泛

送王子備五之燕

三 四明校書
綉園刊本

索友人畫四首

中秋夕集梁園限韻二首

獨酌

夜集

壽韓聖秋五首

擬別陳胤倩

盧溝元夕

馬上三首

夏日對雨

春酒堂詩存

目錄

夜坐

道上

宴漪園二首

漢光武廟中作

清流山下

瓜步

朱太守廟

飲沈御三齋

蚤起

刈芥五首

社日分賦得漢宮早秋拈宵字

野泛

東岡二首

同友過某人齋

喜雨

家書至聞舉長子二首

獨步

客去

暮酒堂詩存 目錄

客中對梨花作

晚酌

今春

游岳津

寓餘杭法喜寺

餘杭北城登眺

旁晚見鵲棲庭竹二首

過友齋樓

晚齋

竟齋

張子漸過話二首

宿大覺寺

候友未至

期友人入夜竟不至

丙午一日

嘉興天寧寺坐暑

游朱氏鶴洲園四首

登真如寺塔二首

春酒堂詩存

目錄

楞嚴寺寓

送人入閩

同某人寓作

舊鄰

何日

罷鏡

雨

泊北固山下

經高郵

桃源縣

發濟寧

半生

閉門

花朝

家園

過準提菴

過紀伯紫寓

答友

春酒堂詩存 目錄

同某作

劉公敵見過

夜過公敵寓聽歌

獨立

觀奕

擬輕薄行七首

過慈仁寺

五十初度四首

秋風

三四四校書

約圖 清本

文丞相祠

元日待曉

蠅

雞

羊

麥魚

猴

鸚鵡

歸燕

春酒堂詩存目錄

毛

四明叢書
約園刊本

歸雁

鏡

硯

曉過沙河

盜遇

酬姚生

與諸君說荔

洪次不寐

甲寅一日

渡淮

拜鵲亭

述感二首

癸丑八月二十二日

邢臺道中見老嫗坐樹下前列梨棗婦子環繞

哺兒愴然有作

次臨洺關有懷申亮盟

哭陳三胤倩二首

立春二首

養酒堂詩存 目錄

天四明叢書

約園刊本

除日王子招飲

四月

遣懷

過山家

乍晴

送北行分韻得徐字

送張又陶之扶溝四首

過邵氏齋訪周方人

入韓嶺

山樓夜眺

丁巳元日樓頭作

新聞

謝菊窗二首

寄直菴二首

觀穫

收烏柏子

戊午元日

西陵渡

春酒堂詩存

目錄

三九四明樓香

約圖刊本

至杭聞查梅百歿久二首

扶溝道中二首

劉上峙移樽過寓

集山舍分賦得水碓拈驚字

爲姚亦方畫扇

悼亡

中秋前三日

酬胡漢賓二首

火神廟寓夜

寒

病旅

黃鼠

鵝

河豚

鮪魚

鱸魚

啖虎肉

愁緒

春酒堂詩存

目錄

三

四明叢書
約園刊本

與吳生四首

戊午燕寓除夕

有勸就一職以養親者作詩謝之四首

以下依刻本補

復有勸就一職者二首

似晴復雨

閩俞次寅扇上四詩和韻寄懷

卷四

七言律詩

錢武肅王廟

閩中玉皇閣上作

勸放雀詩

贈林異卿

閩歸

虎過

江山縣

自笑

歸夢

聞徐心水難朱君爽過商

春酒堂詩存

目錄

三

四明叢書
約園刊本

赴救心水別君爽

海中晤心水先生

鹿島送心水歸

鹿島見螢火仍用杜韻

翁洲卽事二首

出翁

三生石和張子漸

上紫陽山

屏跡

飲北固山上

送客

夜坐

愁

寄某

題漁樵圖

幽人

重上大觀樓

長橋上有懷孝侯

春酒堂詩存 目錄

尚書白惠風先生招飲賦呈

金陵之一

春日

邱吉士董秦雄見過

過督亢坡

太原立秋

登七里灘釣臺次韻

贈別

句容道中最高閣

三

四明叢書
鈔圖刊本

京口

登潤城西樓

燕中晤陳胤倩有作

九日作

燕中九日懷楊猶龍先生

燕集餞人南歸

慈壽寺

眞覺寺

興勝寺

春酒堂詩存

目錄

三

四明坡書
約園刊本

萬壽寺

登毗盧寺閣四首

江陰詩

揚州詩

集陸五春明宅

不寐作

哭張子漸處士

舟次有寄

三年

見曹能始先生遺書

南澗

答某寄詩次韻

山左王子見過村居

己巳除夕

嘉興寺寓二首

宣城九日集袞繡堂係宋丞相吳正肅公故第

社集賦得杜宇拈環字

分賦得螢苑拈求字

春酒堂詩存目錄

分賦得鄂王墳拈侯字

分賦得古意拈塘字

分賦得新漲拈行字

歸心 依舊刻本補一首

釣魚

社集分賦得項王廟拈歌字

秋日偶作三首

王衍箕招集賞牡丹

遠菴見過

登清風樓

題于石書記默齋

懷于石吳游

夜坐山寮詩

古宮 以下依舊刻本補

學卜

試卜

弔黃石齋先生

立秋

春酒堂詩存 目錄

圭四明叢書

約園刊本

客有自姑蘇來者傳維斗先生死節事

訪榴花洞

答友

見螢火用杜韻

夜聞鶴唳

待心水先生山莊過舍邀同載不果

相逢

出門

漫題

由韓嶺過東錢湖

出苑子城

清華鎮

戊戌一日

得文待詔東洲圖

泗上

寄某僧

客丹陽荆園

重過某氏宅

春酒堂詩存 目錄

市得離騷古本

答俞次寅

贈王孝先

夢入蜀

吳慶伯章淇上俞次寅王備五過草堂

夜大風雨

得楊猶龍書

送客北回

王備五招飲

午日孫海門攜尊過寓

客至

起早

寄答王君揚

書至

內邱道中

此時

不寐

寄楊子元

春酒堂詩存

目錄

三七

四明叢書
約園刊本

晤友述懷

壽陳象新七十

卷五

五言絕句

送郎曲十首

夜坐二首

昨日

吳舟雜詠三首

春日詠桂

早起

薄暮

清鏡

題畫

池上曉

邯鄲道過盧生祠

游螺女江二首

重過邯鄲游盧生祠

卽席分賦得牡丹

春酒堂詩存目錄

客中詠燈花

大隄曲

驛亭二首

西湖雜詠

秋夜

醉後題壁

題畫二首

節酒以三杯率

獨酌不覺過三杯限

閩寓羅山堂

許翁賈琴詩

愁

膽瓶

題畫

上籌海樓四首

謝榜仙畫二首

野望

偶作

春酒堂詩存 目錄

登天童玲瓏巖二首

約友

贈鶴

鶴咎

夜上觀象臺

山寺作四首

老僧

入敬亭山

樽前

翠五 四明叢書
一 約園刊本

題畫

題唐伯虎春遊圖

題畫

醉望

村居雜詠二十一首

晤去貧

雲居卽事二首

看友人畫棋局

友晤

春酒堂詩存

目錄

宿友人園居二首

閩門登眺

子夜歌二首

觀漲

元日過紀伯紫寓飲

甲申三月作

爲閩古古題畫

題硯石

燕寓送鄉友南歸四首

第一第二第四三首依舊刻本補

王瓜

題畫二首

以下依舊刻本補

問白鬚

所見

客夜

洞霄遊八首

九鎖山

翠蛟亭

無塵殿

春酒堂詩存

目錄

大滌洞

撫掌泉

湧翠壁

來賢巖

伏虎崖

金龍廟

河口作

對月

聞簷策

夜坐

閨怨

今日

登妙光閣

題畫

雜作三首

題畫

宣城寓種竹

題硯石

春酒堂詩存 目錄

早行

少年行

卷六

七言絕句

題畫

贈顧仲莊二首

第一首依舊刻本補

接楊猶龍先生手書並詩次韻

集某氏園

題迷樓圖

太白樓

留客

晚望

過南山舊讀書處

少年行三首 第三首依舊刻本補

淮陰旅舍醉題

話舊

汶上遇盜

題牧羊圖七首 第二第三第五三首依舊刻本補

春酒堂詩存 目錄

歷三 四明叢書

約園刊本

殘樽

燕中送別蕭伯聞

題孫鍾元孝廉詩卷次韻

卽事

戲題竹林圖二首

醉後大慟 以下依舊刻本補

訪呂天監

寄武陵諸友

席次口占

孤山補鶴詩

題畫

八月十三夜慈仁寺松下

題畫松

題畫

酒樓

過陳三鳳倩寓

題鳴雁圖送別

題畫

春酒堂詩存

目錄

口占送人之燕

偶作

醉某氏作

旅思

過某氏草堂留題

睡足

洞庭東山

思酒

揚州雜詩

墨

四明叢書
約園刊本

飲張子漸齋

題畫

杭寓言懷

坐竹院

贈次寅

題春江花月圖送別

夢中作

燕中送南歸詞

寫懷

春酒堂詩存 目錄

五

四明叢書
約圖刊本

懷王備五

曉望

夜過

聞余百禮卒於豐邱

寄錢五咸

陸介臣賣燭於市

寄張左青

鄧周容鄧山撰

慈谿馮貞羣孟顛編

五言古詩

擬古十三首

西北有高樓綠柳映朱闌借問是誰家金吾新拜官笙
歌接華燭羅綺行雕盤門傳軒冕客僕從俱銀鞍主人
出相迎握手氣若蘭貽贈紫瓊瑜報之青琅玕聞有嚴
氏子空江倚漁竿人生幾歲華辛苦良足歎

春酒堂詩存

卷一

一

四明叢書
約園刊本

迢迢牽牛星皎皎河漢女妾自不忍看低頭閉我戶閒
房咫尺間夜臥曠如許上有大觜鳥下有長髭鼠鼠飢
嚙空梁唧唧自相語

涉江採芙蓉舷高苦楫小豈無天桃花道傍顏色好所
願保馨香雙環結瑤草日暮風作波褰裳歸去早

慄慄歲云暮飢鳥啄枯枝空房生微風肅肅動羅帷念
彼東鄰婦征夫歸不歸年年共燈火刀尺寒相移昨夜
繡芙蓉下著雙鴛棲雙鴛各毛羽雄者多光輝感此發
咨嗟能無誓願違有生惜紅顏轉盼秋霜飛啟篋香如

新何嫌舊嫁衣忻然登車去遺妾空斜暉

今日良宴會鏡吹已具陳列燈重徙席捲簾聞芳塵繁
絃撥纖指斜睽揚朱唇酒斟白玉斗爲我拂羅巾主人
致區區賤子避逡巡豈不感高義恐負從前貧辭歸臥

草閣明日採朝薪

冉冉孤生竹結根松樹旁與君既相知風雨忍相忘大
海有蛟龍小舟有微躬持此一諾來鬼神爲始終引衣
拭君淚但見襟袂紅我留對晚潮君去存蒼穹生死雖
須與安得同晨風丈夫貴成事揮手各西東

春酒堂詩存

卷一

二四明叢書

約園刊本

客從遠方來車馬有飢色知君負大轡十年報未得判
芻置舍南移榻安舍北熱酒潑寶刀明月照人嘿仰天
問飛鴻何處堪羽翼

青青陵上柏泛泛沼中萍兩心不相知何必謀生平城
南大道旁春日酒帘橫下馬攜手入懸鞭索巨觥十千
舒我足百千緩我纓酒酣一語合短劍忽自鳴萬古留
肝腸應爲今日傾但願常相憶管鮑如秋螢

驅車上東門夕陽拂衰草狐狸侮行人捧面坐當道白
骨縱復橫誰知曾壽夭十年苦喪亂馬上刀如掃死肉

實牛羊生鮮炙肝腦兼之續饑荒兒女自相飽此地經
宴安臺榭多啼鳥從容百歲期南山琢華表麥稅未催
征家家熟棗棗

行行重行行征人離故鄉拔刀剗耕牛縣令供酒漿託
身與馬蹄安得不激昂鳥喜平原猛虎順高岡江南
春色早蛺蝶繁芳草夜深入朱戶繡閣何窄小繫馬庭
前樹馬啖桃花飽錦衾春正暖角動綺窗曉

明月皎夜光照見村東屋屋茅不蔽風下有老婦哭經
年爲田累田荒無主鬻昨日催官船今日催官粟夫走

登酒堂詩存卷一

三四明叢書

約園刊本

輸吏錢兒留供軍役捉雞狗上檐挈釜換肥肉夜寒鞭
箠麤酣歌未肯宿來朝計官粟孫女共黃犢

迴車駕言邁馬疲不聽策辛苦道路遙落日餘幾尺菊
花昨日黃梧葉忽又碧榮枯互因依少壯不再擲古若
無明鏡誰知鬢髮白努力崇後期此心猶金石

燕趙多佳人羅敷最玉立獨處簾幙靜春風吹不入使
君何處來遣媒情太急白璧五十雙重錦三百襲停鞭
望空樓燕語自相答

招寶山觀海二首

極目萬類空自視忽焉大如在天半看白雲踏不破仲
連無羽翰何事輕波瀾藐軀奉蛟龍何足充盃斝安期
遺鶴至我欲從之逝秋園葵未栽復返人間世

忽思混沌理盤古出人後但驚勢欲合不信天能覆屢
氣聚城郭樓臺爲誰構聊慰精衛愚世事同邂逅將身
沒閭巷區區一宇宙瀝酒助波濤白日沐塵垢

曹娥廟二首

未生曹氏女江水竟無名寂寞幾千載一朝潮有聲潮
過山月晚墓道靈旗返

春酒堂詩存

卷一

四一四明叢書
約園刊本

笙歌二三月村女繞神帷渡頭催渡急行人覓漢碑漢
碑讀未半門外潮崩岸

江山道中

曉雨不隔炊客心恃鄉諺出店穿溪煙水聲撼仄棧微
風天忽晴野花亦自銜仰謝江郎石山靈喜相見白雲
不我封分合隨輿轉長劍試何爲仙蹤漫驚眩

臨劍津而問之

凡物必有用紫氣能驚人如何報知己冥默甘沈淪日
落溪流黑風雷又幾春

蝴蝶草盛花童子殷勤拂理感牆隅菊苗有作
造物無先後循環成歲華人情重目前蝴蝶相矜誇春
風有勢力本欲菊共花是爾守寒節寂寞牆東斜畢竟
見重九肯負陶令家

去蔓救小松因及盆榴

閩中陰雨多游蔓各荷喜客病常掩門紛紜遂至此盆
見頽垣低無從下屐齒記曾見小松月影尺餘咫受欺
不遽言傲骨忍生死豈云枝尙微雲霄由是始發憤命
刀鎌寧不謂地恥我作天風霜何惜驚蟬蝗復得盆中
榴同松患難襄拂拭慰憔悴攜瓶贈秋水汝松并汝榴
努力中庭起久客懷故鄉行將歸去矣

句日後松傍游蔓復有萌者再加鋤削得詩

松何不愛山故託荒寺內幸予曾翦除爲君開草昧始
知雨露恩上乃有天在何期野蔓心至今猶未悔遺鋤
斲更深勿爲地寬貸施德有終力去惡無餘穢待松歲
月老百尺雲生黛縱令蔓復生垂蔭知感戴

所救盆榴經旬有花喜而成詠

偶乘閒暇力九月榴爲春一何相報速是物知屈伸花

先吐灼灼蕊更含萼萼豈不畏西風所畏終沈淪努力
忘遲暮感恩羞因循映松與有色除蔓復何嗔客來共
咨嗟瀝酒酬花神始信區區雀玉環持贈人朽木能發
芝無自甘爲薪

古詩二首

驅車遵浦南湖落沙吐裔鯨魚何突兀噴沫不得逝青
蠅嘅其鬻烏鳶啄其背忍默無哀聲千秋此一斃神龍
遠莫救誰與訴上帝本是百谷臣風雷挾睥睨豈曰行
臧違或偕時運戾愚民持斧望猶恐作掉勢身死留脂

春酒堂詩存 卷一

六 西明叢書

約園刊本

齊光明照羣瘼

驅車過南山一抔臨澗水芳草不忍綠鶯花不忍紫下
有千年人瞋目未肯死皓月缺復圓江波平復起不知
魄與魂相去幾許里丹藥原易成蓬萊本伊邇人生苟
自立爲仙亦可恥畫船湖上客笙歌雜羅綺舉杯望青
天白日何輕駛

斷筇

夜雷圻苔痕凌露攬衣緣疏密定去留日商竹影善誰
留挺爾姿誰去非爾譴摧折材宜隱卑微節難見停鋤

起歎嗟恐違本願

命豎採當歸菜

漸知春日長午過爾又睡昨嗽野蔬歸枝葉曾爾示湯
輕入箸香帶露經鹽翠未受人藩籬此山尋或易莫近
牧馬銜莫驚新雉字雖已識性情終須慎真偽小筐足
晚廚多更惜棄置且恐春力緩留爲繼者地何曾勞爾
培竟採猶心愧

過來鵲堂憶俞雲君

爲鬼無不壽仰天但高雲階陰仍綠苔梅影忽紛紜日

春酒堂詩存

卷一

七

四明叢書

約園刊本

月不愛人百年何所分此身應有在生死徒虛文昨經
君墓所煙深天欲雨春是萬物春去惟感杜宇徘徊久
無人獨客自相語

雜感三首

煙末忽自起游雲相與迎纏綿似夙昔各能感性情促
織愛蟬力慨然爲之鳴人生同此路無事傷欷頓大海
知有波大田知有草按劍杯酒間相識嫌太早

高風日有聲蔓草勢未已豈無刀與鎌謂憐霜在邇隱
忍固以時賢豪多後起天壓長者勞虎病射者恥利器

何輕施開懷與再始

種菊經年力博茲九月寒造物原不易人生寧苟安堂
上伐鐘鼓廚中齧荼苦矜名因護貧採蘭多遇雨所惜
天浩浩悲憂誤懷抱爲經世故多遂覺壯如老

山行

山行值樵子說虎風颯然昨日同輩多虎擇一壯年向
坡未遽食銜躍衣自捐有軀本六尺不信如何圖銜者
若豫死存者若夢還會眾追遺蹤虎廉留脛全今依君
子光舉步敢爾前予笑謂樵子山中是虎天何不釋樵
斧去問漁父船樵子愈蹙額溪寒魚避筓軍府昨大譟
頃刻須鱸鮮進魴偏索鯉六十羸長鞭拋網臥呻吟漁
租索喧闕白頭姜子牙謂我樵斧賢

雜述二首

剖胞納殘炙削踵從傲履在彼寧過愚飢寒誠足鄙驚
駘棄棧豆誰信能千里

羣鶴集中澤欲起更未起假以青田姿所殊在貪鄙憔悴
蘭無言縱橫蔓自喜時會爭目前造物有終始莫憂
樹不花憂花不及蕊

西北有高樓

西北有高樓飛甍接晴霞梓人題姓氏尋尺經吞嗟中
庭列奇樹後閤羅名花東君去不歸重門鎖暮鴉明月
照蒼苔仍爲綺窗斜村南一老叟茅屋水半涯漁樵相
比鄰桑柘陰交加微醉自簪菊不辭雙鬢華

驅車上東門

驅車上東門遙望松柏樹翁仲何巍巍立馬自相顧行
人共欣羨尺地千金賂旣遷村屋竈又改江隄路云聚
山水秀公侯蔭世祚樹旁斲石工磨碑累朝暮此石從

春酒堂詩存

卷一

九四明叢書

約園刊本

震澤工老識平素已經再磨削高厚尙如故昔銘侍郎
墳今誌中丞墓

僧舍

僧舍似無路牆蘿暗小庭栽蘭朽木斲種藥廢茶鐺
坐春日永磬殘何處鶯

所期

獨坐聞雨聲啟窗見棧葉葉葉搖斜陽寒風轉籬濕鄰
並各舂杵漁師自舟楫莫問倚樓心漸知攬鏡怯所期
人不來歸鴉翅相接

閩行有引

閩舟皆出自清流有楫無櫓有篙無舵有形似
櫓而刃向下者駕後代舵探前防石下水似逸
興上水權其勞焉作閩行

山水守情性舟楫安敢私有來亦有往順逆兩任之曉
發梅仙渡午臨雷子池天光下慘澹山勢南奔馳亂石
起相迎鷗鷺狎熊羆深坐若委運覽勝無暇危寄語北
行者勞逸通其時莫將欣羨心因以生怨咨處順良不
易長年慎操持託身期致遠用物備適宜喜及前村步
停舟問酒旗

春酒堂詩存

卷一

十四

明叢書
約圖刊本

寓中灑掃得詩二首

赤彗經白晝塵埃陷日光丈夫苦無事一室聊自忙勞
習箕柄短節驚灑水涼斂棋拾墜子理帙鎮空囊山僮
返何處鄰樹伺鳴蟻秋風故無賴吹葉集人牀
藐藐蓬蕭質愧彼松柏枝但能自束縛已足酬提攜無
心應進退有地效驅馳大人貴得用屈體奚復辭志難
償仲舉塵易笑元規反悟清淨理忘形坐瞑時

過曹子

舊居甲騎入委菴園丁分夜雨春來大壁痕走積雲琴
牀支雞柵鶴圃栽秋芹主人方倚鋤客座書紛紜婢出
市尊酒竈煙生布裙感子忠孝家安辭一醉醺悲懷證
往事怒髮驚新聞世事正如此毀家奚復云

贈某翁

他鄉度衰暮多亂謀饕餮嗟哉杜少陵欲慰難爲言翁
本自建業來寓螺江原剝宇逢邂逅做裘頻自捫喜非
閩俗音引坐秋樹根興洽琴棋理緒通今古論自云履
輶軻妻子無寒溫瞠目思所適拂鬚聊出門仰天鴻雁

春酒堂詩存

卷一

十一四明叢書
約園刊本

遠入寺土木尊徘徊歧路隅觸影歸黃昏理檣逸乳鼠
巡廚探飢猿憶昔年少日豪室爭相婚黃金左右手傾
蓋成弟昆朝上太白樓暮傾北海樽頭顱轉眼白窮巷
棲短垣草木能無知命矣悔生存語訖風颯颯鳴笳戰
馬喧愧予世外士寄跡空乾坤安得錢億萬爲翁招心
魂冬嚴須珍重檐瓦下朝暉

雜興

兩客弈松陰弈品俱下劣徒令局外人得失心內熟勝
負一著間欲言還復輟休登觀象臺星宿不須推但見

春霜白懸知夜雨來長年指江鶴及早下帆回鷄飛不
踰陌鯉躍不踰尺伏蛟起千年風雷裂山石因無棧豆
心一奮遙天碧有劍自延津空齋積暗塵昨蒙拂拭視
俯首刈枯薪仰視日將暮長鎌解笑人

紀夢

癸巳作

夏初二十三客寓忘在客彷彿夢何處堂牖明朱格窈
房穿左庫右廡接柱碣恩恩似新遷廚廡隨寬窄貧久
家具輕瓶盎走僕役黃犬喜復疑盤旋繞人幾肅攝衣
冠拜焚香安祖祏木龕書笥高中有壁錢白如何忽登
樓窗几發光澤是時天作晴風遠交廣陌已聞簫鼓喧
華燭輝奕奕老父朗祝詞次男小名釋婚結某氏女百
年始今夕伏願孫枝繁各能守耕穫見弟已頽然幃衣
蒙婦額蘭草拂砌青梧陰過牆碧

偶然作

我欲遊燕趙單騎雪風愀我欲遊衡湘孤舟瘴雨黃猩
狒背人笑沙蟲向影張并心祀樊遲配以淵明觴蒲菊
傲春去祝雞訟夜長野曠客歎息黃犢驕不力萬里荆
棘多鋤長能幾何

示某

弱草承落花灼灼自言榮
野鷺集羣鶴嘖嘖自言兒
人情各護己是非誰與爭
同在清鏡前將眼笑釵鈿
同在繡帖前將指責鍼線
誰能證叔敖使知優孟善

嚴子陵釣臺上作三首

江去向錢塘江來自甌
婺兩山相縈抱不見江來去
挂帆過頃刻收帆守朝暮
江水年年低臺高及此處清風
不下山自拂亭前樹

危石寄空中千載我忽至
坐久與誰言江聲今古似布

春酒堂詩存卷一

十三四明叢書
約園刊本

帆過欲盡雙鷺起復墜
白雲次第生出沒前山翠
再拜酬石尤承此終日顰

矯首攀松根回首拂松杪
一徑轉盤紆江流漸覺小
我有百尺竿垂綸自嫋嫋
棄擲東海涯抱膝空憂悄
蒼天照明月其下有龍湫

登報恩寺塔

勢虛如已浮風欲擊人去
我生非黃鶴安得六翮具
山川與城郭起伏但煙樹
不聞人民聲悲哉其塵聚
形勢西北來風雨東南注
四望垂天末投身竟何處
丈夫自

振拔津要須早赴平生泰岱願未遂凌雲步庶幾闔闔
通咫尺飲濯露爲申屈子問肯避蚩尤怒肩扶若木暉
手拂崦嵫霧安得隨沈淪百年容易暮

陽羨吳園二首

是物有盛衰經營費雨露主人罷登臨花樹託緇素危
石掛鄰羊病梅絡殘瓠傳昔曲房深綺羅亦已聚墮珥
未及收蓬蒿與守護憑闌念水流今古等朝暮魏巍銅
爵臺煙雨宅狐兔

修廊轉層崖萬竹杪如波當日琴牀淨卽今縈女蘿舞

春酒堂詩存

卷一

十四四明叢書
約園刊本

鶴何處去蒼鼠窺人過每經繁華地便覺秋聲多列樽
一舒嘯聊以慰庭柯老僧自課梵客子已成醜久暫同
作主仰視浮雲何

鼃異

有序

甲午冬間郡東桃花渡忽有巨鼃乘潮來見人
於塗延頸追逐上岸十數丈不止眾集挺斃

嗟爾形類何嘉名誰與錫旣慚鼈有聲復遜龜則哲僥
倖藉汗流浮沈足啖食一旦厭魚蝦思將人影掣凌高
物所忌違欲天是殛雖恃介冑堅莫運爪牙力割肉懸

空梁伸縮猶不測縱思波濤聲失勢難再得

過友寓

風斂寒雲低翠雀語檐瓦抱膝窮巷內愁懷向誰寫欲
尋何處天待雪一瀟灑挈酒就君樓開窗拓平野林遙
行客絕雁過空江瀉喜君不得志燕趙悲歌者微醺看
屋梁俯拭刀在把自言故鄉事悲來出輕馬逐麀廢堡
中射免崩臺下下鞍坐炙鮮那知雪花打

苦旱二首

晚涼眾星靜明日又無雨憐此三伏天田禾立焦土感

春酒堂詩存卷一

十五四明叢書
約園刊本

歎登前岡歌聲相應苦將歌齊股力水排人四五排短
不勝岸粥薄不到股明朝歌漸稀魚鼈憶網罟

暮雨兆晨雷午陰知月暈向與天相期今茲忽相避銀
河久閉遏大海起塵坭何處借涓滴辜負神龍願願聚
農夫汗滂沱足三寸莠草語嘉禾胡爲同守困

大澗

秋風爽客心村徑偶往迴歲熟婦子勤稻秫喧塵埃牛
閒步躑躅雞飽啼穉穉父老爲我悲數年隔荒災拭此
旦夕眼庶幾聞新醅但恐天地力反生胥吏才刑笞加

有名科例多徵催黃雀承羅網無爲瘠者哀

旅懷二首

時寓丹陽荆氏

暮春草色香天地皆歡豫遊子獨聞秋如登古城戍憑
闌其誰語粉蝶自來去

千年無一事負笈授生徒男兒諱乞食強勉假詩書獨
坐日愈長僮閒睡小廚飢來生微醺憂來落微鬚

逃懷二首

出門疇與期攬帶去復回巷南有廢臼巷北有枯槐矯
首一歎息但見飛鴻來少年誤草草流水日灑灑壯心

春酒堂詩存

卷一

十六四明叢書
約園刊本

移誦讀小技安足道袖手稱卞莊蹉跎虎自老

歲暮百憂集遊子負寒歸冒虛頻看留禪薄屢褻衣窮
約心自甘獨愁年月違烈風發西北吹日無光輝農家
芋魁熟楮拙撐雙扉把酒笑漁父抱蓑守空磯

岳忠武王墓

西湖風月中須得有王墓纔壯山川色勿爲花柳誤日
落檜陰寒鳥散松濤怒客來意森肅常似涼秋暮石馬
嘶夜半靈旗捲雲路中原淚未收湖波沒沙步

答湯世調二首

時館宜興

昏夜皆錦衣鹽車皆上駟醜女誰爲媒自言貞不字江
風吹未轉閒看布帆遠我行各有程莫怨雙篙短壁上
懸太阿爭如鋤齒多

秦松自矯矯舜華亦亭亭但愁枯樹朽不識春風青獨
行望村店日短塵滿轡四顧無鄉音袞袞拂孤劍寄言
採藥人桂槩良苦辛

雞鳴

客夢促秋宵夢懸難及旦輾轉求雞聲忽焉下雲漢如
泛波濤中短篙得隄岸荒唐鳳凰鳴千載何漫漫寂寞
梧桐枝空花落井幹德音豈似君暘谷光以燦九關咫
尺通百禽安敢亂固應錫高冠一振五尺翰慚愧霜天
鐘尊巍託樓觀若非領先聲沈冥欺里閭

昨夜

孤雁啣蘆遠驚鳥得食難故鄉柳無葉歸出俱天寒閉
門閉未得昨夜思長策五月知種秔十月知種麥執費
拜老農學把耕牛輓牛輓猶易把催租人下馬

題寓壁

丈夫不得志擲筆持長弓南岡射赤豹北谷射玄熊落

日匹馬歸松林肅肅風低顏徇世法勉強終難工人生
輕受恩常使心慙慙介雞自斷尾俯身雞鷲中決計采
芝去絕嚙知天空左招安期生右揖浮邱公

東莊雜詠十八首

野屋無四鄰東西支桑椹割雞安土神勸酒屬工役除
舊意莫疑特長才易竭風雨春來多檐牙休太揭小窗
依座平梅花就低發容膝更餘影礙帽還通月經營次
第加及此農務歇

驅棘樊荒圃彼各盡其才既已束縛就無將冒刺猜雞

春酒堂詩存 卷一

十八 四明叢書

約園刊本

疏資守禦地僻寡往來雞鷲出時喜鼓翼進復回嘉蔬
藉長成雨露遂滋培物苟賞所用芝蘭安足栽

黃雞母將雛候暖聲各喜乳哺無後先粒黍聚羣囓飢
鷲側身下利爪誤生死倏忽橫一影餘風颯未已母迫
呼蒼天雌伏能奮起將命與鷲爭去鷲纔尺咫繞籬慰
眾雛出入常憶此

單村風易順夜夜聞巫祝亂世鬼欺民雞豚作禍福不
見北郊外荒榛陷神屋紙冑踏啼烏石爐飲過債簫鼓
十年前盛衰似轉轆奇語乘時者天監民生蹙

漸與飢寒近老親容子誤漸與富貴忘村居
寡朋故志士畏鄉井宿鳥喜林曙豈不念修塗豈不驚時務
耆耄屈壯心失狼因得兔

可知如許天雨聲偏在此所事迫明晨春風故南指秧
寒根不轉芥瘠心易起學農拙謀生習俗通物理步櫬
更躄踏溼月誤人喜

壯懷頻自扣撫劍無輝光慨然出柴門烏臼立斜陽仰
視鴻雁聲半爲弋者傷我思祝春風勿令柳條蒼我思
祝黃犢勿令雙角張誰復治弓矢庶幾雲路長網罟日

春酒堂詩存

卷一

十九 四明叢書

約園刊本

又密我思終茫茫

搗管指節短把耒手腕長始感貧賤力習漸知身強寒
汲須修綆長驅無促韁所慮草木姿秋風忽以霜人生
自努力何必裁昌陽

小橋過落日落日在魚罾羣鴉啄橡子黃葉更分明歎
息徒侶稀聊自返柴荆呼童問雞柵相與安晦冥

歲月良見疏秋禾不及麥暮春日又長午糜難就夕童
僕事園圃安能廢督責種瓜宜地涼種荳宜地瘠荷耒
晚歸來未忍隨考覈移子爐上酒聊用軟肩脊

農閒學作漁野水落寒渚兒童泥及鰓騰蹕沒雙股盆
盜魚似蝦惆悵立翁姥誰得三寸鯽喧呼指相語憶前
二十年海濤蔽網罟旗幟別船名入關潮正午石首壓
街衢鮮鱗照商賈海魚今何幸此魚今何苦我欲問神
龍何處藏風雨

年來息萬慮睡起聊微醺追思將半百事事堪悲歌飢
寒兼鼎鑊蛟龍共干戈四途爭我身愧我身不多莫肯
讓歸一浮生得蹉跎庶幾補餘年村舍老藤蘿

大雪旋天半茅柴醞初宿茗碗借作卮一舉齊眉覆酒
俸遇其時安能責清濁雄雞失晨鳴驚鴉無地啄物類
各艱難醉卽是醞醪醉中喝破雲注日窮民屋

村社聚神祠市魁有聲色新來誰氏子禮儀曾不識芒
鞋折角巾出入何自得登堂坐索名縣官譏盜賊子弟
爭憤怒老親笑禁飭天道忌是非人情隨飲食鴉噪其
鷓鳴安能與鬼直時作一瞥觀無念不可息

曉起天地寬日月恰相見是物領初煙禽蟲莫自晏鄰
叟已垂白飯半開籬梅家有軍吏宿長男昨奔竄季男
膽稍羸結束同赴縣賣牛旦夕間聊此答纒縈子聞空

咨歎獨立看歸雁

中宵衾漸單一星當隙大百事寸心滿千年幾人荷頰
恃有將來日月同功過尙氣入道浮學詩將身惰田園
守中策葵菽分半課黽勉趁晴和把鏡雜工作

天寒野色靜籬陰雀如雨牧童去不來耕夫其牛語出
示鞭影長喝高使見怒土凍犁柄斜勒急牛角俯欲令
春苗根得知冬日午村家守農業豐歉戀鄉土曲木採
爲牀必逢一偃僂前年田布曾去年河斷窖

花竹漸入眼邱園覺曠人志因年次卑遂與農牧馴昨

春酒堂詩存

卷一

王四明叢書

約園刊本

逢春社散半識東西鄰暈月卜朝雨雌虹驗晚曝俗諺
兼童謠俱足通天文胡爲誤十載道路虛風塵

孤磬爲某節婦

翦髮沈深井泉下寄夫子人間月不圓歸佛以代死春
靜燈無花膏油寒若水單草減雙心影斂不踰趾煮糜
冰滿鎗摘蔬霜著指茅堂似無人日暮孤磬起

吳山絕頂

久客感秋飈停觴忽不樂慨然慕高峰何暇故人約舉
頭看飛鴻隨意踏寒籜不覺林徑盡霏煙合城郭下界

何恩忙蒼天太寂寞吳越本區區江湖似杯杓遙思岱
華間庶釋平生縛人志苦難盈笑歸臥小閣

陌上桑

皎皎東隅日草徑消多露妾自採桑君自行君路莫
勞致殷勤生平寡親故不觀禽鳥飛儔匹豈相誤妾夫
留有姑君婦良有夫若謂黃金貴胡爲擲路隅馬嘶及
未夕是物思歸息蠶飢桑葉青妾飢桑子赤清清長川
流照妾明瑤碧

禾成

春酒堂詩存

卷一

三十四明叢書
約園刊本

麥熟收貴疾禾成刈欲緩引繩約路隅順穗齊內偃蚱
蟻聲翩翩羽勁喜天暖縛茅作人形辛苦竹竿短莫驅
黃雀飢但守山狔晚茅人笑致咎飢飽情太遠南鄰迫
里役持鎌刈青稈

哭徐心水侍御

總帳懸空堂先生果已歿初在澱水濱訛言笑唐突方
期後祿長大難免倉猝豺虎司鼎鑊蛟龍秉斧鉞兩人
共一身生死爭絲髮胡爲衽席上寢閒翻致蹙翰藻照
吾徒襟期映明月知受一言深報未生平竭黃泉若有

程安敢辭矻矻去夏如昨魑魅互出沒隻手招公魂
扶持返孤筱慚愧今歸遲陰雲迷恍忽淚盡北風寒燈
青影微揭

行路難五首

餐晚食逾甘見疏交得久寧作春初草莫作秋來柳明
月不常圓牽牛不常耦古人重別離相思勝聚首
鳥與鼠各倫同穴不相忤鐵與石各寒呼吸何相慕苟
非真性情浮萍值野鷺毀譽慎一時甞勉思恆素
寄菓向親朋視筐何易減寄水向江河辯流何易濫一

香酒堂詩存

卷一

三

四明叢書

約園刊本

言爲之根枝蔓難遽斬君子思後來處羣心自闔
良玉潤且溫誰人不我珮擲玉擊向人誰人不我避結
友宜忠言胡爲博忿憤面傷終有痕癩髓何能治
梅甘責李酸魚沈怨鴻起所爭知爲誰造化難與理甲
夜思我非乙夜思我是處女作人媒垂頭自整珥

遷寓

隔牆桐葉好入門蒿徑微檐禽怪聲咳銜草落人衣鄰
東借箕帚鄰北分斜暉懸幔侵果贏移几切伊威刀鎌
未及命駮至如暫依久客喜層樓閒心託釣磯羈棲安

敢擇聊及秋鴻飛

渡揚子二首

南北自何年波濤勿復起舟子狎江神一葉輕自喜高
歌莫問風風逆亦我使前楫不過舷後楫不出水塔影
纔寓目鐘聲忽回指飛鷺引斜陽先入瓜步裏

不信大江流區區僅如此卻誤記載中英雄幾生死小
刀雙掉槩足勝千年水縱儂百幅帆風短無天使欲繼
焦仙蹤結廬玉山趾愁看牛首南數點昏鴉起

經淮水有懷韓侯

春酒堂詩存卷一

三四四明叢書
約園刊本

淮水昔何似斯人重一餐爲思垂釣時石上青苔寒赤
鯉喜清流黑鯉喜泥淖小心事魚蝦何況彼年少一旦
逢漢高赫然成功名大風至今起臺下波瀾生

拜漂母祠

嬴秦并六國庶籍編王孫杜鵑日夜啼誰復懷舊恩漂
母一飯心報韓與同意張耳立武臣項梁立義帝惟母
爲之師始知王孫貴我來過祠下惆悵淮流忙爲問垂
竿處空臺草自霜

金龍廟詩二首

有序

神謝姓諱緒會稽諸生宋末自沈若水誓曰黃
河逆流吾成神日也洪武初海牙之戰河忽北
指且入夢遂封王立廟

寂寞一書生與天爭大運先將百年事了了自相信聞
闔夜傳符旌旗雲結陣始驚若水力能奪河流願已
驗張巡恨更酬伍員將夢達青蒲恭承聖主問輝煌異
姓封爵視蕭曹進朱英拂貝冑赤手露霜刃至今廟貌
中赫然有餘忿

綽楔丹青壯崩濤逼枯柳羣巫奮跳擲威福在其口烈

春酒堂詩存

卷一

三五

四明叢書
約園刊本

火引自吞利刀引自剖喜怒見神慈俯順風俗醜視河
眞若帶遊戲隨隻手昨朝白浪深今夕黃沙厚玉馬歲
浮沈竹榭日奔走我來空一拜知不責樽卣隔岸馬塵
腥臨風佇立久

德州道中

秋草何憔悴征人共風霜羣鴉亂落日慘淡驛柳僵下
驢投店舍舉策打衣裳徒侶學北語僮僕恥南裝土銜
雜坐臥設餐不一嘗前途方屈指未敢念故鄉

驢背四首

寒重客無語星光不相及出村雞聲盡轉徑蹄聲集霜
華應已白但覺襟袖溼人生不北行辛苦安從習

疾行愁高塵緩行愁遠路寧使改面顏勿使傷遲暮前
驢受鞭聲後驢忽進步日迫村煙遙何以謝晨露

將身託蹇驢寧不愛爾力偷力頻擺耳豈無袖中策霜
屨策柄重欲出指已直持策尙如此能勿心惻惻

驢爲南人懶路因午後遙頻問鄉村名慚愧同伴招遠
望古墓碑倚鐙空心勞舉策量落日已覺手腕高

燕窩

善酒堂詩存

卷一

三六四明叢書

約園刊本

此身不自測忽作燕山游此心太分明四顧無所投解
裝寄梵宇佛道誠廣周僧難交益益一杯與甌乞火
教吹煤索錢輸水籌牀竈共窗牖矮几跨衾裯北人重
寢食百事滿雙眸鄉俗忙初至未暇生旅愁且尋宜王
鼓再訪昭王邱

有客

遊計到燕極經旬惟醉眠登閣望西山歸來心茫然有
客愚且傲閒談多忿悁自云故舊某寄書命使前朱門
大道南突兀生山川低顏對老闍未可當青錢接刺讀

我名置刺看我賴主人在其口託詞何輕便早時餐未
設行藥視調絃遲時樽已列拈子方爭先秦號蹴踘待
趙李博塞連五日入奏事屈指誰爾傳沈吟正迴步雙
騶導鳴鞭白晳冠紅玉貂裘坐錦鞵主人忙出戶迎入
斜右肩遙望笑聲多門外馬嘶煙借問何姓氏依稀曰
延年予聞止莫言笑謂此何天黃金幾千笏敢爾來幽
燕雪花大似掌飢鶻愁如拳須晴買歸驢叱犢耕磽田

答陳胤倩

我生浙水南君生浙水北浙水日已減相聞各相憶相

春酒堂詩存

卷一

三十四明叢書

一約閣刊本

憶歲易流詩文當顏色詩文本小技事業期大節撫躬
無一成二毛忽暗生困迫謀愈迂負米來燕城舟乘九
月霜墜踏十月冰唐突盜賊路慚愧寒匪青到燕何所
計得君良不意解衣招我魂作歌揚我氣誰謂山川窄
西湖不我卽誰謂山川寬握手金臺側金臺多高塵白
晝疑黃昏但見屠狗肆莫尋擊筑人黑燾出閭闔鳴鶻
發平津條鷺羽翩健橐駝體勢尊我來宜俗駭去住得
兩悔君來意奈何爲我故先在是鶴必蒼旻是鯤必渤
海俯仰違面顏崎嶇裘馬間豈無昨夜雨晴黛滿西山

亦有南窗月曾照故園還立身尺有咫非敢受貧使禾
收幾稜田魚釣半灣水桑濃鳩婦樂花墜雞兒喜學圃
占月令灌園憶莊子習勞可徂疴寡慕自存恥將春怡
父母將隱報書史瀝酒誓歸期卜鄰傍湖汜

抵慶都縣謁堯母陵

落日平馬首驅塵就古邑驛亭瓦礫口枯樹飢鴉立頹
窗撐壞棧露甑覆棄笠鵠形驛卒孤向我拄簪泣此城
二十年兵火屢屢及鬼燈綠無煙未夜風颯颯遺民苦
荒旱孔道車騎還縣官官太卑虐取亦難給哀哉民生
晚世運邁衰葉旁有堯母陵再拜叩神閭仰視蒼天高
寂寥面危堞

過慮義生里

川原無近秀塊坵如洪荒停車大道側俯仰懷義皇惆
悵飛鴉急天寒減日光

盧溝城

桑乾水如舊廢堡仍崢嶸櫓楫雖已盡女牆半未傾云
是天啟年築以壯神京當時樞密使謀國良忠誠先將
兩改元分作門上名

城門一名順治一名永昌
李自成僭號永昌元年 倏忽十

餘載門牡不復扃啼鳥啄殘雪飢兔舐寒冰立馬問父
老重述工初興辛苦司空郎親督杵登登巖界屨灰白
旗立丹樓明臣勞靡不酬君寵靡不榮置酒會文武笑
比仁愿城物力果用堅尙扼旋廳聲

將之晉出燕

出郭馬驚嘶征途又復始積雪壓黃沙北風吹不起西
望太行山亂峯何處指但指落日邊我行欲向此人生
重飢寒遂受天驅使老僧反手立歎息桑乾水汨汨自
何年到橋猶未已

春酒堂詩存

卷一

五十四明叢書

約園刊本

井陘

蒼天行漸小山徑時欲絕不見後騎來前車復已失同
行百餘人恍惚成孤子崩崖無草木仰眩萬仞截苔痕
何自青千古無春節地軸爭形勢列嶂互構結我愁日
月窘真宰翻似拙習險驚心展迺更生怡悅縹緲樓櫓
危角聲雲外裂

太行二首

盤陀就登頓車馬破山入山情似衣衽層疊俱右襲古
道昨日開溪流亦艱澀行跡失常理西行反東摺半崖

偶洩煙知是居民蟄兒童探穴望不知何路接崩決春
夏流隨勢成階級馬蹄得半力僂倖爭呼吸忽憶於陵
子抱甕足自給

勢尊不受束萬山趨拱揖風力如秋潮馬忽作人立茅
茨依短嶂不識何樵汲道傍見小兒帽檐飾蜆蛤物用
罕爲貴千里莫相及黃河一線微勿復見呼吸處位自
有餘悍勇亦斂戢意將招嵩少驅令眼袴褶恆嶽名久
虛玉帛宜此輯

宿漳源

春酒堂詩存

卷一

三十四明叢書

約園刊本

山驛凌絕巖茅檐俯首入解衾竟酣臥天路通呼吸遂
覺清夢易玉階躋峻級巍巍采恩啟肅肅珪璋集豐隆
跼奏事歲星祇長揖予忘布衣賤舞蹈莫羞澀醒來雞
已啼猶聞異香裊起望星辰動光芒逼面溼

且亭署中贈申臯盟

四月寒未歇邊風浩無涯不識晉陽春春在主人卮醉
嫌海宇大名姓良亦稀惟於申子賢贊述不一詞洛水
北流折滏水南流澌申子家是問柴荆益崔巍柴門柳
拂徑蔬圃蔓垂籬登閣愁天盡看雲覺鳥遲主人曰申

子形貌比我頽炯矇目光視物常若疑自指且亭集
曾摩鬣鬣髻子笑舉卮酒如其申子持明日主人喧申
子已在茲馬嘶鞍挂策僕健囊負詩握手雖若新此心
久追隨悲歌和夜燭辨難褰晨帷主人介且靜官署如
旅羈野犬啖文鴿黃馳噬石雞感歎萬物理天道方若
斯自言乙酉間重趼渡江涓奔走志莫遂鬢毛摘素絲
命讀節愍傳再拜生嗟咨烈皇殉社稷臣死敢曰奇獨
公官太僕牧事出近畿借之遠禍難豈受苟免譏而乃
衝賊營立馬呼西陣是時哀角鳴白日黯無輝門牡復

春酒堂詩存

卷一

三

四明叢書

約園刊本

暫啟旁觀共驚嗟公謂我有軀死擇皇都宜倉卒冠仲
子禮畢趨路歧井窄猶見天水澄不見泥顧影合成一
從容整冠綬從此井上鄰夜夜驚威儀此亦主人言與
傳無參差申子時家處至今淚滿頤上誓報忠臣必將
孝子貽忠孝非聲譽努力敦後期揮手一爲別萬里心
勿違我仍對主人說君無盡時

南關驛

驚聽吹車塵大道陷深岸崩土著石皴崖削數丈斷廟
剝一柱懸礎虛梁尙貫窮塗多委折去車若迴轍難將

程里計百里止得半驛貧無酒沽莫慰僕夫瘡

沁州

麓臺入銅鞮仰車經九爨計程二百里高遠幾分半剛
風竟歲寒舉步卽霄漢誰憂偏帝尊摧抑使相判俯視
無端倪萬峯鳧鴨亂路平勢已極約可踰日觀不得列
岳名知因理太漫翻喜馬力疲倦免顛躓患歷險我胡
爲王陽得無歎

長子縣

荒涼鬻斗臺白晝燐火綠傷心述己丑人血洗馬足民

春酒堂詩存

卷一

三十四明菽書

約園刊本

生邁喪亂曾不及草木文廟留古松鞠躬何森肅大小
互揖讓宮牆寄化育佇立微風生似奏迴車曲

登銅雀臺

歌管雖已歇漳流仍有聲烈風崩南山臺基吹不平雄
心未肯銷千載猶崢嶸壯士值衰末奮身立有名大勢
中原定羣英四海并戰勝歸角響酒酣饒曲成築土攀
蒼天笑拂紫微明舞衣羅燕趙清奏移蓬瀛安得不及
時水流日西傾登臨莫輕詆空守書囊螢

荆卿舊居

刺客有餘烈千古榮其鄉非因刺客榮深惡秦氏強勢
窮勇自暇翻令傳者忙天日爲改度匹夫生輝光萬乘
環柱走何必沙邱亡昔過易水陰今來淇水陽土民指
卿居似或登其堂不聞擊筑客慘淡斜暉黃所讀竟何
書臨風一旁皇

嵇侍中墓

陽陰南十里

抔土春草青衝塵下馬拜穹碑題侍中千古官爵在排
徊更慨然父子與亂會伍員蕭莫吹王裒詩可廢一死
纔得半蕩陰爲公收明哲嚴先後忠孝分等殺非從死
者皆留俾仕者戒將來有山公愼矣無後悔

溫縣

繫馬虢公臺驚見梅枝白三年不見君春風良足惜君
今聞我來含笑候荒驛庶各保馨香素心仍夙昔呼僮
設杯罍芳茵就成席斟酌兩無言不知誰主客樽傾花
亦醺明月下庭碧

夷門

中原停轄望黃沙漫如海東風空努力無地著光彩古
今極目平草味還眞幸信陵墓莫問何況彼朱亥獨爭

夷門高不聽河流改七十一老翁意氣猶生在從前幾
許年從後幾千載人生俯仰間光陰不相待常恐遂浮
沈舉觴淚瀟灑

蔡中郎故里

陳留南一程云是中郎宅立馬共誰言咨嗟對碑石中
郎秉至性畢世纏凶厄甫卸朔方鉗旋攫王智螯旬日
歷三臺高陽賜符冊何如淞水東閒聽柯亭笛人生守
喪亂行藏慎跛蹙無將濡滯問致費後賢釋我思訪公
祠荒草漫廣陌十志懷篇名殘霞遠天碧

春酒堂詩存

卷一

三四四明叢書

約園刊本

繇永康鎮至定遠縣五十里

綠茵沙軟淨平橋水從容近南天氣狎久客馬性通揚
鞭但用影蹄過輕無蹤纔歇驕嘶聲又轉村舍東亂絮
沾衣雪飛花撲面風身隨蛺蝶內忽若鞍鐙空回首望
後騎柳煙隔幾重恍惚憶圖畫不知今在中我心常似
此何復悲塗窮

太原贈某

千古道路長從無得意客北風曠野直併力過山陬吹
馬馬欲仆裂襟自束額辛苦就人煙日低井陘驛君由

獲鹿來布袍光耀黑縕絮肩背高下揖指攜策壓肩狐
帽大欲語澀無力呼燭一審諦沈吟記夙昔君但暗搖
首入室拊胸臆祿走未入秦儉亡未脫籍拭淚且吞聲
旁人怪歎息仰視星已出高天無限碧豺狼嘯當塗遂
使山川窄鴟鴞據危枝頓令魑魅偏君災成我倖倖此
聚蹤跡滹沱水崎嶇太行阪前勞豈可戶牖藏勉身貴
閱歷獨予遠庭除遙遙烽火側君雖妻子輕出口難解
釋俱各乏好懷登臨虛古蹟三月過芹泉五日抵洌石
主人能愛賢忘形互促膝華堂對酒喧歸室與燈默喜
得兩室鄰鄉夢商所適狐狸步中庭僮僕覺蟻亟月隨
風到窗隔壁通咳噎醉後攬君眠翻爐焚地席從愁寓
至樂庶或勿我射人生幾元宵人生幾除夕今歲同太
原明歲巨豫測野鶴依豢養神駒就羈勒逡巡雜驢棧
唐突耐雞跖丈夫守大名纖細何足戚天道占去來吾
徒決通塞羞記桃花源罷題楊柳宅五十有壯心頂髮
安敢白

南歸別楊猶龍先生

歸心不可留別意不忍決兩者持我懷東裝冒六月風

指計行程到及親壽日親壽正七旬三年遊子出帆影
夢江波雁聲望天末一旦獲言旋攜鞭叫藜藿跪拜語
無次攀籬鄰孺密解公贈黃金貴酒數百斛解公贈袍
具光輝翦髮解公贈藥餌散漫充斗室更贈有詩篇
長吟動林樾媼友聚索觀隔肩仰頸讀問公交何因問
公意何渥問公有鬚無四十聞未足人生貴知己今古
各寥廓喬松自亭亭蘿蔦自楸楸纏綿百尺心凡物慎
所託憶昔爲燕遊燕客無芒屨大道多白馬高門經垂
轂對佛口僵臥雪花閉禪屋作詩投公戶命駕不踰宿

春酒堂詩存

卷一

三

四
明
取
書
約
劉
刊
本

追隨入晉陽契分如素屬太行不復寒草木忽相綠句
就乘月示文成檢書覆狂來白眼直座上等齷齪被我
紫貂裘素絲結作束斟酌碧玉卮佐有瓊瑤屑乞我以
塵尾配惟秦家秘舞以芙蓉鋒照以芳苾燭兼授朝川
圖蕭蕭十畝竹令人忘我貧宣髮何用斲醉多抵疾病
客久寬童僕今歲遷大梁半年馳電速竟可相終身采
雲共茹朮壽親近秋仲難辭暑氣酷威公冰雪文載之
以自沃僥倖既同時山川非異域敦勉後期在婉轉辰
屐卜廣筵布芳樽開朋棋屐谷不敢謂惆悵孝友公所

助爲求到日歡翻掩離緒惡慨然上馬行回首望嵩岳
新癘

晴光展野眺眾山如初來黛色漸欲近層次分滌滙萬
類各欣喜天地無塵埃荷鋤課小園扶植念新栽宿雨
泫繁枝忽見桃花開鳥鳴客復至隨意陳尊罍

游小白嶺南諸山作十首

小艇載壺榼野橋壓帽過懷抱忽以舒驟見春水大桃
花出牆短黃鳥穿籬破茲行得晴和庶幾窮所慕
水遙覺山近山翠漸近綠入橋沙愈明經村煙似沐浴

春酒堂詩存

卷一

三七四明叢書

約園刊本

洞窟春渚游衍罨畫曲今昔何殊觀心閒興自足
大涵山勢扼水路似已窮出橋轉汪洋眾流匯羣峯川
原互有情動靜理自通思得一俯察振翼凌天風

煙火多高樓家在溪聲裏百家同一姓耕讀無遷徙
望谷口山左迴右復倚相顧如相商龜勉留去水

入山問山名樵夫爲予導舉鎌贈竹杖藉以驅虎豹迴
壑納筍冥層巒卸孤峭行行寂無人何處答長嘯

五步一佇立十步一憩坐聊借目力寬用紆足力憐隴
奮生波瀾峯尊集輔佐誤行翻得勝回首借旣過

離合見人情去留審山勢岡巒各無言趨赴如受事安
能結茅屋抱膝辨陰霽隔澗雙鹿飲穿林一僧至
下山路較難路漫不暇擇笠拂松花低裾引藤刺窄崎
嶇反忘疲踴躍如有釋亂竹紛縱橫杖轉難爲力
寄夕向山家客來吠山犬未忍棄竹杖險阻曾同勉奇
懷追往歷幽勝擬繼選臨臥戒雨聲先將竹聲辨
晨嵐冠山椒須臾壓山趾已息望晴心乃忽得晴喜出
蒼蜂繞衣循籬袂決雉路因歸似近溪店午煙起

育王嶺上作

春酒堂詩存

卷一

三十四明叢書

約園刊本

春雨達春暮入山天忽晴因知造物力靡不隨人情雲
收虎失勢日出鳥有聲野老採茶去村民斲筍行共話
芒屨乾各恐誤經營昨日傳軍帖需茶足百簞久陰春
氣懶何以應官程世運有來往自傷多壽庚羨茲苦竹
筍籬邊遂爾生

蘭市詩

有序

郡城東四十里爲寶幢依山聚族居數千家旬
之二七日遠近交百貨爲市邇年來春二月間
樵子各以蘭集葉影花香百貨幾不勝焉因作

蘭市詩

芳蘭亦入市漂泊爲誰來自慚招俗好貽累及蒼苔雞
豚列市南魚鱗列市北生者各有聲默者各有色在山
松葉綠出山松葉黃慰我不爲薪本根同一傷奇語深
山中藏身須更遠爲囑溪雲白常遮樵路斷

賀祕監祠二首

太白絕代人惟公一知己風流千古存明月照湖水荒
亭自寂寞古柏半生死我來空徘徊俯仰此鄉里

夜夢游帝居蚤朝乞故里非貪高尚名投老是常理況

春酒堂詩存卷一

三九四明叢書
約園刊本

入天寶運先機亦有以恨不邀李生來同一曲水

南樓望

春風忽又改雨腳從東來漫然壓平野遂及南園梅羣
峯向參差隱隱隔新雷惟有太白南半引斜陽回倉庚
啼漸老秧田葉初開農事方欲始紫虹胡爲哉

蚤起二首

蚤起思慮淡欣聞荷葉香虛庭步有餘微風吹我裳鳴
雞翻更息宿鳥或已翔離門久不開蓬蒿露瀼瀼庶幾
成我拙希爲世所忘

初陽照屋脊鵲噪東南枝應得故人至風日方清夷村
僻多遠懷身閒如有期登樓拂素几開硯滌新池適性
自成課還督園中葵

友過

望雨雨不來循籬摘眉豈故人叩柴門斜日通葛袖相
見各歎息久旱阻夏觀自言種山田十畝一傭授未耕
傭傭值未穫傭傭糗家向有三傭東手看白晝秋風空
復生何以答耕耨昨夜促織鳴如覺今年驟道上走里
胥負米輸官廢赤地多飛塵鹽花生面垢天運賤生民

春酒堂詩存

卷一

四十四明叢書

約園刊本

火雲發西岫

送章淇上北游

從來失意客動輒遊幽燕幽燕起烈風黃沙吹薄天白
日不見人車蓋徒喧闐況當嚴冬時行色怱怱然十千
留買驢十千先買船屈指過淮水水腹亦已堅陸行多
苦辛飢渴心相遷短晷促遠程餘夢斂霜前疲騎防踈
蹶捍騎防騰騫制鐙宜任膝調韁莫恃韉常作立者勢
此身得周旋我昔再北征艱難久乃便因念知交中多
從北地還塗窮決遠計境到悟遙傳君今偕及門影共

斜陽鞭登高一縱目宮闕已千年東閣車騎塵北邙松
柏煙易酒聊足醉醉後仍酣眠歸期指湖水莫令春歸
先

夜歸

江風吹日落乘醉指歸路林雀已絕聲行人不相顧田
水咽魚梁村燈射墟墓獨行遵大道雖晦無違誤呼僮
問橋名轉徑辨鄰樹俯見衣帶飄仰見明月露入門親
意歡從容述所遇團課念及時離荆喜已固僕夫聽早
眠來朝時瓜瓠

春酒堂詩存

卷一

四

四明叢書
約園刊本

偶作

讀書忽有得小閣如天上萬事莫我撓千秋足自壯啟
窗聞花香雲物亦怡曠僻居毀譽平閒久形骸放客至
足青蔬無嫌試新釀

卽事

四月草木暄逐徑栽秋色眾苗類各分徐待西風力凡
事期後功天行有消息就葉作花觀留春與秋得及此
微弱時遷移示培植因驚歲序流萬物自相偁轉眼籬
菊黃俯仰資羽翼

收罌粟三首

花事既已畢，貯子需中秋。物理互來往，榮枯暗自酬。涉世悟行藏，遺懷忘喜憂。眾卉各有成，以與時運周。初旬罌粟開，中旬罌粟謝。開謝委天機，幽人自閒暇。昨夜薰風強，榴花繞籬舍。盛衰莫相爭，草木有王霸。偶閱來禽帖，念及罌粟子。守枯氣斂足，養腴理還貽。世情貴目及，造物餘後埃。不厭鄰翁求，函封莫用紙。

海昌寓

屋淺如孤舟，停橈夜聽雨。漁分楊柳岸，雁共蘆花渚。夢

春酒堂詩存 卷一

四三 四明叢書 約園刊本

回兩檐滴，相答是誰語。愁歎聞老親，參差雜兒女。殘燈寒不明，淚下潮生浦。人世幾百年，胡爲久鬱處。疑在姚江東，呼僮促雙櫓。

與友人話劉子登

公藏從子

海內無多人，斯人五年別。寶劍望豐城，鷓鴣念丹穴。憶昔燕市游，懷中刺漫滅。其家老步兵，來往快讀蜩。曾將卷牘貽，各取名字缺。置之久已忘，偶醉聊一閱。筆墨相鬱蒸，忽然覩冰雪。旣誦高銜詞，復吟細曲折。回思餘勝賞，留目難豫設。竟似武陵漁，白雲不我閉。何處無桃花。

何處無雜桀尋常廬與舍入眼天更潔是時夜漸永豈
知燭再卽喜劇素髮玄狂來鄉思撥重呼斗酒開拍几
催僮爇大觥從左引把卷肯右輟已聞年弱冠及晤氣
軒揭月空孤鶴橫野曠蒼鷹批子弟得如此王侯等綿
絕身違楊敬時翻愧逢人說遙知驥有程銜轡誰能掣
望成千古名豈自酬瑣屑安得長風南吹使入門楔

八月十六夜龔芝麓招集慈仁寺松下醉賦

佳節又一過燕山只宜醉感此吾鄉月遠從東海至吾
鄉慶中秋獨取今夕異豈補佳節閏成例或有自風俗

春酒堂詩存

卷一

四
四
明
叢
書
約
園
刊
本

動客心賓筵適相值脫帽戒煩文就席羨西位燈罷人
影顯樽清酒星墜是時城角殘觴政傳軍志清光肅然
改銜枚勒伍隊平沙照刁斗寒霜響旗幟丈夫生違時
廣武恥兒戲聊借掌中杯登壇成小試須臾中座移藉
月圍階砌喧寂忽不同章程已代吏世運皆若然變遷
原易今夕竟何夕斯地竟何地如登瓊樓中羣仙狎
無忌我來燕山市將已三月暨兩刺通往還再刺訂飲
食飲食太崎嶇龜勉發慚愧一拱擎太白一拱進大哉
計拱三十餘門前亂車騎縱逢花月辰空聞簫鼓沸今

夕竟何夕斯地竟何地月爲主人近漏爲主人遲松攬
主人杯分影枝如臂問松幾中秋問松幾晴歲問松有
幾人能似今宵事

決絕詞 有序

程子奕先北遊未歸聞嫁其侍兒名秋者悲傷
宛轉殊不勝情作傷秋賦二篇而周子爲之詞
夜雨溪流合朝雨溪流分雨墜知山高不復懷舊雲高
枝花近樓低枝花近砌東風委去水不復懷舊蒂妾初
聞遠役不知別離苦止謂後日長燕山似里許慷慨爲

春酒堂詩存 卷一

四明叢書
約圃刊本

功名登輿總弗顧相送非一人妾意自回護滌釜煮早
糜穿鍼侍夜繡君行妾自警明月照寒螿風波何處生
廚刀割絃斷綆長泉見濁桁高手見短風波卽此夜此
夜君憶否舍南應置帚舍北應置日凡物各有分妾職
良在勤勤惰左右難避君偏值君婉辭君託醉直辭君
耐羞小膽雙纏窄卻立整搔頭明明燈吐花謂妾終身
事晨起欲出戶同輩竊指視是月不嫌星是花不棄葉
是僅必容管是眉必覆睫丈夫忌苟且舉念謀始終一
家君所知北發胡恩恩月缺二十五尙復圓時有黃菊

遊寒臘花枯與枝守卑賤無定名去留竟易易秋風吹
蕪草或曰是君意君遊滯燕山妾處在湖渚書來妾莫
知家人各耳語

繇四安至洪林橋三首

沙淺舟力窮雞啼山店午小春互寒煥行客辨晴雨人
從林靄沒驢向溪聲怒紅樹引斜陽練禽曳脩羽
籃筍泛平波山勢隨緬邈頗見前山高到山仍不覺村
小見秋閒林空聞鳥啄澹然與意迎得句無暇琢

蒼然萬象合遙見雙溪來何處是敬亭眾山羣相推喬

春酒堂詩存 卷一

四十五 四明叢書
約園刊本

木自疏密清陰絕塵埃駐車惜竟去紀叟安在哉

寧國南城作

策杖山磴平不知出林樹俯驚宮觀低纔悟最高處溪
店銜煙遠沙禽看雲渡居人若無營苔綠石橋路爭傳
仙蹟留何似名賢寓惜哉李太白不及玄暉晤崔巍郡
北樓明月自來去

上齊雲閣

慨然懷往昔攜酒窮躋攀乍見碧雲盡始知紅樹閒歌
成一醉臥醒來千載還斜陽促歸去留此敬亭山

醉後作

壯士中夜起秋風忽已來枯蓬仰喬木落葉胡爲哉
寶刀閒挂壁清嘯聲如裂寒鐵不爭年無端動悲切
廉頗未學仙黃髮亦徒然誰惜終軍死千秋長少年
把酒莫對菊對菊令人老安得餐桃花常教顏色好

過蒿里

已酉冬

斜日搖白楊陰風潑如水鴝鵒學人言老魅與人市
寒食賣漿翁得錢燒成紙行客冒驚塵須眉半瘳鬼
人心偕世事何處非蒿里尊嚴岱宗側胡爲竟有此
一錫可

齊酒堂詩存

卷一

吳四明叢書

約園刊本

使平民間斷生死

哭楊猶龍先生三首

江樓上作

四海何茫茫子然一知己鬼欲顯予窮天遂誤公死焚
書挂劍臺瘞筆分金里江路通九泉將淚贈潮水慷慨
結交游茲事可遂已

振袂生塵埃那得哭君處澄江若平野高樓抗煙樹醉
後驚秋風百感忽然聚猶疑君未亡西蜀尙流寓寸心
極天末萬里終一過日落少人行獨下江樓去

草木皆有根花萼各有蒂人生若飄蓬何以守天地窮

達等駒馳詩文亦帚敝誓當尋安期危崖齧顛躓庶使
黃金成用將白日繫今古誤因循此身不自計滄滄長
江流歌哭互更遞

獨坐

抽刀砍亂絲刀鈍亂難理把鋤斲蔓藤鋤短蔓不已憂
來千萬端獨坐忘墜履白髮行漸多仍歲作遊子虛名
費寒暄涉俗鈍舉止翻然歸去來抱膝看鴻起

枯桑詩

有序

萬曆間餘杭大水漂沒陽橋村村有孝子胡文

春酒堂詩存 卷一

四七 四明叢書
約園刊本

燧負其母依枯桑枝枝欲折孝子支以肩甚力
得免時妻挈其子漂過其旁不顧

大水何處來枯桑不自計仰藉孝子力遂得守根柢孝
子既有妻孝子復有子豈忘恩愛深一肩母在此救母
母可生救妻妻共死此心兩難持揮手謝妻子我非死
我妻妻死爲姑代向知夫子心瞑目應不悔孝子謂枯
桑皇天同努力誓分身上膏爲爾生春色枯桑答孝子
久倅託君門感君能事母願結爲弟昆大水濁且愚無
眸識孝子爾桑敢我爭僂僂又何恃枯桑責爾水天地

有大經威勢當衰歇胡爲毀令名大水慚愧去日出母
子將枯桑兩相看不見古樟處孝子肩已穿枯桑腰半
裂行人拜枯桑誰向空桑出至今溪水平不到枯桑根
上樓五夜烏下長三春護

寓禹航法喜寺贈張子漸

山城春自靜久客淡於僧綠陰合殿角細雨暗窗樞黃
昏客已散童僕臥不應共聽杜鵑啼堂空一佛燈

讀史二首

揚雄滯執戟赫赫爲大夫著書擬聖經問字來當塗劉

春酒堂詩存 卷一

四六四明叢書
約園刊本

歆旣友善胡猶譏覆瓿要知文章聲不因貴顯殊漢風
尙淳樸後世相與誣所以黃叔度冥默如顛愚

宛下誅新檄山東討卓文鏗鏗振鐘鼓可惜無傳聞文
夫事著述際會須風雲區區詩與歌雅俗何足分豈期
陳記室竟同尖質羣南陽答一顧兩表凌秋旻

過寶輪寺汲獅泉試茗二首

山迴遊跡寡泉得安其天我來無一事坐聽茶聲圓竹
深日似月僧靜火不煙何須待斟酌始覺塵懷蠲
泉自有性情奚煩藉茶力但逢閒淡人兩者遂相得石

鼎分松澗素餐涵竹色谷抱鶯聲長數人同喫喫
坐看山鹿下不覺爐又沸石泉本無波松葉亦自墜物
理貴兩忘能令取者愧欲別題姓名聊用答泉意

禹航東歸

禹航久入懷游蹤今一遂正值初夏天繁陰靜僧寺竟
足數旬留多愜平生意大滌爲我來白雲忽自避明月
爲我來覺與孤嶼異南湖久無波草色生溶漪夜雨爲
我來浮鷗及塘次更有孫興公讀書外無事爲我關小
徑翦桑來往易爲我款鶯啼爲我緩花墜開響屢選陳
烹筍初斲穉宿酒無暇醒爲我接新醉積雨畏朝曦乍
晴畏午霽擇侶尋名勝闡幽述往誌如此日相仍直可
忘年歲難移王翰鄰欲返桃源柁尙爾深纏綿索書成
淹滯人生無聚散況同咫尺地晨起感子規呼童捲幙
被并謝佛琉璃分光慰孤奇小舟再回首大滌送遙翠

有寄用原韻

久客懷故國窮居慕遠鄉我無雙飛翼安得恣翱翔昨
夜夢燕市不改當年涼蒼松布疏影綠醕動清光歡洽
座無喧殘磬度僧堂人生值良會不知天何方一夕荷

適意百年增壽康
矯首望明月正直庭中央

舟行

日出水斂煙逢橋喧市店停橈
附行人頽白良足念自云居海濱
家世頗豐贍粹奉軍令遷將炊
竟拋椽赤手挈妻孥謀生等萍
泛乞種大戶田田主氣如爛茅
堂挺腹坐何物名荒歉貪看子
女暫佯笑留通欠故園繁橘柚
小閣傳鉛槧潮落午收罟山寒
閒載獫里役先期輸魚鹽經歲
蠶不敢望縣廷恐貽官杖玷庶
幾稱良民長守祖宗豈何意風
雨驟驅迫隨馬韉既乏烟黨資
曾無

春酒堂詩存卷一

辛酉四明叢書

約園刊本

戶籍占旅人畏鄰並廟社亦苛斂
塗腹壯神馬拂塵明神劍割牲安
神冠染繒易神襜旦夕溝渠填
龜劔鄉俗忝巢覆鳥莫投水枯魚
尙噉沃土委荆榛海浦仍激灑
縱傳復業恩徒使歸心豔難與豺
虎爭今昔是誰僭人最懷所生夢
魂常足驗夜夜歸去來無恙舊土
坵廚懸小簞肥穉開新酒釀忽警
牀頭雞夢回如墮塹我聞長歎
息天道多傾陷老翁能我依我家
七里壑

折尾虎

有序

陝西城固民梁振第年十五隨父晨往于田父

爲虎攫振第直前挽虎尾虎受繩不得前棄其
父去父竟死訴諸令爲文禱神閱日遂射得虎
過振第門振第出而號曰是固殺吾父者吾固
識若尾固折也邑人聞然頌令能格神聞之周
子周子曰振第一念足格神矣爲之詩題曰折
尾虎

南山折尾虎尾折原久傳一朝乘霧下驅偃伺山田攫
農農有子至性張空拳奮身絕虎尾生死與翁權奪翁
下虎齒魂魄難兩全訟牒懸虎名禱祠表令虔紙灰撲
神面陰風起爐煙詰朝報斃虎吼絕猶昂肩未知是邪
非聊用抒憤悃昇過孝子門踴躍齷欲穿誰謂虎無名
折尾今儼然抽刀生啖肉腹內消千年里閭爭歎息風
化培蒼天陰陽本呼吸報應須當前寄聲虎輩知垂尾
渡長川

曉行

雞鳴鴉聲起出門逐眾人所喜夜雨過往來車絕塵所
悲馬蹄滑高下多苦辛安能罷作客常爲村舍民須臾
見老翁啟櫬呼四鄰昨夕承縣牒役夫無富貧大府遷

官去歸裝重壓輪不識裝何物次第輸河濱莫念場中
黍莫念田中薪裏糧各努力縣官猶怒隕不記十日前
視我笱痕新

集某氏

庭菊信令辰晴秋洽嘉醪主人行樂餘啟閣集親串歡
緒發華燈高譚隱漏箭客擬西園游情殊金谷餞殷勤
避平生酬勸不言倦自昔矜故鄉疇能問貧賤朱戶扇
椒圖綺羅恣婉變左顧陽阿奮右聽秦青變日高僮莫
知絳蠟歸深院

春酒堂詩存

卷一

五三

四明叢書

約園刊本

古風二首

青瑣耀椒圖銅龍刻畫戟借問道傍人太倉新令宅終
南衛叔卿偶爾赴蓬瀛西風澄月色吹過洛陽城不見
洛陽城但見塵如水往來車馬流遙聽歌鐘起清漏已
沈沈勸君歸去矣幾見金如山得傳與孫子

登山極山巔隻手援青天有志靡不遂奚必耕芝田京
洛多朱戶綠錢封墓雨老狐學美人語笑調鸚鵡誰將
朱戶開金埒馬重來爲嗤前民拙別院築歌臺曾聞驅
石走欲接扶桑口沙邱避數年此事應亦有

冬夜八首

矯首孤樹影自謂非枳棘殘葉有餘春驚颺空作力欲
將鴻雁留飛鳴不我卽翻愧謝棲烏爲子催曙色

村居中夜曠靜極如有聲敲枕兀無寐披衣步南榮寸
心止須臾萬里相經營雲低天在否何以酬此生

此蟬訕螻蛄殤子笑龍鍾似茲冬夜永生世何恩寒
夢常難續村更不易通燃炬須脂老爲種千年松

野狸探雞柵鄰鷺驚我雛黠鼠墮虛盎飢鬼憑淫巫聖
賢與盜賊衣食同所需丹邱長不夜萬類減憂虞

春酒堂詩存

卷一

五三

四明叢書
約園刊本

野曠枯樹迴衰葦北風多隔籬如有人斜月動微波我
懷昔劉峻燎麻資歎歌願分積葉光共此牆陰蘿

挑燈讀荆卿燈寒花不結羈縲欲上函七首初試血引
觴遙設奠神鬼森然列燕山咫尺近庭花似飛雪

寸心斂後虛忽集生平事所悔非一端翹斃分慚愧交
雜離合輕學淺喜怒易白髮已報人猶然似幼穉

城內笙歌院爐圍繡毳紅金釵新綰辮玉斗學誇醜應
嫌寒漏短行樂防衰翁吳門梁伯鸞著書徒自工

古別離

欲雪猶未雪北風結浮雲仰視鴻雁飛各自知其羣征
人輕歲暮心事如從軍離樽酒易寒握手生微醺去住
非故鄉蓬根恐以分同上鳳凰臺汪遠波無垠竚立望
高樹聊爲停斜曛

有懷二首

出門難自主歸路常易長不謂君亦然後此秋菊黃青
陽灼庭梅如對昨日觴歲月苦相誤君遊原有方朝行
發溢浦暮宿依彭郎布帆識西風努力指故鄉

相傳留太末又傳留隋苑翻因音信疏知君歸不遠昨

春酒堂詩存 卷一

五十四明波書

約園刊本

夜北風高關柳吹益短啼烏知日暮僕夫驚歲晚游子
夢家書白髮加餐飯雁過酒初醒殘更忽已斷

寄又陶病中二首

相違無幾旬相隔三十里病瘡何足驚傳聞如憎毀山
閣風早寒溪嵐午未已藥窮施及艾小愈常易喜靜觀
萬慮平學道因茲起子來證所得短棹撥秋水

鄉俗重巫師儒家重醫術家貧鬼不怒俗薄醫互嫉欲
以人試方與巫其恍惚朝苓暮復桂補瀉常并日瓦鎗
嘲石曰無乃太倉卒願成扁鵲名爲借彭鏗疾

發陳留

平原莫迴互無霜有霜氣曉發常慙慙一身不自計指
凍束帶寬類自牽衣袂予家江之涘田居頗次第老人
多早醒少壯或尙寐豈知遠遊子出店仰鴻暎旣乏羽
翮具胡與共迢遞車馬多苦辛況茲寒節厲淡日雖無
力相照感天意

摘莧八首

兀坐了無事摘莧入南園豈不懷遠圖愁來誰與言憶
昔方弱冠讀書似朝暎舉杯抗絕嘯俯視空乾坤胡爲

春酒堂詩存 卷一

五十四明叢書

約園刊本

七尺閒斂影蓬蒿根斥鷃憑高槐晰晰矜騰騫

摘莧未盈掬不知過小雨抑首久躊躇似聞莧相語赫
赫馮子都鳴鐘列鼎俎蠔臠配熊蹯象白次麟脯勺藥
引椒和雕胡入漿醯庖人伺顏色犀箸猶懶舉

摘莧須摘紫青莧須辨形土膏足四月蕢棗亦縱橫莫
將數莖非誤此筐中盈純鉤缺蟻鼻匹練點飛蠅玉以
微瑕棄鼎因墜墨傾何況此區區芝蘭保爾馨

野莧無行次誤踏秋葵根凡物各有時未暇貴賤論鴻
鵠能高舉不爭春燕喧芙蓉能吐豔不爭棠棣繁榜木

飾丹腹鴛馬服朱軒奇書鹽車下憔悴聊聲吞
萋萋籬內莫蔚蔚籬外荆有何瓜與葛相護殊真誠入
門胃我裾似欲留餘莖天地饒生意無爲貪者擾人心
植凶年蝗蝻瞰奢盈遠聞齊魯間黎庶如浮萍

俯見笠影圓因驚午日赤攜筐歸戶庭拭汗透衫脊愧
彼跪禾人飢來未得釋讀書習懶惰家處如賓客少壯
忽已過悔不務農役爲感劉公憐徒懷陶氏甞

飲食俗務新遂蒙君子薦五月轉盼過爲爾賦紈扇人
生矜少年津要須蚤踐誰能守區區軼輿保貧賤我聞

春酒堂詩存

卷一

五

四明叢書

約園刊本

泰岱阿松柏經秦禪千載曳青雲寧因螻蛄羨

三山有神芝食者善長嘯常恐秦皇知守衛司虎豹我
邀鶴是媒捐珮貽仙俛杜若編爲帆木蘭剡作權頻約
秋爲期波濤未可較昨夢聞雲墩回風見羽導

機拂子

讀少陵詩戲爲此作

偶折機樹葉割葉分作絲箕踞引清話適與野人宜炎
天藉村僻客至寬威儀蒼鷲何處來端坐鬚與眉豈無
金錯刀柄在安所施借玆代白羽功用何等差丈夫久
抑鬱計較及細微慨然擲機拂雙鶻雲中飛

歲晏

犬喜開門早庭鳥起從類微煙拂寒波殘月下籬確行人漸已多石橋通市隘歲運誰驅迫爭此數日內但驚芒屨溼不知霜滿鬢貧居寡俗營場務畢荒穢天地共蹉跎置身癸甲外僕閒放雞柵破壁掛雙耒孤村旭口先暖我園中芥

友人過草堂

客至無前約步口引初晴老親代子留循橋望鄰垌歸來翻似客君出籬門迎笑聲接麥畦相揖隔菜塍農夫驚回首一一停牛耕登樓山愈翠就坐几適盈篙翦昨夜雨筠泛杯中星微醺更復起其聽倉庚鳴偶集不易常無負風日并

過壽昌寺訪于石

徑深若無人啟戶聞茶響蒼階挺碧英春光自來往蔬菓聊竟日蜂聲入書棧忘物病亦宜寡言理逾廣名藍多苦辛高座爭塵鞅相期覓空山結茅拾秋橡

斥鴳

斥鴳問鞞鷹胡爲競走狗將軍賜餘腥六翮難自有風

雪爲誰高塵埃過衰柳何如藐區區飲啄無多取辛苦
結小巢籬疏足相受春靜皎晨□□□□□□

某孺人挽詩十首

芙蓉託清沼蕙蘭依崇階君子慕令姿百兩身自偕帳
護青鸞枕奩開紫燕釵初日窗瞳瞳好鳥庭喈喈佳期
旣已協皓首有同懷

良人擅聲譽看花上林蚤歸來及小春鼓吹裂雲表白
馬鬣珠勒驕嘶願夾道帽拂飛蓋深錦蹙官袖小頗聞
傍觀歎叢鬣鬚正好

齊酒堂詩存

卷一

夫

四明叢書

約園刊本

綺閣方歡宴忽遭夫子病病久疑鬼神三年塵滿鏡剪
衣知身寒薦性審姑性隔江諸叔貧分廩將夫命中夜
禱星辰淚光與露映

醫效幸已奏官程復相迫聞說廣南遠登樓天一碧去
留心兩歧畢竟留不得慈親勉相慰赴官正烜赫離別
語無次前騶發西陌

汐浪兼風湧瘴煙擁樹昏鄉音幾變更驛路改涼暄蠻
女躡朱屐驟見兒童喧纔知入境近漸覺興從繁妾同
君舖糜無費民雞豚

初謂爲官榮誰知爲官苦欲惜小民貧頻逢大吏怒設
餐歸何遲日晨聞堂鼓徐徐察顏色挽帶七莫舉昨日
軍檄下幕府徵對簿

結綬及一載解龜幾二年羈棲減威儀歸計難自專丈
夫志遠大誓抑終必宣妾是兒女懷能不中憂煎扶病
檢釵珥爲君補官錢

參朮不相守魂先回故里耳聞慈母呼合眼見姊姒道
路阻且修遺骸累夫子尺帛裁作襪寸錦結作履別有
素羅衫留君貼身裏

春酒堂詩存

卷一

五

四明叢書
約園刊本

事君踰十稔爲君生此兒憐渠未成長夜寒其念之後
人畢竟賢妾死何復疑客途莫我憶強飯自支持啜啜
難再言瞑目長此辭

鴻影引悲風到鄉春又作素旄繞江干不復入城郭孤
憤寒食遲春草未肯著君子歸獨處燈昏啼鳥惡空牀
留畫樓合歡猶似昨

野鶴

野鶴依稻梁雞鷺與相耦自嫌情性殊翻覺毛羽醜小
奴擅啣蹴驅排下堂牖有天不奮飛屈辱更誰咎顧影

一長嘖曰謝主人厚世間增繳多樊籠聊足守

燕中除夕二首

除夕客中閒鄉風多相似惟有爆竹聲更入思家耳家
家備雜豚家家治菓餌非爲酒食忙一歲各終始燈燭
滿室廬兒童問衣履有婦出机盆有弟新窗紙獨少子
一人燒炬照桃李聽鏡歸已忘拜廚醉難起老親嗔亦
歡諸事貪易理予今滯燕中相慰得知己親心半夕間
往返數千里

擁被復挑燈半生多作客前後十一年他鄉過除夕卻

春酒堂詩存

卷一

卒

四明叢書

約園刊本

湖兵甲阻閩嶠烽煙隔冰雪晉王城梅花何遜宅追歎
杭寓頻少卽爲飢迫燕地茲三來尋常一醉釋一醉今
不能故鄉心咫尺仍焚井碓錢仍祝牛羊柵酒仍注牀
頭蔬仍刪芥隙獨予不得歸燈滅去年色熊館無誤蹊
林巢有定翻人生縱千年此夜宜愛惜白盡雙鬢絲鄰
家笑啞啞

過保定謁楊忠愍公祠二首

嗚呼忠愍公豈藉諫名重力學與古期奮身足世用干
城或借資偵帥寧弛縱投鼠折太阿抨弓殪鳴鳳竟絕

枯生琴空來虞帝夢早歲讀遺編挑燈一長恸况獲登
公祠衣冠儼生動苔痕翳碑文不忍成雜誦再拜起徬
徨久矣天瞽瞍

古柏生悲風城陰落寒照兒童知姓名赫赫先生廟時
遠宋玉招情殊賈傅弔破屣尙攜鞭短衣不著帽叩階
淚若泚非曰爲公悼一死酬明聖千秋礪忠孝自悲秉
微尙猶逐風塵道梁父誤高吟蘇門失長嘯將何答橫
絲生死同泥淖

君子行

春酒堂詩存

卷一

空四明叢書

約園刊本

冠何入李下履何到瓜田縱無整納意已處嫌疑間猛
虎貴大谷神蛟貴深淵曾是柏舟詠乃詠當墟邊子陵
自貽諠羊裘釣江煙縹緲吳市卒後世稱神仙

楊妃粉

有序

楊妃冢在陝西興平縣卽唐馬嵬地上出粉如
榴子雨後可覓一二樵牧積之待好事者云能
發閨人光澤友人從興平來見貽曰玄宗還京
時取蜀芙蓉粉改葬妃冢故精氣發越至今未

盡

雨溼杜鵑花胭脂久零落惟餘粉似珠不聽苔痕著客
過行躊躇春風吹綠蕪綠蕪含露白露晞時有無有蝶
似相惜去來飛不息明月照華清欲歸何處識啼痕爲
誰拭人間助顏色

燕窩種草

孤館春不到苔痕絕顏色命童向城隅移草種階側但
取枝葉青何須名類識灑泉濟雨露聊用寄胸臆少陵
惡竹口仲蔚蓬蒿殖凡物視所遇賢愚俱莫測幽蘭遠
笑人山深守荆棘

春酒堂詩存卷一

空四明叢書

約園刊本

傷草

孤負東風吹種草草不綠作客心蕭條對之增感觸黃
鶯啼未斷蝴蝶飛相逐人生娛目前莫自輕鄉曲買得
芍藥花膽瓶插隔宿根本既已推何勞照高燭草亦恃
性情各自辨榮辱

夏夜

夜深誰與語獨立喜螢來微風吹不覺回首羅幙開客
久心常悲地迴秋易催倦鳥宿交枝鳴蛩依露苔動息
各有情無使相驚猜□然聊掩戶庶幾清夢迴

十索詩四首

天上傳牛女秋期怨太遙長宵雲耿耿銀漢水迢迢不知何處渡從郎索鵲橋

花落春已去春留繡帖中海棠枝最好蕊色較花紅何意偏開晚從郎索春風

睡中忽笑語阿誰與郎共昨自茂陵來小字如成誦鴛枕不我言從郎索殘夢

博山安郎火沈水爲郎煎不愁香不發但愁火易然最好無多時從郎索未煙

春酒堂詩存

卷一

六

四明叢書
約園刊本

前溪歌二首

磁壺似拳小峒芥勝松蘿初飲香較好再飲味較多問郎將奈何

蹇驢衣褐短高馬衣錦裁褐寒面白皙錦豔鬚髮鬣難作兩心媒

寄孫海門

冉冉雙徑雲綿綿茗溪水一別經幾年聞公舉五子憶見長君時學步當庭屐今應已就塾仲叔更何似第五識之無膝上亂書史繞階春露滋蘭芽苗未已大婦祝

治蠶中婦視餹鯉少婦閒刺繡凝妝對綠綺調絲弄湘
管樽前復有幾文人請安坐摘髭白亦喜

起早

求衣日益蚤漸見老人態自知無一事百事若我待徘徊
步空庭矯首殘月在棲鴉亦已飛羣匹莫相背客心
警初涼秋先枕簟內三載遠羈孤悲筋動關塞聞道故
園豐村籬應鄰碓

偶作

悲哉久客心常若登古臺馬嘶衰草外日暮秋風來計

春酒堂詩存

卷一

六十四明叢書

約園刊本

拙行臧違志卑老大催孤燈照短髮欲飲還停杯

行路難

初謂芝與蘭豈知遂成棘初謂笑與言豈知中有蠖生
平矜去就機先不及色託故留餘歡將疏全夙昔最嫌
濡遲間愈使瑕釁積天地本至寬胡爲限門闕高鴻之
秋風鼓爾雞羣翼

樂城道中

雞啼三十里日出半平蕪行人聞語笑炊煙起村墟野
菊榮土垣新麥秀隴區牽牛花亦翠枸杞實何朱沾茲

晨露光顏色交敷腴愁心聊寓物誰謂秋意枯
鳴知店近延頸一躊躇行役有程期飢飽敢自居
解錢市雙餌分以慰僕夫

家書至

但得老親安他事無暇悉俯身叩蒼蒼泥水濺雙膝
從容及瑣細亦足暢憂鬱長兒強解事壽書索紙筆能笑
阿京頑覩顏問棗栗吾弟猶空房兩兒莫提挈補綻倒
鳳皇裝綿搜蟻蝨塾歸先命餐晨起先命櫛聞知頗次
第白楮抱卷帙四孺繞親前差堪半參朮雖受官租窘

春酒堂詩存 卷一

五十四明鏡書

約園刊本

猶欣家教率覽書若已醺殊覺意洋溢不厭翻覆看再
計封函日

仲廟

少年慕祿仕爲學不知道及受世變多勇於守自好又
因負米心翻得衣敝詣行役未能已覩顏過仲廟水足
亂蒿師牖啟喧魚簋恩瞻拜餘高檣半斜照

秋日

秋日暖秋風侵陸響禾黍社鼓走兒童我亦攜我侶黃
雀逐羣飛蚱蜢衝衣怒村翁出邀客冠服雨今古草舍

嘗尊卑祠神昵歌舞爲謝茅柴薄聊自答辛苦幸勿干
戈及猶得雞鶩數肯無俗輩嫌朴箸一再舉歌殘人欲
散斜日半離許頻約再來過神遊近南浦

雨過寶林晤又陶

命舟信早晴誤入前村雨取次問橋名程遙添多許忽
聞趁虛人雨歇喜相語推蓬一欠伸僕夫收篙櫓半角
青山呈兩樹紅葉吐澗水布行路溪雲斂樵鳴良朋聽
展齒笑聲先出戶登閣袖當窗撫牀書似堵筆研有餘
潤詩文見前矩不負會晤疏幽居足貧窶綠蟻傍瓶花
杯盤走牧豎何當作鄰並晨夕相千古

再登報恩寺塔

纔覺是中年登高萬感集此地況何地重登歷千劫宮
闕跡已平江山勢猶輯水將吳蜀收雲與秦華接念昔
禁登臨於今極層級但莫東北望北望心震懼羣龍護
風雲前岡啟閭闔紫氣蔥籠中不假松楸合稽首草莽
臣麻屨曳短袂似聞子規啼血染丹楓葉日暮客心孤
秋迴寒飈急振衣歸去來家鄉一指及

酒盡

村居萬慮捐日夕動寒吹抱膝玩空卮寂寞孤燈至鄰
無子美牆爐乏相如肆命兒進薄糜火足初停沸輒傾
三兩甌胃暖額微漬似酌野店醪醺然亦成醉凡物通
所窮庶將息憂悴朗吟元亮詩忽接高鴻唳

過族兄村居

可惜風日佳獨行商所適緩步歷前村不覺過橋北爲
喜無宿期探籬啟戶亟科頭除我巾拂几停嫂績自言
欲開樽睡罷意冥默得君來快談無暇問肴核小院半
竹陰短牆列山色委運芒屨外寄懷糟牀側相與敦弟
兄安敢愧飲食坐久各醺然煙林有歸翼

春酒堂詩存

卷一

全四明叢書

約園刊本

先塋種松

白雲縈谷中啼鳥無樹息雖餘寸草心不護新阡色古
人重廬墓定省同晨夕兒歎城市牽煩松代子職所念
數寸枝風聲領未得蹠向山神祈牛羊爲禁飭但有龍
鱗生清吹慰寥寂分與芝蘭陰驅彼虎豹匿灑澗潤松
根辭松日又昃

寄山曉二首

登樓撥浮雲雨外見太白入山每蹉跎望山常咫尺安

得凌飛翰爲予載雙屐村雨不到峯峯頭天自碧欲問
長庚星重作招提客

每作山中遊草草幾朝暮孤負山中人呼雲斷歸路要
當聽婚嫁勿爲尙平誤溪橋看龍起松陰分虎步臚瓶
謂流泉且與梅花住

灌庭花

兼旬無族雲汲井滋庭碧疏密隨天機重輕通雨澤原
資情性閒豈寄童穉役田居信優游世事互狼籍愧彼
百蠻勤勉予四肢逸庶幾俯生意聊用娛盤核不嫌濡
葛襟且一沾雙屐先後心兩忘貴賤形亦釋野棘傍蘭
蕙遭逢其憐惜籬外桔槔忙西崦霞又赤

飲酒四首

三日不調絃十指生荆棘三日不飲酒千峯起胸臆衰
年惜天真苦受塵事剋庶幾藉醉餘坦懷任語默既冥
陶令憂并忘阮公識咫尺武陵溪一片桃花色

娟娟頭上月脈脈眼前春盈盈尊內酒擾擾隙中塵胡
爲不斟酌戚戚尋苦辛柴門出跬步左右多荒墳斷松
發朝菌乳鵲落枯薪許史亦如此賢愚奚復論

人志苦難副錢鏗猶曰天始期菅與蒯後厭文與縞物
役竟何時魚膏愁滅早萬念歸樽醪村沽卽清醪俯看
庭階陰螻蟻列旗旄所爭蟲臂大廣武安足道

行藥罷杯罍自覺形神疏庭花落欲盡佳期客有無仰
見皓魄圓慨然傾大觚人生受有命豈聽倉公誣不聞
古列仙多寄酒家胡丹砂在醉鄉句漏何馳驅

今夜

西風以北來盛夏作重九前村雨氣集杳冥神靈走萬
騎捲煙塵銜枚恐期後登樓一縱目涼意疏高柳雖於
時今違取快聊釋負赫赫彼炎威何須及申酉今夜博
好眠呼兒命添酒夢上華山巔大嚼如船藕

夜人天童二首

山程半日腳寒谷易昏黃緩步淹同侶回首煙蒼茫鳴
澗爲我西歸雲爲我傍松行逼天窅聚此沙路光適興
極寂寞隨遇成徜徉但聞竹杖聲不覺人語忘門遙一
炬碧路轉殘磬長幽事寧易得人生自慙忙

夙約試新茶又失看紅樹私念行就衰苦爲塵事沮茲
行舟楫餘過嶺客暇豫危橋聽鴻來短策看雲駐峯會

暝色疑天陰落日誤但得此心酬何須歎遲暮翻如意
外來忽爾空堂聚隔簾聞雨聲隨客先後步

雪後

雪霽寒過雪空齋凡事懶平生憎附火擲筆聊命盥宿
冰檐瓦懸曉曝籬陰短日色風吹弱無力向人暖高棟
落殘子飢禽啄枯稈天運縱西北將窮氣逾悍亂世心
期平柴門行跡斷且問樽中醪今朝笑猶滿

詠晴雪

皎彼平野雪增茲白日光登樓快心目太素融文章天

春酒堂詩存卷一

七十四明叢書

約園刊本

寒消未盡留待月昏黃

送邵壻天來豫遊四首

春風搖柳色竚望征帆開男子志懸弧天涯輕去來虹
繞宓義壇雲生倉頡臺文字從茲始靈爽猶昭回登臨
神智長筆墨蕩塵埃採著五十莖移到家園栽

董生事下帷干謁良足鄙言念母尸養負米踰千里先
人敦實行結交無嫌疵庶幾解與推珍重遠游子歸來
述古誼光動甬江水松楸改荒阡燈火照窗紙

弱齡經事淺可知行路難所慰兄是借倚闔心稍安斜

陽驢背瘠曉月雞聲寒雖然道路間無異家庭歡人情
亦易量厚薄隨所觀須增先誼重孝友成芝蘭

我友爲子師隨師過我室我母屏後窺眉畫眼如漆遂
命訂婚姻光輝期異日礪志有前礪汲古有成緝咄勉
崇令圖老人言可必此行早還歸疑義就相質

柴局

坐久竹林靜不知斜日經微颺動層陰忽見西山青羣
鳥占交木孤犢呼迴汀惆悵激中懷高吟誰我聽夙心
營四方千里等戶庭胡爲自維縶歲月虛柴局

春酒堂詩存 卷一

七三四明叢書
約園刊本

夜登報恩寺塔

同僧然塔燈者

夕梵躋孤標焚膏開絳闕上帝憫昏矇須燈嗣日月百
靈肅駿奔岳鎮恭覲謁空靜異香生森然聳毛髮下方
雜入鬼歌哭總汨汨俯臨雲氣平中有雷電沒豈知咳
唾餘風雨過林樾星斗仍位置誰爲彗與孛江神驚火
樹疑自龍藏發何時獻寶珠層楯次第綴因感吾道窮
翻欣象教設願垂萬里光庶幾民隱揭

夜坐

就閒順筋力遺俗還愚蒙況當村居夕獨坐忘我躬事

物兩莫值此心安適從短牆過螢火誤落蛛網中拂衣
揮使去樹末來微風凡念無後先不知罪與功迢迢銀
漢永寂寂天宇空

王海同五十贈詩四首

十月響稻耬郊原氣瀟灑王子邀我行閒談代車馬古
樹覆草堂積陰綠苔瓦自言今八日屈指歲盈把家人
饌雞豚宗黨集杯斝咨嗟德業懸慚愧光陰瀉相與聊
一醉歌聲放中野不見道旁邱多是豪華者

早歲遘風塵委心耐耕牧茅茨闕鄰並鳥雀亂林木穫

春酒堂詩存 卷一

五三四明藏書
約園刊本

畢腊魚鮮租完醞酒綠豈無先人書時取就閒讀豈無
先人友時邀就醉宿亂世須事外中年貴我足適己有
餘天爐丹施窮獨神仙王子喬奚必託深谷

平生慕王霸蓬褐可自怡井曰欣有婦樵薪幸有兒投
來接功曹何用慚沮爲丈夫審行藏今古相推移驟駟
步周道蛟龍浴天池苟與嘉運會平津安足辭錦衾大
百幅梁肉豐如坻回憶牧豕日能無燕雀嗤

陋哉尙子平婚嫁苦自迫有山皆可遊何必嶽是陟聊
借景純經用勤靈運屐名藍留十旬虎穴假再夕信心

書已成證古理相釋山谷遂能言鬼神或致責愼矣靜
白雲無隨俗驅役與君訂醉盟千載等過隙

飲某人酒賦謝

夫子何高義傾身接布衣頓忘斯世法入座生天機醪
清輒自引杯醕如晨晞勸酬兩不暇疏野無乃非瘠馬
蒙一顧若脫車前鞵嘶鳴且振鬣仰看雲鴻飛所由縱
雄辯豈勿能脂韋大笑來春風列燭搖光輝銅壺漏愈
急庭馬嘶欲歸起行更復止月影收庭扉童僕各回首
從來狂客稀

春酒堂詩存

卷一

七

四明叢書
約園刊本

抱膝

我心似雙目不得著微塵安得託深谷桃花自作鄰流
泉何處去明月此中新邀客餐石髓看童煮茯神悟我
半生盤損茲希世珍形爲聰明役俗由毀譽徇錢鏗莫
再少薜華莫再晨抱膝養寂寞庶幾餘天真

盆花

盆花通畫理疏影合空階但得生蔥翠無花亦復佳清
泉貯蒲節白石壓蘭茝最憐柏自古屈曲與眾偕特將
枯枝挺似漢黃金釵驅雞引竹杖汲綆溼芒屨非爲耳

日娛聊用寄幽懷梓澤徒蔓草華林祇鳴蛙丈夫樂衡
宇莫問天之涯隱忍成自然願言心跡諧

筆山

依違燕市中久誤鹿門約几設石筆山素心聊是託雖
然不盈咫尺起伏餘洞壑疑欲長松苓似堪採丹藥清影
入硯池湘波浸衡岳寸管雲煙生由茲被寥廓

有會

常怪古名賢往往多羈旅諸葛廬南陽伯鸞備吳豎豈
不懷故鄉鄉人難共處貧賤狎見聞譏評倡僮豎況茲

春酒堂詩存 卷一

古四明叢書
約園刊本

海宇偏蒼天咫尺許鴛馬護殘鷺鷗雖嚇腐鼠萬里羨
鵬程隨風一高舉

壽歸一二首 有序

昔慧遠欲招陶公入社暫假酒律而陶公不應
意不欲以口腹示累邪子素濫酒名一日到天
童耆宿歸一念子竹杖芒屨十數里倦矣特爲
設醴不覺醺然雖愧陶公實感師意於其七十
也賦詩贈之

入山心似臥清磬釋我疲欣然望松杪白雲下何之一

師聞我來掃箒開斜籬樓道列棐几茶具羅素盤沾唇
驚酒味蓮社非所期爲言領道遠聊用表扶衰不覺遂
傾倒寧願陶公嗤古佛見仍寂階泉流自遲擁爐公靜
觀物外情其怡非魚識魚樂莊子濠上時

聞昔神廟間天童龍起螫石塔隨寸莛殿礎逐敗笠祇
有長庚樓不受龍威劫至今師是居古意餘晉臘檐走
藤勢矯瓦篆苔文合登臨含曉黛坐臥聽秋葉天童嗣
中興萬柱由此集法席旣與鄰宗風遂相接林受霜邊
紅石經雲處溼德同年共高茲秋方七十

春酒堂詩存 卷一

圭 四明叢書

約園刊本

發順德

挂策上驢鞍回身謝送者重收雙鏡高復駐庭槐下仰
視庭槐陰周旋過朱夏墜葉入我懷亦示不相捨人情
何太真古道在能假潑面西風涼隨客流泉瀉一笑撥
驢行初發健於馬天霽有程期裝輕覺瀟灑鄉路轉迢
遙霜髭復曠野

昨宵

驟謂窗月光已闌啼鴉過始知失寤期足此昨衰臥衰
年滯窮途百事警屢蹉尋常苦漏沈燈滅難起坐身似

鬢紫繭心如蟻旋磨恫恍睫或交輒聆母咳唾方欲一
問時鳴金響游邏忽復墜燕城四壁子一箇淚下莫可
揮安得雞啼破子午血不歸恐埋病根大何意承昨宵
披衣起自賀

不寐得六詩

孟德征遼歸意氣何瀟灑解甲覲朝廷賦詩接草野嗣
子開西園名王赴鄴下四顧羣雄平中原是誰者白日
爲我停漳流不東瀉豈知肘腋間冷眼有司馬

銅雀倚大河登之俯諸夏遙指未央宮夕陽伏吾下區

春酒堂詩存

卷一

五十四明叢書

約園刊本

區江介間何足關取舍自謂千萬春長此對歌者魏邛
有銅人西陵無石馬豈知柳岸陰漁翁賣古瓦

呂尙託天涯閱世成孤子但見海風來吹我雙鬢雪垂
釣鯉有神鼓刀羊無血擲瓊還渭水留與埃英哲那得
師與傳或是上帝設豈知商王頭受爾三尺鐵

東之困一第滿目皆年少得尉復何期聊以答衰髦綠
衫輿阜狎素髭大府笑馬騎齒亦長路遠日西照羨彼
三槐烏憑高相鳴噪豈知奮臂呼手傾武氏廟

二世本黔首一旦家天下帝皇貴少年堯舜總土苴長

城不度雁蓬島欲通馬大行何怱怱擲付沙邱野適意
須目前日月不相假豈知望夷圍卽詐扶蘇者

元載志氣人不受檳榔侮掉頭節度門拔足向西舉智
計掩羣賢恩榮注天字已逞飢寒氣欲就經綸緒爲國
謀禁密事成功亦鉅豈知欲調羹何用椒如許

後不寐六詩

伍員走間關吳天萬里遠意促人事違塗長白日短局
外俟專諸遷延耕野坂遙祝彼昏壽罪臣效繾綣雲夢
獵旌旗章華譙笙管行樂娛歲華相逢庶未晚忽聞築

春酒堂詩存

卷一

七五 四明叢書
約園刊本

墓門寸心集萬箭如懸天半身一旦繩中斷恐遂浮沈
已血淚日如滌人生止一身九原不得返倚耒仰天高
努力加餐飯

李陵陷匈奴留身力沈鷺皇天自鑒明浮雲爲我逝初
念君親恩後念交友誼耿耿太史公爲我墮宦寺寧可
梟竿刑那可蠶室繫念之不能忘中夜欲自刺拔劍上
馬馳擲劍下馬視坐索胡琴彈琴裂絃激皆登臺望五
雲此是天子氣春鴻從南來上林月隨翅不敢一矢加

聊用著我意

梁鴻何爲者羈旅守樵悴生逢中興時地與子陵異質
春形自苦著書心安寄細讀五噫歌腹誹何輕肆斯悟
彼先人曾爲莽大吏昔時著聲迹想亦中時忌否則一
匹夫奚煩物色至潛跡郊畿出冥心吳市避敢謂先人
非因以成我是勿爲海島客肯學髡鉗季嗚呼十八年
迺亦人心繫

王猛就姑孰委懷在江左眼如紫石棱難與其水火待
時無百年曉日又西墮壯心銷閒居素髭生獨坐柴門
人跡斷空山白雲鎖長往足優游恐負天生我四字塵
茫茫投身何處可屈指及苻秦疏闊不瑣瑣借之酬生
平此出知偏頗南望大江橫波濤日夕簸易箒有遺言
如花斯見果

羅隱非詩人志量營八極苟使生當時功視長源列朝
籍未通名皇途已薦棘區區一秀才矯矯慕宗國芒屨
走江湖寸管據胸臆已動諸藩聽原離當世責出身趨
時榮誰曰有愧忒而乃矢初心冥鴻不受弋竟用詩人
終二羅竊比翼光收日作星材斂棟爲杙長揖見婆留
賦詩無佞色

荀彧懷世臣子房期伯仲炎熾尙堪吹舍曹莫可共遂
而委一心決策藉天中庶壯高光圖仍朝川岳貢辟穀
謝松遊分茅食俸俸何期入佞言已爲九錫動大勢不
中立撫懷得虛夢追思本用曹茫然受曹用平生報國
誠一死白自訟生世苦違時行藏善守重霸業如轡馳
猶承市子斃

與友人話黃海岸先生死節狀

先生不受新令送
至金陵督金陵者

見而慰勉之不伏驅赴市下階次回
頭微笑舉三指指上座者其點頭三

佛理何浩漫天地無生沒誰能悟此心臣節於焉竭公

春酒堂詩存

卷一

七九四明叢書

約園刊本

久事蒲團微驗見倉猝負國羞爲僧報佛全於髮忠孝
事原平從容何激發微笑過顏齒無言勝段笏堂上竟
何人姓氏敢輕咄

獨酌得靖節傳誦之

獨酌以酬雨閉門難爲人忽逢陶靖節不知誰主賓志
趣何夷猶自慙多怒嗔獨念朱劉氏功勳非等倫司馬
豈宜後况蒙靈寶塵猶削永初年籬菊自成春更聞魯
連氏欲沈東海濱既係古諸侯帝亦何妨秦

春酒堂詩存卷一

春酒堂詩存卷二

遺書二之一

鄧 用 容鄧山撰

慈谿馮貞羣孟顛編

七言古詩

題桃源圖

桃花日日長作春，刁崖翠巖絕紅塵。甲子莫傳晉魏曆，
兒童皆是義軒人。秦始當年并六國，干戈處處生荆棘。
猶留此地種桃花，誰誇始皇竭兵力。何處漁翁不相識，
溪流有徑無心得。竟作新鄰，兩勿嫌白雲回首藏春色。

春酒堂詩存卷二

一四明叢書

約園刊本

珍重山中一徑苔，何堪晉魏人日來。秦皇後有秦皇起，
桃源更有桃源幾。煙水如通太守車，縣官簿吏催租始。
太守自迴花自飛，漁人再往莫再歸。

柳一歌

秋風不平庭樹多，寂寂天涯愁奈何。有客遠來自邗水，
拂鬢入座方微酡。往事有無書數卷，聞君一說如相見。
忠賢奸佞頃刻身，老幼悲歡婉轉面。塵尾拂處靜四筵，
神鬼颯颯白晝天。鐵騎金戈鬪未已，殺人無血頭顱圓。
山東大盜三十六，風雨齊生蘆葦泊。猛虎下岡驚酒醒，

少女擧簾叫茶熟李唐名將說姓秦手中雙筒翻蒼昊
觀者堂上色俱白繞電如何不見身聞君所說鼻息止
種種雄快皆如此河決瓠子宣防宮雨發桃花灑瀕水
忽遊燕趙多悲嗟戍樓鼓角風吹沙忽遊吳越子夜家
畫船小語理琵琶筆有吳龍後顧虎史有馬遷詩有杜
從來字法亦在中擔夫爭道公孫舞得意之時萬慮除
眼前坐聽人若無眉目耳頰俱作口神情猶覺閒躊躇
且留未盡日欲沒罷起茫然心恍惚對酒與君重細論
少年事過何倉猝自言荆楚昔用兵百萬旌麾斷客行
我曾叩閤入長揖將軍大笑收銀箏每當勒陣須與戰
東甲索聽三國傳聽到淋漓偃月刀翻身上馬抽翎箭
將軍弄兒攬我衣催我再說將軍歸誰家女婦太白皙
有賊俘縛俱魁肥是時眼熱雄心起奮身夜劫紅巾壘
積級因承金紫恩回首滄桑今老矣

閩市歌

市中物物賤如土幾聲北語當錢數荔枝正熟血色丹
百顆值錢二百五倒纓背帽來何許飽啖荔枝吞復吐
豎子癡愚輕索錢舉筐一擲滿街雨眼光左右射人紅

橫刀怒入旗亭中

孟蘭會詩 丁亥閩中作

鐘磬聲中設梁黍老僧高座鬼相語陰風吹火火色青
唧唧如聞呼爾汝前日城南戰馬還犬噪烏啄齒骼殘
幽魂夜過吞聲泣血腥兵氣衝人寒敲鼓僧雛莫太急
恐疑令下前鋒合怱怱曳劍裹創行欲食不食拋殘粒
年前烽火靜乾坤剝棗烹羔稱酒尊但見座中多皓首
那聞天上走飢魂飢魂逐霧霧無影可有妻兒望鄉井
今宵庶藉老僧慈灑然歸去忘悲哽民間久斷炊煙青

春酒堂詩存 卷二

二四明叢書
約園刊本

斗米二千死滿城未死之民羨僧鼓願求爲鬼沾殘羹
燭低漏轉鬼逾集偈窄庭檣排不入雞又欲鳴可奈何
草頭露映星光溼

閨詞四首

風風雨雨垂三月幾日晴光啼百舌但怨桃花容易紅
不怨桃花容易歇侍女聰明亦感傷漫將鍼線教鴛鴦
只描舊譜寒梅瘦蜂蝶何須到繡牀

簾幙重重深院睡微風不動梧桐翠卻噴螢火向黃昏
竟自窺人到階次聞道採蓮女似雲笑將綠葉映斜暉

嫂得蓮房姑得藕不知湖水溼紅裙

蘭房夜夜忙機杼促織聲聲爲誰促百丈霞飛曉鳳丹
千尺龍蟠春水綠黃姑錦梭休未休瓜菓慚登乞巧樓
只信嫦娥能獨守何曾天上有牽牛

淡淡斜陽轉窗去雕檐瓦雀鳴相聚從來不解惜紅顏
今歲光陰又將暮象口香銷火漸微風吹翠袖雪初飛
空階獨自看脩竹侍婢賣珠猶未歸

飲劍津上

停橈劍津上瀝酒呼蛟龍蛟龍既去溪水空但見燕子

春酒堂詩存 卷二

四一四明叢書
剡園刊本

翻春風篙師搖手放船去雨腳不遙垂白虹

行路難三首

擲卻杯中酒明月何須有焚卻几上書古人功業名姓
虛千年心事一夜歇三十未滿頭盡白

芳草化荆棘尋鋤柄未得雨露何苦辛從今以後莫勞
春男兒翻似天隄女有約不來無處語

寶刀無地葬空一對之心惆悵低頭無語守蓬蒿瓦雀
斥鴳聲嘈嘈人生七尺不生翼何用蒼天如許高

漁父詞

夜倚青溪月朝發青溪煙隨風吹轉釣魚船閒看鷺鷥
忙不及如何賸有信天緣

樵夫曲

雜木皴無力松木皴有膏留松莫貪薪價高猛虎年來
相識熟閒眠石上聽松濤

古柏行

海昌寓

古柏古柏何年栽風霜不記人去來垂枝斜拂數十尺
似欲接引牆西梅寒煙浸染蒼天色傲骨肯改深山苔
老成肅穆生靜氣松濤慚愧多喧厓樹杪枯枝亦屈鐵

春酒堂詩存 卷二

五四明叢書

約園刊本

春光不得輕著檠從來譽畫日似真譽真翻云如畫筆
此畫天然對小窗無煩裝潢懸書室有唐韋偃久難傳
愉悅於今覲真跡我來客此心自焚爾胡亦失新甫雲
雖幸免遭斤斧伐那能得棲鸞鳳羣人生會聚良匪偶
結友今朝始得君時將月影來相問玉杖蒼髯共夜分
覺苑盆魚歌

僧舍檐餘方丈天盆圍清水碧生煙雙魚出沒鱗鬣好
梵唄同聽已幾年三更明月依萍暖一片飛花吹沫圓
細微竟識人倫義比目胡爲鱗獨傳其一不知爲誰取

一走徬徨莫告語觀者錯愕正咨嗟飛擲階前血如縷
恩恩扶杖入盆中是夜竟枯盆外土宋王臺上韓馮妻
衛尉樓頭綠珠女我作此歌悲世風隔雲哀響送孤鴻

江千曲

長江竟天碧來往襄陽客樓頭少婦捲簾看笑指孤舟
不盈尺低頭忽憶送郎行同此片帆風半席

東渡門

有序

郡城東渡門三字係張公卽之書甲寅間爲修
城者易去予過驚惋作歌

春酒堂詩存 卷二

六四明叢書

約園刊本

東門門勝懸百尺先輩卽之張氏筆波磔瘦勁何老成
粉漆屢更神未失曉日影射江濤流蛟龍暗過驚銀鉤
憶自少承吾父指每行回首復遲留永寧觀碑姿羅石
華陽譔銘吳畫壁從來筆墨壯山川千載猶能增氣色
昨過東門忽黯然平淮舊刻重磨鑄於今更乏文昌手
層檐飛甍生赭顏我聞張字能祛火人事天心或相左

醉芙蓉

有序

木芙蓉中另一種朝瑩白午漸紅傍晚丹矣

春酒堂下木芙蓉花如凝脂取次紅主人酒意與君似

所惜烏榼尋常空曉風吹醒斜陽醉綠葉含情共扶持
淵明太白及嵇阮千載之人聚此地生世不諧莫自豪
只圖長醉看天高黃翁家在堪一宿爲問茱萸灣尙遙
羨君有酒多如許更羨陶然默無語花神合拜中山侯
栽培須用趙州土對花輒欲開芳尊解衣質錢那復論
天上晴霞映秋水草堂客散欲黃昏夜深爲爾擣燈照
主人潦倒莫相笑

君不見

君不見丹山鳳凰來分棧粒又不見青田鶴倦來棲阜

春酒堂詩存

卷二

七

四明叢書
約園刊本

苙既已混跡隨所遭胡爲顧影矜羽毛低顏拜語猙猙
者明日風輕謝爾曹

游敬亭歸墮馬

夕陽倒影飛鴉黑上馬馬嘶慕歸息正喜西風吹酒醒
忽爾騰鸞失銜勒恩恩賴有山雲扶拋擲平沙小橋北
可知良馬能愛人咫尺巉巖蔽荆棘憶昔冰天入太行
斷壑崩崖爭頃刻垂鞭細讀道旁碑回首征鴻數幾翼
南歸十載狎輕航控縱鞍鐙漸無力從來顛蹶防坦塗
天意爲親相戒飭況復筋力隨年華拊髀因之泪沾臆

扶僮一笑須醉眠沽酒那須三百直我念敬亭好秋色
李公去後久寂寂楓林纔覺今日丹溪水重流當日碧
此生豈合快人意快意便應寓憂惻千年勝蹟繼名賢
墮馬傷腰痛亦得

題畫鷹

野鷹合向海天出萬里搏擊鳴鴉絕胡爲矢志就羈縻
少年臂上分鬣鬣搜身側眼空作威紫燕黃鶯自在飛
誰能拔劍斫條索縱使一奮生光輝所傷畫裏條難解
堂上秋風日相待無端惆悵欲成癡忽悟丹青偶瀟灑
君不見僧繇筆底龍矯然一點睛時雪滿天

佩刀歌

旅中醉後多悲涼客出佩刀三尺強一片寒冰消不盡
腥風拂面肌生芒燭光相射如欲舞鞘裏有偃自相語
此刀曰是陳氏物曾據上流割荆楚金陵武庫數百年
塵埋不敢衝星躔乙酉五月江無水奮身擇主來周旋
凡物行藏有時在今古英雄互成敗昨日殺人過手輕
因思是人死亦快我聽客言起看天隔江礮火入城圓

蒼南歌

丁亥九月

老南無徑蒿結實巷北無人狐吮膝獨行心怯步懶前
牆下棄兒聲窸窣昨朝傳說城西偏生縛婦女須臾間
頭顱在缶聽箸響兩脛揉鹽挂竈煙更說誰家收穉子
牀中次第廚中死皮骨輕脆不耐薪妻道依稀羊味似
向聞兇豫崇禎年盜賊飢荒相後先不意三山今見此
黑雲慘蔽蒼蒼天從來三山稱樂國今歲秋成亦豐熟
城外斗米值百錢城內百錢升不足礮石如雷聲愈蹙
來朝難得聞啼哭

葉千戶歌

卷二

九

四明叢書
初園刊本

七里塾前唐肆涼耕夫牧豎說戰場遺鏃土深猶見育
殘燐血久漸無芒依稀嘉靖登三紀彗星夜照蛟門水
颶風拔海鯨鯢驕蜃氣結樓商賈喜島奴既富且輕死
將銀作錢爛熳使自幼鑄刀長過肩用之跳躑力在趾
東南風聽奸民呼連砮百民捧一奴自恨脫巾無幾日
額痕黑白難模糊時久太平雞犬樂人不知刀寒且薄
頸嫌一死容易落設法殺人資笑噓畫扇映眉垂髻偏
斑衣半肘無帶約大官白晝護城鑰村女村兒愁井涸
百戶葉姓爵亦卑慨然募士揮家資夫人卸珥助牛酒

曉角發聲親進卮吳鉤雙試白虹舞平日所長今得時
首盤犀革護星斗腰束組練函虎貌出門勿復一回首
郭外浮梁已斷久百戶叱纜渡人過前途我去賊何有
是日黃沙天慘色七里墊橋恰遇賊奪橋大呼賊陣搖
手內縱橫刃成翼若教百戶今尙存自述戰時應更悉
陣鼓不繼聲漸衰賊愈厚集爭喧逐秋鷹獨入浮雲重
羣雀空噪遙徘徊百戶竟死不復回賊心亦怯傷其魁
誰謂大唐無勇士捲旗莫再此中來夫人招魂無佛事
忠魂在天不在地挈兒身到戰場中滿樹驚鴉不下翅

春酒堂詩存 卷二

十一四明叢書

約園刊本

但願賊留得遇刀妾攜肝腦作君被五月十九候正墮
百戶顏色如生存仰臥直視雲欲裂夫人忍心手自捫
頂劈及喉一尺外痕深翻見皮居內左領先拆斜過咽
右肋露衣矢半在旁觀嘖嘖撫背創揣摩戰時何激昂
夫人抱首如補繡紉首續身鍼線長輿前裊裊靈旛竹
共指家居北門曲始祖古皖潛山人立功洪武蒙傳祿
百戶三十有一年少小飲博騁市廛常時語客輒自許
朝廷養人思未然更有韓綱稱寮友次日亦死樟村田
公道十年贈武略世世相承千戶爵及今孫謙念祖忠

竟日一餐守寂寞向予乞作千戶歌歌成漚酒墊前波
今夜墊前聞嘶馬陰燈斗大雲中下

登閩還珠門

行行重行行徘徊無所之中道何崔嵬霸業千年遺憶
唐遘陽九王氏裂偏陞重關擁貢入從容遂我私妖女
承恩號貴嬪健兒矜功賜錦衣暮宴長春宮朝遊釣鼇
磯殿上進觴稱萬壽不知吳楚山川更屬誰朝遊釣鼇
磯暮過螺女涯絳旗繡帳三百隊不知是何一隊君王
歸轉眼知幾日繁華水自澌但留數尺城郭在不知春
草綠似殘唐時白頸鴉啼啄廟吻短尾狐來坐神膝憑
闌俯仰寂無人塞馬招羣嘶落日

寒夜七歌

甲午作

老父挑燈坐窗北拈髭長歎無多黑圓蔬甲短黃齏酸
杯酒易寒爐又熄昨宵雨溼牀頭書今日天陰曬未得
我欲一歌兮歌無聲誰家笙管亂初更

老母勤劬六十外手汲井泉洗蠶菜鍼眼頻穿線腳羸
夜深為兒續衣帶瓶中粟淺鼠笑人廚下薪空小婢懈
我又一歌兮歌聲低庭樹慈烏未穩棲

殘燈殘燈聊共語風來敗壁難爲汝膏油一夜計一杯
三十餘年六斛許煎迫我心如萬炬結花結蕊不成黍
嗚呼三歌兮燈漸青茅檐捲處下數星

故人屈指亡十年風雨孤墳野水邊至今塵滿空房鏡
線帖猶賸殘花鮮憶昔客來倉猝間雙珥除添酒舍錢
嗚呼四歌兮鬼車咽擁坐布衾寒似鐵

有弟有弟髮初亞幼未解愁心自暇我將貧賤貽累君
燈火莫從鄰壁借昨日僮奴扶病歸自挈小瓶問酒價
五歌未訖兮驚雁過慕稻梁兮路遠何

春酒堂詩存

卷二

十四明叢書
約園刊本

有妹有妹未卜歸練裳窄袖無光輝荒園牆角梅花放
欲折一枝愁出扉肯把殘書夾鍼線還爲小弟補舊衣
我歌又六兮更漏墜金剪隔窗母未睡

江風江風何太急破屋數間如欲揖門牡不受兩參差
黃鼬捉雞公然入嗟嗟小醜亦相欺靜裏觀之學人立
嗚呼七歌兮歌已終披衣起望天之東

風雨

半空萬騎相奔逐倒捲江河愁地軸大白小白千峰摧
何況區區梧葉綠老樟自言百歲木猶守烏巢強不服

我上高樓欲問天夏來大旱何其酷前村兵過醉未足
笑指風雨須借宿吹薪薪溼翁嫗哭翻憶旱天天錫福

過露筋廟

箕社湖過散晚霞村南古樹落羣鴉
驚師遙指村南廟欲上不得風帆斜
惆悵回首但煙水蘆花飛白蓼花紫
望盡蘆花山色青魚鱗波細來湘靈

赤壁圖

曹公橫槊江聲斷隔岸旛搖報降款
不信巢湖美少年手招天上東風轉
片石崔嵬映晚虹江頭何日無東風

春酒堂詩存

卷二

十三

四明叢書

續圖刊本

自從鎖沒鮫人室炬火千年不復紅
龍驤以後幾擒虎空有江聲如戰鼓
烹魚煮酒一舟來野鶴橫飛月過午
我聞赤壁在樊口江山不屬黃州守
霸業當時百戰爭卻輕移過文人手

桃葉渡歌

秦淮春水生綠煙兩岸垂楊影拂天
畫闌曲曲珠簾押美人緩坐彈鴟絃
花鴨唼花隨楫漾袷衣年少乘新漲
無端風引笑聲濃停卻玉簫空竚望
何處鶯啼不相傍何處蝶飛不相向
偏於此處倍增憐欲渡未渡如惆悵

依然明月送江流曾送當時人渡頭渡頭只聽游人渡
莫聽青春渡歸去

金龍廟神絃曲

羊角風旋馬蹄疾鐵鞭打雲聲似裂隻手拗卻黃河折
雨工倒咽天門雪臂鎖金環獸面齧冑吞火珠龍爪掣
綵旂陸離盤屈蜺部校鬢鬢立朱髮左手扼蛟蛟吐舌
右挈吳刀梭帶血殿前勅字金書碣刲羊擊豕肴蒸列
桂酒椒漿瓊精潔管調北里歛再闕楮帛焚灰上斗稅
昨夜神游馬似鐵來往崑崙爭電滅新隄又報千尋決

春酒堂詩存 卷二

十四 四明叢書
約園刊本

贈別 與陸子桐鳴

桐園芍藥知客來風雨未歇密窻開桐園池水留客去
荷花先發近人處問爾草木何殷勤曰承主命來慰君
人生歲華良倏忽安得將愁誤花月明朝流水憶青春
落日異鄉生白髮况復聞君欲首塗渡江風大塵滿鬚
衰楊野黍驛路闊驢背馬蹄村店疏此時應念桐園雨
我主扶屐攜尊醕此時應念桐園煙我主試茶親煮泉
何日重來莫相忘臣藥臣荷各無恙

翁寓放歌

對酒不醉君胡爲驚濤潑斷天之涯秋風颯颯茅屋淺
主人蠟蒙袖雙捲我輩不解禮數多盡此一杯當爲歌
借爾左肩敲作拍楚音半與越音和高談今古人不一
昔有太白飲無匹遭讒下獄漢陽城依舊擎杯喚明月
家種青蓮一旦開君王傳詔憑闌催拜跪倉猝亂花影
襟裾沾惹亭前苔袍賜蜀錦兼賜酒醉扶力士筆如帚
是時捧硯有楊妃一笑不知墨累手人生處困莫自疑
旦夕更番似奕棋留身未死應有時對酒不醉君胡爲

玉鉤斜

春酒堂詩存

卷二

十五四明叢書

約園刊本

芳茵何處埋宮粉只聽鶉聲何處緊偏爭此地蝶飛多
舞裙湘裙消不盡綠火無煙何夕陽流泉鳴咽卸迴塘
遊人拾得金釵去轉眼重看是野棠

伍相國廟神絃曲

杭吳山上

江流不盡心不平片石猶賸吳爲名銀鞍亂捲素霓旌
甲光磨盪鷓鴣瑩手揮萬騎擣西陵白雲推擁南山崩
蒼旻撼動雨又晴龍沫蒸日日氣腥秦王虎臥六合并
閒來駕石騎東瀛到江蜩縮威弗行鐵笥空留繡澀生
定山山神袴褶迎餘怒猶作豐隆聲歸來颯然庭樹鳴

東光道中

驢鳴大道口來往俱苦辛日暮揚鞭急忽聞鄉語真相
逢正欲一相問又擁黃沙不見人

三月并州雪

三月并州莫信春北風不斷吹黃塵曉來風息雪暗積
瓦雀聲絕飛逡巡憶昨階前望枯木童子驚傳小草綠
咨嗟綠自江南來路遠已爭三十宿太守隄外社公鼓
祕監祠邊鳩婦兩紅袖招將綵蝶飛青帘引得柳花舞
此日斑魚上竹斂此日斑筍出籬斜蕩槩憑闌雨亦好
雪風獨委天之涯天涯爲惜春將老且將春雪作春花

春酒堂詩存 卷二

十六

四明叢書
約園刊本

晉陽寄韓聖秋燕中

朝策鄜亭馬暮頓樓桑車忠恩一回首無地堪修書朝
登石室望暮倚天門歇修書久莫寄封書還自發寄書
莫寄黃金臺黃金旣盡徒蒿萊獵犬追兔雙皆赤何處
一奠昭王杯寄書莫寄桑乾月流水太急月易缺杜宇
止在江南啼誰問西山花似血寄書莫寄荊州君大篇
隻句天下聞結客破家二十載只今瘦馬隨時人報國
寺松雙樹亞開元父老談閒暇遊人過盡生溪風一月

幾回步其下嗟嗟去歲入燕關鬚斷霜天衣袖單投旅
愧人問何事南裝倉卒多勞看衝寒買驢強造謁撲面
塵埃路交窄右讓雕鞍猶未過左輪摩膝讓不得下驢
呼僕牽驢行大宅華門多送迎紛紛云是貴長者延尉
丞相將軍名黃色狐裘貂色紫上鐙下鐙知誰氏相逢
垂手點頭偏斜鞭直入明光裏我一見之但惆悵故交
茫茫戶南向闔者如帝懶作鷹張鬚挺腹形軀壯冬陰
何短歸路遙獨君倒屣踰久要出酒坐對燭花落階
已白冰花高燕關五十有一日半在松間半君室尋常

春酒堂詩存 卷二

十七 四明叢書

約園刊本

減米寄青錢雨霰市中增成直臘之六日有晉游前一
夕半猶我留出卷索書併索畫醉深捉筆同乘舟次晨
馬向橋東度不及呼君君尙臥蹠踐踏轉郭門西胸中
君與松交互朝策躑亭馬燕樹羣鳥下暮倚天門歇燕
雲雁飛沒三春青草不到階夏五燕子空歸來泥巢難
著橫梁粉辛苦與雀爭虛仄江南白苧試新澣今日披
裘寒色滿只看氣候甚參差驚覺故鄉程更遠所慰主
人情殷勤樽前時時說及君囑君頻上慈仁閣爲我遙
望太行雲

憩長平驛

車馬日計程行勞心轉急見說古長平能不徘徊立傳
聞每夜叫鶴鷓詞客從來賦箭頭陰風白晝潑人冷何
時一廟存荒邱廟裏長戈猶在抱四十萬軍同草草千
歲骷髏丹粉裝當年雙眼啄飛鳥山中葉落還復青秦
趙以後幾戰爭新鬼嗷嗷故鬼嘿世間處處有長平

覃懷道中

一出太行別一天邊風不到聞流泉夾道晴光搖樹影
馬蹄踏影如乘船兩年汾上黃塵起三月雪從八月始

春酒堂詩存

卷二

十六

四明叢書
約園刊本

移觥特賞草青青蝶亂鶯啼歸夢裏今朝重入夢中春
先見梅花似故人

程奕先見貽蒿酒

北風十月搖山閣獨客夢回衾漸薄若不醉酒夜逾長
孤雁聲中乾葉落今日倚闌空夕陽遊船歸盡湖蒼茫
叩門者誰程子使手抱一樽傳主意主人念客山中寒
樽上泥封蒿酒字歲乙未秋何處天曾飲此酒心陶然
漂母祠前坐淮雨楚王臺畔泊湖船屈指數年等信宿
人生失意徒碌碌徑深葉滿待誰來爲爾攜杯對晚菊

漢張桓侯故里 過涿州作

曉霧凝霜枝上積日午霜墜飛如雪馬鬣結冰人結鬚
蹄聲戩另語聲噓我亦擁肩寒透脊忽驚侯里大書碣
桓侯昔日逢雲雷君臣契合從蒿萊巫峽巴山路幾許
靈旗夜火魂歸來龍蛇古壁新丹堊再拜庭階百感赴
風塵滿眼一身孤不識樓桑在何處抹額環衣髻作怒
帳前依舊長矛樹念侯千載常若生上馬不知寒已去
口占爲驚百母舅五十

二月十二花滿堂好花映酒杯輝煌丈人五十髮未白

春酒堂詩存 卷二

廿九四明叢書
綉園刊本

彈瑟調絲殊未央有子繞膝孫繞砌萬事不憂忘俗計
輕雷忽聽昨宵過籜龍欲長千尺勢門東高馬門西車
小子亦得趨前除吾母與公共曾祖諺語舅氏無親疏
行人欣羨聲不息羨公孝友重鄉國千古丁蘭何足矜
黔婁空擅當時名徵書久下不就道笑指天北飛鴻聲
從來孝子必壽考無勞漫引蓬萊島年年二月十二朝
及至百年甥亦老

謝貽瓜

六旬赤旱野草白安得此瓜蒲鴿青我昨飲酒三百斗

又苦天熱喉如蒸，纒懸金井沈寒冰。剖食不啻仙漿凝，
食瓜感瓜贖瓜子。年年種瓜足湖水，聞道南園種百花。
秋來棗亦大如瓜。

贈郁素脩

近代篆刻文字名，神廟間有何長卿。年來齷齪不足數，
垂珠切玉空縱橫。纖巧側媚古法盡，增減點畫時人驚。
薰江郁子髮蒼白，胸有六書腕有鐵。置身直躋三代初，
鐘鼎尊彝化作石。審多配寡意躊躇，迸然落手若冰釋。
昨日攜琴到草堂，爲予名氏鑄圖章。小者如指大者寸。

春酒堂詩存

卷二

二

四明叢書

續園刊本

一時筆墨生輝光，嗟嗟人生要須功業顯。山椒勒石無
苔蘚，筆墨小技安足矜。真僞空留後世辨，窗前埋首成
蹉跎。行欲老矣天奈何，君耳竟聾微笑多。倚樓注目飛
鷗過。

濟寧甘節婦

白日亦有晴不釋，幽壑冰春風亦有力。不消陰崖雪甘
家節婦六十年，抱雪作衾冰作席。六十年中四十年，四
十年前幾晏然。庭中金井晨窺鶴，堂上華燈夜擊鮮。盛
衰轉眼風波起，村谷漂搖死夫子。留身營葬手卒瘞，斬

髮髻顏中自矢茅檐方丈照寒燈影合孤形透漆屏移
鍼拈剪復拈尺木几刳滅無餘棧繡花易米春成屑和
淚煎糜糜色赤六十年中四十年夜夜驚烏啼屋脊

園丁

園丁下菽子日久無苗生驚看鳩觜利撥土能分明童
子斬竹學飛彈時一中之毛羽亂快心爲報草木讐觜
中菽麥誰能判我適見是生悲傷何爲有翼來籬傍昨
聞猛虎齧人子白晝仍坐南山岡壯士挾矢遙相望割
牲瀝酒祈虎偃彼鳩有雛雛待乳留與天旱喚天雨

春酒堂詩存

卷二

三

四明叢書
約園刊本

西湖放燈歌

甲辰正月十五晴父老喜卜秋有成少年欲祝斜陽落
讓月早向西湖生西湖鉦鼓催月起先照孤山一半水
樺炬絳紗分隊來寺南篙櫓齊聲開月旣愈高燈愈集
舷上波心兩相答金波不定燈影長濯錦江中錦萬匝
段橋何人呈百戲角觚未終煙火熾分明黃菊綴秋風
倏忽垂楊春拂地梨花滿隄白雪飛東君無暇爭芳菲
遞手繁華頃刻事旁觀過眼矜光輝龍宮睡穩疑驚寤
鶴鶴翻飛呼宿鷺鮫人各獻夜光珠塔火幻成多寶樹

衛尉倡傳紅玉甌將軍僮擁紫貂裘高喝雄盧聲莫辨
南屏應轉北峰收是誰調揭伊州曲絃索指低斷似續
十里湖光忽悄然纔聞漏箭三更促隔船兒女懶聽歌
笑指湖中燈若何初擬眾星隨月大更擬蒼天月太多
獨有聞人心轉澈紛紜世局誰工拙只看燈影動湖波
水火相爭概虛設君不見夏旱及秋禾半枯妻離子別
完官租卻得元宵一夜樂人間始信有西湖

自憎

悔不當年竟作僧一瓢一衲一枯藤強隨俯仰心自憎

春酒堂詩存 卷二

王四明坡書
約園刊本

罷卷停毫無說處卻將白眼罵青蠅

自武林之餘杭宿凌將軍廟

四十里丹溪漸窄前山雲黑蛟龍白恩恩恰得將軍祠
電火亂劃蒼天坼鄰友爲我開酒樽鸞打入杯和酒吞
將軍高坐嘿無語當年事業風雷喧夜深雨散掩門臥
殿上弓刀謁軍佐旌旗甲隊神出游閣中醉客舫聲大

醉臥宋氏別業

迴廊曲徑疑迷路滿院屏花氣如霧杜鵑昨夜喚春歸
誰道春歸歸此處主人出酒忽聞梅幾年前傍惠泉開

粉蝶親簾欲入座先有游蜂到酒杯引杯連飲不知數
如何客散如何暮彷彿殘燈照我眼醒驚鳥語誰家樹

游餘杭破山詩

忽聞破山名爲揣破山意積石旣破黃河天瞿塘復破
長江地何處山川非破山白雲安得桃源寄姚子端木
約往游芷孫治楹操小舟出城東北將十里一路桑陰
鳥語稠橋外見山非破山破山卻隱魚山灣參差卷石
合位置似斷似續泉潺湲有戶爲誰構有窗爲誰竇有
室爲誰深射隙天光仰如甃一泓劍池割虎邱三分赤

春洞堂詩存 卷一

三三四明叢書
約園刊本

壁移黃州崖裂不裂松根怒石崩不崩蘿蔓愁乍看一
拳若尋幽費芒屨別指隔岸疑有橋忽聞人語疑在關
是日雨意晴微雲午照輕主賓其十子脫略無壘搜御
冠冠危石解衣衣垂藤攜手分隊各隨意已復聚會山
之亭杯盤更兼筆硯置或飲或否無行次眼前惜乏願
虎頭試畫畫圖千古事北門孫子面屢昂促眉揚睫鬚
半蒼高吟起坐引紙長似得好句憂遺忘同吟張子大
鼻赤持杯未酬摩眼逼董子近覩殊更劇欲拈櫻桃誤
雞肋趙子俞子坐接茵一如虎踞一鶴馴聳肩雄辨者

雖客側耳汪疇者吉人宋子充肥與趙倫闕頤似有物
未吞舉籌隔席呼周子借爾勝負傾此盆端木埒鬚音
帶楚芷孫吹爐命童豎破山今日得姓姚萬物從來無
定主會中沈毅最少年白晢邵子臨風前自言展齒已
再到踏破破山山徑煙別有狂客足蹙蹙數莖黃髭一
齒折此身似與破山宜五百里程寄蹤跡人生每蹉跎
勝事不易多此山亦已久往哲誰經過風雨莓苔剝姓
氏我欲高處重相磨丈夫所到壯山河不須陟岱登岷
峨山若有靈應自喜奈此夕照催歸何其返小舟相壓

春酒堂詩存 卷二

十四四明叢書

約園刊本

波
坐到城竟帶山雲臥更深雨注霹靂驚打落前山山更

楊千波過寓樓

嘿坐不言俗客下小樓忽得風瀟灑葛衣喜見子雲留
縱說詩文我心寫人生難得穎悟資努力愛惜青陽時
從來得意人多誤翻幸遭逢未有爲君更頎然日如電
今古高卑了了辨時尋寂寞一相過料子胸中無背面
近日少年多異才王楊盧駱紛紜推自嫌老大雙蓬鬢
仰看燕雛飛去來

董孝子廟 有序

東漢董孝子諱黯與王寄鄰寄不孝二母相見
各言其子寄因毆辱董母至死孝子伺寄母卒
且葬乃斬寄祭母章和朝兩以諫議徵不就至
今慈谿之名因之廟在郡城南五里董母墓傍
古祠傍墓草綠墓上從無過黃犢夜夜祠中起白雲
來繞墓門半枯木祠中雙詔空高題當年不候早朝雞
孝子名非孝子意至今汲處稱慈谿慈谿水清依舊否
遺事如新滿人口斬讐待讐喪葬終要使人知各有母

春酒堂詩存 卷二

三五 四明叢書
約圖刊本

行人過此且暫停珍重聽此啼鳥聲

石將軍廟 有序

廟在郡西五里將軍卽諱守信者宋建炎時楊
沂中高橋之捷將軍出助陣廟中樟葉皆爲兵
卒云

猛炬參差不到地野曠黑雲擁甲騎村翁夜起逐狐狸
大巖分明見石字古樟昔日驅雷霆至今鬼血隨秋螢
功成身退不言祿國史只爲沂中名孔明廟柏湘祠竹
行人莫打啼鴉宿八公山上無限青纜及庭前半樹綠

村村社鼓賽將軍滿眼田禾耕復耘樟陰六月濃如潑
風雨陣頭驅旱魃

重作伍相國廟神絃曲

春花幾紅霜幾白雁背蒼蒼燕襟赤劍池水寒虎氣熄
文種墓邊生野麥眼見錢塘江水窄日月千年同一隙
折芙蓉兮采綠蘋薦羔羊兮膾鮮鱗相國來兮馬似銀
醉醴酒兮慰我民指揮潮神無怒嗔來往舟楫多苦辛
平波安穩鷺鷥碧遠浦漁歌一橫笛

行路難二首

春酒堂詩存 卷二

二十六 四明叢書
約園刊本

緣山彈野雀野雀高飛空日暮歸家不見柵中雞黃颺
隔離蹲古墓勸君擲彈聲莫喧北風氣酸虎下村怒吼
厭食羊與豚奔走山神偃打門

瓦雀與雁婚誰能爲媒灼桃花與菊盟誰能證然諾一
石溪流一斗杭一升麴蘖春醪成媼母當爐唱渭城手
摘野茶糝作羹焚香夜對青帘訴白馬偏繫鄰家樹

于忠肅公墓前作

獨石城南彗星舞十萬長鞭似奔雨于公手拄半壁天
博得湖山三尺土龍文御碣何崔嵬俎豆一堂鐘鼓陪

高樹颯颯陰風起夕陽似有神靈來君不見伍員賜裁
韓信族死後遺骸誰與贖又不見鄂王空葬湖北汀飛
鳥自高狗自烹丈夫但得大功成西市歐刀心亦平石
人東甲氣何怒石馬加銜鞍已具恩恩卻似調軍時雲
頭仍往獨石路

鸚鵡詞 有序

吾寧俞氏家京師有女年十四五偶徘徊花下
忽鸚鵡飛集其肩女取畜之三年頗解人語女
病卒鸚鵡日哀鳴柩前不食出殯日竟狂叫自

春酒堂詩存

卷二

二十七

四明叢書

續編刊本

撲死俞氏葬之女墓傍

女兒欲問春何許偶下檐階共花語片影忽墜桐葉青
回首一聲是鸚鵡似曾相識不相驚攜入湘簾通性情
日久聰明知婢姓香來取次辨花名新妝喜報今晨好
屏外櫻桃開得早卻嗔若箇打青梅驚覺流蘇幽夢曉
繡倦閒看啄粒巧甘泉自注銀瓶小屈指三年傍綺窗
月明忘記隴山道好花易落杜鵑催蝶影難招鏡裏回
鸚鵡多情其人死梁燕依然各哺子

客有言楚中江邊義犬冢者爲之歌

漢江日夜水流去萬古千秋義犬墓石碑突兀青松陰
行客經過屢回顧碑中詳載義犬因猛虎飢搏射獵人
眾犬各奔一犬怒平時豢養何相親直前救主鬪虎足
虎竟棄人走彳亍世間萬事有報施酬此一抔江水曲
狐狸負子拜墓前不敢來藉蒼苔眠穴得南山翁仲邊
攫取清明黃紙錢

送程石門再之滇南

己亥十月送君行橫鞭云向碧雞城條忽十年又十月
慈仁松下君復發書生仰數頭上椽門外不知三尺天
下澤車中髮亦白漢廷依舊歸張鷟此行直取黃金紐
萬里山川幾回走好將手版擲滇池肯戀青衫束雙肘
丹書鐵券尋常有腰下寶刀夜嘯否拔刀割破五色雲
莫教塞斷點蒼口擁旗百萬蚤歸來天涯踟蹰武陵臺

祭竈詞

京城祭竈循鄉俗設菓陳餉兼爆竹我獨擁衾思去年
兒女圍親笑滿屋今年燈火依舊明應說行人正舉觥
長女九齡強解事問婆何處是京城

去僕行

客中去僕知不可若復強留轉瑣瑣自嫌病裏心性偏
動靜語言事事左蒼鷹側目多愁思條錠摘卻聽所之
臨去祝君須努力青雲路闕天無私近來貴賤何真假
貂帽錦裘飛蓋赭相逢他日珊瑚把不敢勞停白鼻馬

吹燈

獨客吹燈露肩脊第一聲吹須努力一聲不滅燈轉驕
聲漸短時寒漸迫笑更披衣坐自嗔區區燭火能欺人
隔窗語歇鼾正熟好夢已到江南春跋涉笙歌趙與李
六么調低還復起辛苦檣蒲愷與崇五木已黑還復紅
簾外月沈人醉散瓊瑜燭泪自成峰

李昭武索補六十壽詩戲爲作此

昨日將軍壽四十今日尙書壽五十催詩彷彿似催科
我醉欲眠敲戶急髻樵李子久別離相逢未覺鬢成絲
自言草草六十二六十安可無君詩九錫丹書等閒耳
須君補詩滿一紙平生缺陷何其多追補蹉跎是詩始
秦相百里齊封姜公孫晚祿平津鄉不知少壯竟何事
從前碌碌天遺忘惟有神仙最多慾滄海猶思種桑木
女媧已來三萬年事求人問補不足勸君且盡眼前卮

桃花正好聽鶯時

送春詞

邊風日日起塵埃桃李空勞紅白開三月不見芳草綠
是誰錯道春光來春未有來那有去杜鵑莫到燕山樹
舉杯遙作送春詩低頭自問身何處故園麥熟酒正醇
萋萋石榴總是春

題射虎圖

白描神品龍眠子颯颯風生絹素裏草枯樹震野色昏
虎爪馬蹄爭尺咫將軍云是隴西李從騎兩三左右倚

香酒堂詩存

卷二

二十四明叢書

繪圖刊本

一騎發矢中虎脊虎尻轟尾振肩力虎亦似知有將軍
眼光怒射將軍直將軍側身迴注鏃欲不洞胸勢不得
矢發未發頃刻間翻教此虎生千年畫意不了觀者意
常取觀者心神懸捲卷時如見虎死開卷復見咆哮起
我今忽作杜少陵短衣落日過山亭

酒次觀劉公猷舞鐵簡歌

侑儻當年劉越石酒酣脫帽眼光直自言畫諾誤年華
鐵簡空橫膝上白慨然起舞容半醒三尺忽藏七尺形
迴步欲將身作鐵斜腰翻似簡如筵寒風拂座吹短髮

斷虹曳電出復沒縱橫大海浴蟠龍倏忽霜天下孤鶻
雁門城頭天暈月將軍單騎輕裝發直入重關萬鏃分
拔透良家五千卒我笑呼君且休息堂下驅馳剛數尺
當階插簡看天高夜合花飛樹影搖

織婦愁

瞳瞳曉日窗紗碧窗下停梭輕歎息憶年五六學拈鍼
十二十三初學織學成本擬事良人誰道良人戍沙磧
老姑白髮涕汎瀾一日不織愁朝餐昨夕更深纔丈五
花紋織到鴛鴦難數聲雁過南樓外不道有書來紫塞
甘泉歲歲接烽煙彷彿近聞李廣敗漢兵分道出河西
別部將軍失道迷三萬鐵衣零落盡營門不響雪天聲
此信怕教姑聽知淚滿流黃不敢啼簷前笑入鄰家嫗
持金云自青樓處屈指襄陽大賈來舞衫須得綃如霧
引刀斷機回謝嫗已罷織絲今織布

燕歌行

暮鳥呼羣雁南翔游子出門道路長牽牛亦再渡河梁
雙親夜夜燈火黃杯寒不飲如有忘五月寄葛八月涼
書來蟋蟀聲滿房織縑三丈九尺強裁舅甲襦裁姑裳

賤妾辛苦職所當中宵安敢迴君腸大隄門道多垂楊
春來風暖吹鳴璫丈夫失路無憂傷繫馬呼樽錦瑟傍

夜飲朝眠曲

舞罷曲終人已醉曙星難透重簾翠金釵銀甲墜不收
禿襟半臂覆烝篔花氣生煙護綺樓銅盤未滅絳蠟流
秦宮曲廊共誰語金丸打卻啼鴉去

神絃

幽林曠黑陰雲合狐狸吹火作人立巫女邀神神致答
老鴉一聲風颯颯將軍貌禿騎白蜺赤帽抹額銜火齊

春酒堂詩存

卷二

三三四明叢書

約園刊本

小姑鬢髮橫鸞鏡手折瓊花翠扇低侍衛植投虎革鞮
旌搖雉尾石馬嘶魚羔炙彘雙獻卮神嘖神喜巫自知
萬金千錠萬朱提車進庭階紫燄迷小姑珮解繡帶垂
含笑不言微月西曉來雨過亂鴉啼黃金灰飛踏作泥

致酒篇

寂寞高天呼不得空拳推掣金雞翼好花枝映綠楊紅
自捋蒼髯失顏色我聞阿房旣築東巡迴夜越王窮下
蓬萊海石血痕猶未滅童子笑指咸陽灰我有豔金千
萬錠欲買丹砂句漏井劉伶醉上錢鏗墳幾樹松風吹

易醒

四女樹

有序

漢景帝時有傅青者無子老自歎四女遂相誓
不嫁各指一枯槐爲證槐復生父母皆百餘歲
四女拔宅仙去曰四女樹者後人卽其地呼之
寺僧借之爲四女寺在德州南十里許

德州河干四女樹綠葉虬枝白雲護行人莫問樹有無
樹在行人心動處樹已相隨上九天度索山桃分紫煙
祠中翁媪至今在誰肯養親千萬年祠外河流船似織

春酒堂詩存

卷一

三三四明叢書
約園刊本

多少游子歸未得男兒只合改裙釵空把頭顱響階石
君不見阜茨枝高仙鶴過世間惟有劉綱多田氏紫荆
畢竟死曾見棠棣花如何客來徬徨深感慕恨不補槐
種當路隔岸秋風起白楊行人猶說四女樹

義婦冢

有引

義婦冢在吾寧城西二十里許婦卽祝氏英臺
也傍有廟祀梁山伯梁曾令鄞云

梁祝當年同筆硯生不同衾死同龜停車一慟墓門開
情至難將常理辯華畿曾說牛車停少府又聞金盃見

吁嗟此事傳非訛遺迹不改臨江波呼犢鞭羊回牧豎
傳芭漚酒薦笙歌笙歌卽述當年事男何樸誠女何蕙
兩意堪將風俗敦千秋常憶村姑淚芳草青青墓上春
雙雙綵蝶去來頻東風吹花落如雨吹蝶不開如有神
過客無勞相歎息男讀詩書女紡織人間婚嫁等尋常
江月江湖太寥寂我思梁公如是人爲令須知肯愛民

題呂錦衣雙鶴圖贈蘇鶴洲

雙鶴相依來我堂竹陰搖綠萱花黃一鳴一啄自閒暇
那許人間矜稻粱不著錦衣呂紀字自恃丹青世無二
對之常覺動遐心曉來或似聞清嘖十載愛惜同家珍
慨然今日貽贈君託此仙姿宜得所舒溪原是凌霄人
譬似長風振六翮支公極目高天碧

白面將軍祠

相傳趙將與淮陰戰死土人祀之

揚鞭望井陘風噓馬難鳴將軍祠外寒沙紫猶是將軍
戰血凝將軍者誰面若生組練甲光相耀明氣作太陽
虹貫白心慚名氏史留青屢經晉魏銅人泣久薦蘋蘩
社樹靈韓侯祠近獲鹿城牙旗相遇一笑停當日爲誰
成與敗羣鴉過眼蒼煙平君不見寧武將軍有姓名

謂

古周甲申拒賊無援兵矢盡尙呼聲霹靂首殊猶立身
崢嶸至今關口陰雲結爲問新祠建未曾

渡滹沱

河山千載最無情此水猶爲真人冰烈風北來捲地急
常似萬馬追奔騰丈夫肯逐狐狸跡揚鞭平踏鯨魚脊
聞道曾留麥飯亭黃沙落日無人識獵騎鞍捎雙兔白

劉孝婦歌

有序

壬子十一月二十七日燕城南火焚民居居民
王進孝家妻劉年十八從烈燄中出連呼姑不

春酒堂詩存 卷二

三五 四明叢書

約園刊本

應復入救姑不復出及火滅得劉尸兩手挽姑
不可解形體尙全髮亦不燬鄰里嗟歎述劉素
賢姑盲矣事之尤謹

怪鳥嚙嚙王氏屋融風欺人曉眠熟烈燄來催少婦奔
少婦號姑聲互觸衝火出門不見姑出火入火盲姑踣
掖姑姑起婦亦盲覓路路空天亦酷與姑共死曰誤姑
死尙挽姑手不脫吁嗟寒食改仲冬綿上之山易燕俗
我欲大書孝婦劉氏碑安得魯公遺石鐫天廳

憶昔

憶昔己亥張公在六月一日開口待邀看洗象順城門
綠楊陰裏游人隘旗幟紛紛導象來象奴花插帽檐頽
上下一鉤誇趨捷與象出沒波濤洄其一無端聽奴語
將鼻捲波噴如雨兒童辟易錦鞵汗鼻更學笳兼學鼓
須與岸北打金鉦羣象拔足無留停乳烏咿啞集城堞
浴馬□□□沙汀張公爲我微歎息故事太平遺往昔
空□□榭架臺丹飛落晴霞映波碧萬事回首隨飛煙
只今張公何處天粟河六月吹熅火土鏗三更夢百泉
乃聞洗象順城邊有客銜悲不忍前

春酒堂詩存卷二

三六四明叢書

約園刊本

易水歌

惆悵無一事來聽易水歌易水秋風千百載依然嗚咽
悲聲多市上有酒沽百石把杯喚醒當時客督亢圖藏
匕首青衣冠色映長虹白爲予傾此石與君設奇策力
士能尋滄海君鮑魚腥風動頃刻函內髑髏亦起舞秦
廷笑立眉間尺嗟嗟祇見日西沈易水爲誰流至今自
從壯士去不返寒卻千秋萬古心

雪浪石歌

有序

石在定州文廟是宋蘇文忠公知定州時所留

雪浪齋中物高二尺廣三尺餘蒼質白理承以
石盆旁勒銘有亭覆之

不壓輕裝歸載石千載遺民相愛惜蒼苔三尺動波瀾
猶欲生雲成雨澤石盤珍重勒支干想見摩挲醉倚闌
旁有枯槐似渴筆相傳手植同松寒恩恩車馬悲無暇
安得攜樽明月夜倩客吹簫我和歌應看野鶴當亭下
是物從來難久存雲煙過眼天無痕試問平泉醒酒石
至今猶屬衛公孫

豫讓橋 邢臺城北

春酒堂詩存 卷二

三十四明坡書

約園刊本

豫讓橋讓不死行人忙處搖鞭指襄子當年何事過嘶
鳴馬忽臨橋止前驕倉卒索橋陰廁上之黔復在此寧
惜解衣酬一死血流柱石苔花紫江山姓氏總須與宮
築邯鄲勝洛都三臺拾盡香姜瓦豫讓橋頭碑大書

迴車巷二首

趙州城中卽相如避廉將軍處

蘭相如何善怒捧缶當筵擊當柱迴車卻避廉將軍要
爲吾王惜兩虎嗟嗟秦日強趙日愚長平事亟無相如
將軍健飯仍思趙王使誰迴楚國車

人生苦客氣動與尤悔偕驅車迴車巷下車久徘徊猛
虎如何若處子似曾先進圯橋履至道無過堅忍力聖
賢仙佛俱由此慚愧從前五十春自今人盡廉將軍時
時心住迴車巷猶可揮戈挽夕暉

題寓壁

海昌

男兒生世違胸臆只合深山閒抱膝谷口遙看盡白雲
谷中茅屋無人識寧同木客採芙蓉莫向羣猿分橡栗
舉目天涯朋輩稀尊前但取少年嗤夜深獨就梅花語
殘月斜侵第幾枝

春酒堂詩存 卷二

三八四明叢書

約園刊本

過湯陰謁岳忠武王廟

少時湖上謁王墓振袖題詩爲王怒況此蕭蕭短鬢來
過王故里風塵路湯陰城市何荒涼一見祠宇生輝光
祠前鐵人亦半折天上繡旗仍夜張兩地神游墓與里
應知在茲不在彼千秋未了朱仙心中原難滌西湖水
寄聲來往馬莫嘶拔劍立者將軍施

嬰曰藏孤處

內邱南十五里

嘗觀趙世家翻欲疑左氏但傳韓厥言不載嬰曰死嗟
嗟趙止列國諸侯卿乃能得土相有成各將一死酬初

諾竟使孤兒啟令名事有事無漫爭執司馬筆端生氣
集內邱道上行躊躇似猶聽得呱呱泣兒莫泣兮恐人
知刺予兒兮兒乳之

眼鏡歌酬客

衝塵遠走三千里驟見梅花如霧裏當年燈下讀書時
回首光陰隔世矣承君憐我愁眉視傾倒行囊出贈此
畫上江山另一天眼前日月生秋水好隨班管共年年
何異菱花妝閣圓珍重酒闌看飛鳥掉頭大笑烏巾偏
感君之意復君惜阮籍看人青不得

春酒堂詩存

卷二

三九

四明叢書

約園刊本

宿州道中

十有六日車塵裏不愁雪下愁風起屈指何時上小舸
便如涸鮒乘春水今日風光似解嚴輿人云是宿州南
纔出中原逢臘雨忽驚村樹映淮帆再復前行路漸曲
茅店檐低見殘菊水色作波亦近人語音卸北殊通俗
久客到此情已移故鄉況得翩然歸竹籬正穩青禽語

穉子爭牽老母衣

逡巡行

萬物強弱莫與均蒼天廣大難爲仁爾鷹何來立高樹

爪踏小雀眼射燐磨背不聽小雀語從容四顧如無人
雀胡出入不自慎徒令籬落悲同羣哀聲漸細觀者嘖
高樹恃高惟爾徇挾彈者誰氣屬雲採丸一發眼力真
中鷹鷹墜還復起枝葉散落空紛紛爾鷹此去宜斂身
從來僥倖安可頻中爾要害落何處螻蟻設食相主賓
噫吁嘻如爾鷹輩日常有手中乏彈徒逡巡

過狄梁公望雲處

風裂太行陁冰結太行路遊子苦辛日欲斜白雲指點
望雲處梁公游宦近鄉城親廬回首雲分明至今雲復
爲誰白猶見當年駐馬情我家四明何處在江樹影空
鴻雁外將心託與白雲飛杖倚柴門潮正大

歸來

記得南鄰看花約經旬歸來花半落始知城市誤光陰
白髮逢人事酬酢那得科頭長閉關小橋草屋野水灣
數杯小酌春晝永晴雨一鳩天意閒

懷章洪上

昨夜錢塘潮壓城夢君踏潮如遠行高樓送別何處笛
但見天碧孤鴻橫醒憶別君君病中籃筍忽忽村杏紅

已知勺米經旬絕霜樹今看葉葉風蓬人欲問君消息
喜得與君不相識半窗殘月入帷寒爲怕相疑莫相憶

值舊鄰叟

十年不到江之東舊巷莫辨迷陽中歎息何須此歎息
忽逢當日東鄰翁自言老辛苦頻憶角巾野服古
但訓村童六七人便將諸事需端午時君新冠白苧衣
里門出入生光輝相見一揖掉頭去羣兒側睨空羨菲
豈料而今亦憔悴不嫌衰朽承君憇指傍年少西郊來
豈識此間當日事此間商貨通九州汎海如同丈八溝

春酒堂詩存

卷二

四十四明發書

約圖刊本

五月魚鳴潮正暖罟師舉網魚萬頭大舡小船旗各色
收纜敲鉦江面逼彼黔蓬跣盡東甌幼穉驚啼語格磔
江上人家戶相向腥鱗壓路行難讓樓上持籌算子緝
堂中撥阮開新釀家家檐雷尺寸爭日激江波丹腹明
曲檻花香靜金鴨小庭竹影覆棋枰一朝鎖斷蛟關水
海魚自老還自死夕陽但照古神祠極目潮聲捲沙起
君去不知幾度兵我家別院好朱藤棧馬夜齧庭柱細
獵犬晨踏圍牆崩牘有破樓葺蘆荻春燕不來泥壘圻
憑闌日日數城烏對岸人家同瓦礫不見槐花渡口花

狐銜鬼火學琵琶鄭交曾辭江皋佩蘇小常停油壁車
勾闌十二笙簫亂明月不知更漏斷依稀猶記繫雕鞍
綠柳青桐垂井幹屈指繁華瞬息心秋風留得數聲砧
正欲問君老何事道書可比佛書深相攜且把旗亭盞
世事盛衰遞相反加餐十載拭雙眸江上人煙依舊滿
年少者誰似蚤瞰清歌未了欲黃昏

次壽州望八公山

古來事業誰相待上蔡城陰山色在鐵騎催歸鶴喚中
捷書飛集棋聲內齊梁幾度起黃塵草木依然接舊春

齊酒堂詩存

卷二

三四明叢書

物園刊本

丹鼎竟須尋馬蹟小山叢桂久招人王孫何處日欲落
山鬼乘狸嘯林薄

銅雀瓦硯歌

袁氏平呂氏虜雄圖大略歸歌舞窺未央闌柏梁銀河
倒接清漏長漳流瀉斜陽下留得建安只片瓦歌羅綺
舞麝蘭今日青氈短檠寒晉波溥漢風雨千年神物夜
能語詩鏘鏘賦煌煌此君曾見陳思王

未央瓦硯歌

曾共銅仙分玉露月光影轉金門樹衣冠萬國待朝時

遙望林鳥飛集處今隨螢火伴詩書漢字摩挲跡未除
研硃夜點蕭何傳正及蒼龍營建初

冒雪過又陶

雪裏行舟如月夜橋北橋南掩村舍徑路茫茫斷客行
一鴉忽爾無聲下此來不覺眼界寬短褐幅巾那復寒
但得梅花三兩樹任人指作畫圖看安道山中酒應熟
先出大壺暖我僕

捉蝨戲得詩

獨坐小窗風日麗拋書踏遍籬東地壯心無計可消除

齊酒堂詩存卷二

三四明叢書
約園刊本

開懷取蝨聊快志平生何物不堪容嗟爾區區殺運中
性命從來徇嗜慾干戈幾載相雌雄曾傳嫖姚漢時功
塞外長驅狐兔空史筆張皇詞易工祇似今朝指甲紅

陳公祠看牡丹歌

白髮蕭蕭惜春暮是約看花百不顧花氣隨杯易醉人
主人更說花開處陳公祠堂去不遙隔牆望得花枝翹
花開花落歲三百恍惚重見宣宗朝宣宗皇帝與文教
萬里無烽無旱澇當時猶慮下民艱專勅特徵循吏效
吉安太守致仕回花壓輕裝手自栽莫道清官無一物

攜將章貢江邊首宣德五年九太守况鍾之外公爲首
廿載愛民如愛花况公用威公獨否吏解但聞燕雀鳴
獄門漸見蓬蒿橫里媚囊車銷訟牒兒童導馬閱春耕
如此親民足不朽餘榮空色曾玄後年年風雨爐花多
吉安花神爲公守慨然坐客共停杯短篙十里向祠來
祠外野棠灼灼喜祠前紅藥遲遲開貯勅小亭朱未剝
龍盤鱗爪怒欲攫不知深樹子規啼石碣雙螭拱篆額
蛺蝶護花繞客衣日斜天暖枝枝敲敲似吉安春社散
家家父老醉扶時人生轉眼成今昔幾見秦松與漢柏

春酒堂詩存卷二

四十四明教書
約園刊本

結綺樓前無樹青蕃釐觀裏空月白坐中多是中年人
今日忽經三百春

題墨畫雨中牡丹

日暖風輕春正午野草亦花笑欲語此中別有洛陽春
何事垂垂帶朝雨明妃馬上憶漢宮白旛琵琶旗影中
撲面邊塵黯無色胭脂山外陰雲濃畫工空說丹青手
只把朱顏屬桃柳偏教好花雨內開遠時壯士惟垂首
欲乞仙翁勾漏砂描出扶桑一樹花

題牡丹畫

白楊樹杪秋聲起客況蕭條落葉裏是誰將此索題詩
頓覺春光生眼底堂上曾無羯鼓催或姚或魏高低開
如子凝妝□醉起諸姨喧笑朝天來階前粉蝶忽來去
繚繞筆端□驚寤分明黃菊木樨時不信名花是何處
繁華自□易飄零此處東風不動鈴詩罷茫然一歎息
今宵夢到沈香亭

題鍾進士畫像

青袍烏帽鬚生風擲卻槐簡橫青鋒手抉鬼眼臣姓鍾
進士落第狷厥躬生不蒙恩死效忠君若不死睢陽同
噫嗟乎虛耗諸鬼爲君避化作人形徧人世

老婦行

有婦西鄰鬢已皤盛年夫死空牀過一朝忽念秋衾冷
夜起貪看星渡河匱底重尋雙黛螺紅裙再翦嫁時羅
自謂弓腰宜舞袖願隨獵隊上明駝黃金須買延壽多
先買青春春去何

醜女行

東家有女傳聞美黃髮選條兼歷齒踏地喚天媒不來
畫眉貼額門前倚門前媪過官媒似邀入烹茶話自喜

聞道宮無高髻妝錦鞵不用纖纖趾卻怪青銅明似水
將來擲破埋花底

與陳康侯

烈風催歲除破廟淹病客擁衾將白髭午糜常及夕陳
子遣使遙致牋兼攜有物投林前雀舌尙含陽羨露豚
蹄猶帶金華煙君來燕市較予達滿城筆墨春風潑此
間總是重黃金達士拘儒同整簪分明涸轍起飛塵兩
鰥相滿意自覩那得神龍贈雷電桃花春浪浴枯鱗感
君之意驅病去呼豎吹煤將肉煮下酒一石大醉眠明

春酒堂詩存 卷二

四六四明叢書

約園刊本

日買泉烹穀雨

兩不得歌病中作

我死不得病不得老母在堂身在北如何一病一月餘
有酒停杯空嘿嘿自把青銅照顏色是誰憔悴弗相識
吁嗟乎文夫生世須努力大笑一聲如振翼拔刀起舞
臘月黑忽爾電光飛似織縱使玉棺天上來鐵椎擊碎
琢作杯琢成玉杯三百隻每歲一杯輪一迴白眼不顧
仙吏催汝今且去休徘徊蓬壺爲我築墳臺碑末有石
須崔嵬我無紙錢爲汝賄汝若能飲傾此醅不然劍吼

聲如雷

宣爐詩

偶過友人寓見書几置爐位款安詳光色隱見

眞宣德御物也感今懷昔不能不詩

曾聞宣廟當時天物阜田豐百貢前不學漢武封山川
宮中爲民所不無鑄金作鼎銷龍涎似對老臣秉笏然
只今二百餘多歲人世流傳辨眞僞君家几上如有神
秋窗何敢生埃塵龍文歛雲吐金景相見一時心忽做
路馬猶教臣子恭浮煙當日承僥倖歎息鍾簾荆棘翻

春酒堂詩存卷二

七

西明詩
約製

九鼎空令泗水渾若看斑駁非他色金銅仙人分淚痕

晉陽除夕七歌

乙未選四首

今夕何夕燭輝煌開樽列俎集華堂黃鼠膏凝塞外雪
鮒魚鱗帶江波光親在天南四千里短牆破巷留枯桑
半瓶寒水鴻銀牀一尺孤檠閃竈梁西鄰爆竹聲如許
東鄰游子歸笑語

今夕何夕歸不得兒歸雖貧燈火熱去年此夕陽羨歸
蘭香弟妹陳棗栗饗中酒熟梨花香有友遙分鹿半截
八月倉皇入薊北臘月又作并州客臨行寄書曾到無

纈夢猶尋燕地圖

小磁杯出宜罍火傳吾父久無驕惰吾父性情爾所知
飲不能多缺不可今宵更與爾相宜願爾殷勤進白墮
瓶之罄矣空獨坐孤負庭梅開朵朵聞道秋來農罷鉿
秔旱無收何況秣

鄉風處處忙除夕少婦治椒長婦炙六旬老母尚苦辛
一妹復爾嬌如客手自擇梁蒸作炊每問今年去年白
去年未白猶可惜今年無炊空杵石滌釜煮水待元歸
日落水寒仍掩扉

田婦

田婦勤種火長宵無比鄰雲凝天欲雪敗机堪充新田
婦訴言薪尙可種火明晨難食火去年種田十畝餘秋
來收稻十斛無官租大戶去如洗十月已尋墜角薺只
今稻在誰家春原來種稻不種米

織席詞

鄰家少婦夜織席良人去作征南客鐵衣冷臥何處營
有席無席霜天白未知織此歸誰牀殷勤添草必添雙
願使鴛鴦春夢穩錦衾角枕爛銀缸昨日里胥索官棧

奪席出門當午飯

織履詞

冬間織草履竟日再成雙所羨取資易勿驚城裏龍今
日織履明日糧侵晨起椎石上霜獨愁昨夜糜如水築
底難教腕力強旱餘草短簷無瓦新草留供營內馬

清明行

年年春到清明節今日去年如昨日世情行樂趨目前
愁人偶向郊原出榆莢新晴微雨天刺棠半壓買花船
改水不改東流水禁煙難禁荒邱煙廟神處處鳴腰鼓

春酒堂詩存

卷二

早九四明叢書

約園刊本

酒帘出蒼傍漁罟插柳家開菱尾觴掃松俗擣青精杵
隔橋忽擁驕嘶聲香泥蹀躞搖朱纓道傍彷彿稱公子
居第郡郭門崢嶸玉爪斜眸欲飛颺金丸展臂流星傍
貂錦蟠螭雙傳鞬豹囊畫鵲兩交張仰天醉眼誇良辰
督促後乘臨前津妖姬作意鞭失手奴客順笑風搖巾
行者忘行心目眩芳茵似有遺釵釧飄英籍籍鴛鴦啼
已轉杏西君莫羨請觀古墓山之岡斷脰活活穿菱塘
穴黑狐狸吹火碧牆低牛犢崩泥黃穹碑粉飾功名好
石馬石人今亦老象笏蟬冠束亂藤雕鞍銀鐙眠豐草

子孫脩列虛嗚咽牧童學拜窺籬匝散黍幾掬墮鳥爭
化錢不盡留羊踏頃刻已銷一歲事婦欲施僧借過寺
香車遠去生夕陽華表相看苔蘚翠粉蝶無聲野麥閒
白骨可知曾少年室內姻聯左貴嬪堂中官進大營田
承恩新帥公車卒休沐言歸趙李謁春廚斫鱠來秋霜
午閣番筵續夜月是值清明蹴踘場笑回別院燈輝煌
伎進肉盤輪七箸笑添獸炭焙笙簧炙手繁華偃息假
杜宇聲中催日下丈夫努力當奈何豈謂乘時耀裘馬
君不見銅雀臺前漳水流華林園中蛙未休留將雙眼

春酒堂詩存卷二

五十四明故書

約開刊本

停杯看道是桑田再蟻舟

春酒堂詩存卷二

春酒堂詩存卷三

遺書二之三

鄭周容鄧山撰

慈谿馮貞羣孟頴編

五言律詩

六月十五日雨

今日北風勁山雲更卷舒
電光交枕簟涼意到枅櫚
龍江鬚髯下天迴喜怒初
農夫拋笠舞得雨願爲魚

昨雨

昨雨足園蔬田猶未受勸
日光翻更潔天意復成虛
禾

春酒堂詩存卷三

一四明叢書
新園刊本

黍宜無罪魚龍那卜居
但能仍糶深微渴接農初

喜雨

午夢驚鳴雨登樓一檻涼
黑雲侵地白平野入天長
徑欲浮雙屐橋應進小航
枯禾重努力猶及問春秧

陸純嘏見過

自苑開蔬核醜頰僕掃除驟
驚顏色滅忽憶歲時疏
能嘗備醴酒拋巾半摘蔬
從容成薄醉小榻以何如

風雨後喜霽

別是蒼蒼色南樓試倚闌
蓬櫓歸位置杯水撥平安飢

雀依檐暖飛鷗出水乾籬門開未得躡屐理庭蕩

微志

微志無他尙田居止數楹讀書宜小病謝客畏初晴雷
早催斑筍霜遲護綠橙買山資未易浪跡復前征

病久

日日看明日庭荷已半枯醫多身試藥病久夢通巫花
月噴佳節詩書惜賤軀閉門如避世荒徑客能無

客至

鄰闕江聲大荒居似客舟不將貧自諱可託雨相留小

春酒堂詩存

卷三

一二四明叢書
約園刊本

圃刪青韭虛檐數白鷗樽傾童語拙猶賸有征裘

客中謝贈

爲我安歸夢無口暑漸增更裁吳下苧加覆廣南藤六
影分餘地移涼口一棧故鄉千里道辛苦對殘燈

積雨

積雨知何意春寒口瀕移負江無客到掩戶爲天思鵲
自爭巢亂雞偏進柵遲竟須催霽急織紉最難期

黃昏二首

鴻雁數聲遠仰天無一言殘虹閣野廟田水通籬門審

世逢人懶居鄉見，頓尊把鋤忙。竟日間暇屬黃昏，
久立寬何事。北風吹短衣，長吟忘舊句。小睡起斜暉，野
曠人來緩。天寒雁去微，此生初不意。遂欲守荆扉。

三月

三月雨初歇，平蕪綠過鄰。物俱宜在野，天不自知春。啄
木聲如鶴，提壺語似人。頓忘身世事，較水到漁津。

有懷

有懷無處說，春色任花飛。極目日平野，愁心人半扉。看
過歸鳥盡，候到小舟非。萬事同惆悵，年來願總違。

春酒堂詩存

卷三

三四明破書

約園刊本

黔刀

莫道不盈尺，曾經萬里雲。錯金蠻獸巧，護秘海蛟文。用
小施書札，藏深伴典墳。笑傳牛斗氣，何處展微勳。

救蛛絲蝶二首

與物各無私，閒中驟見時。待蚊營夜靜，留蝶慰春遲。楊
柳天原闊，干戈路總危。報予歸夢好，引渡過江湄。
知爲東風誤，殘紅一片香。網絲煩再補，衣粉怯餘傷。逐
燕休侵幕，隨蜂且過牆。東鄰行樂處，舞袖更宜防。

客夜

月近不成寐，獨眠樓愈高。棲鳥頻未定，過雁爾何勞。生計悲蒼鬢，窮塗恃濁醪。來朝須盡醉，慷慨典征袍。

虎邱

入院憐花草，春光此處偏。千年王霸地，三月女兒天。茶社分亭幔，歌臺聚酒船。那能無一醉，隔岸已啼鶯。

桐園寓

小園花事足，獨坐意無違。晝靜聞魚躍，春寒喜燕歸。僕夫閒守竈，童子誤聽扉。總與人情淡，何妨雨又飛。

有贈

春酒堂詩存

卷三

四

四明叢書

約園刊本

各住大江岸，夜深通一湖。數人仍落落，雙鬢總蕭蕭。筋力荒閒暇，詩文壯寂寥。尊前應爛熳，世有幾漁樵。

湖南同俞次寅吳慶伯王備五諸子

興到無前約，輕舟四五人。沙過芒屨雨，風試袷衣春。賣鯉童穿柳，攜薑客就尊。村醪聊竟日，白眼看紅塵。

友過

日落君能過，予方欲舉杯。客心消綠蟻，春色畏青梅。信命因存傲，思親可避災。直須沈醉臥，三徑莫多開。

獨語

獨語出西巷江風吹葛巾空亭無貰酒斜日自寒人吾
道尊貧賤天心試苦辛來朝垂釣去秋鱖正如銀

鹿島詩六首

寄跡無餘地安心已罷愁長風通異域斷雨接瀛洲伯
子攜琴至徐生採藥留竟忘身世事閒笑對蜉蝣

聊出庭南立舟人起柁喧龍鬚爭日氣魚翅障潮痕歸
夢烽前到殘生命外存最憐鷗鳥去容易過西村

竹牀撐敗盾容得病經秋憔悴憐豺虎迂恩聽馬牛黃
金初諾易青眼故人浮且自耽高臥華胥不待舟

春酒堂詩存

卷三

五

四明叢書

約園刊本

潮聲殊未已咫尺勢相吞謝得斜陽力收回古樹根謗
來宜任過事濟敢忘恩病起初扶杖檐前曝巨龜

事守成中敗人傳死後生已知同抱柱未敢竟騎鯨久
驗風潮信閒詮海錯名最多螃蟹類大小總橫行

聞見偶相觸堪從物理嗟烏原思得劍蜚豈忌容蝦獵
火村村滿兵燐夜夜加短檐時極目只隔半江沙

海魚日刺

浮水上鳥喙之反爲所食又有蜚
無目蝦附之而起蝦驚則蜚沈矣

今歸

雜聲催櫓急難到舊漁磯月淡人呼渡霜濃犬出扉招

魂思昨險拭眼悟今歸鄰叟牆頭問應先淚溼衣

登南高峯絕頂

偶然常得勝隨步極層梯雨過鐘聲下虹侵塔影西江
湖容我輩天地置羣黎閩闔何時啟來聽夜半雞

金陵寓

無事支寥寂口童買菊回客將佳節在花似故園來風
俗餘塗管干戈賸酒杯悲懷因極目莫上鳳凰臺

早春

無曆檢時序空庭久閉關春從微雨入客上小樓聞鶯

春酒堂詩存

卷三

六

四明叢書

約園刊本

聽禽聲好遙看草色還蹉跎身世事潘鬢恐成斑

李長蘅畫意

莫道秋風候春從筥上攜林花因夜淡煙月爲江低應
有幽人坐如聞杜宇啼紀年猶萬曆閒泛洞庭西

早起

四海人同夢雞聲忽起予千秋心未已一日事何如酒
趣劉伶減年華鄧禹虛憑闌空自笑抱甕灌園蔬

破廟三首

秋菌連椽白春蘿捲幔青空山神自帝斷碣鬼無靈壁

竄鼯鼯老松吹虎豹腥盛衰原反覆歎息過溪亭
昔傳寒食節香火萬人多旗幟威儀雜雞豚聚斂苛年
荒窮土木巫散罷笙歌神有行藏計時宜聽薛蘿
廣廈須千萬蕭條願未酬此生如浪宅終歲半孤舟露
壘村村草烽臺處處秋黃冠指破廟長揖向人謀

登樓

寄跡徒失意慨然慕遠游江河聞道險邊戍幾經秋客
爲因循老才非閱歷浮恩恩春又去風雨獨登樓

閉門二首

春酒堂詩存

卷三

七

四明叢書
約園刊本

閉門吾本意飄泊亦徒然屋牘三竿竹橋迴十畝田倚
鋤蔬筍候側立雁鴻天竟遂南陽願無求得苟全
死生交友盡成敗古今虛玩世如貪酒娛親只讀書園
丁經歲懶菜甲入春疏蒿徑原無跡何煩閉草廬

園豎

愁劇羨園豎時從閒處忙削鋏追橘蠹焚楮下魚秧臘
酒三杯白春菹小甕黃不知游客意日日守斜陽

卽事二首

初無涉世力甞勉習人情貶貌酬童僕違心慕姓名茶

田迴巷斷桑徑轉門橫自謂藏身密朝來雜送迎
偶值羣年少相將聽雅歌自悲談笑強愈警歲華過事
業矜裘馬文章忌薜蘿莫來高燭影搔首鬢毛何

舟過齊山

簫鼓喧山廟扁舟逐眾看生民充鬼吏服制守周官殺
運從性濫錢神用紙寬歸來空歎息挑火續秋蘭

病

竟不知何日斜曛又過櫺廢餐宜儉歲除藥度災星兵
火留身在蛟龍入夢醒相憐容二豎差得慰雙眉

春酒堂詩存

卷三

八四明叢書

約園刊本

空囊

積雨聽天意空囊只閉關故人貧處近童子病中閒抱
膝看蒼柏拈髭送白鷗歸心頻自起江霧隱家山

值王餘姚二首

名正中燕人

遽爾鬚髯白雙眸仍炯然茅檐過六載漁艇看青天客
久鄉音熟官貧亂地全野人多舊義櫻送半籠鮮
已自忘爲客無家是處家潮聲衝岸曲山色逐籬斜避
跡休栽柳勞身且種瓜故人誰復到無語對昏鴉

野老二首

晴江野老健不肯話干戈鄰店開紅藥兒家指碧蘿心
閒時見笑鬚白易成酤自道無他事殘書記不多
塾散農忙日人行別浦橋土祠輪舊社江市候晨潮閱
世朝看菌忘機夜夢蕉問年過七十萬曆太平朝

寄某

有客傳無恙是君山北鄰疏籬邀落日小徑護殘春學
莫虛離亂才原是隱淪五年書未得知肯信余貧

入閩雜詩二十三首

下大竿

春酒堂詩存

卷三

九

四明叢書

約園刊本

亂後農家在依然作務勤護秧迂急水移蜜就晴曛屋
角禽銜草山腰犬臥雲莫詢回首處鄉國此中分

九牧

嶺名數欲盡少憩慰崎嶇苗早先分色花繁不辨呼低
檐親燕子晴店出雞雛肯厭茅柴薄山禽喚客沽

揖仙橋避雨

春山蒸雨易口及到橋東籃筍踞何處白雲人在中計
程貪日永覽勝慰途窮倚檻搖心目雷奔百丈虹

放船

有引

赴聞至延平水雖順猶石是戒水口石盡水
益迅楫不及力舟子軸手看山忘乎舟矣
纔下冷風閣乘流易解維往來俱得半勞逸各無私接
眼青山過回頭白鷺遲長年惟醉臥吹笛到金崎

湯泉

湯泉三俱東門外亭其上氣如炊

野鷺飛難集空亭自翼然既違魚藻興莫詠濯龍篇伏
火留炎德丹砂煮大仙當時偏霸者錯認是秦天

第一樓

相傳故閩王宮門也

春酒堂詩存 卷三

十四明校書
約園刊本

萬戶榕陰合長林鳥一雙雄圖餘古蹟傑構壯南邦虹
斷平分郭天低半入江未能登泰岱慚愧倚前窗

荔枝二首

八月楓亭荔能令眾品輕晚成思造物歷試信嘉名色
可樽前玩香宜掌上擎莫論司馬渴消得露金莖
忽起思親意慚將異品嘗細看連葉菓莫寄上灘航物
各私南土天俱重故鄉自憐飄泊久藜藿已成荒

竹鼬

怪爾名何著從來誤此身寄形慚類鼠依竹免求人網

晉機原密庖廚俗務新相逢同亂世把盞一逡巡

烏石山園

經旬商酒榼一日主園亭水自迎人曲禽俱隔樹聽怒
藤開石壁病菓打池萍正值秋光好登臨醉復醒

歐冶池

神物歸何處猶存一水寒斗牛秋見影風雨夜生瀾人
自成名易才惟用世難延津亦咫尺龍氣與誰看

扶桑花

果見扶桑有花如日在東滿園吹暖律十月靜寒風朱

春酒堂詩存

卷三

十一四明叢書

約園刊本

綬冠裳會繁纓禮樂同世間陰霧塞還值太陽宮

法海寺寓

酬佛掃松堂危城歲月長隨僧忙午爨其鴿聚斜陽世
事從閒穩人心得謀涼烽煙猶未決安敢厭他鄉

聞笙歌舞

樂事遙分夢應憐獨客愁野燐隨處雨城角一聲秋留
月調繁管乘風散畫樓曲終人語發肯惜錦纏頭

宿友齋

此地逢清話相忘兩去留客心難在夜兵氣易爲秋破

火通南牖書城護小樓竟須乘酒力催夢上灘舟

平遠山見戚將軍平倭碑三首

豈盡天爲數功成只是人山河名自在文字氣爲伸筆
意還如昨苔痕莫肆春夕陽相與立今日爲誰閩

時盡一人力翻成兩世勳名存寧恃石事快易爲文悔

不生當日欣如遇此君前山形勝在旗鼓尙紛紜

旗鼓二山

名閩海門也

追羨題碑日荒涼此一亭苔痕春雨綠蜃氣午潮青人
物爭天連文章藉國靈登臨惆悵劇更憶孟堅銘

春酒堂詩存 卷三

十二四明叢書 約園刊本

辭某題寓壁

曲院分歌管華燈列酒尊主人能似此客況復何論有
性因成命無才莫受恩買舟衝甲騎子舍有晨昏

友過夜話

春杪及秋殘危城會聚難交游何主客兵火且杯盤說
鬼挑燈暗呼僮臥籠寒欲商歸夢好蛩語續更闌

訪陳永叔不值

半爲梅花至東風是主人僧寒難諱酒世亂不禁春童
子能知性斜陽欲過鄰來朝香更發乘興肯嫌頻

示陳文生

傳聞懶出戶就爾其憑闌
亂世商閒事黃昏進薄寒
摘蔬寧厭野計酒且容酸
聚散聽明日益中菊未殘

龍眼

經荔難爲莫憐口獨後時
原同居地僻豈屑受名卑
秔稻分秋老干戈慰客遲
自傷辛苦劇有負味如飴

遷牡丹詩二首

愁劇心難寄聊尋閒事看
氣乘葭管動地擇竹陰寬
祝蕊資新力先花慰久寒
兒童強解事注水及幽蘭

春酒堂詩存 卷三

十三四明叢書
一約園刊本

向識花神貴慚來茅舍安
舊邦原卜洛南面更登壇
豫爲樽留席分教藥護闌
清平應有調願奏與花香

寄王備五四首

閩南何慕處君其勸余來
草率貧時命荒唐亂世才
存心同佛守擬事與天猜
遙望吳山路鄉心頻自催
生世與誰悔蒼天遂至今
別時無可說近日是何心
愁坐書爲冷貧居草自深
不多知識好爲我幾成吟
作句能閒靜勿令人駭驚
一時多爾在他日減余名
學識分程進詩文取數行
別來知膽壯議論復縱橫

可已加衣慎新風衝夜寒夢因佳句引歸寄便書難亂
久山川窄交深天地寬醒餘還有詠經午睡中看

守歲

回首如朝暮浮生忽古今獨□□此夕偏易警人心慈
母分盤核癡兒燭菓林追思爲客久肯厭酒重斟

歸計

日誤看花約驚聞芍藥殘連旬惟閉戶萬事只憑闌傍
晚尊醪盡他鄉麥秀寒子規空喚客歸計送飛翰

春殘

春酒堂詩存 卷三

十四四明叢書
約園刊本

不道已春殘閒居與病安窮塗常怨僕過午未傳餐閱
世深知悔觀書久悟難掩窗天自在晴雨莫須看

不寐作催雞鳴詩

村居原易曉天且聽禽言莫怪傳更誤何勞報午喧樓
烏空繞樹山鬼□乘軒努力隨鳴雁來朝客對樽

爲友人臨曹娥碑繼之以詩

微雨客心靜興來聞墨香字因隨意小卷遂比碑長待
酒將詩補移愁欲事忙子陵狂似我求益更何妨

平遠臺

當日磨崖處，隔風憶壯圖。雙門撐虎豹，列島伏鷗鳧。海在天仍遠，臺空勢已殊。龍宮遙問訊，交穩護明珠。

構園者新栽松竟枯

客誤十年計，天慚滿院春。藤猶思結子，鳥尙託爲晨。雨露知何地，栽培肯受人。脂明堪燭暗，自願作庭薪。

爲許有介別鶴二首

十載蒼苔冷，迎人守竹扉。怪猶招俗好，悔不放君飛。小圃花陰在，華堂月影非。臨歧猶一嘆，郭外晚鴉歸。

翻爲聲高誤，送君隨掩扉。跡迷新草徑，翎褪舊漁磯。世

春酒堂詩存 卷三

十五 四明叢書

約園刊本

事彈琴罷，先賢制網非。空吟招隱賦，自古貴知希。

蟬

物物乘時候，還能擇所依。無求聲易響，藏密體猶微。楊柳午風細，梧桐晨露晞。兵戈人世窄，爲爾感知機。

古銅瓶

翡翠雜丹砂，金精蝕土花。忘年如一友，閱世到予家。注水通天力，移春戀物華。揚州瓊樹好，曾插一枝斜。

初見龍眼花

是物驚新識，三山到夏初。葉濃如雨過，蕊細似花餘。守

實恥華競知時甘後舒秋風歸未得較荔果何如

寓中聞迎春鼓樂聲

戊子

何事傳簫管蒼天尚有春農歌空綺陌戰鼓偪重闌不
信東風好翻驚舊例新閉門雙涕淚慚愧土牛神

客久

干戈留客久春色過天涯已聽歸無路何煩夢到家梅
黃隨意雨荔古半身花竟作閩人管牆陰種晚瓜

庭樹

自問初何事蹉跎海一涯獨憐庭下樹相伴兩春花宿

春浦堂詩存

卷三

十六四明叢書

約園刊本

兩隨殘子鄰牆接乳鴉歸期明日定起踏月陰斜

清口謁金龍廟

萬里河流出斜陽挂古祠明神何喜怒末俗重巫師秋
晚漕舟聚風高驛馬悲孤征生計極一拜默無詞

渡河

半生空作客今日渡黃河風景中原大塵沙十月多驢
單鳴古道雁曠貼平坡纔覺鄉園遠拈髭白幾何

學卜二首

久客慕嚴遵何須入市塵無疑身計決有託壯心馴龜

策留經學金錢用鬼神空囊最羞澀猶傲杜陵貧
讀易記垂髫殘燈幾度挑初心存素業家學守寒宵莫
信張鷟妄還嫌季主驕陰晴尤欲定歸去決田苗

過微山湖望留侯墓

竟有留侯墓祠開石尚黃百年聽壽天千古慕行藏雁
引平波闊鷗移落日涼臨風惆悵極禾黍幾咸陽

南池

少陵不稱意今古識南池未改鳴蟬舊猶詢主簿誰寓
秦惟拾橡依蜀自栽橙頗憶東游否登臨是盛時

春酒堂詩存

卷三

十七四明叢書

約園刊本

天津舟次

客計先程到舟偏口幾宵城樓思一眺鄉國覺非遙地
盡聯朝日天迴接晚潮魚鹽喧井巷雨水正蕭條

韓聖秋席上作

短刺輕游客停驢口老闍惟君歡倒屣卽口命開樽燭
暖風塵色香招驛路魂來朝拚醉臥白眼聽車喧

戎適文過寓

朝陽晃夜雪不意爾披帷竟就牀爲座方同佛對卮才
離鄉國大句入華山奇莫更添惆悵相依是故知

獨笑

不敢嫌人謗，恩恩向此來。
屠沽公子客，車騎長卿才。
遠志還僧衲，狂名累酒杯。
燈前成獨笑，明日打驢回。

楊猶龍招飲次韻二首

風塵燕市客，忽漫遂登龍。
昨似騎驢誤，今如載酒從。
星辰吾輩聚，川岳幾人鍾。
話久頻彈燭，亭前雪滿松。
三十餘年夢，堪從醉後歌。
藏名僧俗半，喜事死生多。
親老慚書史，家貧負薛蘿。
幸承青盼及，不悔渡黃河。

安肅道中

春酒堂詩存 卷三

十八 四明叢書

約園刊本

曉霧寒難散，行行愈渺茫。
日光如帶水，人氣自爲霜。
飢渴虛荒店，艱難守故鄉。
最懷風雨惡，薄醉臥輕航。

太原感興二首

乳燕不巢梁，驚沙漫野黃。
秋常分作歲，雪易早於霜。
兵氣餘衰草，雄圖賸夕陽。
登臨惆悵極，何處古陶唐。
西塞中原盡，高風每作塵。
星低平似雁，月落近從人。
薄暮難爲客，青陽莫用春。
庭槐容易墜，纔得綠陰勻。

晉中得乘六先生書

北行悲計盡，無可託家貧。
止有先生惠，果然古道真。
荒

常輸惠早僕肯任勞頻喜極翻添淚開書讀百巡

章洪上書至

寂寥章子巷門閉海棠春出處終無計生徒舊數人著
書宜世亂勸客可家貧不朽人生事相期何日真

遠聞俞次寅丁艱

忽聞俞子痛已隔半年深偃蹇干戈日蹉跎菽水心兒
童傳句讀桑竹守窗陰猛憶交翁早蒼髯笑拂襟

丁酉一日晉寓

久客驚時序椒花懈舉杯老親添白髮思子對寒梅地

春酒堂詩存 卷三

十九四明叢書

約園刊本

迴冰霜接邊荒鼓吹哀故園春信早新韭問誰栽

懷申臆盟三首

時寓汴同且亭作

愴然懷舊雨空約太原程不見故人至忽聞螻蝻鳴讀
書耽地僻刈麥課天晴料得春居樂吹臺雲自橫

桑落共新嘗邊城四月霜連宵何所說心事反相忘出
處飢寒定詩文事業荒別來如昨日重欲與君商

良晤期春仲無端榴火明幸存詩一卷共對燭三更交
友聲名濫江湖歲月輕登樓頻悵望疑有馬嘶鳴

相逢

對雨聊同酌相逢君莫疑
干戈苦輩老農圃壯心移
按筮傍藤架扶竿助菊籬
村樓能不念醉眼看雲遲

晉寓題虎邱春雨卷

吳山來晉域春色到秋天
倚閣僧看雨侵波鳥破煙
舊遊驚昔日歸路計明年
恍惚花飛眼蛩聲在朔邊

聞遷居信二首

喜接平安信旋驚口避遷
所欣惟數里獨念共誰椽
顛倒詩書亂倉皇益益圓
兵機殊莫定可口武陵船

向欲遷居久危樓動北風
近侵江水白遠立廟牆紅
牧

齊酒堂詩存

卷三

二十四明叢書
約園刊本

馬平園韭棲烏口井桐恩
兒若在移得菊花叢

呈猶龍

南來頻有信共美主人賢
意氣從名慎文章得性偏
井州卽故土蜀道豈青天
自古難知己歸期遂屢遷

亳州道上

漸喜江南近平田水稻深
小村人息午古樹馬嘶陰
六月紅塵路三年白髮心
故園寒井冽屈指一披襟

題揚州旅店

乍接吳音好黃昏小巷偏
主人忙接帽童子笑投鞭
防

鼠糞黏燭驅蚊瓦設煙來朝呼一葉卽是故鄉天

過乘六先生郊居

傳說遷居久門庭信寂寥半牆遙見閣一宅自通橋薄
暮魚蝦足初秋果蔬饒東鄰如可卜餘蔭借芭蕉

寄許有介

米友堂前月依然唳鶴無難多詩可戒別久畫猶逋鄰
竹交龍眼花散虎鬚當年小史在應已罷吳歛

聞猶龍遷蜀之信有寄四首

初聞冀未確人語久堪憑官似同嚴尹游幾近杜陵驅

養酒堂詩存 卷三

三四明鏡書
約圖刊本

馳婚嫁誤風雅鬼神憎失意誰相慰遙知道力增

最奇稱蜀道此去好躋攀棧閣承雲穩涪流湧石還志

堪酬逸少歌莫信東山那得如□□看碑並鬱閒

三月曾行否鵲啼處處花由秦宜就陸自洛不攜家玉

壘留殘月繩橋守暮鴉烽煙猶未絕何地勸桑麻

登岳詩文壯茲行入華先石崖浮大地鐵縷寄青天爲

望東瀛小應思客子還他年聽細述如已共遊鞭

過于忠肅公墓

秋日淡人影荒林難久停暗泉鳴壤道乾葉走空亭世

已秦灰黑山應漢草青旌旗聞夜出未肯歇聲靈

同章淇上劉上峙查梅百聲止昆季俞次寅江爾

慈俞掌天湖泛

亂離湖水在貧賤故人同一別窮燕趙三年幾雁鴻雨
澄今夜月日注隔江虹且共行杯緩漁燈次第紅

送王子備五之燕

莫惜別離難長安咫尺看詞人雄鄴下飛將動文壇岳
影青還大河流春不寒舊遊余尙記匹馬渡桑乾

索友人畫四首

春酒堂詩存

卷三

三四明叢書
約園刊本

何處堪終隱從君乞草亭夕陽分酒舍疏雨半漁汀谷
轉鐘聲斷橋危杖履停不聞租吏到身世掩雙肩

莫道乾坤大原從咫尺看有林皆枳棘何地不波瀾徑
削陶家菊庭虛阮氏竿年來悲浪跡正爲買山難

向作中州客驚看爾畫奇兩人如欲語一樹竟無枝天
闕烏飛沒亭閒雲去遲更堪追憶處錯落幾行詩

老親無嗜好七十守林泉菊色分霜候蘭香得霽天開
樽書閣小移屐釣船偏此外惟詩畫高人輒慨然

中秋夕集梁園限韻二首

時客燕園名銀灣

南樓何處是亭榭俯銀灣萬里一天碧數人同夕閒容
狂疏世法取醉忘鄉關莫聽城頭角催還未許還
滅燭杯口月瓊樓似可攀誰家吹玉笛分響到銀灣雁
警詩心遠僧看酒政閒添衣承露潤樹影欲東還

獨酌

每辭飛蓋會聊滯給孤園客況宜高樹秋聲似遠村閒
門斯世大對酒一身尊需醉成佳夢無勞馴馬喧

夜集

詩鬪淹綺席絳蠟引蛾眉名士皆萍水歡場獨鬢絲酒

香奩堂詩存 卷三

三五 四明叢書

約園刊本

醇偏易醉曲好每多悲自厭清狂減官街漏故遲

壽韓聖秋五首

華嶽聞君說蒼天一徑懸曾逢人以鶴分啖藕如船氣
大江河合塵空日月鮮至今雙袖裏猶有峽中煙

乙未燕遊始愁衝滿市塵僧教牀作竈僕怪石爲薪君
過歡相慰今來意倍親巷深常畏客能辨馬蹄真

楚驢日易暮風雪一孤身入郭無相識逢君似故人設
樽依火密移寓與橋鄰回首光陰速重來隔四春

今寓慈仁寺仍君舊主僧短牆秋過葉小殿夜通燈打

戶回賓去巡松待月昇每來無豫約雙挈玉壺繩
數日不相見輒來叩戶看常齋觀物化偶病悟心安
果肯微醉笑談忘午餐自言藏布衲高雁有飛翰

擬別陳胤倩

自忘羈棲久相憐失意同叩門人就月分榻夢隨鴻語
默時賢外行藏酒病中南歸期懶定可得共征蓬

盧溝元夕

鞭梢明月大出郭未須遙燈火驢迷店兒童鼓聚橋客
途輕令節鄉國重晴宵亂後親愁劇停杯話寂寥

春酒堂詩存

卷三

三四

四明叢書

約園刊本

馬上三首

馬上逢歸雁誰經賀監湖干戈傳似定書信寄曾無塞
關尤防弋關嚴不放蘆明春是何地相見一相呼
馬上逢新燕迴旋語旁人杏花經歲別楊柳故園春雖
長能懷主巢安善卜鄰烏衣門巷遠漂泊愧風塵
馬上逢新月春寒覺似秋雞啼人出巷角斷雁過樓遠
道心常警人間夢未收村翁臥高日花影到牀頭

夏日對雨

急雨驅園暑愁中亦快人萍多池水定荷滿樹聲勻烏

榭傾紅友青衰賣紫鱗今宵羸醉臥秋意楚江濱

夜坐

苦旱嫌螢火多憂罷酒觥無雲口兔影有露潤蛩聲
久龍蛇狎農閒卜祝輕天孫應不惜銀漢水盈盈

道上

柏鄉南三十里有大石人斷野草中旁樹碑云
漢光武斬石人處

弔爾何翁仲慚同莽大夫兵鋒先宛下帝業啟東都日
暮燐猶碧春深草自蕪村人傳快事莫辨理荒誣

春酒堂詩存卷三

三五

四明叢書

宴漪園二首 時客新蔡

約園刊本

參差臺榭合爛熳管絃過村落通楊柳城陰借薜蘿醉
添花氣足春渡汝陽多勝事歡相引迴塘發櫂歌
竟日頻移席層樓復半亭罷歌鶯自和舉網客重醒棋
局藏花塢琴臺傍錦屏板橋歸騎怯來似未曾經

漢光武廟中作

南頓

湯沐存遺廟東京信果然向疑光武紀曾革莽新年日
月旂常復風雲將相全千秋留王氣俯仰一山川

清流山下

出驛泉聲好心如畫裏閒雲隨人憩樹虹帶雨過關往
事留山在春光自漢還欲將招隱賦何處桂堪攀

瓜步

到江如到里衣振馬蹄塵越酒先鄉夢燈花慰暮春小
舟初入夜鳴雨亦宜人拭眼金閨過無煩屈指頻

朱太守廟

越城

郭轉橋三里門臨水一天威儀隨土俗俎豆護豐年
芡熟秋風早覺歸夕照先死生遭漢武遲暮不須憐

飲沈御三齋

春酒堂詩存

卷三

三

四明叢書

約園刊本

不覺春將暮尋君正夕陽花闌分別院竹徑屬修廊酒
爲陳遵醉人仍阮籍狂蕭條蓬鬢後清興久相忘

蚤起

乍疑明月在散髮轉斜廊巢燕棲殘夢池魚噉早涼心
留天地外人聽古今藏檢點朝來事閒澆菊數行

刈芥五首

雨露春來足園蔬自代推收時先早麥斲處破蒼苔辛
苦逢人合蹉跎畏老催年年莫相厭味可勝鹽梅
是物乘時好方當寒食遲莫教窮地力應讓及瓜期生

計存齋喪儒風對酒卮春光知報答培植在霜時
豈不思花實蒙鋤及早晴爲知甘淡泊安敢戀生成野
齊同春老疏籬過雪傾寸心留得在顏色有餘榮

亦是終年計春風爲爾秋已徵爲圃學但負養親謀業
薄廚容儉村遙市易收空囊失次第惟此足無求

半畝須臾竟還將數本留乞苗思往日需子續深秋僮
僕尋常課雞豚早晚收尊醪分慰勞籬落未安休

社日分賦得漢宮早秋拈宵字

枕簟貼中宵風簾水殿搖玄蟬初變響綠葉暗辭條殘

春酒堂詩存

卷三

七

四明叢書

約園刊本

暑憐紉扇留春羨鵲橋昭君何處在帳外草先凋

野泛

進港春流順茶煙送酒香客閒蜂語近村靜燕飛忙過
雨風疏麥移雲日暖秧相將聊適興到處武陵鄉

東岡二首

聞說東岡岸崩頽竟至今春田思澤滿野水喜江深木
石推民力鞭笞揣吏心秋風難及早未必應時霖

漁網乘湍瀉丁夫倚鋪看七鄉民望亟兩邑事成難山
雨春猶密江湖暮自寒憑舷一惆悵古廟祀前官

同友過某人齋

逸興乘斜照忘過第幾橋
入門花刺眼近檻筍齊腰榻
可添雙客尊堪足半宵不
愁歸屐遠好月轉芭蕉

喜雨

水排朝夕響正苦插秧難
西照昨雲黑北風今日寒
映籬初麗深積霪轉波瀾
喜及池魚躍農夫荷笠看

家書至聞舉長子二首

四十蹉跎過纔傳得子
蒼客中方寂寞愁思且消除
夢似聞啼好歸應解笑初
可知連日早靈鵲噪門闈

蘇酒堂詩存 卷三

三八 四明叢書
約園刊本

兄弟俱雙女高堂始得孫
未占他日好先覺此時喧
祝廟香焚鼎呼廚酒命樽
更知難寐處名字已心存

獨步

獨步空庭暮寒鴉口復歸
我家過日樹有杖倚荆扉
作客秋冬口謀生少壯違
開樽喚僕問醒與醉俱非

客去

宿醒容午睡客去聽誰何
口懶留真在從閒覺誤多
疏桐分月到高閣送鴻過
久厭文章濫歸心慰薜蘿

客中對梨花作

去口飛葉赤今喜復憑闌花淡青春靜枝深白日寒欲
將經歲意與作主人看感此流光易樽中莫竟口

晚酌

愈覺梨花白因承夕照紅但須有酒酌莫問與誰同久
客慚僮僕高飛慕雁鴻那能不一醉春色欲慙慙

今春

生事何年足今春又異鄉期人商細雨命酒慰斜陽學
道詩文誤爲農手足忙老親書昨到百遍繞空廊

游岳津 卽古擘亭

春酒堂詩存 卷三

五九四明叢書

約園刊本

夜雨還微逕平沙趁綠陰地偏安物性春冷靜人心鳥
語泉聲合魚游日影深偶然幽賞愜坐久動微吟

寓餘杭法喜寺

共口來爲客經旬只閉門燕雛分舊壘竹筍過西垣口
醉存吾素忘名任物尊殷勤口佛火寂寞慰黃昏

餘杭北城登眺

草木方乘勢蒼天欲共浮人如臨大澤身忽在歸舟橫
界一行鷺亂啼何處鳩滌山雙徑外咫尺近城樓

旁晚見鵲棲庭竹二首

自覺低枝穩知時每早樓安心依客夢側眼看烏啼日
永雲同倦林疏侶未齊狂歌時不禁爲爾轉階西
同是羈樓客相依不復疑乞書人散盡沽酒僕歸遲日
落梳翎懶風高託足卑明朝家信到喜報近窗枝

過友齋樓

小舟無意及登覽似前期秋氣疏書幌江聲入硯池蟹
肥潮足候人靜菊留枝那惜從容醉無嫌月上遲

晚霽

空階收滴瀝晚酌喜加斟角響通晴意燈花媚遠心問

春酒堂詩存

卷三

三十四明叢書

約園刊本

風何處至矚月且宜陰準擬明晨出經旬閉積霖

竟霽

夢轉驚窗月侵晨啟閣看山俱呈積翠鳥各理雙翰天
道欺人久農書按候難此晴應已定邀友過湖干

張子漸過話二首

時寓杭覺苑

酌酒示裴迪與君聊掩扉爲慚口道淺猶易見人非微
雨無端集殘雲逐隊歸淹留何可說醉臥總忘機
昨日應微笑猶難禁淚痕世情閒處見交道誤□□新
燕侵人出殘花護蝶翻停杯今自醒從此竟無□

宿大覺寺

只爲尋涼到無妨一滯留出城人近月入寺樹先秋醉
淺聊通夢櫻高不貯愁檐西多宿鳥安穩共更籌

候友未至

十里春流順前村雨乍微輕舟過不已童子去應歸鵲
噪喜登閣龍驚誤啟扉竟忘三徑溼頻立向漁磯

期友人入夜竟不至

雨中通暝色未忍掩柴扉村火過橋近鄰人叩戶歸僮
貧疑展待地僻藉光輝且自開樽酌來朝望早暉

春酒堂詩存 卷三

三十四明棧著

約園刊本

丙午一日

未肯稱衰老其如白髮何百年雙鬢短昨夜幾莖多日
月酬杯學乾坤賸薜蘿小樓空側目天意可暗和

嘉興天寧寺坐暑

何處披襟好蟬聲未夕陽困眠愁枕簟狂態減盡觴雨
自前宵斷雷空昨夜長遙看鄰北樹似欲動生涼

游朱氏鶴洲園四首

名園郊外好小艇過湖斜門徑分僧舍亭臺半水涯百
年占古木六月想梅花到處逢盤石棲遲見晚鴉

園老誇黃竹移從蜀地栽山川工位置草木喜追陪
明月同分影蒼松另一苔何時攜襪被有夢到琴臺
門設不通路雙湖爲此煙澄波懸佛塔斜照隔漁船
鷺閒爲立梧桐別是天重來猶可識莫記太元年
何須捻籍買脫帽卽吾廬嶺斷林逾遠樓高水更虛
鳴蟬過樺柳翡翠動芙蓉竟欲忘歸去攜樽正有餘

登真如寺塔二首

天上果然涼南風萬里長此身如羽翼六月有冰霜
蒼翠隨煙合塵埃近郭忙凌虛仙易學初地莫相忘

春酒堂詩存 卷三

三十四明被書
約園刊本

竟欲忘身世炎歊忽已清雲中聞客語下界隱蟬聲
萬樹鷺湖小千家雉堞平何當一振袂丹藥訪蓬瀛

楞嚴寺寓

消夏得招提城陰似野谿相看同竹影無語見鶯啼
枕簟風過北杯盤月自西炎威何易歇幾□□莎雞

送人入閩

仙霞辛苦道籃筍半程分古廟邀人雨危橋護客雲
荔枝須後熟鴉鵂最先聞□門□題□依然照晚曛

同某人寓作

獨酌方成醉君歸□命樽饜□□好月滅燭就前軒率
意名談引忘形故態存嚴更空自急不及笑聲喧

舊鄰

昨送舊南鄰□□寄老親心先歸客早程計到書辰齋
葉穿魚晚□花泛酒春把杯歡笑劇穉子問游人

何日

半生不得志醉後語多悲湖海青山誤風塵白髮追虛
名聞過雁往事看殘棋何日芒屨穩長鏡自種葵

罷鏡

春酒堂詩存 卷三

三三 四明叢書
約園刊本

怪爾催人老頻將白髮添詩文虛歲月事業愧鬢髯寂
寞掩高閣徘徊巡短檐分明何太甚長歎罷歸奩

雨

不敢嫌纖細終能掩夕暉旌旗回廟社蓑笠出農扉轉
喜三旬旱翻增四野肥來朝應未已驗水上漁磯

泊北固山下

很石談兵處當年信有無古人如許事江水未會枯逐
陣分驚雁爭巢噪晚烏銅臺共白帝總是一平蕪

經高郵

暨社乘秋漲遙憐春鰭忙魚龍侵郭動鴻雁入天長有
驛尋高柳無村駐夕陽田禾收可盡水勢正茫茫

桃源縣

湖乘河勢決縣郭似孤舟遙望一新月下隨雙白鷗田
廬俱作客禾黍不知秋縱有漁人問桃花何處留

發濟寧

津亭寒角起水報柁痕深月落依檣短鐘殘隔樹沈舟
航空信宿李杜擅登臨回首城樓迥南池共至今

半生

香酒堂詩存

卷三

三四四明叢書
約園刊本

爲向尊前懶衰頹更自傷鬢原驚早白眼近似昏黃歲
月移人暗江湖誤客長春來應努力肯負半生狂

閉門

閉門何足怪所怪在幽燕張鷟文章好終軍騎從鮮無
才忙此日將病問蒼天斗室收觀聽忘醫足引年

花朝

久自嫌爲客華筵及病夫行藏原蹇澀語笑自崎嶇春
事桃應放花朝日又晡歸來莫惆悵將夢問江湖

家園

每作家園夢貧居口大歡祭詩酬歲暮口火答晨寒菓
熟南籬橋花聞隔院蘭魚蝦親不厭穉子亂杯盤

過準提菴

經時不出戶信步訪鄰鐘傲俗容身懶思親禮佛恭程
途憑暮雁歲月接秋蛩作客常如病何時老一農

過紀伯紫寓

夕陽同一巷閒輒叩君扉久客俱蒼鬢燕山幾白衣論
文驚月上賞酒候僮歸聊復過今歲無須憶釣磯

答友

春酒堂詩存 卷三

三五 四明珍書
約園刊本

習懶原非傲寧忘作客心口口高士異只是世情深烏
几相朝暮繩牀自古今不知何毀譽聊取濁醪斟

同某作

兩載天涯外蕭齋共髡髻蒲葵閒試墨蔬果醉挑燈斯
世存吾道前身說是僧靜看塵滿市裘馬意飛騰

劉公猷見過

每傳車到戶側帽已開簾萬卷餘雙座寒禽共短檐八
貧交道洽詩老壯心恬口口山下清閒兩不嫌

夜過公猷寓聽歌

鄰東聞勝事迴騎月斜時密坐口爐火微醺駐酒卮夜
寒絃易口年少世偏遲又入涼州調江南客獨悲

獨立

但得家書讀聊當一度歸他鄉冬又暮知己願多違矯
首烏口樹口身客叩扉可知河凍後驛騎自南稀

觀奔

隔窗遲下子勝負屬誰家小病閒行到無言入座斜悟
將局外意寒卻掌中茶一笑瓶花落高雲過暮鴉

擬輕薄行七首

春酒堂詩存

卷三

三六四明發書

約園刊本

昨逐平陽騎今要衛尉娼口口眠晝閣紫燕浴銀塘削
改珊瑚飾鞍嫌玳瑁裝探懷分墨敕誰欲補中郎

別口垂鞭入口門照火還舍人輸集翠丞相出口口臘
口姚黃放口蘭象白鮮不知揚執戟何事賦甘泉

火借宮門燭歌調蜀使檀舞猴登纒席獵犬飼雕盤客
近交中尉婚初結上官口口聯騎過苦草遍金丸

宅起上林口沈香屑作泥刻口口苑免介羽鬪芳雞闈
口司徒口伶歌進士口監奴誰得意乘月奪鸞篋

長秋乘醉出口笑闕新除口得功臣第鞭迴貴主車放

縉矜墜雁口，膾厭懸魚。又口青樓上，休傳夜直廬。
何似張公子，曾承漢主恩。微行通複道，曲宴啟端門。燕
其鞦韆起，花因蹴踘翻。申屠今解事，不恃相臣尊。
入謁誰聯轡，諸姨笑語中。急裝金鞞鞞，卑幘玉玲瓏。食
賜天廚數，歌翻法部窮。爲傳門下客，莫用避桓聰。

過慈仁寺

紅塵車馬內，到輒就蒼松。野老衣冠古，宗臣劍佩蒸。江
聲風斷續，秋意雨從容。坐久忘身世，閒雲隔數峯。

五十初度四首 燕寓作

春酒堂詩存 卷三

三十四明叢書
約園刊本

慚愧懸弧意，防人自問天。半生如一瞬，百歲是何年。客
久杯盤懶，愁多鬢髮鮮。今朝親思苦，幾度與孫傳。
怕檢新春曆，偏難此日忘。初陽融研墨，宿火續爐香。往
事心空在，餘生計欲忙。故園今夜燭，莫爲減壺觴。
但留昨日在，五十尙成筵。節近喧鄰鼓，春微養地爐。背
人雙涕默，旁晚一尊孤。早臥尋歸夢，椒花賸有無。
千秋占此日，九死到今春。萊子猶爲客，茅生已不貧。魚
蝦船到戶，禾黍債過鄰。莫道村田瘠，歡娛在苦辛。

秋風

秋風起昨夜城闕動悲笳此地無非客何人不憶家飢
鶻愁落日倦馬浴黃沙記得田園熟開尊候釣槎

文丞相祠

碧血留當日丹青冕服新不知柴市改應與泮宮鄰牧
騎閒探穀祠官例薦蘋最憐相問者丞相昔何神

元日待曉

己酉

未免求衣早猶難忘歲正爐餘昨夜火雞唱故園聲笳
吹留寒臘車塵障啟明遙知親舍暖殘夢問燕城

蠅

春酒堂詩存 卷三

三六四明叢書

約園刊本

白日同斯世難將塵尾分向人矜羽翼隨類鼓聲聞故
坐鬢眉傲偏爭筆墨勤但能無穢跡不厭夜來蚊

雞

老母持齋久村居少客通庖廚知幸免飲啄愧稱雄試
翻荆籬下昂冠草舍中一天風雨急猶報曉雲紅

羊

豈屑雞豚伍何曾藉稻粱且將羔自牧休恃角爭強大
雪黃沙漠殘暉白石岡最憐春草綠點綴午橋莊

麥魚

與麥同見肥不及箸□□□味殊別塗處人見
穴有碧色漿以趾觸之魚躍起尺餘以手承取
稍遲失去善取者竟日僅斤許

雖謂知希貴因時已附名艱求翻見味善守或全生豈
謝泥塗辱寧同海錯爭可悲網罟外機巧愈分明

猴

欲縱山林性翻供世俗憐無才隨獵隊何□雅賓筵韞
鎖人間滿鬚眉造化偏夢回尋舊侶蘿壁月空懸

鸚鵡

春酒堂詩存

卷三

三

四明叢書
約園刊本

自違西隴月飄泊遍天涯翻爲能言誤頻將故主辭羽
毛慚雀影情性昵蛾眉閨道宮中放曾教使客悲

歸燕

歸燕歸何處曾來有故鄉春風應次第世事各淒涼巢
託茅檐穩人知瓦雀強天高鴻雁喜敢羨羽毛長

歸雁

爾輩何辛苦蘆銜萬里天朔雲隨處在關月總同圓引
類勤相警知時遠自全寄聲攜旅客歸計莫遷延

鏡

古井同澄碧能舍日月精風塵無我及滅否與人平篆
隱參金鼎星羅問玉衡蟠龍鱗爪動甲子幾朝更

硯

尚帶端溪雨雲從几上生依人仍自守施用更忘名靜
對瓶花落閒看蠅陣橫崔魏銅雀瓦慚愧共柴荆

曉過沙河

客舍經城郭口宜及早晨層樓先引日聯騎未驚塵水
斂沙無路秋和柳尙春獨憐民計促伍伯已驅人

盜遇

香酒堂詩存

卷三

四十四明叢書
約園刊本

己酉十二月八日時奔先君喪

不孝宜逢盜天心戒遠遊青山城堞近白日汶河流痛
極翻無淚哀深未暇愁傾囊書籍亂還爲老親留

酬姚生

故人懷久客分惠自溪山雨寺知僧寂蠶天得豈閒豈
從揚問字未有帖傳顏慚愧心難釋鄰翁恰叩關

與諸君說荔

蹉跎窮荔候尙憶海天涯笑客猶詞賦慚子竟齒牙天
留遲八月菓勝似春花總是難相譬惟須就作家

淇次不寐

酒薄多難勝愁深夢不親北窗驢鬣棧西舍客籌縉碣
署千年事墳留百代人經過應有句門外響車輪

甲寅一日

海昌寓

元日今朝是還疑紀曆差寒爐圍懶僕空砌落飢鴉俗
憶辛盤古鄰爭爆竹諱怕萌尊酒興不敢看梅花

渡淮

一口天分候驚塵至此停江雲通雨到楚岫接帆青林
尙棲黃葉田猶宿紫萍更疑回首處時已謝玄冥

齊酒堂詩存 卷三

四明叢書

約園刊本

拜鵲亭

結茅方丈地抱膝補爲僧碧□□高樹丹葩落古藤年
華酬道路心事罷賓朋爲鑄黃金像如來是少陵

述感二首

癸丑燕寓

垂老心逾拙依人路轉窮枯鱗遙聽雨鍛翮靜看風力
效□□薄愁趨語笑同殘樽淹獨坐懶起剔燈紅

作客殊非客□勞逮我躬傍人窺去住一僕欲西東霜
鬢侵髭逼慚顏耐酒融小窗誰問訊默坐指書空

癸丑八月二十二日

竟得離燕市空囊亦快然
衾裯休計冷鴻雁未經天
夢與親闈近書從驛路先
經年杯酒盡愁殺一燈前

刑臺道中見老嫗坐樹下
前列粲粲婦子環繞哺

兒愴然有作

秋光娛白髮楊柳不移陰
弄菓兒停乳添花婦約簪
鄰口收稼事客愈動鄉心
有母天涯別聞啼淚滴襟

次臨洛關有懷申臆盟

申家廣平去關不遠

河朔無楊子思君覺倍增
此鄉爲魯殿大雅一韓陵
遙翠邨山近高樓夕照憑
相思千里駕方信古人能

春酒堂詩存

卷三

四明叢書

約園刊本

哭陳三胤倩二首

竟作燕山客幽懷付夕暉
此生雙短鬢遠道一孤幃
友檢囊中草僮號屋上衣
寒天來北雁魂可共先歸

朋輩天涯盡飄零共苦辛
魚磯留一我酒戶去斯人名
大難違俗才通易損眞
十年前四十鬚鬢早如銀

立春二首

乙卯十二月二十一日

今日果然春晴光分外
新雪消蔬葉綠風靜竹陰勻
習亂輕憂慮占豐勤
苦辛村翁輸稅返爭說土牛頻
無曆頒茅舍逢時問比鄰
不知今歲令已屬隔年春啼

烏合機淺梅花得氣眞家人拘習俗柏酒待經旬

除日王子招飲

惟有樽前暇飛騰任歲華村居無勝地閒話只君家海
□餘甜白春光報韭芽狂歌還命燭竟可接□□

四月

四月羣生遂予懷亦散愁半虹垂別浦萬綠湧層樓燕
乳催簾放蜂飛就笠收羽書驚已慣不礙醉鄉遊

遣懷

白鷺散霞天登樓忽爽然微風來樹杪涼意警霜顛老

春酒堂詩存卷三

四明叢書
約園刊本

矣干戈始遊哉嫁娶先遣懷聊一笑醞酒未須錢

過山家

雨霽爨煙青柴門尙自扃溪喧啼鳥歇樹迴過雲停鄰
比能通籍山□肯勒銘風塵隨處是安穩斲松苓

乍晴

枯坐樓逾小欣然見遠林風聲迴雨腳虹影亂天心錯
聽一雙屐驟聞何處碁兒童知歇午不復更愁霖

送北行分韻得徐字

天涯烽火外取道出青徐獵騎爭官渡村門塞敗車莫

嫌雜唱懶自信客囊虛貪口尋常事斜陽欲有餘

送張又陶之扶溝四首

世亂多歸客居山又寂寥出門侵歲暮計里到元宵
易講蒼臺近烽傳棧閣遙良朋燈火熱差足慰飄飄
每過山樓話歸航促酒闌半街茶市散細雨笱天寒古
道無形迹時賢自羽翰此行經歲別留得嶺雲看
里中交愈寡惟子久相安守學忘年老持名耐路難僧
過秋製茗樵返夜呈蘭此樂殊堪念他鄉坐漏殘

預擬歸來喜堪怡送別情橐裝過陸賈弟子幾康成道

春酒堂詩存

卷三

四西四明叢書

約園刊本

靜顏愈壯詩奇韻益平停杯詢舊好誰念白頭生

過邵氏齋訪周方人

隔村尋勝友錯路也欣然小閣書聲下低牆客姓傳
千秋餘白髮斯世一青氈話久杯盤列難嫌竟醉眠

入韓嶺

入山遺短策隨意借前村因共樵夫語殊忘午日喧
澄潭懸樹影危石護雲根問予何事尋花叩竹門

山樓夜眺

食此一宵靜樽殘臥未成月承雙樹倚雲壓萬竿平飲

鹿相傳警棲禽自轉更蕭然天地外何用守三〇

丁巳元日樓頭作

殘雪猶然在年華已自新隔林先度鵲四野未行人里
役聞今日烽煙老此身何時聽爆竹仍是舊陽春

新聞

長虹拔地起飛雨晝天晴得句迴殘夢登樓遣宿醒漢
江烽火下秦塞羽書并可掩柴門穩新聞羨後生

謝菊窗二首

芽茶出釜綠歲歲領清芬欲使麾毫日常生太白雲火

春酒堂詩存 卷三

聖五 四明叢書
約園刊本

新泉正沸酒〇夜初分爲〇搗〇者山高日易醺

不惜栽培力迢迢致釣磯瓜偏承候早蔬獨見根肥淡
泊通儒教醍醐悟道機盤餐慚一飽且遣酒樽違

寄直菴二首

聞道藏名處高寒地稱人梵音驚蟹戶佛火射龍神堂
貯村前雨窗含夜半晨何時攜杖到回看市城塵

福泉秋氣碧太白共崢嶸榻臥海雲暖階流天漢鳴經
年資納重四月問茶萌不厭山居冷忘機鹿子〇

觀穫

竟見連枷動晴雲淡遠天回思無兩日敢望有豐年村
北新槐火籬陰贖芋田草堂租吏到隔歲借了錢

收烏柏子

柏子梅花白籬根落葉平場收驅僕暇炊早及天晴螢
火資相接書燈藉有聲莫留烏鳥啄殊勝夜珠明

戊午元日

不覺是元日荒村一布衣客無車馬到鄰謁社神歸滌
硯試新課書□滋道機園蔬摘未得屈指待春暉

西陵渡

春酒堂詩存

卷三

學六四明叢書

約園刊本

風雨渡錢塘天涯路正長衰年虛往事生計信他鄉江
水忽焉闊吳山何處蒼做人鷗鷺輩出沒自翱翔

至杭聞查梅百歿久二首

又報故人歿追思數十年一堂羣從聚罷酒五更眠黃
卷慚斯世青衫傲彼天今朝悽愴劇自願已皤然
古牆深巷月倚檻共論文聚散昨朝似存亡今夜分恨
長存帽恰心亂付書芸行輩行將盡安能不醉醺

扶溝道中二首

爲屠尹和

入境風光好家家聚麥場茅檐雜報午柳井馬趨涼翁

醉挑藜杖兒嬉臥績筐莫嫌來里正隨意足壺觴
行客亦生色歌聲逐路長蓑衣荷氣潤撲帽棗花香鄰
巷通歸鶯烽臺飢乳羊頗聞租吏說廳事燕飛忙

劉上峙移樽過寓

對雨坐口酒慨然歸命廚肪肥魚眼細膏滿蟹螯令
婦能倉猝家童口口口興狂天爲霽晚照半城隅

集山舍分賦得水碓拈鷲字

隨物無心應天機絲動生推輪乘雨力壘石用溪聲相
讓鄰俱近常喧鹿不驚主人先碓枕作醴慶秋成

春酒堂詩存卷三

聖七

四明叢書

約園刊本

爲姚亦方畫扇

筆墨忽成興寒山不肯春輕舟應有路虛閣似無人筵
小藏天靜心閒避地新臨歧無可贈聊以慰君貧

悼亡

塵篋殘膏在幽征何日還丹青留一面昏黑怯雙鬢倉
猝心如夢非酸事漸閒尋常人易老草草委空山

中秋前三日

中秋天自惜風俗與人爭翻喜今宵雨堪留後日晴桂
遲須客放酒貯待詩清拌此輪猶仄高眠聽雷聲

酬胡漢賓二首

燕市同爲客相憐命小奚瓦瓶勞鄭重絲絡遠提攜入
戶風迎桂傾杯月映梨病餘應破戒醉臥接晨雞
更有茶同到嚴冬忽見春猶舍南國露未受北平塵抱
膝愁詩渴呼泉試火新需君來永日斟酌話情親

火神廟寓夜

怕承石炭火仍藉土爲牀止酒燈無色加衣被愈涼鼓
鐘殊覺鬧童僕自成忙料得家園說遊人醉是鄉

寒

春酒堂詩存

卷三

早八四明度書
約圖刊本

赫赫火神廟因子轉更寒破簾藏半榻苦井凍雙餘日
短炊常誤朋來飲自乾時子止酒他鄉離母在辛苦此心安

病旅

旅中難著病身命屬僮奴飢渴時相亂寒溫語不孚開
簾疏藥氣卻刺謝詩逋歲晚天涯闊鄉園夢亦無

黃鼠

山西

黃鼠常嫌澀今朝始自申光先凌几案味總別山珍郵
致從關近書題入網新可知同一命雙箸負君頻

鵝
固始

同是一羣白依然飼稻梁何人窮此術無翼走他鄉味
已移鵝質名因壓雁行頗聞爲邑累飛檄似微糧

河豚 揚州

誤聽楊花起功懃橄欖施殺人原有具瞑目竟無辭市
逐鄉風亂筵嫌價值卑其憐西子乳名與類堪推

鮓魚

舉箸疑生動江波潑刺聲趨時寧見哲尙口豈全生骨
爲貪人口口同皎日爭今宵堪作鮓將夢寄鄉城

鱸魚

春酒堂詩存 卷三

四五四明叢書
約園刊本

亦競一時出細微良足哀筍天尊菜好柳絮釣竿來入
饌誇三泖臨餐羨四腮季鷹空憶鱸何事待秋回

啖虎肉

李廣今何處當筵動壯心那能入匕箸念爾在山林肌
理死猶勁酸鹹生自斟寄聲豨與豹宜向白雲深

愁緒

一病兼旬久殘書亂枕眠衣衫淩骨肉蟻蝨長曾玄慚
愧醫頻到蕭條僕懶前藥鐙驚已沸愁緒與俱煎

與吳生四首

各病成孤雁哀鳴祇自聞承君頻駐馬慰我是離羣藥
攝陰陽相方尊草木君加餐且莫問何日可微醺

裘馬信醫名幽燕病莫生刀圭忙僕從簡刺列公卿寒
士依神廟偏隅偪子城君能來緩坐談笑已身輕

君以儒行術子將病助名數言推候審五臟證書明鼓
枕臙槩口空囊怕藥鐺朝來留衲子起坐話無生

向來交友說吳質擅能文不謂醫如此曾何命是云一
身收白骨二豎付青雲彼是多金處無嫌扁鵲分

戊午燕寓除夕

春酒堂詩存

卷三

五千四明叢書
約園刊本

破廟逢今夕淒涼又病身觸懷如去歲語笑自西鄰一
僕爲形影孤燈共鬼神尋常原易過四海酒杯親

有勤就一職以養親者作詩謝之四首

應有趨時意原非世外民江湖恩自闊魚鳥性爲春天
肯生余拙親能愛子貧游情今已倦歸及稻花新

心已承公惠憐余及老親惟貧猶有子不死半爲臣任
拙翻成性無才似愛身朝來歸計熟敢厭市中塵

猶不隨僧去荒餘藉此身山資寧固卻宦術更難遵或
以無才子翻爲有罪名貽憂何悔及耕稼守人倫

亦知難自諱世法正逢新花酒常宜夢詩文可治民未
能伸友意不敢計親貧山野成天命行吟拾暮薪

復有勸就一職者二首

出世心雖靜羈棲跡可疑固應來爾勸還以警吾思數
鹿看人暇孤鴻侵月遲微軀能有願非畏北山移
欣羨誰無意胡爲獨受愚望窮時莫待身賤節爲迂憂
患無餘策功名易假塗問心終寂寞相對一言無

似晴復雨

天若猶爲主一晴何甚難計旬不信日展夢得前山野

春酒堂詩存 卷三

五十四明叢書

約園刊本

店欺人出村煙接雨還苔痕如未足添許護僧關

閱俞次寅扇上四詩和韻寄懷

歸隱違初志閩南今日來君先游是地人受役於才士
物循名問鄉音多意猜歸期難預卜昨夢已相催

親老貧難慰懸才抗古今以之悲客況卽此見君心得
異將成集來聞不覺深近尤思慎密動輒憶佳吟

忽蹤憂患集閉戶尙多驚遊客常辭醉登臨欲諱名賤
寧農可學負莫遠爲行闡路非同昔干戈縱復橫

兵火孤身試回思忽覺寒昨何一出易今乃欲歸難客

愧探囊罄僧贏得袖寬故人詩莫寄尋爾舊詩看

春酒堂詩存

卷三

五

四明叢書

約園刊本

春酒堂詩存卷三

春酒堂詩存卷四

遺書二之四

鄭周 容鄧山撰

慈谿馮貞羣孟頴編

七言律詩

錢武肅王廟

背郭馬嘶三月天
階前草綠生浮煙
古碑猶在名相語
童子不醒羊亦眠
六代廢園只燕雀
千年吳越仍山川
笙歌門外畫船散
處處暮雲啼杜鵑

閩中玉皇閣上作

春酒堂詩存

卷四

一四明叢書
約園刊本

九關無路振飛翰
惶恐臣攀百尺闌
天在閣中看世亂
民皆地上作人難
海風忽起鴉相背
山日將沈雁自單
瞻拜勿言惆悵下
重修封事奏星壇

勸放雀詩

滿籠啁哳待辛盤
檐外高雲空自寬
我亦無心通佛教
雀原有罪傍人餐
家書隔歲春光苦
兵氣橫天歸夢難
其爾餘生無甚別
不知何路振飛翰

贈林異卿

叩門聲隔半牆籬
正值朋尊集雅歌
世外姓名逢邂逅

意中蹤跡誤蹉跎人當烽火心偏靜秋在須眉白太多
斑竹草亭聊醉臥江天且莫問漁蓑

閩歸

閩海淹留事事違鄉心虛過幾斜暉三年菽水添親老
孤客干戈挾病歸古屋頽牆瓜斷續舊鄰露碓草芳菲
音書不信重關阻追述傳聞淚滿衣

虎過

鵲噪烏啼乾葉鳴隔溪斜映竹籬橫雨過沙路蹤應闕
日墜松岡眼愈明天自好生同一命世皆多欲獨居名
山翁笑說相逢慣不慣輸租到市城

江山縣

江路將窮千里折客心遙怯嶺崔嵬人從木杪懸舟上
水自雲中放碓來小邑事從春雨懈荒城門報日高開
明朝輒入他鄉道暫泊何堪回首獨回

自笑

小軒客至不須巾古樹移陰過隔鄰身可借閒君共醉
世方多事我能貧且看澤畔雙行鷺又作天涯一日人
自笑狂歌歌太劇城南城北總青燐

歸夢

幾歲兵戈嶺路賒
忽容客夢獨歸家
綠楊舟泊春江晚
青草門深古巷斜
童子傳聲喚犬吠
老親拭淚驗燈花
恩忙未盡三年話
哀角城頭散早鴉

聞徐心水難朱君爽過商

中夜徬徨始及晨
值君隨意過江津
保安未及謀爲買
元直何從歸就親
肯有歎聲交誼盡
纔知失策宦資貧
傷心不信當年史
好事紛紛屬古人

赴救心水別君爽

春酒堂詩存 卷四

三四明鏡書

續園刊本

高樹鷹寒坐積霖
蘆中短棹待城陰
居行各盡明朝力
功罪俱成是日心
有舌存堪衝白刃
此身瘦莫抵黃金
計程爲指盆荷祝
第一花開酒共斟

海中晤心水先生

獨攜夜雨赴兼程
軍令崎嶇第幾營
放膽呼舟舷似堞
懸身入榻戶如罌
午潮日射蛟龍氣
別嶼風分鼓角聲
握手且須收痛哭
此來已誓不虛行

鹿島送心水歸

日又將斜潮又平
無須多語竟前行
各分然諾成初念

獨賸波濤驗至誠
趙使不須同璧返
秦關可勿待雞鳴
渡西好問來時路
應有魂留在五更

鹿島見螢火仍用杜韻

獨坐夜深螢自飛
相迎不肯近人衣
戰場共逐鬼火密
村舍莫補漁燈稀
受質原微愧羽翼
乘時一出矜光輝
晦明翻覆尋常事
日照檻東何處歸

翁洲卽事二首

人穿黃葉俯荒城
家指青山夢一程
羣鳥接天雙渡闊
片雲移日半江明
羞貧今日知司馬
作賦從來誤禰衡

春酒堂詩存

卷四

四一四明叢書

約園刊本

病起轉深多病慮
怕乘尊酒復談兵
無聊欲叩老僧廬
誤上城樓極目虛
烏鳥來添殘葉盡
人家分半夕陽餘
十年遊說羞存舌
此地窮愁怯著書
百里故園千里似
驚心屈指歲將除

出翁

螢火纔過成鼓頻
馬蹄忽起暗中塵
影藏亂棘豺狼共
身受嚴霜草木均
歸魏管寧仍泛海
入關張祿豈投秦
小舟未接潮痕到
爲屬東方莫竟晨

三生石和張子漸

一徑苔痕竹數竿空山留石與人看身如悟假真何在
世若知生死不難澗水去忙催日暮子規啼急滯春寒
與君且入旗亭飲湖上笙歌滿畫闌

上紫陽山

獨坐遺愁愁未央忽隨羣石上高岡壯年無事踏秋葉
故國不歸看夕陽僧去影隨深徑小雁來聲引大江長
天涯正爾風塵滿仙蛻應宜臥石牀

屏跡

屏跡湖南客過少客過正值花滿檐休傳近事惱人意

春酒堂詩存卷四

五四明叢書

約園刊本

且讀新句掀君髯村酒太淡急吹火野蔬半生微著鹽
盤餐倉卒任童子留聽晚鐘兩不嫌

飲北固山上

攜榼山樓懷抱開西風昨夜暑初回中原樹色依天近
巴蜀江流隔楚來地閱興亡雙古塔人爭王霸一荒臺
日斜不禁生惆悵望盡飛鷗罷酒杯

送客

送客籬門巷轉西同看歸鷺數行齊鄰家欲盡江風火
入影初長野日低得地藏身謀草閣就春生計羨蔬畦

躊躇未竟今朝話願約同牀聽早雞

夜坐

庭葉無聲秋半多破牆微月映藤蘿閒愁且罷燈花落
好句將來雁陣過恃病留身停藥石推貧較死慰干戈
梁閒黠鼠縱橫劇是爾光陰奈爾何

愁

曉色纔分獨倚時空庭一似與人期臨江地薄雞聲闕
積雨天低爨火遲病後身閒如在客愁中計盡且刪詩
小童錯怨春光懶欲摘園蔬摘未宜

春酒堂詩存

卷四

六

四明叢書
約園刊本

寄某

丁卯橋邊話北行不知何處是鄉城馬嘶衰草夷門沒
鴉散黃沙博浪平寄跡風塵頻易姓分人童僕忽忘名
相期竟負梅花白柳絮飛殘菡萏生

題漁樵圖

楊柳陰濃野渡邊相逢閒敘太平年可知秋水寒過膝
何似春雲重壓肩是處亂離愁白日一朝辛苦傲蒼天
收管已有雙鱸在橋外青旂動晚煙

幽人

幽人門徑逐籬斜燕子春來共一家
漢北林煙停過雨天南野燒續殘霞
頻誇社老占時準閒正鄰兒讀字差
爲引敗犁支榻穩昨宵新夢足桑麻

重上大觀樓

宜興東溪上

十日蕭齋雨閉門重來依舊欲黃昏
鄰牆落盡辛夷瓣溪漲侵過榉柳根
異地春光虛歲月滿樓心事狹乾坤
歸鴉已去誰相語隔岸漁舟婦子喧

長橋上有懷孝侯

溪水進郭不復鳴祠堂古木風有聲
不橋生色壯千古

春酒堂詩存

卷四

七

四明叢書

續園神木

鱗甲死心完一名桑蔭啼雞曲巷午
柳花舞燕高樓晴
卽今煙火繁如此父老何事悲懷生

尙書白惠風先生招飲賦呈

尊前舊事話更餘十載卽曹任卷舒
鐵甲西陲催戰馬錦袍北闕賜飛魚
曲江花盡斜陽冷綠野人閒午夢虛
尙有昔年霜雪在蕭蕭雙鬢不勝除

金陵之一

愁人最是怕登臨况值秋殘急暮砧
江總宅前添蔓草謝公墩上減楓林
重遊忽證千年事壯歲俱成父老心

湖水愔愔空自急白雲長繞蔣山陰

春日

春日蕭條未覺春空庭獨倚日過鄰寒鴉不數爭高樹
臥犬無端吠路人事業荒唐疑史冊歲華草率誤風塵
世情方共矜裘馬何處深山置此身

邱吉士董秦雄見過

總是疏狂闕送迎竟須脫帽聽江聲几留一硯參賓位
廚報中餐代僕行積雪經旬蔬未綠南風昨夜酒難清
得閒莫厭頻相過遊計何從問管明

春酒堂詩存

卷四

八四明叢書
約園刊本

過督亢坡

千年易水自波瀾擊筑如聞酒未闌日落向人平野闊
風來捲樹早秋寒地圖究竟收蕭相碑石猶仍屬子丹
過客莫將成敗論沙邱咫尺草漫漫

太原立秋

秋聲終歲起斜陽檢曆何須報早涼客爲悲歌成老大
天當西北易風霜庭槐葉綠陰纔足野燕雛飛影未長
蟋蟀漫勞催旅思春來無夢不家鄉

登七里灘釣臺次韻

子凌高臥白雲幽，潦到風塵我未休。
一水兩山仍昔日，十年三度附人舟。
雲常自去松花落，客久無言鳥語留。
隱學山南慚老樹，滿磯春漲有羣鷗。

贈別

傳說扁舟笠澤濱，藏名忍事更何人。
如城邊老母王孫飯，橋上神仙孺子書。
風雨一天寒六月，干戈十載斷雙魚。
相逢相別相沈醉，自愧清狂習未除。

句容道中最高閣

祇爲憑高意爽然，無端愁思夕陽前。
鍾山古木雲何處，

春酒堂詩存

卷四

九十四明叢書

一紛園刊本

甬水秋風雁一天，事關干戈身世窄。
地當形勝古今懸，同來年少催人下。
但指旗亭好醉眠。

京口

京口驛前泊不行，蕭蕭細雨忽復鳴。
鄰舟自拔蒭帆去，晚角又催湖水生。
俯仰廢興祇佛寺，古今南北空江城。
呼童扶屐攜斗酒，獨踞硯石看新晴。

登潤城西樓

何處疏砧一散愁，城隅縹緲生高秋。
兩三竿日下侵堞，千萬里江平接樓。
阮籍何心歎廣武，仲宣到處悲荊州。

啼鴉衰草轉惆悵歸坐蓬窗聊醉休

燕中晤陳胤倚有作

披裘六月解征鞍一笑傷心握手歎農圃尙違當日願
風塵重省昔年寒行宮鳩鵲承雲動寢殿麒麟臥雨看
昨見金吾仍洗象柳陰無恙水漫漫

九日作 時寓燕

遣愁日日醉新醅漫舉茱萸此日杯重九只須鄉國有
黃花寧向此中開龍山寂寞桓溫會戲馬荒涼宋武臺
祇見紛紛車騎客毗盧閣迴應時來

春酒堂詩存 卷四

十一四明叢書

翰園刊本

燕中九日懷楊猶龍先生

天涯只此一重陽西望雲煙萬里長安得遠傳藍水句
不知誰共菊花觴人難縮地通魚復日一登高看雁行
忽憶太原同此節小軒殊勝上高岡

燕集餞人南歸

易水痕銷秣馬堆短裘敗笈度烽臺蹇驢計日隨鴻臚
殘菊迎人入夢來金盞尙餘詩草在霜繁未染鬢華回
秋風促我愁中老客邸時逢送客杯

慈壽寺

明肅太后萬曆閒建

聞道承平德澤深長秋宮布大盈金丹青尙動蛟龍氣
鈴鐸相忘鳥雀心錦賜經函題甲乙篆留碑石記辛壬
偶逢白首僧閒話尙食曾經直禁林

眞覺寺

內有永樂時西僧所進中印度石塔五

燕山昔日定行宮玉帛車書會域中卽此西僧供佛
可知荒服備臣工金仙高掌猶承露玉殿靈衣自舞
歎息盛衰成瞬息好將塵夢事眞空

春酒堂詩存 卷四

十一四明叢書

約園刊本

興勝寺

內有高樓三層

朱甍碧瓦彩雲浮百尺層梯萬里秋日落秦關飛鳥沒
雨蒸吳會斷虹收金張花樹春何處趙李亭臺客是不
獨有高梁橋下水石犀依舊看東流

萬壽寺

有永樂時鑄鐘十萬餘斤聲聞百里外

曾先聞闔警司晨豈是金銷十二人玉漏尙須避永巷
車塵早已動平津崔嵬欄楯鯨何怒零落翠恩鶻自馴

爲歎連朝風雨晦可憐仍報景陽春

登毗盧閣四首

誰見桑乾水復回六街車蓋起塵埃池傳興慶開紅槿
宅換汾陽閉古槐夢渚浮雲牛斗近函關秋色雁鴻來
故鄉欲指三江路何處重尋九日臺

秋風樹樹振招提無限愁心極望迷人物悲歌爭似昔
河山形勢總由西檐前欲接浮槎過樹杪平看絳闕低
聞道月光侵太白延秋門上夜烏啼

危闌東望但雲煙節近重陽忽爽然風欲掣人歸赤堇

春酒堂詩存

卷四

十二四明叢書

約園刊本

我思扳月問蒼天北邙旌旒麒麟豕東閣笙簧玳瑁筵
忽憶五噫歌最好伯鸞生值建初年

烽火甘泉幾度紅重關不讓斗城雄將軍旣去寧臺廢
壯士何歸易水空閶闔黃金搖落日麗譙畫角起西風
一時俯仰千年近世事從來似轉蓬

江陰詩

厲鬼祠中碧血凝麗譙夜夜閃神燈孤城只合南雷力
百戰原餘李郭能抔土菽漿悲父老閒亭風雨話山僧
清流不入區區尉萬古何嘗掩秣陵

揚州詩

昔日陰雲壓女牆空濠殘燹至今黃
畫橋明月蘆笳裏
仙觀瓊花首藉傍
隔岸圍棋方賭墅
上游總帳已分香
可憐十萬蒼生骨
不得相傳是戰場

集陸五春明宅

一日狂歌當一年
但逢有酒卽陶然
半城夜霧湖爲海
四座春風閣在天
白眼干戈吾黨在
掀髯裘馬世人先
不妨長枕同高臥
聞道華胥咫尺邊

不寐作

春酒堂詩存

卷四

十三四明叢書
約園刊本

白髮書來病未寧
前村盜火逼漁汀
三秋浪跡天難曉
百事經心酒易醒
橡栗打窗兼宿雨
狐狸翻瓦漏疏星
雞鳴卽便呼舟渡
瞬息輕帆到草亭

哭張子漸處士

深巷烏啼舊草堂
向知多病是尋常
青緇幾架留燈火
白骨何邱伴夕陽
萬事今朝悲哽噎
百年去歲別恩忙
徘徊竹下傳觴處
苔自生春上短牆

舟次有寄

疏懶無書忽幾年
雲龍咫尺望中懸
因懷西子湖頭酒

暫泊韓侯釣處船
殘月注河鴻
四五初霜著柳路
三千相思欲買驢
肩穩滿目波濤一槍然

三年

燕市三年日沈醉
城西河畔楊花飛
家書空看春雁到
同里又說幾人歸
廣武一歎未爲慎
北邙五噫無乃非
卓帽青鞵附船去
回望馬塵高夕暉

見曹能始先生遺書

開函似見楚三閭
想到停毫拂蠹魚
對客話殘雙燭起
侍朝歸晚一茶餘
已完生世無遺事
不負人間尚有書
最是丹鉛如血淚
滿庭風雨暗枅櫺

南澗

水清沙白綠苔衣
練雀黃鸝自在飛
每到一山塵事少
輒思十載浪遊非
窺人野鹿穿雲去
帶雨僧雛斲筍歸
便欲攜家來問籍
不妨樵子共荆扉

答某寄詩次韻

春來漸減小樓寒
岸草隄楊取次看
酒注糟牀聲最好
人臨竹閣病初安
居村月色尋常早
待客梅花未肯殘
有與竟須乘舴艋
漫將車騎亂漁竿

山左王子見過村居

苔痕匝徑已經春籬竹遮檐水繞鄰何意子猷舟忽到
獨慚公瑾酒難醇一簾雨驟淹嘉客萬卷書圍傲野人
狂論不因初會減盤餐從此莫嫌貧

乙巳除夕

年年浪跡走征車不意今年竟里居蒲酒莫觴纔似昨
梅花爆竹忽驚除壯心欲盡朝看鏡生計何憑夜讀書
明日再商明歲事醉中且學老萊裾

嘉興寺寓二首

春酒堂詩存

卷四

十五

四明叢書

約園刊本

語兒溪上楞嚴寺古木濃陰自作涼新月雨過忘六月
異鄉樽滿集同鄉彈棋把卷從人好散髮披襟任我狂
竟不自知身是客夕陽且過幾昏黃

安得層冰一壑深且依閒曠此祇林佛前已足山中意
池上先存雨後心新鑿北窗通竹影時移小榻就桐陰
枝頭黃鳥能相習不爲基聲住好音

宣城九日集袞繡堂係宋丞相吳正肅公故第

畫閣猶題淳祐年共追歡笑俯林煙異鄉每欲忘佳節
失意偏難卻舞筵湖海客當蒼鬢日雁鴻秋隔白雲天

眼前孤負溪山好檀板銀箏倍悵然

社集賦得杜宇拈環字

不知故國幾雲山啼遍江南二月還思婦牀垂雙玉筍
羈人夢醒大刀環草迷漢苑斜陽外花落湘祠細雨聞
到處傷心聽不得杜陵野老最相關

分賦得螢苑拈求字

明月難將笙管留一天星斗落揚州夜珠不責乘軺貢
腐草能膺側席求愁共青燐通錦纜喜隨絳蠟下迷樓
行人漫笑興亡事賢達從來秉燭遊

春酒堂詩存 卷四

十六四明叢書
約園刊本

分賦得鄂王墳拈侯字

石馬嘶風夜未休至今魂氣屬中州笙歌二月鶻常早
花柳西風樹自秋聞向陣圖誇蜀相誰從鐘室葬韓侯
客來莫更添惆悵半壁江山換一抔

分賦得古意拈塘字

妾家原住莫愁鄉憶對離尊正綠楊鴻雁自從來九日
鴛鴦無復到橫塘石砧光接雕弓月金剪寒通鐵甲霜
聞道蔥河幾許路夢中爭比漏聲長

分賦得新漲拈行字

雨聲昨夜灑橫塘信接桃花勢渺茫沙嘴磯留蒲葉短
渡頭船繫柳條長村分別浦橋初斷客倚高樓鷺幾行
但使月明聞鐵笛不知處是瀟湘

歸心

九月塵高復滯燕故鄉聞道是豐年丹楓閣上持螯處
紫竹籬南刈稻天庭有稚兒膺父老門無租吏傲神仙
歸心孤負秋來夢夜夜輕帆一葉船

薊北秋殘歎轉蓬惜將好景別來空水通漁棹呼蝦蟹
天闌柴門數雁鴻鄰圃夕陽霜葉赤小樓夜雨燭花紅
年年不泛清樽滿竟守餘生爛熳中

春酒室詩存 卷四

十七

四明叢書

約園刊本

釣魚

苦竹籬南水半涯愁中聊付一竿斜去來機動萍分菜
得失心忘棟墜花更喜漁舟來別浦恰逢酒客過鄰家
呼童好滌鷓鴣杓醉聽鷓鴣羣浴晚霞

社集分賦得項王廟拈歌字

畫棟朱蕙社鼓多咸陽宮闕較如何江山無恙風雲在
歲月同流晉魏過村舍豐年裝鐵馬空廊靜夜響雕戈
燒階誰種虞姬草莫到花時唱楚歌

秋日偶作三首

昨宵涼爽覺輕身，守得漁竿慰老親。
漫道先機爭索靖，誰將縱約擬蘇秦。
三年烽火山東外，百戰龍蛇渭水濱。
本意甬江能僻處也，驚羽檄動風塵。

野水灣中獨樹西，小亭客散乳鴉啼。
拋書命酒花將落，倚杖看天雁不齊。
當戶星芒凌白日，幾旬雨腳截虹霓。
頗聞稅畝多新例，爭擲耕耨事鼓鼙。

野老茅堂竹數竿，閒過偶與話杯盤。
土酥似粟宜人飽，江蟹和薑耐爾寒。
史上兵戈疑往事，意中成敗熟旁觀。

香酒堂詩存

卷四

十八

四明叢書

約園刊本

自憐得遇桓譚日，肯引長沙歎六安。

王衍箕招集賞牡丹

麗色濃香已醉人，况逢觴政屢驚新。
天收細雨成嘉會，席接明燈展暮春。
杜宇正啼當日恨，園林猶受百花臣。
洛陽咫尺繁華地，興劇渾忘老大身。

遠庵見過

疏慵只合守村莊，閉戶兼旬水滿塘。
已謝元戎尋赤甲，卻忘惠遠過柴桑。
攜筇不破苔痕碧，入座仍留鳥語長。
獨笑蓑巾纔漉酒，肯因茗碗滯歸航。

登清風樓

順德府治南

層闌百尺倚天開，萬井煙平雉堞迴。
雲引客心何處盡，秋隨山色自西來。
飄零誤應登高節，衰老慚誇作賦才。
可道今宵明月好，不妨攜酒獨傾杯。

題于石書記默齋

惠遠何須結社遊，庵居隨意足淹留。
竹窗瓦鼎閒櫻筍，棐几繩牀闕茗甌。
十里月明溪沒路，半山雲過雨侵樓。
相逢驟覺塵心盡，已是匡廬最上頭。

懷于石吳游

香酒堂詩存 卷四

十九 四明叢書

約園刊本

曾過東隱竹牀眠，只見芭蕉蔭綠天。
記我每來忘是客，對君無語卽眞禪。
虎邱薜翳臺心石，柳水沙停渡口船。
到處與師斟酌看，玲瓏巖月可同圓。

夜坐山寮詩

茗椀爐香萬慮清，夜寒燈火斂微明。
階前澗水忽如斷，林外怪禽時一鳴。
四海交游餘白首，極天事業伴蒼生。
自今合入廬山社，笑問山田秬與秔。

故宮二首

北風吹馬不容咽，讓盡中原易海天。
殿署日行存此志

宮修未竟欲何年
亡吳尙待鷗夷革
破蜀猶煩鄧艾旆
棄險失時人可在
聞知秋壑也寒煙

初捧丹書喜動顏
悲來宮草踏人閒
共知失策因分越
卻怪多人不赴關
茅土爲誰誇夜宴
干戈空爾話晨班
只贏狐鼠相驚竄
遊客吞聲未忍還

聞道君王宵旰勤
重關何事引飛塵
無諸名在非因險
建武功成尙有臣
賢相出師身一死
上公受爵夢千春
不知此地生青草
獨立空階起暮燐

學卜

春酒堂詩存 卷四

二十四明黃香
約園刊本

避跡難將生計存
浪游已自愧晨昏
君平術在難居市
老子書口再掩門
擲管止知題甲子
攤錢猶復見開元
閒探斯世真消息
喜欲狂時誰共論

試卜

家貧學卜代耕鏡
伯負親傳經一函
莫問明夷兼問革
擬成嘉遯不成威
身歸何日頻輪節
書寄無人屢易緘
欲向成都先自試
年來心事與天監

弔黃石齋先生

成敗原難證淺深
旌旗暮捲鼓聲沉
文章自是公餘業

師旅能令孰愧心喜近孝陵臣得主悲尋卜墓古爲今
閩南王氣從茲盡風雨蕭蕭入畫陰

立秋

欲試涼風過小樓客中歲月易沈浮不知曆記今何日
只聽人言是立秋文字十年輕少壯烽煙千里累交游
音書久絕故鄉事禾黍容隨夕照收

客有自姑蘇來者傳維斗先生死節事

又得公爲青史榮傳聞安敢試疑情鼓聲赴市人私語
虹影橫空鬼獨行時不可爲惟一死文能有待得終名

春澗堂詩存

卷四

三

四明叢書
約園刊本

交游四海誰看墓知近要離草共生

訪榴花洞

在福州東山深處秦時樵者逐鹿得之

桃源已記入漁圖折贈榴花事與俱何意秦時多僻地
不難今日寄樵漁礙松箬笠人疑信隔澗芒鞋鹿有無
相見只求榴子去歸時聊慰老親癯

答友

敢謂功名強自禁語逢知己莫沈吟古來天地無多用
海內桑麻在此心事有不然逢世變才雖如此貴機深
山中蕭寺無人到與佛周旋松竹陰

見螢火用杜韻

三月閩南螢已飛黃昏試浴催更衣因乘一日夕陽過
敢謂高樹明星稀笑爾又何爭節候嗟子寧不愛光輝
呼童吹火讀書去莫問明年歸未歸

夜聞鶴唳

寺鐘城角一時靜忽爾數聲秋思俱豈爲稻梁移己志
猶因毛羽供人娛庭鳥動樹空延頸遠客臨階獨理鬚
海外長風時入閣遙天思復振聲無

待心水先生山莊過舍邀同載不果

春酒堂詩存

卷四

三

四明叢書
約園刊本

幾日寂寞山鳥喧今日乘興天氣暄高閣積書數十卷
輕舟載酒三兩樽老翁溪橋望麋鹿童子籬櫺驅雞豚
芽茶稚筍不得去拍拍春水空掩門

相逢

相逢且盡眼前樽自喜違時得閉門窗幔月添新竹影
池塘雨足舊萍痕人經患難纔思學事到交游只感恩
一笑醅醕成熟臥窮愁久矣莫重論

出門

辜負東莊春滿籬扁舟又是出門時絕交有論悲劉峻

招隱何人愧左思
雨過野田魚放子
日暄荒豕雉呼兒
鄰翁歸自前村社
醉抱彌孫教舉卮

漫題

永日睡起花滿庭
出門獨立溪流平
雲收遠樹鶉鴉歇
雨斷絲蕪蚯蚓鳴
故園無書已春暮
良朋不到空晚晴
蕭條雙鬢竟何事
爛熳一醉消餘生

由韓嶺過東錢湖

攜得閒雲入鏡中
幅巾安穩御微風
半湖斷雨過橋白
幾樹殘曛接廟紅
市散酒家人說虎
釣收漁艇客看鴻

春酒堂詩存

卷四

二十三

四明叢書

約園刊本

他年隱學山邊住
日載樽籌西復東

出宛子城

積鎖重厓古戍臨
勞人立馬一披襟
山程欲盡中原大
春色何來二月深
鳥外嵩峯收暮雨
煙中沁水入遙林
東雲結處休回首
汾上經年望雁心

青華鎮

尋常攜雪上征鞍
喜就和風出晉關
只隔一山春氣早
忽逢流水客心閒
竹林覓徑聞雞喔
麥壠穿人起雉班
驟覺故鄉天已近
今宵容易夢先還

戊戌一日

記得當年喜歲新布衣芒屨不知貧細腰鼓聚兒童鬧
焚尾樽催里俗頻日煖引蜂通小牖風輕放鴿起南鄰
卽今乍卜牆東地村社翻驚折角巾

得文待詔東洲圖

東洲係吾鄉屠尙書別號

世廟臨軒文物盛朝紳贈答此雲煙流傳幾度歸村舍
俯仰何時愧昔賢樹杪櫓聲潮欲半故鄉山色客初還
相逢竟似來嘉士一日焚香伴老年

泗上

春酒堂詩存 卷四

三十四明敝書
約圖刊本

綠楊飛處客途春橋斷雙城爭渡頻海鶴翻風偏趁楫
江鼉曝日故窺人禹留鐵鎖沈苔碧漢著亭碑裂火新
欲歷輕裝尋磬石歸分清韻與山鄰

寄某僧

古寺荒涼僧住難白頭獨守竹三竿一聲虎下山雲裂
半夜龍歸殿火寒微笑對人忘佛法飢來煮茗當中餐
圖澄近日多如許不信天台置懶殘

客丹陽荆園

欲上南樓還曲廊故人別去心茫茫燕來自語小院寂

花落無聲春晝長
麴蘖移情誤俗眼
詩書費日羞他鄉
短衣匹馬竟一往
獨倚泰岳看扶桑

重過某氏宅

年來事事驚重過
金谷猶驚十載無
僵柳壓庭曾舞鶴
雜花封榭只藏烏
賓朋散後春仍到
笙管聲中日易晡
眼見主人微醉裏
手揮如意碎珊瑚

市得離騷古本

奚囊無墨寫離騷
市上多書寄眼豪
欲覓小舟隨落葉
且歸幽室伴尊醪
愁心與古分三楚
壯志逢人諱六韜
風雨黃昏眠未得
添將清淚莫聲高

春酒堂詩存 卷四

三五

四明叢書
約園刊本

答俞次寅

六載荒村守釣磯
因循自審卜居非
過橋獨樹迷春雨
傍閣疏籬護夕暉
栗里可招元亮飲
草堂未許少陵歸
故人念我多愁思
極目風塵願屢違

贈王孝先

備五子。王寅作時孝先年十一

一狐便敵千皮羊
十斛難酬徑寸光
已覺量才多子建
自然下筆妙君房
高談論古忽驚坐
卽席題詩欲擅場
深喜故人能有子
我年雖長欲相忘

夢入蜀

不知路隔幾千里忽憶人離六七年石壓關門猿挂壁
雲埋棧閣馬嘶天荒祠未暇尋諸葛野老誰從問瀼川
卻怪雞聲何處早半窗寒月射孤眠

吳慶伯章淇上俞次寅王備五過草堂

春光賸得雨中寒罌粟茶蘼尙足看襍被三朝孤棹遠
弟兄幾姓一堂歡正憎雞鶩侵花圃偶值魚蝦佐韭盤
貯有醪青三百石可知臘味勝河干

夜大風雨

春酒堂詩存

卷四

三

四明叢書

約園刊本

不辨梧桐聲亂蕉燈殘深院攬征袍客牀展轉人來駭
庭樹漂搖鳥宿高海外蛟龍傳雨雹天涯舟楫慎波濤
艱難誰共聽雞舞一夜無眠讀楚騷

得楊猶龍書

一雁驚傳六月中滿庭酷暑散秋空初疑引得我鬢雪
不意攜將易水風歸計豈因多病決宦途偏爲故人窮
草玄安穩茅亭下策蹇相期大陸東

送客北回

還家更喜是攜家自控雕鞍導寶車誰道路當臘月凍

可知人勝早春花山銜落日時聞雁雪壓枯蓬不捲沙
寄語邗溝橋上月吹簫莫更倚樓斜

王備五招飲

百尺高樓萬卷中梨花春映古盃空羹調葦菜絲含綠
菓摘櫻桃葉藉紅觴政乍時人語寂酒星今夜月光同
相逢正合竹林數滿目山公一阮公

午日孫海門攜尊過寓

尋常載酒慰淹留童子今朝艾滿頭令節輒驚爲客久
微天又易作人愁關心角黍同鄉俗轉眼茱萸及暮秋

春酒堂詩存

卷四

毛四明校書

約園刊本

薄醉促公先午別歸看兒女話龍舟

客至

鷗鳥尋常款竹扉草堂何事燕鶯飛久將名姓忘鄉叟
敢謂詩文屬釣磯紫芥黃雞村酒白暮春暖日午風微
相逢但醉聽蛙鼓世上升沈早息機

起早

鬢角初收漢影斜依稀歸夢話桑麻愁人起早看殘月
高樹驚秋散曉鴉厭客虞卿書未就買山綺季鬢先華
良朋歡譁光陰易日對清樽照眼花

寄答王君揚

慚愧相詢歸未歸感君頻過慰柴扉爐香對茗看新雨
樽酒雙魚話晚暉遠道白雲遊子別孤村黃髮故人稀
南鄰綺季同情健比似君遙隔釣磯

書至

黃河凍後雁飛難寂寞窗中獨坐寒可道昨宵燈燦爛
忽傳家信字平安蠅頭似見臨書續淚眼翻成隔霧看
說是今年籬菊好樽前顏色共承歡

內邱道中

春澗堂詩存

卷四

三

四明叢書
約園刊本

每懷往蹟問村樵多少殘碑臥野蒿紅日晚垂馬首近
白楊秋擁戍樓高祠瞻扁鵲愁難療墓過馮唐首自搔
最是里門慚郭巨不歸膝下哺兒曹

此時

不信燕關歲月長江干別浦負魚梁風塵草率矜裘馬
今古浮沈逐稻梁燈火未來人獨立烏鴉歸盡雁初翔
此時親意誰堪慰稚子書聲一舉觴

不寐

燈前嬾復盡尊醪枕上纔愁客思勞老去安仁聽鬢髮

天涯仲蔚念蓬蒿滿庭寒月人重起隔院酣歌笛正高
自是繁華行樂地那堪潦倒寄吾曹

寄楊子元二首

馬鬣應知宿草多碑題有道屬誰何涕長難附雙魚到
夢遠維隨大鳥過獨陸雲猶連黍谷蘆溝月是隔滹沱
炙雞愁見塵埃滿鏡具攜來無地磨

懶下庭階已數旬喜聞精舍絕車塵山梅憔悴同爲客
爐火融融未是春興逐少年樽灑灑心移鄉國水粼粼
老親最洽平生好取次南園過竹鄰

春酒堂詩存卷四

三四明樓書

約園刊本

晤友述懷

汴南彷彿昨經過卻怪重逢鬢已皤王粲依劉猶有賦
梁鴻入洛漫傳歌地當關塞秋常早月似鄉園夢愈多
只此三年成老大樽前莫問後期何

壽陳象新七十

廉吏道留世澤長逍遙杖履樂羲皇畫橋流水門庭古
高樹平疇夏日涼閣倚修髯新得句鄰過黃髮共持觴
諸君漫說蒲輪事已付詩書聽二方

春酒堂詩存卷四

四明叢書

四明叢書
約園刊本

四明叢書

四明叢書
約園刊本

春酒堂詩存卷五

遺書二之五

鄧周 客鄧山撰

慈谿馮貞羣孟嶺編

五言絕句

送郎曲十首

送郎楓樹下西風槭槭涼紅葉莫飛盡爲郎停夕陽
送郎不送夢留夢應燈花已囓庭前樹休棲是早鴉
送郎迴囑郎莫忘昨夜語卻恐傍人聽昨夜語何許
送郎悔送郎將淚添郎苦卜吉賽江神笑看祝師舞

春酒堂詩存 卷五

一四四 續圖

送郎促郎行總是留不得郎去風順南郎來風順北
送郎柳花落候郎柳花好東風不相誑是柳無遲早
送郎至江干投釵祝江水斷卻波濤流別離有日止
送郎上小舟岸北聊延佇鄰艦是何人招郎同笑語
送郎謝飛鴉更送征帆遠迴看楊柳煙是妾妝樓晚
送郎郎去遠獨立循衣帶空庭陡一驚桐葉打人背

夜坐二首

薄酒不成醉惆悵覺春冷移燈近素壁斟酌瓶花影
又過一日春更深且坐坐臨臥欲挑燈可惜燈花大

昨日

昨日不復迴明日又成昨自嗤今日何醉上梅花閣

吳舟雜詠三首

來舟是阿誰潮順收帆短乞火不相及遙語風前斷
歇橋相姑嫂殷勤一夜鄰明朝南北路各自祝風神
逆風罷午炊口泊燈光息何處沾濁醪垂楊轉橋北

春日詠桂

東風一樣吹桂獨持晚節莫自嫌寂寥榮華易摧折

早起

春酒室詩存 卷五

一一四明叢書
約園刊本

夢裏憶梨花鳥聲喚人起不知夜雷過添滿池塘水

薄暮

薄暮難爲客高梧幾宿鴉百年無限事獨立喜晴霞

清鏡

爲久疏清鏡方驚憔悴多年年頻自誑明日又如何

題畫

出沒萬松聲浮沈眾山色一亭何太高白雲藏不得

池上曉

撥夢披衣起看花正未開一鷗分竹去雙蝶後人來

邯鄲道過盧生祠

到驛路多少祠前已夕陽恩恩鞭馬過無暇問黃梁

游螺女江二首 丁亥

閩謝端遇素女爲之具食別去留螺以貯粟粟常滿

素女來何因謝端得何報至今江水深莫向貪者道

曾聞太平時無水亦無旱六合如大螺貯粟粟常滿

重過邯鄲游盧生祠

入祠了宿心揮汗拂塵土池荷滿院風便似逢仙祖

春酒堂詩存 卷五

三十四明

卽席分賦得牡丹

今乃知春大東風著力開蝶驚小膽怯不敢上花臺

客中詠燈花

燈花開不意無語靜光輝若是閩中見應占遺客歸

大隄曲

耶去路由東平沙接廣陌西風莫太高吹滅馬蹄跡

驛亭二首

送客西風急枯楊當井立曲罷聞馬嘶人歸見鳥集

荒亭古塞南遠見車塵滅墓前雙石人常笑人離別

西湖雜詠

最是斜陽好宜登慧日臺歌船歸去盡明月爲誰來
最是宜微雨輕舟進六橋北峰雲欲過松杪見僧寮
夜雨湖光闊朝晴山氣開笙歌船未放孤嶼踏蒼苔
醉臥三更醒登樓望月斜遙林樓鷺滿疑是玉蘭花
亭過冷泉西十里吹松籟分明六月天留與溪橋外
斜日松風寒暮春啼鳥苦莫上鄂王墳鐵人欲起舞
但見油壁車不見蘇小墓綵蝶各雙雙飛繞行人路
正月西溪梅八月南山桂年少不行游光陰亦復逝

香齋集存 卷五

四一四明叢書

約園刊本

垂楊白鼻騎迎風嘶落花當鑪姬最少自笑數錢差
大雨昨日過來登北山脊右望江濤黃左望湖光白

秋夜

月白知霜下微聞木葉聲客心眼未穩窗外似人行

醉後題壁

欲醉醉不得欲醒醒不得攜尊太白巔明月可相識

題畫二首

君遊不得意暫過貧家宿索寫竹千竿中閒著茅屋
柴門流水中高閣停雲處欲問是誰家樵夫隔橋去

節酒以三杯率

對酒未能禁三杯平寸心小童強解事故免巨杯深

獨酌不覺過三杯限

得句猶難穩看鴻又已遙兒童低一笑杯過虎溪橋

閩寓羅山堂

不復歸心起看鴻只倚闌干戈爲地主留客過天寒

許翁賣琴詩

賣琴兵火日日落抱琴歸閉戶一再彈階前梧葉飛

愁

春酒堂詩存

卷五

五四明叢書

約園刊本

所約人難到秋霖未肯晴芭蕉多許事獨向小窗橫

膽瓶

爲爾折秋花安枝入畫斜小窗無語坐寂寞慰天涯

題畫

溪聲起作雲日色下爲水有客何苦吟苔寒坐未起

上籌海樓四首

閩中

斜日已將盡愁人獨徘徊嶺雲天隔處似有雁鳴來
欄杆百尺危指點波在手此海何年來此樓何代有
呼吸蛟關水閩江一線迴寒潮短無力不及晚鴉來

聞地古山川兵戈幾禾黍一覽形勢收誰知只如許

謝樗仙畫二首

打鷗不上橋溪水流太亟何如且下鞍解琴對秋色
一童眼未醒兩牛鬪未息春草無限青那費東風力

野望

雨雪兼旬勁鳥鳴搗翅飛炊煙紫晚色能得幾村扉

偶作

人閒天愈寒歲暮貧更惰煮泉不爲茶聊自成功課

登天童玲瓏巖二首 辛丑作

春酒堂詩存 卷五

天一閣藏書 約圃刊本

煙靄谷中合松雲鳥外平下方鐘鼓振只道是蠅聲
烏先僧入定泉與佛相忘又是齋時磬終朝幾度忙

約友

昨日留何處柴門屢獨開遲君無別事同數驟開梅

贈鶴

欺童驅不下傲客呼難來何似長風起浮雲爲爾開

鶴答

君無稀梁意何事鷓鴣棲同我欲送君發自慚羽未豐

夜上觀象臺

江風吹酒醒江月垂垂墮試問天上星其間誰是我
山寺作四首

野鹿隨雲下檐禽識磬還兵戈成就我得遂此中間
秋茶出釜綠野子插瓶鮮但尋幽事洽未敢竟參禪
空廊積莓苔虎跡大如鉢忘機忽過橋明月照林末
經旬客莫來僧貧足自守白雲護鐘聲莫遣出村口

老僧

老僧八十三短筇曳寬履自安耳已聾獨看溪雲起

入敬亭山

琴酒堂詩存 卷五

七四明叢書
約園刊本

白雲曳丹楓飛鷺分溪色恍惚似重來青山舊相識

樽前

昔怨花易落今怨花易開樽前得幾人不解春去來

題畫

溪水渡閒雲茅亭傍古樹獨坐生道心白鷗留不去

題唐伯虎春遊圖

牆東白面郎駐馬聽啼鳥垂柳共青帘春風爲誰嫋

題畫

楓林幾樹丹溪鳥數行碧高閣倚何人科頭自閒適

醉望

龍影挂南山雨聲壓平野登樓喝電光霹靂何處下

村居雜詠二十一首

雨歇田水流閒行轉籬北忽見金銀花偏喜傍荆棘
登樓聞犬吠小艇到寒塘有客不相識來尋春酒堂
僻居養寂寞隨意引雙觥烏鵲爭巢亂心中忽不平
短鎌刈晚稻長鏡收早芋初學作莊家慚愧借農具
閒共架上書卻得晉懷愍拋卷且倚樓殘虹半未盡
斜陽平樹腰叩戶是漁子蘆葉縛四整柳條貫雙鯉

春酒堂詩存

卷五

八

四明叢書

約園刊本

秋菊循籬密寒梅侵徑斜爲嫌春色鬧不種牡丹花
醞酒莫嫌酸時因鄰叟設今年不出游煨芋看飛雪
採蔬棲作菹烹筍曝成脯客來知市遙留雞報天午
種秫備重陽休教白衣至恐驚鄰舍翁疑是催租吏
鷓鴣飢掠地起鴉老得梧尊道人方睡足對茗總忘言
斫竹架藤花屈桑引瓜蔓僕夫本無心不覺生長歎
病後思行樂無人可共閒秋窗新雨過零眼看青山
客來卽中秋樽滿卽重九甲子竟相忘千年亦須有
醉餘起獨行春水平春草歎息問鷓鴣奔波可目飽

久與世情遠自令心地真
破犁支虎落何物是丹輪
天肯生子拙親能愛子貧
此生拌髮白無事到城闌
樽前蝦菜雜燈下兒童競
官胥忽打門錯認東鄰姓
鳴禽奏管絃持杯一岸幘
誰道村家貧籬花徧黃白
牀下伏雞卵十雛無一雄
蒼天喜默默自有曉陽紅
小童罵高鷹昨捉雞雛去
手中乏竹弓空對浮雲怒

晤去貧

叩戶聲何懶開戶不相識
衲重久無言拈髭短如棘

雲居卽事二首

養酒堂詩存 卷五

九四明叢書 約園刊本

偶暇一焚香煙細瓶花定
與佛共無言僧雛自鳴磬
客至不成醉分袂覺夜涼
夢回忽聽雨鄰院滴糟牀

看友人畫棋局

從此爭端起須知局本平
儀秦何事業同是一縱橫

友晤

停揖看端詳未應鬢已白
十載何恩恩低頭各自默

宿友人園居二首

話歇三更雨春留四月寒
小窗傍修竹禽鳥共平安
罷酒聞僧課留燈慰夜遲
村更無聽處畢竟有晨時

閨門登眺

人物千年盡山川劍氣平要離何處墓只有晚鴉聲

子夜歌二首

妝罷掩珠簾誰家郎瑩白念爾東風寒春衫何太薄
不識即何去應從此路歸記得雙蝴蝶繞郎巾帶飛

觀漲

迢遙天目雲來作南湖水我懷與之俱蕩然滌塵滓

元日過紀伯紫寓飲

大斗酌椒花慨然爲君畢高燭已再彈今年又一日

卷五

十一

明叢書
約刻本

甲申三月作

蜂出午朝王鵬啼夜寄子微物識人倫村居忽見此
我有百鍊鋼摩挲目相語半鑄長鏡耕半鑄長劍舞

爲閩古古題畫

松風扶一杖白雲浮一塔撐住在山中莫使天地闔

題硯石

片石溥於掌溪光千尺深卻將人作墨磨盡百年心

燕寓送鄉友南歸四首

去歲依人來今歲依人返書生嫁丈夫風花隨近遠

來路愁高浪去路愁高塵惟有牆頭月仍尋茅店人
歸去瓜棚下鄰人問風樓樓前傳有象大過幾耕牛
寄語故鄉人送予雙鬢白寧煎隔宿糜莫種隔村麥

王瓜

一陰從此生蔓延及大地莫道瓜中王啖之及爾蒂

題畫二首

秋草限湖痕江亭閒抱膝已聞漁唱聲未見漁舟出
野屋樹陰下過橋只一灣主人亦似客睡起正心閒

問白鬢

春酒堂詩存 卷五

十二 四明叢書
約園刊本

雙鬢已如此拈鬢不禁猜酒杯從未放何處得君來

所見

云是戚將軍遺物

一梭秋水寒何物血花紫曾引大蠶風狼河遶千里

客夜

舉觴忽不樂移燭就小閣月轉人未知但聞庭葉落

洞霄遊八首

九鎖山

入谷如已窮迴峰復得路澗水何慙忙白雲鎖不住

翠蛟亭

不見昔年亭已見昔年石坐憶昔人詩一聲山鳥碧
無塵殿

古殿金粉銷空階蒼鹿臥道人何處來矯首松風大

大滌洞

徑窮石氣寒磴危炬火淨向平婚嫁遲莫遂敲門入

撫掌泉

長嘯本無心山靈答人響從此悟世間處處堪撫掌

湧翠壁

壁冷無藤蘿中自成藻荇滄海幾千年老卻波濤影

春酒堂詩存

卷五

十二四明叢書

約園刊本

來賢巖

來賢巖最高白石如雲起千古幾人過誰來復遊此

伏虎崖

崖前水自流崖上苔自綠仙去不復回原無虎可伏

金龍廟

每問黃河渡輒逢秋暮時祠中仍鼓吹莫再讀社碑

河口作

飢雁下寒日烈風捲大河鬢邊白未了十載又來過

對月

心如燕地月仍照故鄉前月色有消減兒心夜夜圓

聞鶯築

二月將過半閉門春不來時時聞鶯築那許百花開

夜坐

一室同禪寂驚風任起沙不知桃李盡春色到燈花

閨怨

一春不見花三月忽已竟獨自惜新妝將身嫁明鏡
侍繡小鬟倦偷眼出前窗摘梅打鳩去怪爾喚雙雙

今日

春酒室詩存

卷五

十三四明叢書
約園刊本

春來日日寒今日好天色開袂受東風知來自鄉國

登妙光閣

每每獨登閣開窗輒向西一峰落日倚無語下層梯

題畫

夜雨添漲痕曉雲橫山帶茅屋似無人書聲出窗外

雜作三首

行炙黃雞爛傳杯紫醪醇闋堂貂錦客默坐布衣人
紅兒歌暫歇妝改宮袖窄午夜燈偏明照人雙鬢白
妙舞梨園勝華筵金谷豐忽思春酒熟花事報村童

題畫

村煙寒自青溪雨遠爲白橋西一村廬莫是終南客

宣城寓種竹

旅舍種琅玕非慕古人似欲聽夜雨聲彷彿家園裏
庭南咫尺天恰容千箇竹留語明年春雷聲與添足

題硯石

一葉下梧桐猶含清露碧風吹入小窗化作端州石

早行

涼風動疏林殘月照游子驢鳴不過橋打迴涉流水

春酒堂詩存 卷五

十四 四明叢書

約園刊本

少年行

打馬章臺過鞭絲墮幾時東風吹正好那忍折楊枝
人縈飛絮亂衣帶落花輕十二樓頭望禽聲喚小名

春酒堂詩存卷五

春酒堂詩存卷六

遺書二之六

鄧周容鄧山撰

慈谿馮貞羣孟頌編

七言絕句

題畫

聞道前村芍藥開呼童攜杖更攜醅不知溪漲衝橋斷
恰值漁舟順水來

贈顧仲莊

安離墓上雁初過賀監祠前水始波我正欲歸君又去

春酒堂詩存卷六

一四明叢書
續編刊本

不知誰聽櫓聲多

相逢纔見藕花殘欲別俄驚楓葉丹惆悵與君同失意

一湖秋水夜憑闌

接楊猶龍先生手書並詩次韻

懷人無奈滯江城忽接書來隔歲程讀到離愁淒切處
暮春風雨作秋聲

巢某氏圖

檀板銀箏且莫催詩人禪客散亭臺葡萄架轉斜陽盡
醪醖尊移早月來

題迷樓圖

樓閣參差鴻雁低雲璫響共玉簫齊此中漫道似迷路
何處人間不自迷

太白樓

濟寧

極目秋風漫野蒿一天鴻雁下南濠層樓處處生殘照
獨到任城分外高

欲繼遊蹤問酒壚愁看畫角起城隅自從賀監千年後
皓月曾來到檻無

莫道斯人已昔年至今猶在醉中天紅霞遠映丹楓外

萬里黃河作酒泉

此地千年屬酒人遺風猶覺氣如薰最憐檐際雙雙鷺
遙接南池樹樹曛

留客

青蔬濁酒自疑猜借道梅花爲客開最是東風能解意
隔村吹過雨絲來

晚望

獨立空庭日沒西歸鴉風急翼難齊故園小閣疏籬外
烏桕梢頭各早棲

過南山舊讀書處

三十年來水樂聲石牀曾倚舊書生夜深舉酒招山月
虎過柴門不敢鳴

故老當年賸有誰袈裟零落挂松枝多情蕉葉遮秋雨
留得牆陰醉後詩

少年行三首

藉馬鳴鞭易水頭紫衫白帽佩吳鉤相逢相揖似相識
何處曾同一酒樓

結客羽林初報仇大梁城外馬嘶秋舉觴爲問侯生墓

卷之六

二四明徵書
約圖

何事恩恩到白頭

六博場贏百萬籌更將十萬博驛驢平明笑拂雕鞍上
遙指垂楊鮑四樓

淮陰旅舍醉題

獨坐高樓酒再傾日斜風緊亂鴉鳴韓侯旣去枚生死
淮水何須復到城

話舊

不信如何說是貧樽前筆底氣難馴狂來若在天之外
萬里空濛只數人

汶上遇盜

車馬恩恩日又吁橋南橋北祇須臾忽逢豪客來相問
攜有明珠是淚珠

題牧羊圖七首

雪裏高冠是阿誰牧羊何用此威儀
丁零帳暖斟酥酪一曲琵琶醉臥時

白草原頭雁未回手持何物下荒臺
摩挲不記當年事道是初平叱石來

人世光陰看節旄
硜硜雪爾徒勞茂陵寢殿寒秋月

卷六

四四明叢書
續圖刊本

嫖姚旗連接野高

握節看雲雙鬢蕭子卿心事未曾消
畫工孟頫知何氏卷末留題至正朝

若個丹青逼范曹能傳愁思望雲高
獨嫌守定當年約只畫羝羊不畫羔

滿天風雪拂衣看止有羊羣相對寒
忽憶雁鴻南去日計程今可到長安

萬里陰雲隔紫宸海涯猶是守孤臣
丹青錯信班家史漢世何曾有是人

殘樽

出門還復入門眠，起對殘樽意惘然。
白眼仰看看不得，浮雲無雪又無天。

燕中送別蕭伯闕

聚散恩恩易水西，風吹禾黍晚鴉低。
坐中多是江南客，無限歸心寄馬蹄。

題孫鍾元孝廉詩卷次韻

薊門遙望十年餘，每欲從公乞素書。
今日讀詩知健在，人間尚有一茅廬。

卽事

短衣散髮守窮鄉，竟日無人午夢長。
相子白時紅葉盡，一羣寒鳥啄斜陽。

戲題竹林圖二首

天朗風和竹影移，諸君何事尚停危。
橋南口個行來緩，莫是因鑽李核遲。

病裏生疏醉裏天，見圖不覺笑留連。
揮毫把盞題詩罷，相對分明是八賢。

醉後大慟

蘇州府志卷六

五四明敬書

原來仍有中秋月何事不知今日天欲向廣寒聊借問
人間能得幾家圓

訪呂天監

且把扁舟繫柳根小橋北轉是東村隔牆笑語分明是
桑柘陰中誤叩門

寄武林諸友

許多詩欲共君商屢次呼名住口忙天地縱遙人卻少
古來幾箇姓名長

俞允寅

自古留予今日貧闕關已悔逐風塵西溪聞道多樵客

春酒堂詩存 卷六

六十四明叢書

楊國刊本

先向前村學賣薪

查聲止

才名能不羨人忙十載寒燈天未償譬似生來亡一字

只堪鋤柄傍身長

章洪上

別時慘淡語無聲瘦骨於今豈可平但得身存聲莫問

逢人原忌語分明

俞雲君

田橫島上晚雲飛皋羽亭前夕照微世尙有人尋得幾

出門昨日是初歸

汪方舟

人背斜陽出郭遙江聲回首一帆高至今淚跡衫襟在

猶是君家尊內醪

王備五

席次口占

清歌初罷燕飛迴折得芙蓉遞客杯羯鼓聲從屏後歇
花枝忽向手中栽

孤山補鶴詩

攜將雙鶴補山亭把酒臨風竟日停此意卽同招隱賦
少微誰補向西陵

可復江天憶故鄉仰看鴻影過斜陽此君只合孤山住
萬樹梅花作稻粱

舞罷應悲羽未豐孤山猶勝在樊中北風高處多增繳

東坡先生集卷六

七

四明叢書
續圖刊本

莫向秋聲慕碧空

一亭寂寞守先賢飢踏寒汀卽是仙莫羨岳陽樓上影
羽毛容易向人前

題畫

苕溪盡處霅溪連最是江南畫裏天草閣出林人獨坐
木橋客渡酒旗邊

八月十三夜慈仁寺松下

是能育月卽中秋有酒盈樽卽勝游忘卻此身留冀北
滿庭春水坐輕舟

題畫松

偶然數筆老松斜不聽秋藤再點花彷彿去年溪上見
一時錯路乞僧茶

題畫

小橋東轉覓誰家流水侵人竹杖斜何事茅廬看不見
白雲一半是梅花

酒樓

徽州城裏試新醕秋雨隨雲去復回釣艇一竿雙白鳥
江南分過夕陽來

過陳三胤倚寓

喜及蒼松古寺傍竹簾人坐小齋涼幾年不見髮何白
斯地重逢憶又長

題鳴雁圖送別

蘆荻平沙其一羣秋風吹起數行分縱然各向天涯路
聲息相聞不礙雲

題畫

酒旗風裏雪初收坡轉驢鳴見戍樓記得此身曾入畫
汴梁歸路過滁州

一葉扁舟煙水寬野鷗閒鷺兩相看年來何信浮屠法
不畫漁翁把釣竿

口占送人之燕

匹馬西風結壯遊黃金臺畔拭吳鉤獨愁孤嶼從今月
冷落扁舟夜夜秋

我亦燕山舊酒徒有書不寄執金吾祇煩傳語慈仁閣
無恙松濤免大夫

偶作

睡起東樓野色平此心無事喜新晴斷雲猶映鷓鴣白

春有堂卷六

九

殘雨忽聞螻蝻鳴

醉某氏作

一街過雨主人心竟爾留髭醉竹陰睡起不知何姓氏
半庭紅葉半牀琴

旅思

蘆荻風生荷已殘經旬無客雨漫漫高樓坐覺芋衣溼
小榻驚眠藤簾寒

過某氏草堂留題

茅檐近水燕巢多世事相忘鬢已皤昨日爲尋苗菊去

歸來僮報長新荷

睡足

布穀啼殘春夢迴柴門無事日高開不知昨夜雷聲響
燒卻城南古廟槐

洞庭東山

畫閣朱欄水一天桐陰門巷綠苔錢不知渡口嗙何事
半席斜陽到蟹船

隔斷姑蘇萬樹煙莫釐峰下小如船居人竟可忘機事
共指西山是橘田

春酒堂詩卷六

十一

十四明鏡書
續圖刊在

思酒

雪打西窗帶雨絲官街鼓斷漏聲遲殘燈欲滅無人問
半榻和衣擁被池

揚州雜詩

蕃釐觀廢草何長文選橫傾月自涼祇有醉翁無恙在
仍看簫管下雷塘

明月春風處處樓笙歌往事幾經秋如何說及揚州處
便有煙花動客愁

飲張子漸齋

曲檻茅堂轉薜蘿一池秋雨亂殘荷清樽已醉不歸去
世上閒如爾我何
笑語終朝雨乍收一聲哀角滿城秋嘶羣塞馬歸來晚
醉後同君莫上樓

題畫

村居似隔白雲東不信前溪有路通風雨滿天行未得
莫將身在此舟中

杭寓言懷

小閣南窗春乍深竹籬鳥語雜蜂吟客來正及新醪熟

卷六

十二四明校書

自挈篋籃折菜心

去年二月雨傷神檢點清樽不厭貧最是今年風日好
西湖春讓故園春

坐竹院

深徑無人永日晴膽瓶芍藥散棋枰黃鸝啼罷過牆去
窗外微聞解籜聲

贈次寅

南屏山下一林遺篋笠磁瓶竹柄盡晴日花朝深閉戶
常因微雨入西湖

題春江花月圖送別

離亭楊柳繫征驂
短短寒條折未堪
最是筆端春思早
已先馬首到江南

夢中作

壁立山崖肌粟寒
半輪紅日擁波瀾
黃冠白髮從傍指
此是爐中第一丹

燕中送南歸詞

白馬雕鞍出薊門
黃河水解日初暄
歸鞭裹得東風軟
一路看花到故園

蘇東坡詩卷六

十二四明叢書
續編卷六

臂弓挾彈紫貂裘
銀鐙偏斜馬若流
不信南人身勢好
道傍疑是富平侯

歸信頻傳第幾函
今看庭草長宜男
女王廟裏酬香愿
正及城南三月三

寫懷

鷓鴣聲中茶筍天
芒鞋卓帽卽神仙
小樓無事看山雨
短棹何人進浦煙
秋水橋東天欲霜
小窗斜趁竹籬塘
鷺絲閒立荻花靜
蚱蜢健飛秔稻香

聞有幽人何處尋
象峰孤絕一登臨
幾村煙火依春水
萬樹梨花閒竹林

懷王備五

古寺樓西對寂寥
旗亭識熟舊征袍
春寒今日添風雨
童子商量酒價高

漏聲默處醉歌回
餘興還教窗復開
知道寺僧眠不穩
欲教明月莫前來

湖上春風柳色飄
呼舟欲附聽吹簫
長年搖手過亭去
笑逐桃花上六橋

春酒堂詩卷六

十三四明叢書
續圖刊本

湖落吳江夜半還
採菱歌歇櫓聲閒
一牀話動蘆花影
知過楓橋第幾灣

竊筍鄰園踏月俱
齋廚薪盡竹籬枯
較湯添火忙深夜
筍欲甜時酒欲無

忽掩齋門不見聲
但聞筆管放時輕
詞成故勿教人看
雜向省卿試眼明

曉望

萬點寒鴉過盡西
一輪斜月向人低
欲追殘夢驚回處
黃菊樽前剝蟹臍

夜過

虎房橋畔醉遊時
明月依然挂柳枝
十載故人零落盡
馬蹄霜冷過橋遲

聞余百禮卒於豐邱

株守青氈四十春
無端乞食滯河津
樽前莫竟傳君死
同是青燈客館人

寄錢五戚

兵戈一隙上行舟
江北江南何處秋
聞道故人多得意
尊前莫愧舊征裘

陸介臣賣燭於市

天正黃昏入夢鄉
誰能就爾問餘光
逢人莫計青蚨價
還怕秋宵較燭長

寄張左青

五几峰前坐小橋
斜陽無事數歸樵
秋風不厭山田薄
一畝能爭彭澤腰

春酒堂詩話

遺書三

鄞 周 容鄞山撰

慈谿馮貞羣孟顛編

家嚴常語容曰文公叶詩經諸韻似亦有不必拘者如六月食鬱及藁七月烹葵及菽菽叶藁也八月剝棗十月穫稻與棗叶轉韻矣何必強棗爲走強稻爲徒苟反也爲此春酒以介眉壽酒叶壽又轉矣又鹿鳴詩何必叶鳴萃笙入七陽乎一章兩韻經中多有

又曰雅頌稱什猶軍法以十人爲什也此卽是唐人律字之祖律者亦猶軍之有律也

春酒堂詩話

一四明叢書
約園刊本

嘗坐牧齋先生昭慶寺寓適有客以詩卷謁者先生一展輒掩置几側不復視已而此客辭去先生顧謂容曰凡於人詩不必於詩也於目知之頃見目中有梅花詩且三十首故不必復視耳隨出其梅花詩讀之皆兔園冊語相視大笑又曰使當此君前一讀其輕謾之不能自禁當更甚於掩置耳

又嘗謂容曰古人詩無字不體情體物移易不可初視殊不覺也及爲妄改者形出始見如古詩云枕郎左邊

隨郎轉側二語爲李于鱗取去改左爲右豈非點金成鐵客聞之不禁失笑不特見先生讀書體貼亦以見先生接引後學之懷坦易可親如此

杜牧之詠赤壁詩云東風不與周郎便銅雀春深鎖二喬今古傳誦容少時大人嘗指示曰此牧之設詞也死案活翻及容稍知作詩復指示曰如此詩必不可學恐入輕薄耳何苦以先賢闔閭簸弄筆墨又云李建勳宮詞卻羨落花春不管御溝流得到人間此之謂不誠廉恥于鱗選詩甚嚴而取此何也慎之

齊東野語

一四明叢書
約園刊本

次寅問予曰李青蓮畢竟是何處人予曰予不能必其何處但能斷其必非蜀人問何以徵之曰使青蓮果蜀人必不詠蜀道難矣

唐玄宗見青蓮飛燕新妝詩而能不怒見襄陽不才明主棄句而怒之此所以爲命也夫

少陵云風吹蒼江樹雨灑石壁來晦庵曰杜詩多誤字如風吹蒼江樹樹字無意思當作去字無疑故至今刻本皆作去字不知去字正無意思也樹字始令人想入圖畫所謂山雨欲來風滿樓也後閣申臆盟說杜亦以

爲樹字然曰風如何吹得江去則非也來字亦不黏石壁若云江不能去則壁亦不能來不反受晦翁大笑哉又曰來對去亦板俗亦謬去來多少遠近諸字但視用之何如耳

少陵佳人詩云自云良家子零落依草木又曰天寒翠袖薄日暮倚修竹數語近於鬼詩又崔國輔怨詞云妾有羅衣裳秦王在時作爲舞春風多秋來不堪著則竟似颯然陰風矣唐人固不特長吉善鬼語也

有見予村居詩者撫掌曰酷似司空圖修史亭詩予曰

春酒堂詩話

二三四明叢書
約圖刊本

修史亭詩若何客曰誰料平生臂鷹手挑燈自送佛前錢豈不似君平生射虎心何在獨倚柴門看插秧乎予曰子詩似與否未可知然前錢二字宜商客曰然則至今遺恨水潺潺離宮晚樹獨蒼蒼俱失商耶予曰此又當別論耳

少陵哀李光弼詩云內省未入朝正是就彼一生形迹心事兩字說盡可謂刻畫而申臆盟云光弼一生失著以內省二字混過誤矣

天關象緯逼雲臥衣裳冷闕字或作闕或作闕或作闕

四字之中畢竟闕字近理正不必以不稱臥字爲嫌牧齋先生引東都記爲證是矣一日讀鮑明遠升天行云從師入遠岳結友事仙靈五圖發金記九箭隱丹經風餐委松宿雲臥恣天行冠霞登綵閣解玉飲椒庭云云因想少陵用雲臥本此安知天闕非天行耶況題是龍門奉先寺與明遠詩意相近耶

家舊有唐詩鼓吹一冊俱七言近體意主綺靡而魔詩俗調十居其七不知定之誰氏首幅有元贊善大夫郝天挺注一行余笑謂固應是此時之書然上有高曾圖

香齋集詩話

四四明叢書
約園刊本

記不忍廢也戊午客燕見牧齋先生有學集中有鼓吹一序證爲元遺山選次以比之王荆公百家選夫荆公百家選必可觀惜未見也若鼓吹之猥鄙何以當先生意如是恐不足以服嚴氏高氏之心先生往矣安能起九原而面質之

馮惟訥詩紀曰古今詩人以詩名世者或只一句或只一聯或只一篇夫豈在多哉但空梁燕泥與庭草無人以煬帝殺之而傳楓落吳江則可謂之一語傳耳若池塘春草以夢故非以此盡康樂也太白少陵將從何處

拈出耶

薛道衡空梁落燕泥竟至殺身永叔云未爲絕響何至君臣相仇予曰此原非絕響直是道衡詩識耳庭草無人隨意綠亦猶是也

丁酉夏別楊猶龍歸後先生書來附以詩結云聽到江猿第幾聲予爲之悽然不以爲怪癸卯夏夜不寐吟諷此句疑唐人曾有之乃檢唐集見李司馬送劉侍郎絕句云幾人同入謝宣城未及酬恩隔死生惟有夜猿知客恨嶧陽溪路第三聲不覺大怪至秋而聞先生歿矣死生之隔竟成詩讖豈李司馬詩先爲吾二人作案耶痛哉

春酒堂語

五四明叢書
約園刊本

有客自鄜州來云州北有杜川爲少陵故居石壁上鐫長天夜散千山月遠水遙收萬里雲之句爲少陵逸句予曰此必非少陵句也客問何也予曰首句淺次旣遠水矣又遙收曾少陵有是

唐詩綠浪東西南北水紅闌三百九十橋又春城三百九十橋夾岸朱樓隔柳條又煩君一日殷勤意示我十年感遇時陳郁云十音當爲謔也陳郁不知何處人何

其似北人耶北人無入聲以入爲平者豈止一十字哉
樂府歡作沈水香儂作博山爐二語分明是道人點化
說得好色人冰冷香在爐中豈不可畏偏託女子口中
道出令人不覺古樂府之妙如此

見有拈施肩吾閨情詩曰三更風作切夢刀萬轉愁成
繫腸線以爲警絕予笑曰似此稱詩何異泛海買胡爲
業風吹入羅刹鬼國耶卽有指南引歸亦祇泊得島夷
界上

岳忠武詩詞極佳蓋緣性情過人故也然人但傳其送

蘇潛室詩語

六四明叢書

約園刊本

北伐并潭水松風之句與滿江紅調耳所遺必多憶癸
卯春於張子漸家見忠武眞蹟用筆有法書過滁山作
結云好水好山看未足馬蹄催趁月明歸署名一字詩
旨含蓄無限惜忘前二句而子漸爲古人已七年矣嗚

呼

虞山選列朝詩或刻或濫可議者十之三作歷朝傳隨
意寫生可誦者十之七余嘗於晉中將列傳稍爲刪節
手錄一過信非近代人所辨世之挾其弱姿淺調而欲
撼之者固可笑乃有步其體例而成書者祇見其俚鄙

耳

余未曾覽滄溟集戊午夏客順德登清風樓見其作郡時所題四律中各有萬里字其無心耶抑故爲之耶豈成名而有所無不可耶名之爲害如此

邱文莊嘗云眼前景致口頭語便是詩家絕妙詞此言是矣然元白又何以輕而俗邪此中兩參乃得三昧耳
慈水姚亦方嘗問予曰唐詩畢竟從何人入手予曰莫問從何人且先問從何體亦方瞠目曰體從五言古又煩言邪予曰非也須從絕句始亦方沈吟次予曰唐詩中最得風人遺意者惟絕句耳意近而遠詞淡而濃節短而情長從此悟入無論李杜王孟卽蘇李陶謝皆是矣亦方爲之快然

甯戚飯牛歌鬆快刺耳已啟唐人風調友人曰安知非後世擬作余笑曰然則當時未必有甯戚其人

歐陽文忠新茶詩有云年窮臘盡春欲動蟄雷未起驅龍蛇夜間擊鼓滿山谷千人助呼聲喊呀萬木寒癡睡不醒惟有此樹先萌芽要知宋時有催茶之法今山茶最遲安得先萬木而萌芽乎又有和嘗茶詩云溪山擊

鼓助雷驚

少陵望嶽詩考年譜謂是十五歲時作余讀詩意良然如王氏子弟聞郗公求壻未忘矜字龍門奉先寺亦未能坦東牀腹也

李義山云嫦娥應悔思靈藥碧海青天夜夜心傷風雅極矣何以人盡誦之至又云兔寒蟾冷桂花白此夜嫦娥應斷腸差覺蘊藉似亦悔其初作而爲此

司馬禮宮怨云年年花落無人見空逐飛泉出御溝人說與李建勳卻羨落花春不管御溝流得到人間之句相似予謂不然司馬詩較蘊藉不礙大雅

俞次寅一日語余曰謝客詩篇頗多何以獨得意惠連入夢之句余曰可知此君苦心在求自然

長信詩不必不怨然如王諷所云飛燕倚身輕爭人巧笑名知君棄妾意是妾怨君情則幾於罵街婦矣莫以盛唐隨人佞譽

虎林某氏爲女納采錦繡珠貝羅列堂上賓朋姻黨咸集正歡笑間忽有一蛇從中梁而墜眾各愕視莫能一語主人不悅顧某後至大聲曰雅不云乎惟虺惟蛇女

子之祥可賀也滿堂協讚爲之闐然周子聞之曰此可謂善說詩矣

襄陽歸南山詩全章淺率不待吟諷不特誦之帝前見野人唐突只就詩論詩殊違雅致無足錄也後人翻緣勿遇之故不忍遺棄亦襄陽不幸中之幸矣

黃鶴樓詩評讚者無過隨太白爲虛聲耳獨喜譚友夏寬然有餘四字不特盡崔詩之境且可推之以悟詩道非學問博大性情深厚則蓄縮羞赧如牧豎啞席見諸將矣

秦酒堂詩話

九四明叢書
約刻刊本

有舉僧詩警句曰笠重吳天雪鞋香楚地花牧齋先生笑曰次句似贈妓詩客爲闕堂余思先生雖是謔言然鞋香二字實可笑謔也而寓教也

詩有別才非關學也詩有別趣非關理也此嚴滄浪之言無不奉爲心印不知是言誤後人不淺請看盛唐諸大家有一字不本於學者否有一語不深於理者否嚴說流弊遂至竟陵

早朝四詩賈舍人自是率爾之作故起結圓亮而次聯強湊少陵殊亦見窘世皆謂王岑二詩宮商齊響然唐

人最重收韻岑較王結更覺自然滿暢且岑是句句和
早朝王杜未免扯及未朝罷朝時矣

陳胤倩詩主風神而次氣骨主婉暢而次宏壯常指摘
少陵詩目爲楞句如乾坤萬里諸語余笑曰君奈何又
有乾坤一布鞵之句耶相與大笑憶此在己亥春慈仁
寺雪松下今成疇昔矣錄及爲之潸然

唐武宗怒一宮嬪命柳學士賦詩釋之詩曰不忿前時
誤主恩已甘寂寞守長門今朝卻得君王顧重入排房
拭淚痕余少謂公權此詩殊太淺薄豈急就御前清平

寒酒堂語話

十四明藏書
約圖刊本

已不免耶戲捉筆擬云宮花乍爾背春陰旭日迴光豔
轉深自是君恩濃似海不教詞賦費黃金家君見之笑
曰寒士酸態

客外祖范滌園先生博學該覽富於撰述庚辰春曾受
第二舅仲將翁命定其詩集及舅亡後屢索是集於諸
表氏不可得今憶一詩云仗劍自句東燈花昨夜紅山
中無斗酒慚愧杜祁公題曰喜周倩至謂家君也時設
帳蘭陰家君往從之游故有是作客四五歲家慈輒教
之誦是詩後侍外祖側舉是問曰阿翁作唐詩亦可引

宋事乎外祖愕然時容年十有四容曾祖著有松石詩稿一卷藏笥中每欲合外祖稿梓行題春酒堂二祖集至今未暇而容鬢髮白矣

容祖八十時自題聯句於堂柱曰庾嶺古梅清香和我老燕山叢桂花萼待時芳蓋祖生辰在冬季而容父暨伯叔凡五也適外祖至命書者易待字爲及字賓客咸贊曰尙何待耶容祖欣然從之次日私語容曰汝外祖意太急失卻出語意矣

王子安滕王閣詩俯仰自在筆力所到五十六字中有

春酒堂詩話

十一四明叢書

約園刊本

千萬言之勢而其爲序不特囿於習氣且東補西湊餽釘可醜從來詩文同道卽謂少陵文不及詩然斑駁自見古意乃子安姿稟是口遂覺詩文判然耶

有以九言詩見示者余曰詩至七言極矣漢柏梁原已等之諧談俗語黃庭經語語歌行矣晉人喜書之而未嘗爲之豈當時亦鄙其體爲道流醜章之類而不足學歟七言且然況九言哉

盛唐萬楚五日觀妓詩云西施漫道浣春紗碧玉今時鬪麗華眉黛奪將萱草色紅裙妒殺石榴花新歌一曲

令人豔醉舞雙眸斂鬢斜誰道五絲能續命卻教今日
死君家此詩無不視爲拱璧何也奪將妒殺開後人多
少俗調末結竟似弋陽場上曲矣唐人俗詩甚多不勝
枚舉獨舉此者以諸家所贊羨者也

不信比來常下淚開箱驗取石榴裙此必非武后詩好
事者醜而擬之武后何許人乃肯擬楊白花耶況較之
楊白花又俚鄙甚友人曰君欲作梁公耶奚煩爲之前
洗

嘉州東亭送李司馬詩前輩謂到來函谷愁中月歸去

春酒堂詩話

十二四明叢書

約園刊本

蟠溪夢裏山二句已入中晚余謂此二句非中晚也其
下簾前春色應須惜世上浮名好是閒西望鄉關腸欲
斷對君衫袖淚痕斑四句竟開宋人門戶

容少時有詠古律詩二十首其詠相如璧起句云楚璞
能歸趙無城亦可秦家君見之笑曰議論可喜然他日
能不錄此詩則進矣容至辛卯始悟曰正嫌議論入詩
耳遂盡焚之

長古詩原本風騷留心漢魏其視唐人諸調幾欲夷然
不屑使天副之年進求章法將與明遠玄暉爭席矣余

錄其佳者於感諷合浦題趙生壁京城絕句全章外如
不知船上月誰棹滿溪雲長卿懷茂陵綠草垂石井彈
琴看文君春風吹鬢影江頭植樹香岸上蝴蝶飛沙頭
敲石火燒竹照魚船今夕歲華落令人惜平生心事如
波濤中坐時時驚朔客騎白馬劍弔懸蘭纓俊健如生
孫肯拾蓬中螢長安夜半秋風前幾人老天遠星光沒
夜遙燈燄短睡熟小屏深蟲響燈光薄宵寒藥氣濃蜂
語遶妝鏡燕語踏簾鉤人生有窮拙日暮聊飲酒逢霜
作樸檉得氣爲春柳手持白鸞尾夜掃南山雲京國心

春酒堂詩話

十三四明叢書
約園刊本

爛熳夜夢歸家少心事填空雲襄王與武帝各自留青
春夢中相聚笑覺見半牀月風吹沙作雲一時度遼水
天白水如練甲絲雙串斷行行莫苦辛城月猶殘半塞
長連白空遙見漢旗紅風吹枯蓬起城中嘶瘦馬爲有
傾人色翻成足愁苦何物最傷心馬首鳴金環野色浩
無主秋明空曠間胡角引北風薊門白于水天含青海
道城頭月千里帳北天應盡乘船鏡中入無人柳自春
草渚鴛鴦暖起句云星盡四方高又月落大隄上又九
月大野白結云來長安車駟駟中有梁冀舊宅石崇故

圓等句初無鬼氣何遜古人其歌詩長調爲古今常所
贊誦者余不道也善乎須溪之言曰落筆細讀方知作
者用心杜牧之直取二三歌詩而止未知長吉者也謂
其理不及騷非也亦未必知騷也更欲僕騷亦非也須
溪真知長吉哉騷亦安可得僕耶至謂其自成一家則
謬矣長吉乃未成家者也非自成家者也

高軒過注云賀七歲能詞章韓愈皇甫湜未信過其家
使賦詩援筆輒就目曰高軒過然詩云顰眉書客感秋
蓬誰知死草生華風豈七歲兒語耶意者二公聞其七
歲時已能詞章是追言之非賦高軒時也

春酒堂詩話

十四 四明叢書

約園刊本

余最恨言詩者拈人單詞隻句然於長吉不得不爾
詩不審章而論句遂趨中晚然少陵章法又須求其不
可測處否則如丞相祠堂與諸葛大名諸篇爲宋人師
承涉於議論失詩本色嗟乎旣免中晚之卑又免宋人
之橫吾於近代中將起誰氏而與言詩乎

王介甫明妃曲有云家人萬里傳消息好在甌城莫相
憶君不見咫尺長門閉阿嬌人生失意無南北又云漢
恩自淺胡自深介甫少而名世長而結主何所憤激而

爲此言使當高宗之日介甫其爲秦太師乎靖康之禍釀自熙寧王秦兩相實遙應焉此詩爲之讖矣

須溪指飲中八仙歌曰古無此體非也此歌自從柏梁脫胎

少陵對雨詩曰不愁巴道路恐失漢旌旗失字舊本是溼須溪曰失字好友人問畢竟宜從何字余曰溼字險失字晦友人曰少陵晦句固多余曰少陵無晦句祇是今人學問淺耳

友人曰絕句以一句一意爲正格余曰如而言則春游

蘇東坡詩話

十五四明叢書
約園刊本

芳草地何如打去黃鶯兒耶

班婕妤好紈扇詩舊注云婕妤失寵故有是篇余曰此是婕妤好辭輦時作非失寵後作也故云常恐秋節至常恐二字有見機意無固寵意若旣失寵後作又何云常恐乎

郭代公以寶劍篇發跡至今若有生氣讀之一纔豪之調耳然對英主正是沈細不得英雄事業中人非可以風雅正則論也

有人問曰絕句如何練意予曰意在句中友不悟予笑

曰崔惠童詩今日殘花昨日開若是昨日開花今日殘
便削然無意矣

鵝湖山下稻梁肥豚柵雞栖對掩扉桑柘影斜春社散
家家扶得醉人歸友人指爲絕唱予曰自是絕句佳景
然肥字落韻終非盛唐本色此又不特絕句然也

閻仙所傳寥寥何以爲當時推重客舍并州一絕結構
筋力固應值得金鑄耳

張文潛愛誦玉華宮遂擬作離黃州詩向客津津誦之
其詩曰扁舟發孤城揮手謝送者山回地勢卷天豁江

齊澗堂詩話

十六四明叢書
約園刊本

面瀉中流望赤壁石腳插水下昏昏煙霧嶺歷歷漁樵
舍居夷實三載鄰里通假借別之豈無情老淚爲一灑
篙工起鳴鼓輕櫓健于馬聊爲過江宿寂寂樊山夜予
不知是詩視玉華健辣若何祇就舍夜借三韻竟可假
借否文潛豈今之儻父與乃欲拗折韻腳也

有儻父謂予曰南人詩口好亦生得地方便宜耳如姑
蘇城外寒山寺有何心力競指爲絕唱若效之云通州
城外金龍廟便揶揄之矣予爲之大笑然亦可以悟詩

中一境

友人曰詩能窮人信然乎曰予固聞詩能窮人但祇見詩能通人耳唐取士以詩豈曰窮人江上峰青尤表表者口日暮漢宮特傳御批除官千古豔之若孟郊諸人口原應爾安得概以咎詩哉友人曰詩窮人亦謂人於詩道進一分輒於世俗人情退幾許故窮也余曰詩三百篇最於世俗世情留心關切夫子奈何以之教人所謂與觀羣怨者通之謂也世之不詩而窮者多矣將誰咎哉

吳人計甫草夙有時名中丁酉鄉榜旋以註誤被黜癸

丑秋與予相見燕市出詩有云予本熱中人十年遭廢置譬之太史公一旦割其勢予笑曰公等科名乃值才人一勢耶然後知近世得意之家奴客子弟橫豪里閭者謂之使勢蓋本諸此座上聞者爲之乾笑而已

舟過梅墟錢象元留飲予噉蟹甚暢戲舉筆題詩曰華筵能及蟹酒興十分開染醋忘雙箸橫蠍響一腮肥知天晦月寒擬腹鳴雷但備多薑在秋深準再來時醉矣次晨驚笑無異打油然於噉蟹情狀可云描盡附此博

笑

春酒堂詩話

春酒堂詩話

十八四明叢書
約園刊本

春酒堂外紀

慈谿馮貞羣孟顛編次

墓文

周徵君墓幢銘

同邑 全祖望 紹衣

鄧山先生周姓諱容字茂三浙之寧波府鄞縣人也曾祖某祖某父某先生少卽工詩常熟錢侍郎牧齋稱之謂如獨鳥呼春九鐘鳴霜所見詩人無及之者錄其詩於吾炙集國難後棄諸生放浪湖山世多方之徐渭非其倫也先生以布衣詩人名顧其素心原不肯以山澤臞夸篇什者卽其救徐御史心水一事要非東西京人物不足語此先生未知名時首爲御史所識掄揚不啻口出海氛四起多掠資糧於內地御史一日遊山莊爲土兵突至縛之去寘平西將軍王朝先營索餉數萬不得囚水牢中親友莫敢赴先生故常來往海上諸營多相識者挺身往請之朝先握手道故遽釋御史歸而部下大譁謂是必周生受賂故來請或力而拘或暫而免將軍乃爲秀才欺邪朝先故武人忽發怒下先生獄榜掠之先生不屈賴座客方君伯呂萬君旋吉百方營護

而沈閣學彤庵亦以爲言伯呂等再請之得放還然先
生足由是蹙嘗自笑曰吾今且爲半人因別署蹙翁嗚
呼由其報知己者觀之而其君臣父子之間可知也先
生蹤跡遍天下所至皆有詩於浙最厚查方舟於山右
則申臆盟傳青主於江右則王于一於閩則許有介於
山左則于公治紀伯紫喪亂而後嘗盡薙其髮爲僧矣
未幾以母在返初服晚年已倦遊適有以非意干之者
乃復出門時里中史侍郎立齋官於京招先生往已而
有博學鴻儒之辟朝臣爭欲薦之先生以死力辭次年
卒於京邸生於明萬曆己未某月某日卒於康熙己未
某月某日得年六十有一初娶金氏亦工詩乙酉之秋
方產女七日喧傳土寇入城先生欲奉親出避而堂上
徘徊不前孺人知之曰以吾故使舅姑瀕於危不可然
吾亦豈可辱乃爲素羅之歌引羅自經婢急解之雖未
絕然已困不能起時人歎其義烈再娶梁氏合葬於某
村子宛春先生所著有春酒堂詩集十卷文集四卷詩
話一卷乃其手定之彙其生平祕惜之作多付之火囚
鹿島時著翁志一卷以紀時事今亦不傳先生有一僕

甚義先生卒時或欲以兼金賄僕取其集以去僕固執不可先生最工書亦喜畫飲酒數斗不亂詖諧閒作輒傾一座丁亥游閩有以千金屬一事者揮去弗顧太原閻徵君百詩嘗曰鄆山吾家白奪山人之儔而詩過之雍正癸丑宛春寄子書京師以餘杭孫海門所作傳乞余表阡忽忽六年未及掇彙子罷官歸宛春來請益力且言海門之文不工然予文豈敢謂其必傳耶其讚曰先生之節不愧遺民浮海急難幾困波臣出其餘事乃作詩人我銘其阡以慰後昆

春酒堂外紀

二四明較書

約園刊本

貞羣案續甬上耆舊傳本此凡別書徵引同者
不錄

又案謝山所稱餘杭孫海門所作傳及徐文駒
墓表無從訪求附記於此

別傳

雍正寧波府志文苑傳

周容號鄆山鄞人性跡弛不羈御史徐殿臣一見輒加賞契遂與深交由是著名後殿臣避跡天童海寇掠之而去容卽倉皇奔赴毅然以身質之殿臣得返容遂代

受刑桔足爲之跛乘間竊回跌宕感憤之氣自此益甚
乃縱橫於詩古文辭借以據其壘塊視儕俗蔑如也尤
工書法斂鋒芒於渾樸中不屑效斌媚以取妍於人得
其書者皆藏弄之若拱璧時謂容之詩勝於文書勝於
詩康熙己未總督李之芳薦舉博學鴻詞以母老辭不
就生平足跡幾遍天下晚居東郊春酒堂時已倦遊會
有以非意加之者遂復掉臂入京鬱鬱成疾卒人以其
品格方之山陰徐渭或庶幾焉

貞羣案乾隆浙江通志文苑傳浙江采集遺書

春酒堂外紀

四四明叢書

約園刊本

總錄陶元藻全浙詩話阮元兩浙輶軒錄董華
鈞純德彙編俱采此傳

光緒鄞縣志傳

周容字茂三

全祖望撰墓文

一字鄧山生而慧甚芒刃四出一

應學使者試文筆奇橫能隲括春秋左氏傳使者驚歎
以國士遇之未幾以海上兵起容才爲世所急幕府羽

檄倚辦其手

徐文駒撰墓表

明亡後棄諸生

續者舊傳

於青雷山薙

髮爲僧其父涕泣勸阻

容自撰墓表

未幾返服

續者舊傳

酒無日不飲無飲不醉

墓表

白眼罵座世多方之徐渭不

知非其倫也始容未知名時爲御史徐殿臣所識掄揚

不啻口出續者舊傳至是殿臣避亂天童墓表爲士兵突至縛

之去眞平西將軍王朝先營索餉數萬不得囚水牢中

親友莫敢赴容故常往來海上諸營多相識者挺身往

請之謝泰宗撰鄧山傳言殿臣命其弟持贖金來竟

爲婦所阻容聞之扼腕歎曰人誰無緩急令危無

以扶吾輩他日何以見御史遂代朝先握手道故遽釋

其弟往詭名邦臣與墓文互異殿臣歸而部下大譁謂容受賂故來請將軍乃爲秀才

欺耶朝先遂發怒下容獄榜掠之容不屈賴座客方伯

呂萬旋吉救護得放還然容足由是躋嘗自笑曰吾今

春酒堂外紀

五四明叢書

且爲半人因別署躋翁案續者舊傳容蹤跡遍天下

所至皆有詩晚年已倦遊適有以非意干之者乃復出

門時里中吏大成官於京招容往已而有博學鴻詞之

辟朝臣爭欲薦之容以死力辭案曹志言總督李之

老辭不就芳薦舉博學鴻詞以母次年卒於京邸年六十一墓文案墓表

工詩兼善畫續香舊傳疏木枯石自率胸臆蕭然遠俗不拘

拘於宗法也畫徵尤工書法斂鋒芒於渾樸中不屑效

斌媚以取妍於人得其書者皆藏弄之若拱璧曹時謂

容之畫勝於文詩勝於畫書勝於詩蓋確評也全祖望跋周鄭

山墨 好談諧能傾一座嘗在閩中或以千金屬一事揮

去弗顧續者舊傳其卒燕邸止一僕介壽視其含殮墓表貴交

有賄介壽欲取其集以去者介壽痛哭持之得以無失

云續者舊傳

國朝畫徵錄

秀水張庚 浦山

周容字鄧山歙縣人明諸生入國朝不試其詩少卽見知於錢宗伯受之黃徵君太沖善書工畫疏木枯石自率胸臆蕭然遠俗不拘拘於宗法也容於滄桑之交嘗渡蛟門脫友人之厄幾死不悔康熙己未歲有欲以博

春酒堂外紀

六十四明叢書 約園刊本

學鴻詞薦之笑曰吾雖周容實商容也遂止所著有春酒堂集

貞羣案吳修昭代名人尺牘小傳彭蘊璠歷代

畫史彙傳秦祖永桐陰論畫附傳均本此

明文授讀小傳

同邑張錫珉 有斯

周容號鄧山別號擘堂歙人自幼穎異爲諸生有盛名鼎革初浮海急知己之難受刑跛足隱居不爲進取計遊於縉紳之間以筆墨自給倏而依阿倏而傲慢常使酒罵座又善哭叫號之聲驚動鄰里蓋不得志而猖狂

自恣者縉紳閒多重其書法鄧山自評謂字不如文文不如詩詩不如畫與范筆山夫子雪汀叔父友善過子家塾歡飲連夜醉中題詩畫兩壁又於壁上寫樹作直幹上無葉下無根但書天下事俱以不了爲妙在出人意表爲快耳晚年盡刪其酬應之作有春酒堂詩文集藏於家其詩情真氣厚稟酌風雅卓然自成一家人多傳誦之文集絕少繕本梨洲先生嘗覓之而不得近從友人處得文十餘首拔其裁衣者說燈蘭賦與其論詩論字書藝苑金鍼亦已和盤託出因爲補入惜乎未窺其全也

春酒堂外紀

七

四明叢書

約園刊本

周鄮山傳

鎮海

謝泰宗

時望

余嘗悲孫拯死於二陸費慈宰意又爲拯而死冀以鳴冤或有當讐玖而一啟其悟也若王回之於鄒浩李撝之於新興王晉徐晦之於楊臨賀是於事無補徒氣誼存雄發憤憑冒爲仁義行耳今周子所爲御史徐君事於二者何居御史居天童山下世家具宅也一夕爲潢池所攫至翁州勒以三千金贖家之人罄產授之三分券齒而有其二御史懇於暴者不腆介弟質於使者圖

歸而舉事暴不許御史謂弟在卽余在胞同天合在原之難彼此相急卽千金重貨哉林回何以棄璧而負赤子趨也暴信之輒命介弟來介弟欲來也介弟欲來而其婦不忍介弟來謂贖金安出矣御史聞之則改豸冠爲南冠傷禦侮之無其人矣周子鄧山扼腕歎曰御史千金能辦計以權一時之進退寧終相負哉胡爲同氣有異心也鵲鴿之章謂良朋徒抱永歎是五倫之義可廢硯北之交也人誰無緩急令危無以扶也吾輩他日何以復見御史君遂代介弟往御史名殿臣周子詭名

邦臣暴以爲真介弟也款如御史久之書浮沈也則疑而耳目之矣又久之何贖金無錙銖至豈其處乎必有以乎蓋遷延半載而情畢露弟爲隸人矣然猶冀御史敦朋友誼終不以財廢人也至於消耗絕而周子之辱可勝道哉比鱣笞撻其始也孟青之後加以炮烙兩踝骨見而斷矣至今周子以王駘兀終其身固有尊足者存也然初意豈至是哉當是時不知御史若忘之乎若棄之也何其弟婦逆料微中而阻遊子浮海之行若是乎智過周子矣設令周子弗爲代御史在暴者所贖金

莫至終當作何狀御史卽優游家食寧勿一念之哉周子既苦刑拷又飢渴莫援自謂必不起卽暴者亦以若終見擯於徐并非其所暱交可知我亦奚用此空質爲徒費敲扑無已時守者怠矣卽暴魁亦曰履艱涉險其弟實儉德自避有是周子不惜爲友代死有是御史不妨見金不見人亦今之罕覩者豈謂彼能以大誼自享者哉詢之爲博士弟子員試海天一幅圖詩有何處覓來乾淨土乘槎仙客好藏身之句暴魁奇之欲如高季昌於梁震故事周懼逃焉方周代介弟至翁州其髮禿

春酒堂外紀

九四明叢書

約園刊本

暴者怪之則曰欲爲徐鑣而不可得借頭陀鳴首陽志暴者爲真介弟所爲也卽有從者徐福偕君至翁發覺之日楚辭備至亦如君君令先逸以促贖物福曰某之知有主猶公之知有友也豈忍哉君以此益堅苦自矢不少屈云先御史得代而歸與君家人約千金爲壽君聞之曰吾豈以千金易一死者及君歸往謁御史御史慚愧謝徒有千金約矣君沒齒無怨言也今御史安在哉夫以君之爲質於翁非爲千金將以代御史之死而明其清白是孫拯等之苦心至於千金終莫能辦而徒

慷慨就義千里投荒爲知己受斃是明知靡益於事猶若誼不容解則王回李擒從井救人也君於二者何居焉於二者何居而兼有二者之事亦惟論其在我者耳君名容字鄧山博覽羣書千言立就嘗試全浙大考七篇悉驚人句不讓何涓一夕瀟湘賦也旣歸自翁遊京邸宗工哲匠尊爲導師幾欲凌班馬而塵視屈宋又嘗爲天童寺書華嚴經懸鍼倒薤蚊腳鵠頭七日就矣其行奇其才更奇今人以徐有貞擬御史以馬士權擬周子豈其倫哉

春酒堂外紀

十四明叢書

續圖刊本

酬贈文

與周處士書

長洲汪琬茗文

自足下初入京師卽聞韓武庫聖秋娓娓口足下不置已復遇劉刑部公勇於邸舍其向僕稱道者悉如武庫而又加詳焉僕竊揣此兩人者士大夫皆曰賢人焉其說必不虛且妄故願與足下相見旣見之後飲酒諧笑事事動人而獨未嘗告僕以古學者之道何也僕於詞章之學本無深解三四年以前氣盛志銳好取韓歐陽諸集而揣摩之日復一日漸以成帙當其快意之際舒

楮磨墨四顧無人亦若浩然自得於胸中者及其既成而復視之則後先舛互首尾斷續面且爲之忸怩而心且爲之愧悔者竟日夕不止蓋其可以示人者少矣集中所存皆忸怩愧悔之餘也不自意爲足下所闕見是宜如何規切教誨之哉今乃不然反用浮詞相推譽非僕所望於足下也虞仲翔有言得一人知己死可不恨僕交游衰少然於吳門得計子甫草於京師得梁御史曰緝今復得足下而三不可謂之孤矣前御史獎勵僕過當僕且信且疑退而復取韓歐陽集伏讀而深思之

春酒堂外紀

十一 四明叢書

約園刊本

未嘗不歎其才識之練達意氣之奔放與夫議論之超卓雄偉真有與詩書六藝相表裏者非後世能文章家所得望其肩項也於是僕之忸怩愧悔乃不減於往時益疑御史雖名爲知僕而其實猶未盡也豈知之而不以告告之而不以誠邪抑有所深愛於僕而掩覆其短邪此未易爲足下言也足下方以灑博之學曠達之思迥出輩流又能周旋燕趙齊魯吳越之郊所聞所見什伯於僕僕之待足下者與梁御史計子甫草無異幸示規切教誨之言勿更用浮詞云云也

酬贈詩

人日同閻孝廉爾梅紀處士映鍾陸處士嘉淑周處士容集龔尙書鼎孳齋中得人字

秀水朱彝尊錫鬯

汾東代北三千里惆悵花前四度春江左文章公等在燕臺風物客愁新賤題薛訪誇車子時命三歌童行酒歌許荆卿和酒人不是尙書期我數天涯淒斷此佳辰

曉過越城同周茂三

錢塘俞泰次寅

季春子偕茂三如甬曉舟過越於時煙波澹蕩

春酒堂外紀

十三四明散書約園刊本

畫閣簾遮偶有所感賦此

越城已被曉風開越水參差畫舫來櫓聲驚醒杜鵑睡紅露飲花花正醉望見朱樓薄霧凝楊柳叩簾渾不應高吟直欲喚龍起何不風雨海上去越城曉過凡幾人後世應知我與君

送周茂三之吳中

俞泰

送君蘇郡去春色照離時履跡多情想吳宮懷古詞山川應有待煙月早相思日暮湖中泛吹簫任所之

遊金陵留別甬江周茂三時茂三方客蘭陰歸

俞 泰

仗劍已欲往臨歧復屢看雖然壯志重其奈別離難蘭
浦君方至江樓歲近殘徘徊終自去今夜北風寒

自武林同周茂三如四明旋獨歸武林茂三有孟

夏來遊之約賦此寄之

俞 泰

同旅費評詠獨歸憶舊吟江流有廣狹海勢自深沈離
別交情識馳驅世路禁來期知亦近不遣白雲尋

暮春卽事和周茂三韻

俞 泰

鷓鴣人語畫樓東春色將歸柳絮中梅子青衫愁試雨

春酒堂外紀

十三四明叢書

約園刊本

櫻桃醉面怯經風曉晴燕去簾知放晝暖蜂來窗欲通
偶到湖邊一望綠中原有麥爲誰豐

時汴梁已陷

貞羣案茂三原詩今佚

寄四明周茂三

俞 泰

茂三秋盡歸甬今又歲杪矣流寇東掠江右兩
湖震恐天下有不可知之慮吾黨可無相勉哉

因賦此贈之

詩成不敘別離情天下方艱寄勉卿臘盡雪霜寒正甚
春來風雨夢多驚莫甘小草隨時出應固東山待世平

聞說持觴恆日夜古來避亂有劉生

山寺懷周茂三

俞泰

白日忽已夜山空自寂然隔溪將渡月遠岫欲來煙歸
暗樵呼急炊遲野火懸心閒恬久坐神靜悟無眠交友
非常事懷人期足傳其餘不敢憶天下獨君賢

每逢山水處吟歎卽思君月立泉邊石風扶松上雲夜
深燈欲澹山寂響如聞世亂尋奇士懷憂讀異文天涯
魂屢合日出海波分

甬江浮橋月夜

俞泰

春酒堂外紀

十四四明叢書

約園刊本

時三月旣望與周茂三醉後步橋上慨然長嘯

因口占

夜空江愛月山掩雲不歇獨立橋上人浩懷納超越

彭城署中讀鉅鹿楊且亭先生刻詩愴然有懷并

寄周鄮山

俞泰

黃河春欲暮客思杳無邊官署冷且靜聊閱亂簡編忽
見先生詩不覺心愴然一讀一歎息再讀感纏綿翻覆
屢讀之流涕掩卷焉記昔庚辛際先生在西川寄書八
千里其意殷且專薦人不使知鄭重書便便士固感知

已刻骨意不刊茫茫視一代如公真大賢本期黃閣輔
乃作玉樓仙才名堪不朽千秋自與傳獨慚無以報飄
泊走歲年著書猶未就詩酒嗟流連掩卷復開卷起看
明月天安得共周子一話夙昔緣

爲茂三錄別和劉公猷比部松下飲酒四詩韻

合肥 龔鼎孳 孝升

四序日遷移游子悲他鄉棲棲窮林鳥欲去仍回翔故
人好顏色北風不能涼疇昔青松陰月出皎夜光持觴
坐空階歡若登我堂良會不爲樂憂來知何方地偏偶

春酒堂外紀

十五 四明叢書
約園刊本

荒宴無用譏太康不見江海間旂旒方央央

幽人扃林樾吾亦臥河濱相望不相見闊絕動經旬車
騎盛宛雜顧視多路人朱門深九重各愛千金身白首
疲津途鞭策亦已勤安得萬里客託好恆比鄰言歌紫
芝曲載拂溜衣塵綢繆踰親串誓願無離分鬱鬱隄上
柳攀條行復春古來寂寞士名姓垂空文何如學飲酒

浮世聊自珍

劉生理朱絲當風再三歎

謂公猷也

長嘯懷蘇門退征縱雲

翰丈夫欲行意仕宦終饑寒吾衰亦已甚刺促長抱關

執鞭苟可求爲謀寧不殫感君布衣士介節良獨難
耕以爲期且盡今日歡

浮雲散長坂白日何皚皚聞當遠行游層城澹清暉
別離豈不苦羨子先還歸駐馬立高原塞雁參差飛
回首松間樽歌呼安可論

送四明周茂三之金沙

仁和 王典 備五

天下才有數古人多齊名傳世自可感豈必與眾驚
知子已數載相見心卽傾此豈古所易況於今重輕
春風吹客路多病心崢嶸留詩題別業花影較昔明
雙棹過吳水落花流有聲

春酒堂外紀

十六 四明叢書

約園刊本

送茂三北行

王典

八月秋風颯颯起知君遠行非得已十年不向長安城
一朝忽渡黃河水回念山田草易荒蓼裏親顏憂與喜
賢者之意各有爲不必迂疏舊行止隱忍本無用世懷
天涯霜雪營甘旨與君交好半名流猶未識君心若此
野村池畔多桑枝君常共坐明月時作詩送君屢不就
君行何可無余詩古來壯士縱慷慨淮水圯橋良足師
秋風既過春風生明歲江邊須蚤畊

周茂三張章友將有北行馮道濟亦至

王典

平生好友周與馮皆生四明山水中張子定交雖不久
垂髫吟誦周生同去年周生客湖上頽然獨醉雲山楓
歲暮霜雪來道濟兵騎雜沓游興窮我今閉戶掩書卷
起看鶯燕飛東風故人迢迢不可見夜待明月昇天空
夢中握手曉相見喜極頓覺開心胸人間出處誰從容
或南或北各可從燕都本是舊遊地了指顧西山峰
乘時守道各自致特達不足慚英雄故鄉貧賤胡足樂

春酒堂外紀

十七四明叢書
約園刊本

如我抑鬱心忡忡便期痛飲羣仙宮山頭尙有花開紅

茂三來泉上

王典

山深春自靜不意故人來芳草猶無影梅花正亂開詩
書難易世天地久忘才待月沿溪去聽泉夜未迴

懷茂三

王典

君去將三月驅馳道路中心多驚落日愁重畏秋風岱
岳開文字齊梁憶戰功塵埃搖落處身世兩怱怱

懷茂三桐園

王典

君住桐園我入城一月不見心中驚亂離書何日畢

烽火作客誰能平夏至雨多河水滿伏前陰動夜寒生
遙思荒徑行吟際夕照蕭蕭竹柏聲

過柏友堂呈茂三次寅備五

錢塘湯煥劍佩

病久不到此懷君策杖行野因天愈闊月爲客來明王
伯偶然事英雄不盡成無端多感慨今古一書生

愬愬風雨內不信已春殘昨接故人札始知花事闌誓
言日月改莫作尋常觀遙指堂西柏相期保歲寒

骨肉爲師友王生三載餘見懷多筆墨知不棄蓬條牢
落羞言命窮愁懶著書區區無限意惟子應知余

春酒堂外紀

十八四明叢書
約園刊本

一身已至此歌哭總非情天不容余死世多嫌我生文
章原有數忠孝豈求名浩浩天涯內江湖約遠行

酬王備五兼詢茂三

仁和陳祚明胤倩

久客燕山故舊疎鄉關兄弟少來書相思奇士無逾爾
肯寄新詩一起予粟里荒園疏把酒蘭亭勝集憶聯裾
因酬好句懷周子重繭還家竟把鋤

感周鄭山贈郁素修篆刻圖章歌書其後

同邑王應玘刻公

篆刻圖章古意譎當時取信按兵戈虎節分符佩記驗

文字故從正面多秦漢已來興印色印行譯作反手迹
纖巧配搭山此生精工華美忘開闢乃至今時尙奢靡
人情莫不趨花綺絢爛光怪豔陸離鐘鼎尊彝石鼓文
嗟嗟古道於茲誰復理周生雖識何長卿此時猶有文
壽承前代豈無文何師妙手何曾有盛名賈豸趨時筆
墨賤賤工良工於是見隸書篆跡秦已亡滄海桑田時
刻變嗟嗟此後顛連無有限

寄周鄴山燕中二首

同邑 錢肅圖 筆一

與君抱苦志弱年事幽討不輟少陵篇傷其值天寶舉

春酒堂外紀

五十四明叢書 約園刊本

世工謠詠操行實塵表鳳輝何寥寥江流自浩浩沈縣
三十載悽惻負霜草日月還丹遊踴躍頭白早忽忽不
自得沾灑仰蒼昊春風被郊原跂足豁懷抱還奏邱中
琴永念慰衰老

江總避侯景遇難年二十歷仕陳與隋初終異一節與
君涉憂患艱虞難具述天涯走饑寒世路窄於蝨雙睛
目炯炯暗如坐漆室能言未爲瘖亦重固其舌愚誠類
夸羿讒擯豈深屈君才萬流輩雷電閃胸臆詎乏斯人
幕同車異轍迹感余飄泊來偃蹇身世拙長愧生偷存

敢辭壓糠覈白髮幸相見精誠眼未閉茫茫痛前賢
化爲異物卽此風日美相期歸種秫

寄懷周鄭山

錢肅圖

不妨晨夕閉柴荆年老愁聞隔歲行數十年間長道路
幾千里外誤聲名酒呼小港河魚近眼對一村秋樹明
一二三四言盡合酒四小港河魚近眼對一村秋樹明

短歌示甥周谷

范洪震

山則鳳兮水則龍吾與子兮俱懂懂

喜茂三和尚歸二首

同邑 徐殿臣 玉清

琴西堂外紀

三四明叢書
約園刊本

忍憶何年別歡聞此日歸不堪重見面非復舊時衣天
地寸心在江湖百念違可知蕉萃盡惟有泪痕肥

無望空山雨孤雲况復歸相看矜道貌回想誤儒衣白
髮人將老青天夢屢違何當來話夕秋半茗初肥

茂三示感懷詩步韻

徐殿臣

往往誤所聞不分歲已夕此夕殊笑人何日行胸臆庭
松大於椽亂後手自植但有天相存支離正難測譬之
煙雨時推窗忽晴色

貞羣案茂三原詩今佚

簡茂三遠歸

同邑
董隆吉 長卿

八月佯狂侶澤漁一舟輕浪賦歸歎不聞宇內王前蠅
何意蘆中客渡胥應有紀詩仍作歷可曾憂國卽封書
韶光正及同垂袂爲報前山梅放初

沈哲先下獄後茂三有志士羞三義之句慰之予
亦得二絕句
董隆吉

報君甘忍辱念母強言誣天意或有待孤臣且暫逋
自念竄非罪相看半是俘莫須恥刑僇英布起黥徒

貞羣案茂三原詩今佚

春酒堂外紀

三四明鏡書
約園刊本

雪齋夜分候王水功周鄧山不至

同邑
錢豹 文蔚

錢湖如畫映秋空昨約城西紅雨中浪急風高舟不渡
任教明月照青松

寄鄧山

同邑
張鷟 章友

朔風十月遊子寒傲裘增結行路難長天過雁落汀沙
曉向南雲發羽翰鄉書喜接平安字分明細數征途事
古人負米百里餘甬山何意災禔至咄嗟高堂雪滿頭
君亦胡能守林邱村東野老驅耕牛預卜溪田歲有秋

蘇門春色毋淹留咄嗟高堂雪滿頭

飲周鄧山春酒堂

張鷟

晴光開野外春亦喜君歸親病初能酒天寒頻問衣梅
芳當曲徑客至及朝暉欣賞悠然遠行雲起翠微

別鄧山

張鷟

每喜扁舟至山樓話日移鄰人多問字徑鳥解題詩約
爲尋花密歸因戀酒遲依依傷別袂寒月照相思

寄鄧山

張鷟

七里橋邊水春溪雨後通著書枯百草抱志貫長虹親

春酒堂外紀

三五四明叢書
約園刊本

老驚時亂家貧恃歲豐定知新釀熟萬感一杯中

寄周鄧山

張鷟

晚鴻天際落汀沙望入孤村處士家風力何能欺阜帽
詩心只自對黃花江城負米歸潮急野畔呼耕過雨斜
曾約春風乘興至寶林不改舊年華

鄧山至

張鷟

蒙陰遙憶郭西村肅肅霜華照淚痕薄酒耐寒剛瞬息
蹇驢覓店各黃昏故園雨洗風塵夢昨夜春生薜荔門
欲訂漁舟千古約追隨應許問桃源

喜鄧山至小扶亭

張鷟

昔年分袂甬江濶，離緒猶傳紙上吟。
千里笑談疑入夢，一庭絲竹悟知音。
天心惜別留風雨，驢背關情在古今。
何日東皋歸握手，芒屨藜杖遂幽尋。

答鄧山問梅花消息

張鷟

村深風雨到西鄰，昨夜晴光過水濱。
卻羨老梅心不競，一年寒盡不知春。

亂後寄慰鄧山

同邑
史大成 及趙

亂餘多歎息，翻爲爾軒然。
辛苦青氈盡，艱危白髮全。
故

香齋堂外紀

三五四明叢書
約園刊本

人分半菽游，子恃蒼天消息知。
曾到歸期莫屢遷。

過周鄧山宅次入山不果韻二首

釋德介 于石

溪雲如有期時與梅俱白，清風掃不開正可放遊屐。
寂寞寔想伊人負卻寒葩，芭碧難辭笑白雲懶作山中客。
初霧飽寒光徐行尙未莫，遙望春酒堂杖履識村路欣。
欣三徑開自出平原步，竹影亂疏籬登樓慰余住。

貞羣案鄧山原詩今佚

答鄧山寄懷韻

釋德介

與鐘同起與鐘眠別卻君來二百天朋舊無多幾健飯
弟兄應愛各逃禪得相忘處堪留錫可問津時便買船
自信名山筇底事長隨月影缺還圓

過春酒堂看梅

釋德介

頻過七里寒梅下今索巡檐花正芳清影自然幽夢穩
素心誰謂野人忘山川處處從前老風雪年年覺後香
春酒堂間共歡笑竹松無恙色蒼蒼

送鄮山居士北行

釋德介

聞君行薊北我亦爲君思家有高堂在寧忘春酒時山
深雲自遠松靜鶴還隨好待梅花發遙寄一枝

春酒堂外紀

三四四明叢書
約園刊本

同鄮山游桃源洞

釋正昇

華頂千峰僻溪深不見村紫霞封石洞清露溼苔痕但
有花光媚都無人語喧提攜因選勝不作醉桃源

擬薤露詞

全祖望

陷虎穴

周徵士救友

鄮山徵士救徐御史事兩漢人物方有此耳
士爲知己死女爲悅己容感懷我友急敢思虎穴凶果
然需于血踉蹌稱蹙翁吁嗟世教衰那得高義薄穹窿

防風有一節足見百體豐長吟老婦詩敬謝翹車弓脊
風呼獨鳥秋霜鳴九鐘

聞周鄧山沒於京師

錢肅圖

舉世眞同痛斯人不可無存亡關氣運喪亂老泥塗不
涅猶謠詠傷心到穢蕪經年寒苦地何事尙飢驅
牢落乾坤大難容出處心明時猶感激老去更浮沈文
字千秋見光芒五岳深山陽何處是不分寂人琴
衰世悲麟鳳艱虞滿一身經綸飽空寂著作起沈淪幾
有徐陵累偏憐穎士眞同心凋謝盡長慟最沾巾

春酒堂外紀

三五四明叢書
約園刊本

鶴鶴方得地鴻鶴竟安如一代風流歇東山巖谷虛苦
辭宣室召誰問茂陵書豆蔻吾將老班生空舊廬

董岳堂翰至云高隱學周鄧山李杲堂相繼逝世

有吾黨風流頓盡之語以起衰見囑賦答二首

錢肅圖

眞是斯文喪同趨數載間向禽留故國圖偃老殘山並
與耆年重何曾六十慳賸餘眞著作長得在人寰

隱學
年六

十有五鄧山年六十有
一杲堂年五十有九

患難餘衰息曾親作者壇嘗因論社稷不薄在飢寒短

日隨流水歸溪憶釣竿斯懷長不遂祇是任風湍

悼鄧山

錢肅園

只在乘舟七里間不教白髮臥東山風流詞藻終驚眼

贏得詩文未賣還鄧山距子家七里沒於京師有欲撰其遺稿者出百金其僕堅不與

哭周鄧山五十韻

張鷟

生豈終長夜人誰足大年獨君能邁俗於運實關天瑣
子驚奇骨兼行閱眾編繞廬凋草木吐氣結雲煙開闢
窮玄悟典墳廢舊詮機非由腕下巧乃授生前才遂超
千古學如匯百川姓名元老慕詩賦小兒傳醉或呼張

春酒堂外紀

三六四明叢書

約園刊本

旭愁來做鄭虔寓懷偶染翰得意盡忘筌逸韻猶轟耳
高牆詎及屑閒居培翠藻過客拾香衿屢滿馬融宅車
交杜甫塵門安可署鳳社卻弗登蓮尙友期諸葛解紛
快仲連甲兵當鼎沸冠蓋似眉燃諾靜波濤勢膽爭虎
豹權冥情塵路暗寄輿物華妍業以芸窗貴時當石隱
賢家貧謀負米臂脰怯揮鞭貂敝因經洛歌酣會入燕
汀流一線引陌柳萬絲牽聞說多魑魅徒勞羨偃佺始
知蒿里近原屬冀城邊有請應辭禱雖危不受憐短章
詞自祭永訣證難痊五丈咨星隕少微妒月圓讀書真

絕種瞻岱竟崩巔後死文茲在莫容理信然吾儕深隱
痛斯道遂黃泉憶昔縑緗共挑燈風雨聯趨庭爾矻矻
立雪子拳拳志每欣攻玉身今悔墮淵肯傷凝碧詠每
撥剡溪船投契形骸外析疑楮墨先茶鐙同試火蘭市
五分錢鳥語留吟座松窗恣醉眠幾番商卜築是處託
耕田離索聊堪此叮嚀各勉旃飄零浮斷梗清切抱孤
弦珍重憑金鐙殷勤附錦箋訂隨鴻浩蕩歸對景嬋娟
土冷埋荆璞春殘集蜀鵑無方縮異地餘淚滴新阡空
寫哀言積奚昭大節全蒼旻遙欲訴胸臆恨仍填血灑

春酒堂外紀

三七四明叢書

約園刊本

蒼花砌雷奔織女躔鸞嬌揜繡譜驥弱守遺篇扶藜艱
辛去招魂縹渺還依依心未逝皦皦日常懸

酬贈詞

金縷曲

朱彝尊

同周鄧山陳胤倩飲嚴太僕齋中醉賦

滿目悲秋賦悵征塗衣裘盡典酒錢難數賴有城西嚴
太僕肯與荆高爲伍拌痛飲忘形爾汝客罷長齋如泥
慣更孟公投轄多豪舉觴百罰氣如虎 天涯幾得良
宵聚憶連年東西吳越後先齊魯主便不留賓也宿何

况留賓不去任醉尉頻訶歸路我困欲眠公莫笑聽街
頭遮莫瑟瑟鼓還坐起爲公舞

聲聲慢

張鷟

江樓同周鄮山讀書處

千年名勝一代文章堪盡今古風流喜對海天萬里蜃
吐瓊樓閒修茅廬數畝視池中綺散霞收問韻頗有匡
山書卷灑水詩籌 志在日星河嶽且長嘯高臥煙雨
綢繆龍戰初酣欲續半部春秋但從無字記起又都成
隔渚猿愁松窗晚倚斜闌頻看吳鉤

春酒堂外紀

手八四明叢書
約園刊本

叢談

題曉山集周鄮山傳後

同邑 林時對 璽菴

昌黎誌子厚不諱與王叔文交好而於以柳易播一事
咨嗟愾歎謂爲人情所難蓋瑕瑜不掩直筆始可傳後
今讀鄮山傳如寫照添毫并其人之精神畢現鄮山一
生恃才傲物跡弛不羈之狀呼之欲出真可謂繪影繪
聲矣至用筆之妙精警生動得龍門扶風之髓必傳必
傳

貞羣案董曉山劍鐔有墨陽集傳本頗妙無從

采訪

周燮堂事辨証

全祖望

徐都御史心水之被拘於海上也燮堂以知己之感挺身救之請代拘而遣心水以餉贖心水既歸所許餉不償諾燮堂以是受拷足爲之蹙有爲之釋言者始得脫心水深慚負於燮堂及相見燮堂無怨言踰年心水死燮堂以詩挽之極哀君子以是歎爲不可及吳農祥妄言爲燮堂以受拷故凶終於心水是未讀燮堂之詩者也農祥自居於燮堂生死之交謂當燮堂臨歿時親呵

春酒堂外紀

三九四明叢書

約園刊本

護其集以歸其家而謬戾至此且燮堂以戊子救心水事畢卽歸而農祥謂在辛卯翁洲破後者尤非也農祥所作擬史諸傳如朱孩未章格庵張蒼水事大半舛錯全無攷證然猶可曰此皆前輩巨公故不免耳視而目聽若燮堂則既冒託於生死之交而亦從而誣之郢書燕說不幸而傳則文獻之禍也已

跋周鄧山先生墨蹟

全祖望

鄧山先生之書博觀諸家略迹取神藏鋒銳於渾樸之中論者以爲先生之畫勝於文詩勝於畫書勝於詩蓋

確評也予謂如先生之書方可當雅健之目

續甬上耆舊詩題辭

全祖望

先生自言文不如詩然其犀利處極可喜且有關係惜其翁洲死事諸公傳不可得見予故錄其最工者三首

貞羣案續甬上耆舊詩所錄鄧山文爲趙文敏

公漢書記淨光杯記巾子岡記三首

先生論詩以爲千古來屈大夫杜拾遺後鄭所南有其性而筆墨鹵莽於大雅無當此乃先生所以默自位置知此乃識先生與楊猶龍輩唱和之作非其性也所謂

春酒堂外紀

三四明叢書

約園刊本

委蛇索食者也

甬上族望表

全祖望

東臬七里周氏去城七里故有此稱詩人容一望

桐陰論畫

無錫秦祖永逸芬

周容逸品

周鄧山容疏林枯木自率胸臆蕭然遠俗曾見扇頭一頁淡遠空靈山石陂陀隨意鉤勒皴法雖簡略而神氣極渾厚似有一種天趣飛翔其靈氣在筆墨之外也畫到如此境界便不爲蹊徑所拘空諸依傍

雜錄

歎譽贈俞次寅

常熟錢謙益受之

往余讀明州周茂三詩歎其如獨鳥呼春九鐘鳴霜近代才子無出其右已而羣公歎茂三者皆以余言爲然今年偶遊錢城有人告我曰杭越之間羣毀茂三以爲其人可殺而詩可放也眾怒洵洵將及子子其戒之或又曰吾子不自量採列朝詩結彈斯世之所謂宗主者雜然欲殺而以茂三爲頓刃茂三懼殆將迸子以自免也錢塘俞次寅者茂三之友也次寅詩名獨噪於杭越

春酒堂外紀

三四明叢書

約園刊本

間相與斂手推服無異詞夫次寅茂三皆余之所歎也今也毀一而歎一譬諸焚芝而樹蕙鍛鸞而巢鳳斯人之耳目已貿易不能自主矣而又何以方人所謂兩口而自嚙者也不見次寅久詩益奇其得意處有抉舌錐沙崩崖倒峽之勢由次寅觀之茂三所就當益奇此二子皆腰下有骨豈怵於羣飛刺天迸人以祈自免者耶蘇子瞻有言士如良金美玉自有定價豈可以愛憎口舌貴賤之余自放於空門老而無徒然不能無空谷似人之喜今得見次寅猶見茂三也於其別作歎譽一篇

以詒之并以詒其徒王備五馮道濟者共爲歎息也

俞次寅先生小傳

節錄

錢塘

王廷燦 孝先

俞次寅先生名泰杭郡庠生性聰敏讀書一目數行下好爲詩時西泠諸子引商刻羽語語追摹古人先生獨自扞胸臆形其感懷怨歎不屑一字寄人籬下人推其才先生亦以才子自負好酒無日不飲飲未嘗不醉人稱爲酒徒晚更佯狂罵世不拘拘繩墨人又目爲狂士先生不自諱爲狂也所遊皆知名士尤與四明周茂三同里湯劍佩及余先大夫友善周先生客太原先生同先大人斂金數十兩命其弟湘迥走四百里貽其老親湯先生歿越三十年出一帙封識完好題曰亡友湯劍佩遺詩付湯先生子慶民刻之以傳

慎齋詩存序

陳祚明

西泠固多詩人自余十七學古詩與柴虎臣紹炳陳際叔廷會毛馳黃駉相唱和其後五言古好胡彥遠介章蘇州韓退之之體愛章淇上士斐近體愛嚴顥亭沆而四明周茂三容來遊吾郡獨與淇上交莫逆余益嗜其古文大小篇各體詩歌西泠諸子引商刻羽語語追摹

古人而彥遠茂三間或自抒胸臆形其所感懷怨歎予
並愛好之不能置也逮余遊燕山交遊日益眾覽觀四
方賢大夫士之所論著日益多然彥遠茂三先後曳裾
三條廣陌間公卿重其名不下陳子昂李白語曰閉門
造車天下合轍人賞識予奪寧有異耶王備五典顯亭
內兄之子日與茂三淇上昵夫入芝蘭之室與之俱化
備五之似茂三豈顧問哉壬寅春將治裝北上梓其詩
以爲贄而乞余敘之夫都門縉紳先達閩人夥矣操衡
尺而別低昂其識鑒審矣懷千金之璧而先售其一如
有所復進而肉好光澤與曩者從同同則不俟侔色叩
聲而價大定今誠如茂三者卽可以知備五參之伍之
豈直優孟之類叔敖已哉余里中能詩者西泠十子以
外張又兢兢光稱先輩斐然大雅材也徐武令汾巖方
貽曾渠名父子能嗣其家聲吳雁市秋爲淇上入室弟
子查繼侯聲止俞次寅泰與備五一吟一嘯力敵茂三
雁市方在長安人都知之今備五又往西泠之風概可
視矣

徐都御史殿臣原名之墀至省試始更名字玉清一字心水刑部郎承烈之子崇禎七年進士以行人擢試御史南京繼陷破家輸餉召爲右僉都御史不赴已而奉父入山海師闖入內地縛先生去置水泡中索餉數萬幾死賴故人周容以免先生雅稱周容之才卒以是得其力

張神木鷲字章友學者稱爲補堂先生少名行格與周丈鄧山讀書江城其才相埒會遭國難不就試更名潛字又陶遂將隱矣是時吾鄉遺民極盛寓公亦多先生

春酒堂外紀

三四四明叢書
約園刊本

與之唱和自題其私印曰短衣孤劍客乾坤所爲詩皆學杜陵青坂陳濤一種其受業師邵輔楨老儒也曰周生當以山林老張生恐不免耳時人未之信也已而先生果以母命不得自主出補諸生舉順治丁酉秋試再中南宮副車知神木縣

史侍郎大成字及超一字立庵公與同里周容戎駿聲最厚己亥城東大亂容方遠遊公正里居所以恤其家者備至駿聲卒於京公爲之殮

與劉超宗書

節錄

太原閻若璩百詩

安得將杜于皇濬闔古古爾梅周茂三容姜西溟宸英
彭躬庵士望邱邦士維屏顧景范祖禹劉超宗某願寧
人炎武嚴蓀友繩孫彭爰琴桂顧梁汾貞觀一輩數十
人盡登啟事齊集金馬門真可賀野無遺賢矣不肖雖
旦夕填溝壑猶含笑也語出血誠至性非汎汎故并錄
聞

閻潛邱年譜注

平定 張 穆 頤州

周茂三容茂三亦作鄧山明諸生善書工畫著有春酒
堂集梨洲弟子也申臬盟贈周太望先生序茂三曰吾

春酒堂亦記

三五四明叢書
約園刊本

父服貧積學知天下將亂抱道絜身所以教兒子輩者
不嘖嘖於纓組田宅而余裂冠爲浮屠放形方外爲里
人所匿笑實以承歡耳云云

鄭寒村年譜

慈谿 鄭 勳 簡香

康熙五年丙午公三十歲仍館鄞郊又識萬布衣允誠
與談詩者周茂三錢聖月二君

壽昌禪堂刻周鄧山文集募簿序

蕭山 毛奇齡 大可

甬東周鄧山以能文稱海寧查孝廉嘗爲予言之予時

求其文不可得既而予出走四方不相見而歿實不知
其人之學之果何等也壽昌菊禪師與鄧山舊將勸緣
於人而侵其集以行於世夫釋門空空每欲捐所有以
益所無然不過以虛化執以福利化仁謂佛家緣業如
是耳從未有爲儒門作檀那者夫吾儒爲文嘔出血
原與釋氏之攻苦鉗錘爐烙相去不遠而乃篇殘簡脫
輒共燎草爲灰滅則雖慈海相息者亦且並生其悲憫
之心而况居同方而行同倫其爲鄧山所生平當不止
查氏一孝廉已也菊師居壽昌曾得天童開山塔而重
爲新之其作佛門之旌幢者已非一日今復爲是舉吾
方慶吾學之窮有旃檀海矣

募刻法華經疏

釋德介

夫我薄伽梵之闡化也爲一大事因緣故出現於世廣
演三藏十二部中惟法華最上一乘所以經云深固幽
遠無人能到此實難信難解不可思議大解脫法門也
誠末世之津梁迷途之慧炬故能威揚沙劫化被塵區
破煩惱之賊詎藉干戈壞生死之軍惟憑法力可謂巍
巍乎其有神功蕩蕩乎而無能名者茲因里中名士鄧

山周子智通釋典敬寫蓮經法右軍做北海慮薦福之
雷轟恐黃庭之鵝換今欲壽梓俾廣流通祈達官長者
大家擔荷或唱或和或自施或勸助共植無量功因庶
得兩嚴具足故如來偈云隨宜方便事無復諸疑惑心
生大歡喜自知當作佛則知斯刻之功將浩劫而無窮
直使人人見佛物物明心隨順方便之最上第一義諦
不可思議之大解脫法門也謹持方冊是爲勸助

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約園刊本